



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



R. 5126

# HIEREMIAE

THRIVERI BRA-

CHELII NOVI

ET INTE-

GRI

COMMENTARII

in omnes Galeni libros de  
Temperamentis.

\*




Lugduni, apud Godefridum & Mar-  
cellum Beringos, fratres,

M. D. XLVII.

pare  
cemeque  
este es

quene  
y deci

alme. soto que es  
cribio  
grandes  
volumi  
nes  
muy es  
timado



## R E V E R E N D O I N

CHRISTO PATRI AC D. D.

Nicolao Spirano, Abbati Grunber-

gensis religiosissimo, Hieremias

Thruerus Brachelius

salutem.



**E**XACTI sunt anni plus nōis-  
 nus duodecim, reuerende in  
 Christo Pater, cum Galenum  
 de Temperamentis in gratiam  
 studiosorum rei medicæ publi-  
 cæ profiterer. Frequentes quidē, ac non indiligen-  
 tes habebam auditores: qui discēdi auidissimi,  
 quæcunq; à nobis affatim in enarrādo effunde-  
 bantur, calamo, ne quid memoriā præteriret, ra-  
 ptim singuli excipiebant. Verum tamen inter  
 hos fuerūt nonnulli plus nimio mei studiosi: qui  
 opere absoluto, ex diuersis schedis simul collatis  
 Commentarios consuerunt, meoq; nomine in-  
 scriptos Typographo cuidam Antuerpiensi, me  
 inscio, excudendos tradiderunt. Hic sanè plus  
 priuati commodi, quàm publicæ utilitatis cu-  
 pidus, perplexos illos, & imperfectos, ac incom-  
 positos, maleq; consutos statim prelo commisit:  
 excusosq; diuersis locis distraxit. Quod quidem  
 quàm egre tulerim, uix uerbis consequi possim.  
 Quid facerem? silendam musandamq; hanc  
 iniuriam duxi, atq; nothæ illius editionis eucna



tum expectandum. Paucis autem præterlapsis mensibus, literis hinc inde ab eruditis uiris missis, cognoui quosdam illorum Commentarios illos uerè quidem meos fuisse putasse, sed Typographi negligentia uitiatos atque deprauatos: nonnullis autem (ut qui naso erant sagaciori) statim suboluisse, omnino supposititios, minimeq; domi nostræ natos fuisse. Hi frequentioribus interea literis, ac precibus, ne dicam conuitijs, usque efflagitare non cessauerunt, ut genuim nos integrosq; in lucem emitterem. Quibus ut tandem morem gererem, nō inconsultum uisum fuit, adulterinum illum fœtum domum recipere, ac quod urfi solent, sæpius lambendo omnino reformare. Totos demū hos Commētarios immutatos, multisq; modis auctiores, ac mendis omnibus repurgatos, quàm castigatissimè in publicum euulgandos Beringorum fratrum fidei commisimus. Tibi uerò, reuerendissime Pater, eos potissimum dicatos uoluimus, ut qui præter alia literarum genera, Philosophiæ ac præsertim Medicinæ studia non solum reuerenter colis, sed etiam plenissimè exactissimeq; tenes. Precor ergo ut in pulcherrima tua bibliotheca, quā in dies magis ac magis exornas, his saltem infimum locū concedas, nostrisq; studijs etiam atq; etiā patrocineris, ac lōgo tempore nobis ualeas. Louanij III. Nonas Ianuar. anno à Christo nato M. D. XLVII.

# HIEREMIAE

THRIVERI BR A-

CHELII COM-  
MENTARII

IN

LIBRVM PRIMVM

GALENI DE TEM-  
PERAMENTIS.

\*



ONSTARE animalium corpora ex calidi, frigidi, sicci, humidiq; temperatura, nec esse horum omnium parem in temperatura portionem, demonstratum antiquis abunde est, tum philosophorum, tum medicorum præcipuis. Diximus autem & nos de ijs, ea quæ probabilia sunt uisa, alio opere: in quo de ijs, quæ Hippocrates constituit, elementis egimus.

ELEMENTVM minima cuiusvis rei compositæ pars est. Et præstiterit fortassis non quidem minimam, sed simplicissimam rei portionem elementum dicere. Etenim minima cuiusvis corporis particula ex ijs componitur, atq; in hac demum distinguitur. Non confunduntur autem duntaxat in mixtis, sed & in uni-

uerso singula seorsum conspiciuntur, extrema quidem aliqua ex natura, sed diuersa qualitate dotata: ignis caliditate, aër humiditate; aqua frigiditate, terra siccitate. Igitur quatuor quidem ea fieri oportuit. Nam unum sua irreprehensibili qualitate omnia uertisset in perniciem. Id uerò cōiunctis uiribus magis potuissent duo, fortassis ignis & aër. Nec melius conuenissent ignis & aqua: quippe horum maior est controuersia, quàm qua diu potuissent perdurare. Tertium ergo quasi sequestrum aërem natura interiecit, cuius humiditas aquae, caliditas igni grata esset & affinis. At iam periclitabatur aqua genuina frigiditas, duobus elemētis calidis comparata. Itaq; quarto loco terram adiecit, nō (quod rudis aliquis putet) ut hominibus tantum sedes esset: sed praeterea ut reliquorū duorum caliditatem cū aqua sua frigiditate temperaret, atq; eorūdem uim in ijs inferioribus coereret. Simili ratione ignis cælo subijcitur, tametsi sensu nō deprehenditur, ut nunc è contrario ipse cum aëre reliquorum duorum frigiditatem extenuaret. Prudenter ergo natura non unum, non duo, non tria, nō quinq; sed quatuor elementa dissociata locis, discordi pace ligauit. Eadem prouidentia usa est, dum terram deorsum, ignem sursum tulit, aquam & aërem in medio suspendit: quippe aqua maior cōtrarietas, quàm qua igni coniungi poterat. Ob eandem causam neq;  
terram

terram aëri commisit, sed aquam inter utrunq;  
 discreuit. Etenim locorū interualla iuxta qua-  
litatū discrimina distrahi oportuit. At de quali-  
 tatibus ipsorum alibi in quodam seorsim illis di-  
 cato opere diximus. Nunc enim eas tanquam  
 demonstratas recipere est necessum, quarum per-  
 missione temperamenta cueniunt. Quod autem  
 unumquodq; elementum singulorum mistorum  
 generatio requirat, iamdudum Aristoteles di-  
 xit, & reliqui ab eo acceperunt. Tenuis tamen  
 illius rationes, & quas morosus facile contē-  
 mnet. Tales etiam sunt quas Physici adiiciunt.  
 Nam ratio, quæ ex siti & fame sumitur, duo po-  
 tius quàm quatuor elementa in animali sup-  
 putat. Urget magis Galeni ratio, quæ unum-  
 quodq; ex elementis quatuor generat, quod nul-  
 lum cōcretorum simpliciter aut in summo qua-  
 litatem obtinet. Proinde nec syncerum, sed ca-  
 lidum frigido, humidum sicco in ipsis mistum  
 cōtemplari oportet: atq; hæc ratio generalis est.  
 Specialis uerò est, quæ sumitur ex differētia par-  
 tium. Nam pro diuersitate munerum suorum  
 aliæ calidæ, aliæ frigidæ, aliæ humide, aliæ sic-  
 cæ: & rursum propius aliæ frigidæ & siccæ, &  
 aliæ à dominio calidæ & siccæ. Sic inter humores  
 alium simpliciter reperiēs calidum & humidū,  
 alium humidum & frigidum. nec ad hæc minus  
 quatuor elementis opus fuit. Nam ex permis-  
 sione aquæ & ignis, nunquam aliquid reddes  
 calidum

calidum & humidum, aut rursum frigidum & siccum: sed illic opus est accessione aëris, hic uerò terræ. Hoc exemplo & alibi reliquorum elementorum conditionem in corpore supputa. Ergo scire literæ, quæ hominem ex limo terræ formant, non omnia principia, sed duntaxat duo superabundantia elementa, aquam, & terram numentur. Simile fortassis, sed non omnino, & in hoc mysteriū est, quod Biblium uolatilia ex aquis, reptilia terræ ex terra formet. Iam neq; terra & aqua simpliciter in homine uincunt, sed substantia tantum: atq; id merito uidetur admirabile, quod aliorum uincat substantia, aliorum qualitas, donec ex Phisicis audiuerimus, quod caliditatis inter reliqua sit maxima energia: quo fit ut parua ignis portiuncula maximam terræ molem adæquet, subinde etiam uincat. Est autem & siccitatis quàm humiditatis energia potentior. Sed in corpore humano ferè ab humiditate uincitur, quia iniquis portionibus temperatur. Et licet plus terræ, quàm aquæ corpus nostrum habeat, aër in eodem multo plus quàm ignis exuperat. Iam si simpliciter loquamur de humido, corpora nostra concreta sicca sunt, licet principia prius humida. Oportet autem & hoc ex Phisicis repetere, quod grauitas potius substantiæ conditionem sequatur quàm qualitatis discrimen. Nam & aqua feruens, & uapor, ambo calida sunt: uapor tamē leuis, & aqua

grauis

elementa  
et eo quod ma  
in humida  
corpore  
superant

grauis est. Tanto minus de corpore nostro ad-  
 mirandum est, quòd sit graue simul etiam & ca-  
 lidum. Substantia enim grauium elementorum  
 in eo superat. Solus Galenus ab hoc dissentire  
 uidetur, qui in primo de Sanitate tuenda sic ait:  
 Ergo statim in generationis initio coniectum co-  
 piosius oportuit elemētum, id quod siccandi uim  
 haberet. est uerò id natura quidem maximè i-  
 gnis, sed tamen & terra: est enim ea res quoq;  
 sicca. Verùm huius plus immisceri principijs nõ  
 erat, si modo hæc humida erant futura. Ignis  
 certè quo minus plus admistum sit, nec obstat  
 quicquam: & sanè est admistum. Est enim in  
 hoc loco difficultas non una. In primis nõ ex ac-  
 cidente, sed ex natura maiorem uim siccandi hic  
 locus igni tribuit. At credo quod proprium ac  
 perpetuum est, naturale uocari: certè ignis per-  
 petuò plus quàm terra exiccat. Quocirca opi-  
 nor ipsum hoc tantum dicere, terra siccitatem  
 ignauam esse, ac maiorem illius qualitatem re-  
 quiriri ad moderatam principiorum nostrorum  
 exiccationem, quàm corpus nostrum ferat. prius  
 enim (ut sic dicam) plumbeum euaderet. Ignis  
 uerò siccitas (sic enim ego ipsum accipio) alacris  
 est, & in parua quantitate, magnam exiccandi  
 potentiam habet. Huc, non dubito, illius sermo  
 spectat: alioquin enim contra proprium institu-  
 tum procederet. Non ergo substantia ignis, sed  
 sola caliditas emicat. Nec id sine ratione factum  
 a s est:

est: sed quoniam natura pluribus particulis e-  
guit calidis, quàm frigidis. Nec iterum hic fri-  
gus, aut illic calor simplex est, sed aliorum na-  
tura infectus, aut quodammodo adulteratus. Se-  
mina enim reliquarum qualitatuum continet,  
adeo ut ne separare, neq; intelligere quidem is-  
psum absq; alijs possis. Non enim obiter elemen-  
torum qualitates, sed totæ toti sibi inuicem im-  
miscentur. Neq; iam hoc diuinamus, aut sensu  
agnoscimus, sed ratione experimur. Etenim  
quamlibet partis particulam eiusdem ordinis  
ac naturæ esse conuenit. quocirca necesse est, ut  
quælibet uim frigoris patiatur, ac singule sin-  
gulis respondeant: in differentibus tamen par-  
tibus differentes: adeo ut in calidis uincatur fri-  
gide, e contrario in frigidis calide. Quod si ad-  
mireris, cur non totum contrarium exploditur,  
postquam magna ex parte est euictum: non re-  
cte facis: quippe & id quod superat, tandem re-  
tunditur, nec semper affatim in id quod reliquū  
est, uim habet. Imò si uerum fateri uelimus, ut-  
runq; contrariorum est exutum, & ex duobus  
quoddam tertium comparatum, quod utriusq;  
genium quodammodo retinet, aliquando equa-  
liter, aliquando plus huius, aliquando illius. ue-  
rum familiaritatem quandam inter se conce-  
perūt: adeo ut iam nulla sit manifesta inter ipsa  
iniuria aut contrarietas, tantum occulta quæ-  
dam controuersia ex diuersis relictis potentijs,  
quæ

que nullo modo contrariorum rationem merentur, non etiam si remissorum (ut quidam cogitauerunt) dixeris. Atque hinc fit, quod forte aliquando admiratus es, cur plantarum uita diuturna, imo homine temperato diuturnior. Non enim quæ in eo relicta est caloris (si quidem ita dicere liceat) scintilla sub frigido periclitatur, sed in unum quodammodo cum reliquis qualitatibus coaluit, adeo ut pauca admodum inter eas actio ac pugna deprehendatur: hæc enim sola lucebat contraria. At de ijs satis in Aphorismis: nam qui ista non capit, nescio quomodo accipere poterit, quod in aqua incalescens genius quidam frigidus manet, qui paulatim ipsam ad naturam reducit. Nemo enim hic unquam inuentus est, qui ob hæc, contraria in eodem esse dixerit. Qualitates ergo elementorum totas totasque sibi inuicem immisceri oportuit, alioquin uel elementa ex omnibus nunquam fieri potuisset. Idem in index Stoici dixerunt de ipsorum elementorum substantia. Verum hoc, tanquam medico superuacuum, uidetur contempsisse Hippocrates, nec multum curauit Galenus, ut etiam ambigua de ea re scripsisse uideatur. Nam in fine primi libri de Elementis nescias an tutiorem sectam eorum putet, qui solas qualitates, an qui præterea substantias ipsas totas totis misceri asseruerunt. Quippe prior sermonis pars Aristotelicos, posterior magis commendare uidetur Stoicos, ubi qualitates



tates sibi inuicem eo magis insinuari dixit, quo in minora ipsius substantiæ diuisio facta fuerit. Et sanè hoc modo ipsarum partium fermentatio pertinacior est. Huc accedit & ipsorum humorum inter se confusio, quorum ut ferè nullus seorsim reperitur, ita in magnis uasis adeò confunduntur, ut non possis alium ab alio omnino discernere: quo factū est, ut quidam sanguinem seorsim negarēt, sed duntaxat trium humorum mistura constare dicerent. Fateor, erroneum id est: ueruntamen mistionis exactam fermentationem arguit: quippe si humores diuersi seruatis suis formis adeò diligēter inter se misceri possunt, ut unam phantasiā, quod ex illis concretum est, exhibeat, multo promptius illud idem ipsis elementis, abolitis illorum formis cōtinget. Ac uellem quòd Galenus paulò explicatius nobis hanc rem disseruisset. nusquam enim manifestè hoc Stoicorum dogma improbat. At mihi quidem cum ipsa ratione maximè pugnat: Nam si qualibet pars alterius elementi alterum excipiat, numero aequales elementorum partes in mistis erunt. At id nō solum cum ratione dissentit, sed & ipsa experientia: quia ut antè diximus, in omnibus concretis corporibus terra superat. Qualitates ergo totas misceri totis, Peripatetis cum est, ac necessarium: substantias uerò, Stoicis cum est, ac forsā impossibile, ob causas quas diximus: nisi forsitan cogites, quòd superiorum elemento

terra superat in omnibus corporibus  
 ubi quod occurrat

mentorum raritas posset compensare elementorum inferiorum multitudinem ac pondus. Sed hæc potius ad Philosophum pertinet, quam medicum: quippe & huic opinioni multa incommoda imminet: unum est, quod neq; sensus neq; ratio hoc arguit: alterum est, quod longè maior erit ipsorum superiorum luxuria, si quidem tali proportionem cum alijs fuerint temperata. Ac dissolutionem quidem Galeni, quæ est in fine primi de Elementis, facile est excusare. Sed & locum illum in secundo de naturalibus facultatibus, ubi inquit, Quæ nutriuntur omnia, per se tota nusquam patiuntur: & quæ miscentur, per se tota miscetur <sup>ligendum</sup> omnia: pari modo omnia quæ alterantur, per se cum diu tota alterantur. Aristotelica simul & Hippocratica sunt, amice autem oportet accipere, & emanant simul cum ijs, quæ in primo Therapeutices: <sup>omnino</sup> rursum primo de naturalibus facultatibus, & de elementis dicta sunt, de qualitatibus intelligere. Hactenus & materia & qualitas elementorum in mistis remanent: tanto magis admirabile, quod forma ipsorum omnino intereat, quum in alijs fere e contrario qualitas prius, quam forma decedit. Vetus enim proverbiū est, quod forma nō excipitur, nisi oportuno: nec iterū exuitur, nisi si corpore inidoneo ac male affecto. Possem hic aque fervētis meminisse, à qua prius nature frigiditytas tollitur, quam ipsa in aërem soluitur. Quod si corporum cōcretiones diligentius spectemus,

temus, idem & hic inueniemus: nō enim in mixtis elementorum qualitates retinentur, sed media quedam ex omnibus comparatur, quæ ut cunq; singularum indolem refert, ac ut uulgo dicitur, uirtutē potius quā qualitatem. Sed neq; ipsa forma omnem quantitatem amat, definitā sequitur, inhabitatq;. Itaq; nec elementum hanc

*mentio* in minima diuisionem tolerat. Iam ergo duobus *ma duri* nominibus elementorum forma in mixtis euadit *odis eba* nescit: quippe qualitate idonea destituitur, & *scit in* iusta quantitate priuatur. manet autem pro his *istis* omnibus quedam media qualitas, quā Cicero naturam, uulgus complexionem uocat. atq; hæc est, quam nūc inquirimus. Sed de prioribus paulo prolixius loquuti sumus, ut quicquid apud ueteres de elementis difficultatis sit, ex hoc solo loco inuenes possint eruere.

HOC autem opere, quod illi proximē succedit, omnium elementorum differentias, quot hæ, qualesq; sint, siue generatim quis, siue membratim diuidat, inuenire docebo: sumamq; ab ipsa nominum interpretatione principium. Cum enim ex calidi, frigidi, humidi, & sicci temperatura conflare corpora dicūt, de iis quæ summo gradu sic se habēt, ipsis scilicet elemētis, igni, aëre, aqua, terra intelligendum dicunt.

Vnumquodq; elementum alteram qualitatem in summo obtinet, ut in Paradoxis nostris  
mani

manifestè ostendimus : & propterea admirandum est, quòd statim postea aque summam humiditatem tribuit, quæ aëri debetur : non enim aër potest esse summè frigidus, calidus, aut siccus : puto ergo humidissimam aquam ab effectu appellavit. Fortè etiam humidissimā dixit, quia quare dicitur sincera illius humiditas existit, quippe absq. aliqua humidi cuius siccitatis permistione, quo modo aqua sicissima mul & aërē ambo absolute pronūciat humida.

C V M uerò animal stirpēmue calidam, frigidam, humidam, uel siccam esse, non item. Neq; enim ullum animal aut calidū in summo esse posse, ut est ignis : aut in summo humidum, sicut est aqua : pari modo nec frigidam siccūmue in summo, sed mixta summa ab eo quod in mixtura prepollet, denominati tionem fortiri : uocantibus nobis id humidum, in quo maior est humiditatis portio : in mixtura siccum, in quo siccitatis. Ita uerò calidum, prepolet in quo calidum frigido plus ualeat : frigidū, in quo frigidū calido prestat. Atq; hic quidem nominum usus est. Nunc de temperamentis ipsis agendum.

Secundo modo ista nomina de ijs dicuntur, quæ tales qualitates habent exuperantes : hoc modo animātia pleraque : saltem homo calidus dicitur : calidus quidem absolute, humidus uerò non item. nam simpliciter siccus est, nisi principia spectes. hæc enim calida & humida. Itaq;

à prim

à principio quidem homo calidus & humidus, & omnia alia animantia quæ instituuntur semine: postea uerò quedam ex ijs euadunt frigida & sicca. Nouissimè monere oportet tum hic, tum alibi, parum interesse an qualitates, an elementa ipsa audias: subinde tamē qualitates ipsæ alterantur, nulla portione alicuius elementī immutata: quin & ipsa terra & aqua incalferi possunt, manente ipsarum substantia.

ILLORVM igitur, qui tum medicorum, tum philosophorū maximè illustres fuere, plurimi sanè opinati sunt humidum aliquod calidumq; temperamentū ab humido & frigido diuersum esse, ac tertium ab his siccum & frigidum diuersum à sicco & calido.

Physicæ fortassis fuitis erat hominis temperaturam calidam & humidam, ac in omnibus unam dicere. quoniam ut alibi demonstrauit Galenus, tale est utrunq; nostrum principium. Ac medicus debet eas multifariam distinguere, nō quidem propter se, sed morborum & remediorum comparisonem. Parum enim æquè medicamentum accommodat, qui temperaturam ignorat, siue temperamentum emendet, siue purgationem obeat: sed periculum est, ne uno calipodio omnes calceet. Ad horū igitur differentiam temperaturarum hominem describere opus est, ac demū ad hunc omnes alios exigere ac expēdere:

atq;

atq; ita non duas, sed quatuor compositas intemperaturas inueniemus methodo discretas. Verruntamen quidam ex aduerso duas exemerunt, calidam & humidam, frigidā & siccam. Quod qua ratione fecerunt, nunc ab ijs audiamus.

NON NVLLI tamē eorum humidum simul ac frigidum temperamētum quoddā esse cōcedunt, atq; etiam ab hoc alterum calidum siccumq;. Non tamen aut humidum simul & calidum, aut frigidum pariter & siccum temperamentum esse. Neq; enim posse aut humiditatem cum abūdan- te calore consistere, aut cum frigiditate sic- citatem: quippe absumi à calido, cū su- perat humiditatem. Itaq; fieri ut calidum simul & siccum corpus euadat. Eandem, ubi imbecillus in corpore est calor, inco- ctam imperfectamq; manere: quo fieri, ut calido uincente sequatur siccitas, frigido superante humiditas. Atq; ii quidem his ra- tionibus innixi, duas tantū esse tempe- ramentorum differentias opinantur.

Excusari utcumq; potest, quòd calidum exie- cet humidum. Nam lucerna seipsam absumit, & aqua feruens ultro exhalat. Non tamen to- lerari potest, quòd frigidum humectat. Nā tamē si pluribus excrementis corpus repleat, solida non diluit. Potius abstulissent frigidam & hu- midam. Nam ut calidum uidetur humidum di-

b gerere

*gerere, ita frigidum humidum exprimere. Non tamen hoc in omnibus uerum est, sed tantum in his frigidis, quæ foris corpori incumbunt. Sed nec hoc est impossibile, quod calidum dotetur excellentiori humido quam frigidum: ueruntamen in medicamentis nullum est insigniter calidum aut frigidum, quod est humidum.*

**QV** I uerò ea quatuor autumant, bifariam his contradicunt. Alij statim id quod primum petunt, negâtes: nempe quod necesse sit humorem à calido superante digeri. Alij contrâ ei quidem assentiuntur, sed alia ratione dissentiunt: ac priores quidem calidi munus esse, ut calefaciat, asseuerant: frigidi, ut refrigeret: sicuti rursus sicci, ut siccet: & humidi, ut humectet. Proinde corpora quæ calida siccâque natura sunt, quemadmodum ignis, ea quatenus calida sunt, excalefacere: quatenus sicca, siccare. Quæ humida calidaq; sunt, ueluti calens aqua, hæc non humectare modò, sed etiam calefacere posse semper, utraq; qualitate hîc quoq; unum opus, idq; propriû obrinente. Haudquaquam igitur concedere se, si quid calefaciat, idem protinus & siccare: imò si calori humiditas sit adiuncta, non calefacere modò, sed etiam humectare, quemadmodum balneum dulcis aquæ. Sin sicuti calidum, ita etiam siccum  
corpus

corpus sit, ueluti ignis, statim id tum calefacere, tum uerò siccare. Non tamen id calori referendum acceptum, sed siccitati, quæ simul est adiuncta.

*Hæc ratio non subuertit eos, qui per accides humida calido exiccari credunt: sed tātum eos, qui id propria ratione fieri contendunt.*

ADMONENT autē hoc loco nos de his qui sub æstiuo sole diutius sunt uersati, atq; ita ut credibile est arefacti, ac totū corpus siccum squalidumq; habent, intolerabiliterq; sitiunt. Quippe remediū his expeditum & facilimum dicunt, non modò si biberint solūm, sed etiam si calidæ & dulcis aquæ balneo utantur, tanquam humiditate, siue ea cum frigore sit, siue cū calore, suum munus obire ualente, quippe humectare ea quæ contingit.

*Diluta est hæc obiectio. Nā balnea potius tepida quàm calida: deinde licet insigniter sint humida, occasione caloris subinde exiccant, & sitim prouocant. fieri tamen potest, ut aliquando sitim diluant, utpote eam quæ nascitur potius ex totius habitus aciditate, quàm stomachi siccitate. Nā talis sitis longè promptius tollitur balneo calido & humido, quàm potu frigido.*

AD eūdem modum & siccitatem semper aiunt siccare. Boreā enim qui siccasest, & frigidus sit uentus, omnia siccare & res  
b                      frigerare:



frigerare: idq; esse dictum ab Homero:

Vt uerò humentem desiccet protinus  
agrum

Autumni Boreas. -

Pari modo & papaueris lacrymam, & alia sexcenta pharmaca siccare pariter & refrigerare. Itaq; non esse necessarium, si quid frigidum est, idem quoq; & humidum esse. Nec si quid calidum, idem protinus & siccum. Neq; igitur calidum temperamentum necessario esse siccum: imò posse aliquando in animalis temperamento calidū quidem plus ualere, quàm frigidum, & humidum quàm siccum.

*Si tolerari poterant, qui omne calidum dixerunt exiccare: non tamen ferendi sunt, qui cōtendunt omne frigidum humectare: forte exemplo senum decepti, quia frigidi sunt, & multis undicunq; excrementis obnoxij. Sed de ijs postea.*

QVINETIAM tum generationem, tum alterationem, tum mutationem ex cōtrarijs in contraria fieri. Quis enim est, qui si dixerit album alteratū, demutatūq; esse, propterea quòd factum sit calidum, nō sit ridiculus: cū postulet ea oratio nō eam, quæ est in calido & frigido oppositionē, sed quæ est in colore mutationem. Mutatur enim quod album est in nigrū, & quod nigrum est in album. Rursus quod calidū est

est in frigidum, & quod frigidum est in calidum. Ad eundem modum & quod humidum est in siccum, & quod siccum est in humidum. Quippe si dicas alteratum corpus esse propterea, quod cum prius esset humidum, nunc sit album, uel cum prius esset siccum, nunc sit nigrum, parum compos mentis uidearis. sin quod prius erat humidum, nunc factum esse siccum, aut quod prius erat nigrum, nunc effectum album, aut etiam ex calido frigidum, aut ex frigido calidum, utiq; sapere & conuenientia dicere censearis. Quod enim mutatur, quatenus mutatur, eatenus cedere in contrarium debet siquidem, factus est hic aut sit musicus ex non musico, dicimus, & grammaticus ex non grammatico, & ex non rhetore rhetor: ex musico uero grammaticum, aut ex grammatico musicum, aut ex alio quod diuersi sit generis, fieri aliquid dicere, sanè est absurdum. Potest enim qui prius erat grammaticus, nunc musicus esse, utiq; si musicen grammaticæ adiecit, nec grammaticen abiecit. Atqui si quid acquisiuit priore etiam manente, cui non patet non esse alteratum in eo quod manet? Ita non ex grammatico factus est musicus. Quippe nunc etiam grammaticus est, sed ex non musico musicus. Non enim potest postquam

quam musicus est factus, etiam non musicus manere.

Nemo lubenter dixerit vel audierit, Plato factus est calidus ex albo. Sed refelli nequit qui dixerit, ex grammatico est factus rhetor, ex rhetore medicus. non enim mutationis denotat necessitudinem, sed qui spectatur inter artes, ordinem. Nequaquam uerò is conuenit inter album & calidum, aut ijs similia.

CV M igitur omnis mutatio & à cōtrarijs, & ex contrarijs fiat in contraria: manifestum est etiam humidum, si quatenus humidum est, mutetur, tum ipsum siccatum iri, tum quod id siccet, siccum dicendum esse. Desinant igitur, inquit, dicere, nō posse calidum & humidum temperamentum esse: quippe calidum simul, & frigidū esse idem temperamentum, aut humidum & siccum non potest: cum fieri nequeat, ut in eodem corpore contrariæ qualitates unā consistant. humidum uerò simul & calidum, præterea frigidum simul & siccum profectò in eodem consistere possunt, sicuti tum ratio ipsa monstrauit, tum (quæ paulò suprà proposita sunt) exempla.

Non est hæc Galeni, sed ueterum ratio: prolixa autem est, & nihilominus obscura. Ešto enim quòd omnis alteratio sit inter contraria, & proinde exiccatio inter humida & sicca,  
nond

nondum constat, quod calidum non exiccat: quippe interim semper manent ijdem termini. Nec magis urgebit ratiocinatio: siquidem contraria in ea audias, causam quæ mutat, & subiectum quod mutatur: quippe & calidum exiccat aliquando, verum per accidens: id illi contingit, uel quia cū sicco coniunctum est, uel quia quod humidum est, dissipat, aut absument. Quippe & calor noster naturalis licet humidus sit corpora nostra more elichnij consumit paulatim: ueruntamen per se contrarium non patitur, nisi à cōtrario, nec humidum ab alio quàm sicco. Sic ergo oportet supputare: generatio, corruptio, imo & alteratio, & per consequens omnis demutatio est inter contraria & à contrarijs. Fieri ergo non potest, quin & exiccatio sit inter contraria: proinde humidum non exiccatur à calido, sed à sicco: idq; per se: nam per accidens secus fieri potest. Potuissent autem breuius colligere sic, Agens semper contrarium patienti, proinde solum siccum est, quod exiccat humidum.

A C talis quidē est prioris propositarū. *prior*  
 partium oratio. Altera pars negat alienum *distric*  
 à ratione esse, etiamsi calidum efficacissimum è quatuor sit, ita ut non in frigidum modò, sed etiam in humidum agere possit: esse tamen temperamentum, quod calidum sit & humidum. Vtiq; cū in primo  
 b 4 statim

statim animantis ortu, humoris simul, calorisq; copia in idem coeant. Ratio uero horum non illud efficit, quod nequeat aliquando in eodem corpore humidi plus esse, quam sicci: & calidi, quam frigidi: sed quod sub eiusmodi statu perpetuo durare non possit. Quippe digesto semper per calidum humore, spatio etiam siccum corpus effici: atq; ita pro calido & humido, calidum, siccumq; reddi. Itaq; hoc ipsum quod calidum, siccumq; est redditum, procedente tempore frigidum, siccumq; fore. Vbi enim omnem eiusmodi corporis humorem calor absumpsit, ipse quoque, inquit, marcescere inde incipit, destitutus scilicet alimento, quod ipsum accenderat. Neq; igitur mirum putant, tum inter initia, statim ut gignitur animal, conuenire in idem, aut humidum plus sicco, aut calidum plus frigido, tum temporis processu quod prius erat calidum & humidum temperamentum, postea posse calidum esse & siccum: æque ut postea quæ sicca erat, calidaq; temperies, ubi calor ipse extinctus est, frigidam, siccamq; euadere. Ergo esse quidem aliquod temperamentum, quod calidum sit, & humidum, & rursus aliud, quod frigidum sit & siccum, ex istis confirmant.

*Ne hac quidem selecta omnem ueritatem attingit:*

tigit: nam ut prior nimis pertinaciter negavit calidum usquam humectare, sic ista in eo peccavit, quod modum quo calidum humidum exiccaret, omisit. nam per accides duntaxat euenit, idq; bifariam: aut quia temporis spatium ipsum digerit, aut alioquin in se absument. Iam neq; sic ipsum humidum absument, ut simpliciter siccum euadat: Nam proportio manet, scilicet qui calidus & humidus à principio fuerit, etiam tempore iuuentutis atq; senectutis, proportionem humiditatis suæ obtinet, cū eo qui siccus est natura comparatus: atq; utrobique, ut uulgo dicitur, senectus iuuentutem, pueritiam iuuentus imitatur.

NON posse autē temperamentorum differentias plures esse quàm quatuor, ex his docere conantur. Quum enim quatuor stantur qualitates, quæ in se inuicem agere, pati q; possint (nempe calor, frigus, siccitas, humiditas) oppositiones existere duas, alterā in qua calidū aduersatur frigido, alteram in qua humidum pugnat cum secco: eo q; quatuor non amplius effici coniugationes. Quippe sex fieri ex quatuor inter se copulatis coniugia: quorum duo subsistere nō posse: quum neq; humidum pariter & siccum, nec calidū simul & frigidum dari corpus possit. Reliquas igitur esse quatuor temperamentorum coniuga-

y 2

6 5      tiones

tiones, duas humidās, & duas siccās. Atq; has calore frigoreq; diuīfas. Hæc sunt quæ elegantissimi eorum, qui ante nos fuere, tum medicorum, tum philosophorum, de his dixerē.

*Cum corpus humidum appellamus, iuxta cōditionem solidorum intelligimus. Nam fieri non potest, ut corpora solida definitionem humidorum subeant.*

QV A E uerò mihi prætermisisse uidentur, nunc adiicienda reor. Vnum igitur & primū id est, quod temperatam naturam, quæ tamen non uirtute modò, sed etiam uiribus reliquis præstat, non animaduertunt: imò tanquam nulla sit, prorsus omiserunt.

*Luxuria apparet potius in uerbis, quàm rebus, quum uires & uirtus parum differant.*

QV A N QV A M neloqui quidem de reliquis aliquid sine hac potuerūt. Quippe quòd uel in calida tēperie calidum præualeat frigido, uel in frigida temperie frigidum præstet calido, id ne intellexisse quidē est, nisi prius ponatur eucratos, siue temperata: neq; enim aliò quàm ad hanc temperatam naturam sunt intenti, cum sanitatis tuendæ uictum inuestigant, calidius iusto corpus iubentes refrigerare, uel frigidius excalescere, uel rursus humidius siccare,  
uel

uel siccius humectare, scilicet quo temperatum quendam, mediocremq; statum efficiant: id quod minus est ei, quod exuperat semper æquantēs.

*Λείπον* Galenus posuit. Interpretes omnes exposuerunt, id quod minus est aut deficit. Obscura dictio, sed sententia est manifesta. nihil enim aliud admonet, quam ut intemperata corpora ad modū corporis temperati reducāmus.

ERG O quem assidue sectantur, & quò semper respiciētes intēperatos status corrigunt: hūc ego quidem primum omnium statū censuerim. Hi uerò, rārum abest ut eius uel meminerint, ut etiā totum prætereant.

Simpliciter, ut antè diximus, & post demonstrabimus, omnium hominum temperatura eadem est, calida & humida, ad cutem scilicet collata. Nam uel in his ferè quos tactus frigidus indicat, utpote melācholicos, calidorum & humidorum proportio exuperat. Frigidam ergo aut siccam appellantes ad medium sue speciei conferimus. utq; hanc prius oportet suis modis describere, quam de reliquis licet quicquam dicere. Est enim omnium aliarum amussis, canon, & quodammodo exemplum.

AT nō præterimus, inquiunt ex his aliqui. In calido enim & humido compræhēditur. Et quomodo non quinq; esse in totum temperamenta dixistis, sed quatuor,



si modo optimum non omisistis? Quippe duorum alterum, aut ex intemperatis statibus necesse est unum esse omissum, aut ipsum temperatum. Atq; ego quidem ex his quæ statuūt, temperatum ipsis prætermissum certò scio. Vbi enim calidū & siccum, uel frigidum & humidum, uel aliud quoduis temperamentum nominant, non utiq; summas à nobis intelligi qualitates postulāt. Imò ex ijs quæ superant, fieri appellationes uolunt. Quòd si temperatum statum omitti nolūt, certè reliquorum aliquem omisisse conuincētur. Si enim, sicut ipsi uolunt, temperatus status is, qui calidus est & humidus: omisissis igitur illis planè est is qui frigido intemperamento aduersatur, & sicco: nempe in quo humidum præpollet, & calidum. At idem, inquiunt, is est. At quī fieri potest, ut simul exuperet calidum, & non exuperet? & superetur frigidum, & non superetur? Si enim temperatus status est, neutrum alterum immodicè exuperat: sin intemperatus, necesse est exuperet altera oppositionū pars. At hoc ipsum inquiunt temperati status proprium est, ut in eo calidum præstet frigidò, & humidum sicco. Quippe si frigidum modicè quidem uincat, non esse commodum temperamētum: sin amplius exuperet, iam utiq;

*S. duob.  
dictis*

tiq; morbum existere, æquè ut si uehementer exuperet mortem. Ad eundem modum de sicco iudicandum. In principio quidem existere intemperiem: si amplius augeatur, ægritudinem: si plurimum exuperet, mortem: ceu uerò de calido & humido non idem sit iudicium. Quis enim non dicat, ubi uel calidum frigido, uel humidum sicco paulo quidem plus ualet, intemperiem ita fieri: ubi ampliter exuperat, morbum: ubi plurimū, mortem? Siquidē eadem est utrobique ratio. Alioqui nec qui calidi humidique immodicè status sunt, eos uitio demus: nec q calidi morbi cū humore immodico consistūt, eos esse morbos fateamur.

*Non uidetur mihi Galenus satis urgere. Nā rectè ipsi asserunt, quòd temperati status familiare sit, ut exuperet calidum & humidum, respectu scilicet totius substantiæ: proinde falsum est, quòd ut medicus excessus frigidi, ita & calidi faciat intemperamentum: nisi medium in ipsa specie respicias: ergo ij obtinent, quòd temperatum calido præpollet & humido. Verū si hac ratione uelint temperatum contineri sub calido & humido, eadem comparatione & omne aliud intemperatum huc generaliter referent: quia antè constituiimus, quòd omnis, etiam melancholica intemperatura, sit hætenus calida & humida. Ergo una ratione omnia sub*

*uno capite comprehendere debuerunt, aut certè  
temperatum quoq; seorsim statuere, & deinceps  
ad hoc reliqua omnia expendere.*

**H** V I C sententiæ aduersantes quidam  
Attalensis Athenæi sectatores negant aut  
calidum humidumq; statū uitio dandum,  
aut morbum ullum inueniri, qui calidus  
fit & humidus: sed omnino qui uel calidus  
fit, & ficcus, ut febris: uel frigidus & humi-  
dus, ut aqua intercus: uel frigidus & sic-  
cus, ut melancholia. Faciunt hic & de an-  
ni temporibus mentionem. Quorum hye-  
mem frigidam esse, atq; humidam dicunt:  
æstatem calidam & ficcam: autūnum frigi-  
dum & ficcum: uer autem tū temperatum,  
tum uerò calidum, humidumq; appellant.  
Ad eūdem modum & ex ætatibus, puerilē  
quidem esse temperatam, tum uerò calidā  
humidamq;. Porro indicari autumant eo-  
rum temperiē ex naturalibus actionibus,  
quæ illa ætate maximè sunt firmæ.

Tres erant rationes, quibus Athenæus omnē  
statum calidum, humidumq; uitio asserere uo-  
luit, atq; etiā dum reliquis præferre. Prima men-  
dax est. Plures enim morbi calidi sunt & humi-  
di, utpote qui ex materia nascuntur eiusmodi.  
Secunda sumitur ex comparatione temporum:  
& de hac postea. In ea uerò quam ex ætatibus  
assumpsit, diutius immorari oportet: præsertim  
cum

cum Galenus nihil super ea responderit: nec mirum, quia manifestè falsum est, quòd puerilis ætus maxime temperata sit. Nam quamvis naturales operationes in ijs sunt optimæ, animales tamen infirmæ. Atqui in tēperata etate utrunq; genus ualidum esse oportet. Talis autem sola est extrema adolescentia, aut ipsa iuuentus, de quo postmodum. Est autem & ipsa adolescentia potius calida & humida, quam frigida & sicca. Proinde nihilo secius eādē ferè accusationem suppetit aduersus ea, quæ dicta sunt de adolescentia: quam Athenæus spectabat ex pueritia. Sed nodus iste antè explicatus est. Nā neq; nos omnem statum calidum & humidum damnamus: sed eum qui temperatū excedit: atq; hoc Athenæus ignorat.

S E D & mortem aiunt animantiū corpora ad frigidū siccumq; perducere. Quippe mortuos Græce ἀνίσταται uocari, quasi nil humecti in se habentes: utpote tum caloris abitione eo exhaustos, tum frigore rigentes.

Legendum fortè in Græcis pro ἀποχώρασις, ἀπώχνησις, ac si dicas abusum, hoc est, dum calor eq̄ abutitur.

Q V O D si, inquiunt, mors talis est naturæ, certè uita, cum sit illi cōtraria, calida est & humida. At uerò si uita, inquiunt, calidū quiddam atq; humidū est, omnino quod

quod illi similitimum temperamentum est, id optimum necessario est. Quod si est, neminem latet idem quoq; temperatissimum esse. sic in idem recidere calidum, humidumq; statum cum temperato: nec aliud esse temperatum siue eucraton statum, quàm caliditatem simul & humiditatem pollentes. Atq; Athenæi quidem sequacium hæ sunt rationes. Videturq; & Aristotelis philosophi, & post eum Theophrasti, & Stoicorum eadem esse quodammodo sententia. Ita testium quoq; numero nos territant.

*Frustra Aristotelem aut Theophrastum invocant: quia Aristoteles & Theophrastus vitam cum morte comparant: qua subinde absolute frigida est, ut plantarum. Fateor hominis vita calida est: sed non sequitur, vita est in calido & humido, ergo optima vita est in calidissimo & humidissimo. Simile est, ac si dicas, Exercitium promouet calorem naturalem, ergo maximum exercitium, ipsum maximè auget. quippe contra infirmat, igitur non omne calidum & humidum ad felicitatem vite momentum habet duntaxat modicum: quippe immodicum plurimis malis est obnoxium, fortè & precociorem senectutem, quàm temperatum hoc temperamentum incurrit. Nam mediocritas caloris ab utroq; excessu leditur, ab altero quodammodo*  
*stran*

*strangulatur, ab altero accenditur. Forte neque naturæ operationes in his pulcherrimæ sunt. Nam licet promptissimè in ijs substantia apponatur, faciliè admodum diffluit ac dilabitur.*

E. G. O uerò quemadmodum Aristoteles *y* de calida, humidaq; temperie senserit, in progressu, si res postulet, fortassè explicabo: uidentur enim eum non rectè accipere. Nunc id agam, ut eos qui sic sentiunt, in quo seipfos fallât, doceam: mox rem totam in unum coactam caput, demonstrarem. Cum enim calidum & humidum atq; etiam eucraton existimant uer esse, hîc se manifestè decipiunt. Nã neq; humidum est, sicut hyems: neq; calidum, sicut æstas: quare neutrum immodicè: cum tamè ip[s]is autoribus excessum quèdam indicet quoduis talium nominum.

*Inconstans hæc sequela est. Nam multa calida sunt, quæ non assequuntur caliditatem æstatis: & rursum humida, quæ longè absunt ab humiditate hyemis. Igitur accipiendū est, quòd uer neutrum sit immodicè ad modum eorum temporum. Feruntur etiam huiusmodi apud autores infirmæ rationes, si cum alijs firmitioribus committantur.*

B I F A R I A M autè sūt decepti: primū quidem ex eo, quòd in quatuor anni temporibus quartam temperamentorum cōiugationem:

gationem inuentā omnino esse uoluerūt. Deinde quòd id ea ratione concludunt, quòd sit hyeme quidem calidius, æstate uero humidius.

*Magnum est erroneæ opinionis argumētum, ubi mendax est illius occasio.*

VERVM nec quartā in temporibus anni statuere temperamenti coniugationem est necesse, nisi etiā talis appareret: & contulisse id cum temporibus utrinq; positis, non magis id humidum & calidum, quàm frigidum probat & siccū. Si enim calidum humidūq; excessus cuiusdā nomina sunt, non potest nec ipsis quidem autoribus uerū esse, quòd uer in omnibus mediocre sit. Si autē eò quòd æstate humidius est, hyeme uerò calidius: iccirco humidū est & calidū, quid causæ est, quo minus frigidum id, siccūq; putes? propterea quòd æstate frigidius, & hyeme ficcius. uel quam sibi facit sortitionem, ut unam partem oppositionis ab hyeme, alteram ab æstate accipiat? Quippe cum ab utroq; in utraq; oppositionum parte dissideat, non ex dimidio collationē, sed ex toto habere debebat. Atq; nisi ita fiat, contraria illi inesse dicemus. Nam calidum erit & siccum, si conferatur cum hyeme: frigidū & humidum, si cum æstate. Ex neutra igitur collatione, si modò integra est

est, calidum & humidum erit. Sed si illis licet ex utraq; oppositione sumpto dimidio calidū id humidumq; asserere: nobis quoq; ad alterum dimidium transire, atq; id frigidum & siccū dicere quid ni licebit, scilicet siccum, ut ad hyemem: frigidum, ut ad æstatē? Omnia igitur hac ratione uer erit humidum, siccum, calidum, frigidum. Atqui illorum ipsorum sententia nō possunt quatuor qualitates in una, eademq; re præpol-  
lere. Ergo neq; æstati, neq; hyemi uer com-  
parare est æquum, sed potius ipsum per se  
æstimare. Neq; enim hyemem ipsam ea de  
causa humidam esse, & frigidam dicimus,  
quòd reliquis temporibus humidior, frigi-  
diorq; sit: imò id illi alia quoq; ratione ac-  
cidit: sed quòd humiditas in ea superet sic-  
citatem, & frigiditas calorem, propterea  
frigida dicitur, atq; humida. Ad eūdem mo-  
dum & æstas, quum in ea humor uincitur à  
sicco, et frigidum à calido, ipsa quoq; cali-  
da dicitur, & sicca. Siquidem æquum cen-  
seo, quatuor anni temporum quodlibet ex  
suapte æstimatum natura, non ex alterius  
cōparatione, calidum, frigidum, humidū,  
siccū uel nominari debere. Quentiam si  
ad hanc formulam æstimes, apparebit tibi  
uer esse omnis excessus planè in medio:  
cum neq; sicut in hyeme plus ualeat in eo  
c   a   frigidum



frigidum, quàm calidum: neq; sicut in æstate, minus. Ad eundem modum, siccitatis, humiditatisq; æquabilitatem in eo spectes: neq; scilicet in eo sicut in æstate prævalente sicco, neq; sicut in hyeme, exuperante humido.

y

a Galenus merito horum rationes improbat: neq; enim ex his unquam colligere poterūt, quòd uer excessum aliquem habeat. Excusari tamen possunt, si modice, hoc est, potius calidum quàm frigidum, humidū quàm siccum dixerunt. Quippe & Galeno idem in II. Aphorismorum, & alibi excidit. Idem ostendunt, ea quæ in eo apparent. Non enim temere terra sese aperit, germinat, aut in corpore humores funduntur. Deniq; si adolescentia simpliciter calida sit, & humida, simile illi uer esse oportebit: alioquin excessum aliquem, dum per cutem ac per pectus aer intrò rapitur, in eo faceret: & male Hippocrates, cum ipse adolescentiam in III. Aphorismorum conferret. Iam in temperato, calidum & humidum simpliciter superat, cui ueris iudicium permittitur, & æquale iudicatur. Simpliciter ergo ut & in uere calidum & humidum exuperet, necessum est. Fateor, eadem temperatura hominis & ueris esse non potest: at eiusdem ordinis nihil esse prohibet. Temperatum ergo dicitur, quod temperati hominis statum eundem seruat. Hyems uerò frigida, quia ad frigidum de-

mutat.

s. uere.

s. adolescentia. y a

fortassis s. hō  
hominis.s. temperata  
humidi.

*mutat. ita de alijs temporibus dicendum.*

PROINDE rectè ab Hippocrate est dictū, uerè esse saluberrimū, ac minimè morbis, qui mortem adferant, obnoxium.

Hæc est altera probatio. Nam si uer sit saluberrimum, ergo erit temperatissimum. Fateor quòd intemperatis quibusdam naturis hyems, æstas, atq; adeo autumnus plusquàm uer cōfert. dabo & hoc quòd temperata natura hyeme melius quàm uere degunt, saltē magis cōcoquūt, sed id per accidens. Amplius quòd uer plurimos morbos adferat, non euenit ob suā conditionem, sed corporum importunitatem. Etenim uer temperatum existit: nullus autem morbus ex temperie esse potest: si quidem cum humoribus ipsis proportionē seruet. Hoc dico propter biliosum, si fortè subito temperiem recipiat. Nam hic inæqualitas quædam inter humores & temperiem oriretur.

EST & autumnus, ut quàm æstas minus calidus, sic utiq; quàm hyems minus frigidus. Quare hac ratione nec calidus absoluto sermone est, nec frigidus: quippe cum ambo sit, ac neutrum ad summū. Cæterum alterum est in eo incōmodum, quod etiam Hippocratis illa sententia significauit, dicentis in Aphorismis: Cum eodem die modò frigus nos afficit, modò calor urget, autumnales expectādi morbi sunt. Atq; ea

res est, quæ maxime autumnum morbiferum facit, inæqualis ipsa temperies. Itaque non rectè frigidus, siccusque dicitur. Non enim frigidus est, si ipse per se spectetur, ut hyems est: sed ubi cum æstate confertur, utique illa frigidior. Sed nec æquabiliter temperatus, sicut uer. Imò in hoc maximè ab illo tempore diffidet, quod mediā temperiem & æqualitatem perpetuò parem non seruat: quippe meridie multo est calidior, quàm mane aut uesper. Nec in humido & sicco mediū omnino statum obtinet, quemadmodum & uer, sed ad siccius deurgit. Ab æstate uerò etiam in hoc uincitur, non tamen tanto interuallo, quanto in calore. Ergo patere arbitror, nec autumnum absoluto sermone, & citra exceptione, frigidū & siccum, sicut ipsis placet, dicendum esse: cum neutrum ad summum sit, sed uincat in eo siccitas humiditatem. Qua ratione merito siccus appelletur: in calore uerò & frigore, mixtum quiddā ex ambobus, & inæquale statuatur. Proinde si quatuor temperamentorum coniugationes in quatuor anni tempora distribui uolunt, sciant se non solum ueri calidum, humidumque statum malè assignasse: sed etiam autumnofrigidum & siccum. Quanquam si hunc quoque concedamus frigidum & siccum esse, non erit statim necesse

necesse, uer humidum, calidumq; esse. Non enim si quatuor intemperaturæ coniugationes in totum sunt, iam omnes eas in quatuor anni tempora dispensari necessum est.

*Siccum autumnum ponere potuerunt, frigidum autem nequaquam. Etenim inequalis est, nunc calidus, nunc frigidus, non solum diuersis mensibus, sed & iisdem hebdomadibus: subinde etiam iisdem diebus, in quibus meridies calet, uesper friget. Fateor & in alijs diebus plerumq; meridies uespere calidior, sed proportionē quamdam partes diei ad sese inuicem seruant. Ne nūc dicam in autumnno subinde contrariam mutationem accidere, atq; mane ipsa meridie calidius sentiri: tanta est in autumnno inequalitas, quæ an æstorum, an potius ipsarum nubium sequatur inconstantiam, alius inquirat. Mouet super eadem re problema Alexander. Nobis satis est, quòd hæc inequalitas præcipua pestilentia, atq; omnis alterius corruptionis causa est, alioqui si unamquāq; in eo seorsim qualitatem spectes, minus quàm quoduis aliud tempus putredini uidebitur obnoxium. Tale enim calidum & humidum. Autumnus uerò simpliciter siccus est: caliditas uerò ipsius quàm æstatis minor est. Iam nō solum caliditas hic dominatur, sed cum uicissitudine frigoris committitur, quòd caloris effectum contemperare potest. Quapropter sola inequalitas corruptionis, quæ in eo contingit,*

causa

causa est. Verum quæ ratione dissentiunt neoterici, magna ipsorum pars debilitatem, quæ ipsam sequitur, respicit. atq; hos æstas redarguit, quæ multo amplius corpora debilitat: sed & multa sunt, quæ vires admodum infirmant, corruptionem tamen aut pestilentiam nunquam afferunt. Reliqui ergo ad humores confugiunt, qui nunc intro frigore pelluntur, nunc rursus foras calido adducuntur: sed iterum frustra: nisi mihi hoc modo sanguinem extra uasa educi ostenderint. Verum id nequaquam facient. Putavi ego aliquando in causa esse diuersorum humorum generationem. Nam uulgata dictio, Vbi multitudo, ibi confusio: atq; hic rursus corruptio. Verum nec hæc admodum bene se habet ratiocinatio. Etenim singulis diebus in corpore quatuor humores utiliter perficiuntur. Ergo potius dicā, quod in autumno nulla magna sit intemperies, tamen uicissim utraq; qualitas humores uitiat. Nam nihilo secius sanguinis substantia uicissitudine calidi & frigidi frangitur, ac corrumpitur, quàm ferrum, dum uicissim nunc calido, nunc frigido tingitur. Corruptionem enim hanc in sanguine, argumento carbonis & carbunculi intelligimus: reliqui enim humores nunquam eam corruptionem, de qua hic loquimur, patiuntur. Huc accedit, quod neutiquam quæuis corpora citius putrescunt autumno quàm æstate, sed tantum calida & humida, aut humida tantum. Er  
go

go in autumno duplicem energiam animadu-  
tere oportet, alteram per accidens, alteram uerò  
per se: quippe iuxta frigiditatem & siccitatem  
putredini aduersatur: sed quia modicè talis est  
hæc eius primaria facultas, à secunda, hoc est,  
ab ipsa inæqualitate uincitur. Hæc puto nemo  
ante nos annotauit, sed ipsi harum rerum primi  
periculum fecimus. Oportet autem & hæc cum  
quodam respectu intelligere. Nam ut in patria  
Hippocratis atq; alijs temperatis regionibus au-  
tumnus minus, quàm apud alios inæqualis: ita  
& apud nos minor ueris quàm apud illos equa-  
litas: quippe quibusdam ueris diebus apud nos  
subinde manifesta inest inæqualitas: sed hæc  
non possunt immutare rationem totius. de quib-  
us copiosius in Aphorismis.

S E D si quis hoc in mundo est ordo, ac  
prout melius est, non prout peius omnia  
sunt disposita: probabilius sit plura quidẽ  
ex anni temporibus temperata esse facta,  
unum uero, si modo aliquid, intemperatum.  
Qui uerò contrà ostendere conantur, nul-  
lum eorum esse temperatum, sed necessario  
in ipsis exuperare aliàs calidum, aliàs frigi-  
dum. & nunc, si ita fors tulit, siccum, nunc  
humidum.

Fallax hæc est argumētatio, nisi cautè ipsum  
locum accipias. Nam uerissimum est, quòd natu-  
ra semper nititur ad meliora, etsi non passim  
plerunq;

Y

losq̃les.

plerunq; aſequitur. Veruntamen non eſt, quòd uel omnia uel plurima anni tempora ſint temperata, non etiam ſi regionem temperatam acceperis. Iam tametſi quàm maximè ita eſſet, periculum eſt ne eodem argumèto plures regiones temperatas quàm intemperatas faciamus. Atqui id falſum eſt, nec etiam expediebat, quum rerum uarietatibus è contrario uaria intemperies ſubſeruire debuit. Quid ergo huic ſentètiæ faciam, neſcio: niſi ſic Galenus intelligat, ſatius eſſe ut plura ſint temperata, atq; unum intèperatum, quàm è contrario omnia intemperata. Verum neq; ſic accepta ſententia alacritatem obtinet. Eſt mihi ueriſimile, Galeno in hoc loco accidere quod alibi pleriq; alijs: qui dum acrius ſtudent redarguere, ſeſe ipsis excidunt. Nam & duellio aliquando dum ſocium fortius atq; altius complecti cogitat, ſæpe ipſe reſpirat.

Y E G O uerò, tantum abeſt, ut aut uer, aut ſi quid téperatum eſt, calidum atq; humidum dicam: ut quod plane contrarium eſt, id affirmem, omnium aëris ambientis temperamentorum peſſimum id eſſe quòd humidum eſt & calidum. Quod ſanè temperamentum in quatuor anni temporibus inuenire prorfus nequeas: in morboſo et peſtilenti aëris ſtatu, interdum incidit, ueluti quodam loco Hippocrates commemorat his uerbis: Pluebat per æſtum humber largus

largus assidue. Id nanq; est humidi & calidi status propriū, ut in æstu assidue pluat. Quod si uel tantum æstus sit, quemadmodum in naturaliter se habente æstate: uel pluat, sed in frigore, (ueluti hyeme solet) fieri nequit, ut is status calidus sit, & humidus. an igitur sine morbis erat æstas illa, in qua pluuisse dicit in caloribus assidue largum hymbrem? Atqui carbunculos in ea fuisse narrat, putrescentibus scilicet in corpore excrementis, ac sanie quādam (quæ calida humidaq; immodicè fuerat) gignentibus. Intelliges id ex ipsa dictione, si totam tibi adscripsero: ea sic habet: Erant in Cranone carbunculi æstiuī, pluerat per æstum largo hymbri, idq; assidue. Acciderāt autem magis Austro: ac suberat quidē sub cute sanies: quæ conclusa incaluit, ac pruritū excitauit: mox pustulæ ueluti ambustis sunt obortæ, uriq; sub cute sunt uisæ: uerū hic minus, utpote uno tantū ē quatuor teporibus mutato, malū fuit. Quod si duo triæue sint mutata, aut etiā totus annus calid⁹ humidusq; fuerit, necesse est magna pestilētia succedat. Cuiusmodi in tertio Epidemion (*idest, grassantiū publicè morborum*) narrat. Apponam autem primum, quæ de temporū intempestiuo statu scripsit: deinde de hominum, quæ subsequuta est, corruptela



ptela. Aduertas autem animū in omnibus uelim, æstimesque primum cuiusmodi res sit calida humidaq; temperies, quāque ueri (quod tēperata res) est dissimilis, deinde quā necessariò in ea omnia putrescāt. Incipit igitur Hippocratis narratio in hūc modū: Annus austrinus pluuius à uētis in totū filēs. Deinde totius status particularē rationē his subiicit, Crebros hymbres in calido & austrino flatu fuisse scribēs. Mox uniuersum sermonem in unam summam cōferens, Cum fuisset, inquit, totus annus austrinus, humid⁹ & mollis, hæc & hæc inciderūt quæ utique omnia in hoc libro scripsisse sit lōgū: licet autē cui libuerit in tercio Epidemion mēbratim ea legere, ac in unū caput omnia redacta uidere: nepe putredinē maximā. Cuius etiā ipsius Hippocrates non rarò nominatim meminit: aliàs sic scribens, Erat autem & fluxio collecta haud similis puri, sed alia quædam putredo ac fluxio multa uariaq;. Aliàs sic, Et in pudendis carbunculi æstui, tum alia quæ putredines appellantur. Et quòd ex hac putredine multis quidē brachiū, & tot⁹ cubitus deciderit, multis femur uel sura est nudata, totusq; pes. Quinetiam magni ossium, carniū, neruorum, articulorumq; prolapsus inciderunt. Denique nullum ex affectibus

fectibus, quos scripsit, inuenias, qui merito soboles putredinis non sit.

Pessimus atq; insaluberrimus est status aëris calidus & humidus, siue talis fuerit occasione regionis, siue temporis anni. Nam ut ex tertio Aphorismorum audiemus, corpora superfluitatibus onerat, atq; eadem sua caliditate inflammat: proinde si plura anni tempora talia fuerint, aut unum tantum, sed grauiter affectum, non simplices, sed pestilentes fient putredines, quæ sola magnitudine ab alijs discernuntur. Etenim simplex ac mediocris putredo nõ nisi proprium corpus afficit: magna uerò, qualis pestilens est, etiam propinquum præhendit. Ita & inter inaequales temperaturas hominis, quamuis calida & humida sit, ex se uiuacior, ad morbos tamen est opportunior: quippe excrementa citius colligit, atque eadẽ sua caliditate putrefacit, cum & flamma in humido promptius excipitur, & in calido facilius accenditur. Ergo tamen si reliquis intemperaturis per se sit uiuacior, sæpe tamen per accidens citius interit. Proinde Galenus, qui in quinto de sanitate tuenda eam finit uiuacissimam, cum solis intemperatis comparat, nec excessu calidi humiditas redimitur, sed contra magis tabesit atq; plus exoluitur. Quippe omnino uita nostra grauius duplici, quàm simplici intemperatura offenditur: ita sola temperata natura, ut mihi nunc uidetur, est uiuacissima. Fateor: quòd mors.

mors quodāmodo frigida est & sicca, & quod calidum & humidū ab externis causis ægrius ac serius refrigeratur atq; exiccatur: sed aliud corpori calido & humido obest, quod citius diffuit quā temperatum. Iam quod minimè putasti, felicius iactura reponitur in temperato, quā altero: nam operationes omnes hic meliores. Omitto quòd mediocritas caloris naturalis nonnihil exasperatur excessu accidentalis. Est autem ipse artifex eorum, quæ in corpore nostro administrantur omnium. Huc accedit Cornelius Celsus, dum dicit, Corpora quæ more Athletarum repleta sunt, celerrimè agrotant & secessunt: implentur enim calida & humida promptissimè.

QUIPPE cum nec à sicco putrefieri quicquam sit aptū, nec à frigido, intelligas id, si carnes & reliqua quæcūque asseruari ab hominibus solent, observes hæc sale, hæc muria, hæc aceto, hæc alio quopiā ex ijs quæ siccant, commodè præparari. Deprehendas et Borea (qui siccus natura et frigidus uetus est) omnia quā diutissime imputria durare. Contrà putrescere faciliè austrino flatu. Est enim is uentus calidus & humidus. Itaq; nos in totū contrā, quā iij qui calidum, & humidum uer autumāt, decernimus. Cum neque tale sit, neq; si esset, salubre esset, aut sanitati accōmodum: hi autem

Hi autem & tale esse uolunt, & propterea etiam salutiferum, scilicet utrobique peccâtes, tum in his quæ sensu percipere, tum in his quæ ratione est intelligere. Cum sensu id manifestè liceat planè temperatum aduertere, nec minus ratione illud inuenire, quod propterea est aptum sanitati, quod è quatuor nulla in eo qualitatum exuperet. Quod si uel caliditas eius frigiditatè multo excederet, uel humiditas siccitatem, ut uarijs putredinibus obnoxium, sic omnium anni temporum morbis esset maximè opportunum. Nunc quatuor qualitatum mixtionis æqualitas, & mediæ temperaturæ eius & salubritatis est causa. Quid igitur medicis ac philosophis quibusdam persuasit, ut calidum humidumque uer esse iudicarent? nempe quod quatuor temperamentorum coniugia, quatuor anni temporibus adaptare uoluerunt. Porro id inde accidit, quod primum omnium temperamentorum, id est medium ipsum prætermiserunt. Quin etiam uictuum, medicamentorum, omnium denique rerum differentias in has quatuor coniugationes reducunt. Ex quo manifestum est, quantopere parum rectæ, fallacesq; de hominis natura rationes, medicationibus ob sint. Satiùsque erat duorum alterum, aut prorsus eiusmodi rationes non attigisse

attigisse, sed totum experientiae concedere, aut potius in logica speculatione exercitatum fuisse.

Quòd calida & humida temporis conditio corpora putredini idonea putrefaciat, non tantum ab excessu ipsius oportet discere, sed & ex ipsius mediocritate. Quippe & in ueris fine (tametsi ut cunq; temperatus sit) carnes subinde asseruabis difficilius, quàm in aestate. Maxime tamen putredini resistunt frigida & sicca: & securius (ut audio) ova asseruantur in paleis, quàm cineribus: proinde humiditas quàm caliditas maior uidetur putredinis causa, argumento quòd salsamenta, quæ carnes à putredine uindican, potius sicca sunt, quàm frigida. & hinc quoque est quòd quedam tutius seruentur per mediam astatem in superioribus locis, quàm sub terraneis cryptis. nam siccitate quodammodo incrustantur, humiditate uerò emolliuntur. nec deest ratio: nam putredo potius humida, quàm calida. hinc & illud est, quòd pituita promptius putrescat quàm cholera: agrius tamen febricituitosus, quàm cholericus. nam nunc è contrario febris magis calida, quàm sicca: proinde febris in pituitoso difficilius inchoatur, sed semel inchoata promptius repetitur. fortè ex quantitate materiae hæc precipitatio partim euenit. Est autem pituita in corpore ferè copiosior cholera. Vnum tantum ijs quæ dicta sunt insigniter pugnare.

gnare apparet, quòd plura corrumpuntur tempore æstatis calide, quàm hyemis humide: atq; huius duplex est causa, tamen à plerisque ignorata. altera est, quia huiusmodi corpora, tempore æstatis fere ex se satis suppeditant humiditatis, non tamen tempore hyemis sufficientem exhibent caliditatem. est enim putredo non tantò humida, sed & calida: denique maior est æstatis caliditas, quàm hyemis humiditas.

QUIPPE qui nec experientiæ est attentus, et naturalia theoremata aggreditur, priusquam rationem qua hæc inueniat, cōuenienter excutit, necesse est in huiusmodi cauilla sit perductus, ac de euidētibus, ceu is qui sensu careat, disputer. Tum Aristotelem sibi testem aduocet, male scilicet accipiēdo ea quæ præcipit. Hic enim calidum, frigidum, humidum, & siccum multipliciter dici nouit. Illi non quasi multipliciter, sed quasi ad eum perpetuò modum dici uelit, accipiunt. Quinetiam is quòd aliquid suo & naturali calore, aut alieno ac acquisitio calidum sit, non esse idem iudicauit. Illi hoc quoq; perperam accipiunt. Adhæc Aristoteles, itémque Theophrastus, quòd respicientes temperatam, intemperatamue naturam esse, iudicare oporteat, diligenter prodiderunt. Illi ne id quidem intelligūt, sed cum hos audiunt, animal calidum, humidumq;

midumq; dicere, aut puelli temperiem humidam calidamq; esse: nec quemadmodum ea dicta sunt intelligunt, & stupidi ad quatuor anni tempora rationem transferunt.

*Nihil hos iuuat Aristotelis aut Theophrasti autoritas: neq; enim illi simpliciter uitam in calido & humido constituunt, sed uitam ad mortem conferunt.*

C E V uero idem fit, ac nō longo intervallo dissidens propriam alicuius temperiem calidam humidamque esse, aut circumdati nobis aëris. Neque enim aut idem est, aut similiter dicitur, animalis tēperies calida & humida, sicut aëris temperamentum calidum dicitur & humidum.

*Tametsi tēperaturæ similes esse non possunt, ordine tamen æquales subinde existunt: quocirca nescio quān hęc Galeni redargutio urgeat.*

Q V A E igitur sit omnium horum occasio, iam dicam, clareque ostendam ijs, præsertim qui intenti esse uolunt, exiguum errorem in his quæ inter initia logicæ speculationis traduntur, maximorum errorum occasionem fieri, fortasseque omnibus, quæ uel in cūctis artibus, uel in uita actionibus perperā geruntur, sophismata succedunt.

*Non semel Galenus admonuit Logicæ speculationis errorem, omnium ferè eorum quæ in re medica, atq; alibi malè committuntur occasio-*  
nem

*nem esse, & propterea mirum non est, quòd prioribus seculis, in quibus usq; ad sophismata fuit initiata dialectica, & reliquæ omnes artes conspurcatae fuerint.*

AT QVE hæc quidē sophismata illi initio succedunt, quòd utique non rectè definitum est de calidi significationibus, sed duobus id tantū modis dici putatum. Quorum altero significetur, quod syncerū, immixtum, & simplex est: altero quod in mixtione cum suo contrario id superat. Quod autem et alteram temperiem cū altera conferentes subinde alteram earum calidam (pro eo quod est calidiorē) pronunciamus, id non meminerunt. Atque ad eū modum animantia ueteribus calida & humida sunt dicta, non propriæ temperaturæ gratia, & sermone absoluto, imò ad stirpes & demortua collata. Quippe demortuis & stirpibus animantia calidiora humidioraque sunt. Quinetiam ex animantibus ipsis speciatim inter se collatis canis siccior est, homo humidior. At si formicæ uel api canē cōferas, illas sicciores, hūc humidiorē inuenies. Ita idē animās præut homo siccū, præut apicula humidum fuerit. Rursum ad hominem collatum calidum, ad leonem frigidum erit. nec mirū si ad aliud, atque aliud comparatum contraria simul dici de se patitur.

d 2 Neque



Neque id alienum est, si idem corpus simul calidum frigidumq; dixeris, nisi ad idem cōferens sic dixeris. Quod enim incommo- dum, si eundem hominem dextrum fini- strumq; dicas, nisi ad eundem cōferens ita dicas? Cum ad alterum dextrum esse, ad al- terum sinistrum, nihil sit absoni. Sic igitur et canis humidus pariter & siccus, præterea calidus simul & frigidus est, non tamen ad idem collatus. Quippe ad hominem si con- feras, siccus est: ad formicā, humidus. Rur- sus hominis respectu calidus est, leonis fri- gidus. Quinetiā calidus est ut uiuens, cum mortuus non amplius sit calidus: non cali- dus, ut ad alterum (si ita uis) canem compa- ratus. Atque hæc quidem omnia per colla- tionem inter se dicuntur. Quæ uerò ut in animantium genere conferuntur, alia ratio- ne, sicuti etiam quæcunque in aliqua ani- malium specie. Canis namq; ad formicam & apim est humidus, in animantium gene- re est siccus. Rursus ipsorum speciatim ca- nū hic siccus, ille humidus, alius (ut fas est cani) temperatus. At dictū quidem est à no- bis in secundo de pulsuum agnitione, de ta- li nominum usu diffusissime. Necessè tamē uidetur nunc quoque summatim aliquid de his quod ad rem propositam sit utile, di- cendum. Quod absoluto sermone, nec ad aliud

aliud ullum collatum siccum uocatur, id in solis elementis est, igni, terraq;. Sicut humidum in aqua & aëre. Ad eundem modum, & de calido frigidoq; sentiendū. Nullū enim cæterorum corporum prorsus calidum frigidūue esse, sed sola elementa: quicquid præter hæc cœperis, ex his mixtis constar. Eoq; secundo significationum genere, calidum frigidūue est, non absoluta ratione ueluti syncerū, & à mixtione alienum, imo ueluti uel calidum largius, frigidū parcius: uel frigidū largius, calidū parcius sit fortitum: reliquorum quiduis calidum frigidūue dicitur. Ac duo quidem significata calidi, frigidi, humidi, & sicci hæc sunt: Alterum ex absoluto sermone loquētium, mixtura carens, & syncerum: alterum ex contrarijs quidē mixtis constans, cæterum ex pollentis in mixtura nomine appellatū. Hoc genere sanguis, pituita, adeps, uinum, oleum, mel, quicquid his simile est, humidū dicitur. Os, cartilago, unguis, ungula, cornu, pilus, lapides, lignū, arena, later, minore portionē humidi sunt fortita, maiore sicci: eoq; huiusmodi omnia sicca dicuntur.

*Tribus modis dicitur calidum, frigidum, humidum, & siccum. Primo de corporibus, quæ tales qualitates licet summas non habēt, synceras obtinent. Sic ignis ultra extremam caliditatem*

purè siccitatem habet, terra tamen minorem. Inquirere uerò cur ignis non sit summè siccus, perinde est, ac si quis roget, cur ignis non sit frigidus. Nam unumquodque prout illi melius erat, sua qualitate dotatum est. Aliter hæc nomina de ijs dicuntur, scilicet quæ uincentes licet non synce-  
ras contineant: sic homo dicitur calidus & humidus, apis frigida & sicca. Nouissime comparative sumuntur: atque in ijs comparationibus Galeni prolixitas plus satis morosa est. Breuius enim dici poterat, quòd huiusmodi quinq; ferè æstimatur modis. Nonnunquam enim uiuens refertur ad demortuum. Subinde ad medium totius substantiæ, ut singule substantiæ ad hominum cutem, præsertim quæ in manu est. Tertio ad medium genus animantium, hoc est hominem. Quarto genus generi comparatur. Quinto species speciei, & subinde indiuiduum indiuiduo, nonnunquam eiusdem speciei, nonnunquam alterius.

FORMICA uerò ficca est, & uermis humidus, scilicet ut sunt animalia. Rursus inter ipsos uermes alius ficcus, alius humidus, idque absolutè loquendo ut uermis, uel alteri cuiuspiam uermi comparatus.

In genere animantium, hoc est, respectu medijs alicuius in genere animantium. Secus enim hæc omnia, adeo & ipse homo simpliciter siccus est.

Ceterum

CAETERVM hoc ipsū quod dicim⁹  
*(ut uermis siccus, ut homo calidus, ut canis frigidus)* nisi quis rectè accipiat, & prius intel-  
 ligat quid sibi uelit, necesse est omnem ser-  
 monem confundat. Est autem rectè acci-  
 pere, id quod in secūdo de pulsibus agno-  
 scendis dicitur, unumquodque secundum  
 genus, uel speciem, non modò calidum, fri-  
 gidum, humidum, siccūmue, sed etiam ma-  
 gnum, paruum, celere, tardum, aliāq; id ge-  
 nus tunc nominari, cum supra mediocre,  
 mediumque sit. Verbi gratia, animal cali-  
 dum, cum supra medium temperie sit ani-  
 mal: equum calidum, cum supra medium  
 temperie sit equum. Porro in quoque ge-  
 nere speciēue media sunt ea, quæ Græcè  
 symmetra dicuntur: quippe quæ à summis  
 in eo genere & specie finibus æqualiter di-  
 stant. Ac genus quidem est animal, species  
 equus, bos, canis.

Huiusmodi orationes sibi ipsi cōparationē fi-  
 niūt: ut si dicas, *Vermis est humidus ut animal,*  
*hoc est ad mediū aliquod in animalis genere.* Si  
 uerò dixeris, *ut uermis, iam cōparationem au-*  
*dimus ad medium eiusdem speciei.* Si rursum ca-  
*nem calidum animal dixeris, supra medium ali-*  
*quod in genere animantis intelligimus.*

MEDIVM tēperie in toto animalium  
 genere homo est. Id enim in sequentibus

demonstrabitur. Medium uoco ut in hominum specie est, quem Græce *ῥαῖνον* uocāt (Latine, *puto, quadratum*). Is porro est, quem nec gracile dicere, nec crassum possis: sed nec calidum, nec frigidum, nec alio quouis nomine ex ijs quæ excessum defectumue indicāt, appellare. Quisquis super hunc fuerit, is prorsus calidior, frigidior, humidior, sicciorue est.

*Ita quidem decuit. Siquidem homo inter omnia animantia prudentissimus & sapientissimus esse debuit. Nam alibi ostendimus, neque siccum, ut dixit Heraclites: neque melancholicum, ut Aristoteles: sed temperatum pollere ingenio & prudentia. Hoc enim serè modo, quantum licet, omnium qualitatum expers est. quod quantum ad summam prudentiam confert, constat ex deo, qui ut simpliciter omnibus qualitatibus expers est, ita unica est prudentia. Postquam ergo corpore omnino ad intelligendum eguit, sicut alibi demonstrauius, quam temperatissimo & absolutissimo opus habuit.*

NOMINATVR autem talis absolutopartim fermone, partim nō absulto. Absolutè quidem loquēti, quoniam calidus, frigidus, siccus, humidusue esse, minime unialicui priuatim collatus dicitur.

*Ne hoc referas ad eum qui præcessit sermonem, quasi quisquis infra tēperatum hominem frigidus*

*frigidus* eſſet, ſimpliciter ſcilicet ad totam ſubſtantiam comparatus *frigidus* diceretur. Nam id falſum eſt: quando, ut antè diximus, & melancholicus, & pituitofus calidus eſt. Generatim ergo intelligit, quòd calidus ac frigidus de permixtis dupliciter dicatur, à domino, & comparative. Fateor hunc locum aliquando aliter expoſuiſſimus: at nunc hæc commentatio nobis uidetur æquior.

ITA enim canis abſoluto quidem ſermone, prout uidelicet cuiſpiam opinio eſt, animal ſiccū dicitur: nō utique alicui comparatum, uerbi gratia formicæ.

De ſiccitate à dominio hic ſermo eſt. Satis autem obſcure addidit animal ſiccum. nam ex hoc ſuſpicaretur aliquis, quòd canem ad medium totius animalis generis comparaſſet. Minus ſcio cur adiicit, Prout cuiſpiam opinio eſt. nam & homo ſimpliciter ſiccus eſt.

NON abſolutè uerò, una quidem ratione, quod ſcilicet ſymmetro, id eſt, cœquali & medio totius ſpeciei comparatur. Altera uerò, quod cum eo quod inter omnia animalia cœquale, & media temperie eſt, quicquid id ſtatuas, confertur. Ergo iam palàm fit, quòd unumquodque eorū quæ ſic dicuntur, nos id uel unicuique comparantes calidum, frigidum, humidum, aut ſiccum, ut ad illud dicimus, uel in quo

cūque genere speciēue fit dictum, ad eius mediū referētes. In specie quidē, ut equo, cane, boue, platano, cupressō, ficu. Genere uerò, ut animali, uel planta. His accedit & tertium significatum, eorum scilicet quæ absoluto sermone dicūtur, quæ impermixtas summasq; habere qualitates diximus, ac elementa uocari. Quinetiam qualitates ipsas est quādo corporibus ijs, quæ affecta qualitate sunt, similiter appellamus. Verū de hoc mox agetur.

*Dictio est manifesta. Nunc enim canem, aut si uis, aliud siccum ad speciem suam, secundo ad genus comparat. Sed quādā à quibusdā hic deleta, utpote quæ eorum iudicio superabundabant. Ferri tamen potest lectio: nam nihil refert, canem ad speciei & ad generis medium comparari. nam & Græcum nostrum exemplar sic habet.*

SED ad rem propositam, cum qualitate affecta corpora trifariam dicantur, considerandū arbitror in quaq; dictione, quem admodū utamur appellationib<sup>9</sup>, utrūne ut simplex aliquid & immixtum iudicantes, an ueluti ad symmetron eiusdem generis uel speciei cōferentes, an ueluti ad rem quamlibet. Sicut, cum os siccum dicimus, aut frigidum, absoluto ita sermone nominantes, non adiecto leonis, canis, aut hominis

minis. Palàm nanq; est, quod ad uniuersam naturam omnium quæ sunt in mundo corporum respicientes, aliquid cōcipimus medium, cum quo conferentes ipsum siccum dicimus. At si quis leonis uel canis, uel hominis os siccum esse dicit, liquet hunc rursus ei quod in ipsis animalium ossibus medium est, id cōparare. Estque quoniam uniuersorum animalium alijs magis, alijs minus sicca ossa sunt, hic quoque os aliquod in aliquo animalium genere intelligendum, quod media temperie sit, uerbi causa hominis: atq; huic reliqua collata, alia humida, alia sicca appellanda. Iā in ipsis hominibus alius os siccum, alius humidum habere dicitur, utique ei qui medius est, ut in hominibus, collatus. Quod uerò in omnibus quæ sunt, quod mediū inter extrema est, id symmetron, atque in illo genere uel specie temperatum sit, in omni mihi sermone subaudiendum perpetuò est: quāquā sit in dictione nōnunquam omissum. Atque cum hæc quidem sic se habeāt, ubi aliquis hanc, uel illam humidā, calidā uel temperiem affirmat, rogādus est quemadmodum dixerit, utrumne hūc quempiam unidefinito comparans Platoni, uerbi gratia, Theophrastū, an secundum genus quodlibet, speciē uel collationem faciens. Quippe uel ut hominem



nem, uel ut animal, uel ut substantiam ab-  
solutè. Tertium enim significatum cuius-  
uis talium nominū, quod simplex esse im-  
permixtūque diximus, id in mixtis sub-  
stātijs nō est: sed in ipsis primis, quæ etiam  
uocamus elementa. Ita cum quodque affe-  
ctorum qualitate corporum trifariam dica-  
tur, nobis ad propositam de temperamen-  
tis tractationem duobus tantum est opus,  
ut quī uel ad unumquodlibet, uel ad me-  
dium eiusdem generis comparemus. Quo-  
niam autem multa genera sunt, quemad-  
modum utiq; et indiuidua, poterit multis  
modis idem corpus & calidū, & frigidum,  
& humidū, & siccum esse. Verum cum uni  
cui libet comparatur, admodū manifestum  
est, cōtraria de eodem dicere licere: ueluti  
Dionē Theone quidē & Memnone siccio-  
rē, Aristone & Glaucone humidiorē. At cū  
ad mediū eiusdē generis, uel speciei fit col-  
latio, hīc iam confundi conturbariq;, qui  
parum exercitati sunt, solent. Idem nauq;  
homo humid⁹ simul & calidus esse potest,  
sed nō minus siccus et frigidus. Verum sic-  
cus quidem & frigidus ad mediocris tem-  
peramēti hominem comparatus: humidus  
autem & calidus, ad aliud quoduis animal  
stirpē uel aut substantiam collatus: uerbi  
gratia, ad animal, ut apem, & formicam: ad  
stirpem,

Stirpem, ut oleam, uel ficum, uel laurū. Ad aliam uerò quampiam substantiam, quæ nec animal sit, nec planta, ut lapidem, ferrum, uel æs. In his uerò collationem quæ ad hominem fit, ad rem eiusdem speciei dixeris. Quæ ad apem uel formicam est, ad aliquid eiusdem generis. Simili modo quæ ad stirpem sit quamlibet.

Variè, ut diximus, comparationes expenduntur: ueruntamen quædam orationes sunt, quæ rectas sibi comparationis species definiunt, ut si quis os siccum dixerit, palam est, quod ad uniuersam substantiam referat: sed ad os inter animalia medium expendit, qui os leonis siccum dixerit: tale autem hominis est. Duo posteriora significata horum terminorum paulò obscurius descripsit. Nam per id quod ad quodlibet comparatur, intelligendum id quod à dominio dicitur.

EST ENIM suprà animal stirpis genus, quemadmodum sanè superioris quam stirpium generis sunt lapis, ferrum, & æs. Vocetur tamē pro docendi compendio ad homogenes (id est, rem eiusdem generis) omnis eiusmodi comparatio.

Stirps non est genus supra animal, sed animal & stirps sunt species sub corpore animato: & hoc nunc intelligit per genus stirpis.

ILLUD modo in ea determinantibus nobis, quod ubi simpliciter substantia quæ  
piam

piam eucratos siue temperata dicitur, tum hac alia ficcior, alia humidior, et alia frigidior, alia calidior, eo loco eam quæ ex contrarijs æqua prorsus inter se portione coëuntibus constet, eucratō siue temperatam nominari: quæcunq; uerò ab hac deficiunt superantque aliquo, ea superantis nomine uocari. Vbi uerò stirpem animansue ullum eucraton dicimus, nequaquam in ea dictione simpliciter contraria inter se comparamus, sed ad naturam uel animalis uel stirpis referimus, ficū, uerbi gratia, tēperatū dicētes, cū talis sit, qualis maxime ficus natura esse debeat. rursus canem, suem, equū, & hominem, cū eorum quisque pro sua natura optimè se habeat: optimè uerò se habere aliquid pro sua natura, ex ipsis functionibus intelligitur. Quippe animal ac stirpem quamlibet tum optimè se habere dicimus, cum optimè suam functionem ob eunt. Ficus enim uirtus bonitasque est, optimas plurimāsque ficus afferre. Ad eūdem modū uitis, plurimas optimasq; uuas pendere. Equi uerò, quàm uelocissimè currere. Canis, ad uenationes quidē & tutelā quàm animosissimum, ad domesticos quàm mitissimum esse. Hæc igitur omnia, animalia dico & stirpes, optimam mediamq; habere in suo genere temperiem dicemus: non utiq;  
absoluto

absoluto sermone, cum paritas exacta contrariorum in ijs sit, sed cum ea mediocritas quæ ad potestatem refertur, ijs adsit.

*Temperatum quoque bifariam dicitur: simpliciter, & nix talis in manu hominis temperatissimi cutis est: quippe uel hic qualitates elementorum potius quàm ipsæ substantiæ in eodem pondere reperiuntur. Imò quòd mihi uidetur, æqualiter in aliquo elementorum expensis substantijs non poterit non excedere caliditas: quoniam maxime actiua est. Quippe & in homine minor ignis portio est, tamen illius qualitas emicat. Quid ergo illi eueniat ubi elementorum moles æqualiter coiuerit? Potius ergo est hæc de elementorum uirtute, quàm ipsorum pondere intelligere. Frequentius est, ubi temperatum ad officium, munus, facultatem, aut functionem cõparamus, quo modo in unaquaque specie temperatum nuncupamus, quod scilicet ad suas functiones optimè, ut potest, comparatum est. Sic ficus temperatissima, quæ plurimas atque optimas ficus edit. Sic canis temperatissimus, qui fidelissimus aut fortissimus: leo, qui ferocissimus: ouis, quæ mitissima: equus, qui uelocissimus ac fortissimus est.*

EIVS MODI aliquid & iustitiam esse dicimus, non quæ pondere & mensura, sed quæ eo quod pro dignitate cõuenit æqualitè explorat. Est igitur tẽperaturæ æqualitas

litas in omnibus téperatis animalibus stirpibusque, non ea quæ ex pari clementorum commixtorū spectatur mole, sed quæ tum animalis, tum stirpis naturæ cōuenit.

*Ex hoc loco neoterici temperaturam ad iustitiam appellare cœperunt. Iustitiam autem non tantum ad uirtutem referimus, sed & iustam figuram appellamus, iustam magnitudinem, iustum uolumen, atque alia quædam, in quibus orationibus iustum nihil aliud quam conueniens aut idoneum significat. Quapropter temperatam naturam, iustam appellare temperaturam possumus, & pro temperato iustum ponere. Id enim clarius ac breuius quàm ad iustitiam.*

CONVENIT autē aliàs, ut humidum sicco, et frigidum calido præponderet. Neque enim similem habere téperaturam debent, homo, leo, apis, & canis.

*Téperatura aut cause aut organa ipsarum functionum sunt. Quantum ergo differunt animalium officia, tantum debebant uariare & ipsa temperamenta: ac nusquam eadem sunt, sed distinguuntur quamplurimum, non tantum species inter se, sed & ipsa individua, adeo ut neque geminos unquam inuenies undiquaque similes.*

ERGO ad quærentem cuius sit temperamenti homo, equus, bos, canis, aliudne quod

quodlibet, non est absoluto sermone respondendum. Nō enim fieri potest, ut qui ad ea quæ multis modis sunt dicta, & inter se diuersa, uno modo responderet, nō coarguatur. Oportet igitur duorum alterū, aut omnes percensere differentias, aut percontatum prius de qua rogauerit, illam solam dicere. Nam si ut in animalibus, cuius esset temperamenti, rogabat, ad id quod medio est inter omnia animalia temperamēto respicientes, respōdere oportet. Si absolutē, atque ut ad omnē substantiam, sic iam contraria quæ sunt in eo, comparare inter se oportet, atque æstimare, haudquaquam ad actiones temperiem referentes, sed ad elementorū portiones. Sin huic cuiquam membratim cōparans rogabat, utique ad illud solum conferendo est respondendum. Iam minus etiam si indiuiduorum cuiuslibet, Dionis, uerbi gratia, uel huius canis rogemur quænam sit substantiæ temperatura, est simplex dāda respōsio. Dabitur enim hinc sophistis ad calumniam occasio nō parua. Nam si calidi esse tēperamenti & sicci Dionē dicat, facilē licebit illis partim hominē quēlibet, qui calidioris quàm Dion fit, & ficcioris temperamenti proponentibus, ut ad illum, humidum frigidūque Dionem dicere: partim aliud quoduis animans stir-

e pémue

pémue, uerbi gratia, leonem aut canem, atque his humidiorē ac frigidiorē asserere Dionem.

Totus semper sophistarum scopus fuit, potius confundere, quàm erudire. Nusquam uel etiam optima ingenia citius obruuntur, quàm in nominum similium confusione, aut uerborum uarietate. Hinc contradictiones illæ in dialecticis. Cuiuslibet hominis asinus in quolibet campo omni tempore nunquam non currit. & multa alia magis prodigiosa, magis fatua. Contra hosce tumultus unicum est remedium, ac promptum, talium uerborum ambages nō admittere, sententiam breuissimè reddere: & ubi plures sensus aut comparationes subsint, communiorē accipere. quòd si ambigua sunt, priusquam respondeas, definitionem illorum expetere: & quàm primum obmutescit Sophista, qui in ipsis rebus nullam eruditionem habet. Peccant autem & in eo Sophista, quòd quæ specialiter dicuntur, generatim assumunt, aut in alium scopum referunt. Atque hic perspicacem esse oportet, ut quò contendant, possis intelligere, atq; initia ipsa opprimere. Quòd si ex improviso longius ipsum protraxerit, saltem in fine, scopū ad quem tu à principio tendebas, omisso eo quò ipsi tendunt, respicere, & ambages illorum clarè atq; intrepidè dispecere.

QV I S QV I S igitur nec ipse sese fallere,  
nec

nec ab alio falli uolet: huic opus est, ab his substātijs, quæ simpliciter calidæ, frigidæ, humidæ, siccæ dicuntur, incipere, atque ita transire ad reliquas. Ac primum quidem illud ipsum in ijs exploratum habere, ne has quidem, tamen si maximè uidentur, absoluto sermone dici, quo minus ad mediocre eiusdem generis comparentur, effugere. ueluti enim canem medio temperamento esse omnium canum dicimus, cum pari spatium distat ab extremis: ita substantiam medio esse temperamento dicemus, cum pari modo ab extremis abest, quæ scilicet & prima omnium sunt & elementa. Porro aberit pari modo ab extremis, cum ea cōtinet æqualiter inter se mixta. Ergo quæ supra citæque hanc temperies erit, eam calidam, frigidam, humidam, uel siccam dicemus, si mul ei quæ media est cōferentes, simul contrariorum elementorū examen in ea facientes. Qua nimirum ratione simpliciter eam calidam, frigidam, humidam, siccamue pronuntiabimus. Vbi uerò cum medio temperamento conferimus, non simpliciter, sed quod ad mediocre eiusdem generis sic se habet.

*Sicuti canem medio temperamento esse dicimus, qui ex æquo distat ab intemperatis sue speciei indiuiduis: ita substantiæ temperatæ dicimur*



*tur, quæ in medio constant generum substantiæ, hoc est, ipsorum elementorum. nam hæc extrema sunt in generibus substantiæ, & quæ sola simpliciter calida, frigida, humida, aut sicca dicuntur. Non sunt autem tales substantiæ multæ, sed ipsa cutis.*

PORRO genus earum substantia est. omnia enim sub hac ut superiori sunt genere, tum animata, tum inanima. Estque hæc hominis, canis, platani, ficus, æris, ferri, aliorum denique omnium commune genus. Sub ea uerò sunt alia genera permulta, animal quidē, auis, piscis: stirps, arboris, & herbæ: auis, aquilæ, & corui: piscis, lupi, & rhombi. Simili modo oleæ, & ficus genus est arbor: anagallidos & pœoniæ herba. Iam hæc ultima sunt genera, eoque species appellantur, coruus, rhombus, ficus, anagallis, similiter homo, & bos, & canis. Ac superne quidem descendantibus, hæc ultima sunt genera, proinde species dictæ. Infernè quidem ascendentibus, ab indiuiduis scilicet substantiis, prima sunt. Indicatumque alio opere est, merito omnia quæ media sunt inter prima genera, & indiuidua, simul genera, & species à ueteribus nominari.

*Hic ordo generum, & specierum, ex prædicationis Aristotelis querendus est.*

ERGO cū definita significata iam sint,  
ac clarè

ac clarè indicatum, quemadmodum tum absolute, tum non absolute sermone, calidum, frigidum, humidum, siccumne corpus aliquod pronūciandum sit, quærendæ nobis deinceps eorum sunt notæ. Quāquā hinc quoque decernere prius de nominibus oportet, quæ in habēdo nobis sermone necessariò incident, simul explicare rem quandā, quæ potestate prius iam mōstrata est, nō tamen ab omnibus qui hos commentarios euoluent, facile saltem intelligi potest. Itaque de nominibus prius locutus, mox ad rem reuertar. Quòd calidum, frigidum, humidum, siccumne, non unum aliquid simpliciter significant, ubi de corporibus dicuntur, prius est indicatum. Quòd autem & solæ ipsæ in corporibus qualitates, citra corpora quæ eas suscipiunt, sic interim nominentur, id quidem ut nondum est dictum, ita nunc dici est tempestiuum. Quemadmodum nomen albi, tum de colore enūciant, cum ita loquuntur, contrarius est albus color nigro: tum de corpore quod colorem suscipit, cum scilicet oloris corpus album dicunt: ita & calidi nomen, tum de qualitate affirmant ipsa, tãquam si caliditatem appellaret: tum uerò de corpore, quod caliditatem sustinet. Quippe qualitatem à corpore, quod eam suscipit, diuersam habere naturam,

turam, & propriam existimare oportet: nē-  
luti in opere de elementis est indicatum. Et  
caliditas quidem qualitas est, eadem uerò  
& calidum dicitur, ueluti & albedo album.  
Ipsū uerò corpus calidum, unum hoc no-  
men tantummodo obtinet, calidum, sicuti  
album. Nunquam tamen caliditas uel albe-  
do corpus ipsum dicitur. Ad eundem mo-  
dum siccum, frigidum, & humidum nomi-  
nantur, tum ipsum corpus, tum qualitas.  
Non tamen ipsum corpus frigiditas, humi-  
ditas, uel siccitas appellatur, quēadmodum  
quæ in eo est qualitas. Hæc cum sic se ha-  
beant, nō alienum est, cum uel caliditatem,  
uel frigiditatem disputans quis profert nul-  
lam exoriri captionem, quòd solæ qualita-  
tes his indicentur nominibus. at calidum  
frigidūue cum dicitur, quando & quali-  
tas ita, & quod eam suscipit, corpus nomi-  
natur, facile fit ei qui redarguere studet, ut  
quod à loquente non significatur, id quo  
possit repræhendere, accipiat. Eiusmodi e-  
nim rem faciunt, qui sententiam illam, qua  
dicit Hippocrates augescētia corpora plu-  
rimum habere innatum calidum oppug-  
nāt. Neque enim esse corpus aliquod (*cali-  
dū*) ipsum innatū animali calidū ab Hippo-  
crate dici intelligentes, neque id quid sit, us-  
quam quērētes: sed de sola qualitate, quam  
scilicet

scilicet caliditatem appellamus, nomen id dici præfumentes, sic dictum eius refellere parant. Et iam apparet, quod de homonymia distinguere, tametsi sit res parua, tamē in rerum uiu non leuis experitur momenti. Verum cum hoc quoque abunde sit definitum, rursus id quod superest, reperamus. Cum humiditas & siccitas, caliditas & frigiditas, synceræ quædam & impermixtæ qualitates sunt, quæcunque has susceperē corpora, ea calida & frigida, humida & sic ea, prorsus exacteque dicuntur.

*Quòd calidum tam de corpore dicitur, quàm qualitate, nix admonitione eger: æquè manifestum est, quòd caliditas, calor, ac similia tantum de ipsis qualitatibus dicantur: & propterea periculum est, ne nimis scrupulosè hoc nomen calidum Galenus in Aphorismis accipiat. Nam nūc βεγυῖν, nunc βεγυῖν legimus. Et quemadmodum in Aphorismis ostendimus, nihil refert. Nam si substantia ipsa copiosior sit, & ipse calor quosque in pueris quàm iuuenibus liberalior erit, non tamē in ordine maior. de his in Aphorismis latè diximus.*

AT QV E hæc mihi genitorum & per euntium elementa intellige. Reliqua corpora uel animalium, uel stirpium, uel inanimorū omnium, ueluti æris, ferri, lapidum, lignorum, in medio primorū illorum sunt

collocata. Nullū enim aliorum uel ad summum calidum, uel ad summum, frigidum, uel ad summū humidū: uel ad summū siccū est, sed uel mediū prorsus cōtrariorū, ita ut nihilo magis sit calidū quā frigidū, aut humidum quā siccū: uel ad alterū contrariorum esse propensum, ita ut magis calidum sit quā frigidum, uel magis sit humidum quā siccum. ac siquidē medium plane sit in utroque contrariorum genere, ita ut nō sit magis calidū quā frigidū, aut humidū quā siccū, *ἐνμέσσιον* id, siue téperatū omnino dicitur. Sin alterum cōtrariorum superet, siue in altera oppositione, siue in utraque id sit, nō etiam dicetur *ὑπερβασιον*. At si calidum est magis quā frigidum, quod magis est, id appellabitur. Idem statuēdum de sicco & humido. Ad eundem modum, si magis frigidum sit, nominabitur frigidum. At si in utraque oppositione alterum superet, siue calidum unā cum humido, siue calidum unā cum sicco, siue frigidū simul cum humido, siue frigidum unā cum sicco, utique pro uincenti sortietur id corpus appellationem.

*Quòd nullum ex mistis corporibus sit extreme calidum aut frigidum, humidū aut siccum, ex eo est, quia permistum.*

ET has quidem quatuor intemperies,

ut

ut suprà diximus, plurimi norunt tum medici, tū philosophi. Reliquas quatuor, quæ ex dimidio harum constitutæ sunt, nescio quomodo derelinquunt, sicuti etiam eam quæ prima omniū optimaq; est. Cæterū q̄ superâte calido, liceat nihilo magis humidā esse q̄ siccā tēperie, quod utiq; ad hanc spectet cōiugationē, id uel ex ijs quæ iam dicta sunt, manifestum arbitror, facileque est, etiam si nihil esset prædictum, id colligere. Concedentibus semel illud ialtem, alterā esse tēperie humidā & calidā, alterā siccā & calidā. Si nāq; necessariū omnino nō est, siccā esse, quæ calida sit, sed licet eā & humidā esse, licebit utiq; & mediā esse: propior nanque siccæ temperaturæ media est, quàm humida. Ad eundem modū est & frigida quædam temperies altera, in qua nimirum frigidum præpoller: hāc tamen nec humidam esse nec siccam est necesse. Sed potest inter has & media esse. Rursus enim hic quoque eandem afferes rationem: nempe si necesse non est frigidam temperiem esse humidam, scilicet & siccam eam fieri manifestum est, mediā quoque esse posse: quippe quæ uicinior humidæ, quàm sicca. Ergo ueluti duæ intemperies altera oppositione sunt monstratæ, altera calida tātum, altera frigida: sic in altera oppositione duæ aliæ

fiatnantur, altera sicca tantum, altera humida, medio critere scilicet sese habentibus calido & frigido. Iterum nanque dicemus hic quoque, sicuti necesse non est, si quæ temperies sicca est, hanc protinus calidam quoque esse: sed fieri posse, ut etiam frigida sit: ita fieri potest, ut quæpiam nec calida sit, nec frigida, sed in hac quidem oppositione eucratos siue temperata, in altera sicca. Simili modo nec humidam temperiem necesse est calidam frigidamne esse, sed eam mediam esse inter huius oppositionis extrema licet. Si igitur necesse non est, ut vel intemperiem quæ in calido est & frigido, sequatur ea quæ est in altera oppositione intemperies, vel hanc quæ in illa, licebit aliquando & naturam quæ in caliditate & frigiditate temperata sit, vel ficcam esse, vel humidam: inuicemque quæ in his temperata sit, vel calidam esse, vel frigidam. quæ sunt & hæ ab ijs, quas priores tum medici, tum philosophi nobis tradiderunt, quatuor diuersæ intemperies, medioque loco positæ inter temperatos habitus, & eos qui in utraq; oppositione sunt intemperati. Qui nanque in summo est temperatus, is neutram oppositionem habet superantem. Qui uero aduersus hunc est intemperatus, utranque habet uitiosam. Medium sortitur locum,

cum, qui in altera quidem est temperatus, in altera intemperatus: qui utrique, & ex dimidio eucratos, ex dimidio intemperatus cum sit, merito medius dici potest inter eum, qui ex toto est temperatus, & eum qui ex toto est intemperatus. Et si quidem hæc sic se habent, sicut certè se habent, cur nouem dicere uniuersas temperamentorum differentias dubitemus? Temperatam quidem unam, non temperatas octo, quarum quatuor simplices sunt, humida, sicca, calida, & frigida: quatuor cõpositæ, humida simul & calida, sicca pariter & calida, frigida simul & humida, frigida simul & sicca.

*Quòd calidum cum humido committi potest, antè demonstrauimus: quòd autem cum sicco, omnibus in confesso est. Non potest ergo ulla superesse dubitatio de temperamento medio. non enim temperamentum ulla qualitas indignatur, quæ utrunque extremum tolerat. Atque ex hac iam demonstratione quatuor simplices temperaturæ collegit. quibus si temperatum adieceris, nouem erunt.*

IN quolibet uerò iam dictorum temperamentorum permagnus est excessus defectusq; modus, non in ijs modò quæ simplicia sunt, sed etiam in cõpositis, idque tum in tota substantia, tum uerò in unoquoque genere. Si cur igitur agnoscendo-

rum



rum temperamentorum cura est, incipiat exercitationem oportet ab ijs in quolibet genere naturis, quæ temperatæ, mediæq; sunt. Quippe cum si his alias cōparet, facile quod in quauis superet, deficiatue, inuenerit. Ergo primū de ijs quæ simpliciter loquentibus temperata intemperataque dicuntur, agendū, quæ scilicet in omni generata substantia, non in solis animalibus & stirpibus disquirenda diximus.

*Quanta est latitudo eorum, in Techna diximus: nam generaliter intemperatura in tres status distinguuntur, in neutrum, in salubrem, & ægotantem. Quinimo & ipsa temperies simplex nō est, sed latitudinem ac spatium obtinet, cuius uel illud argumentum maximum est, quod per totam adolescentiam durat. Sunt etiam qui per singulas ætates uelint seruare ac deducere. Ego uerò dicere ausim, calidum & siccum natura molliorē obtinere pueritiam, quā temperatum: sed de ijs in Techna. Quod si intemperaturam ad totam rerum substantiam referas, iam maior erit latitudo: angustū uerò, si hoc modo æstimes, ipsa temperies.*

P O R R O hic quoq; tantillum de nominibus distinguere saltem conueniet, quod calida temperies alia iam energia, siue (ut loquuntur) actu sit, alia potestate: tū quod potestate ea esse dicamus, quæ quod dicuntur,

tur, id nondum sint, sed facile id fieri possint: quoniam naturalem, ut id fiant, facultatem sint adepta. Igitur primū de his quæ actu calida, frigida, humida, & sicca sunt, differamus, auspiciati ab uniuersa substantia, mox ad animalia & stirpes descensuri. Ita enim consummationem habebit, quod institutum nobis est.

*Quòd alia energia, alia potentia talia sint, in tertio latè dicemus: sunt tamen de quibus dubites. Non enim sola oua & uinum potestate habentur calida, sed & caro quarundam auium, quæ uiuæ actu erant calidæ. Atqui interim cadauer omnem priorem calorem exiit, ob id mihi calida potestate uidentur duplicia, alia quæ possunt incallescere, alia quæ in calidum possunt conuerti, ac talia etiam sunt quæ antè uel natura uel actu fuerint calida.*

QVONIAM igitur quod in omni genere, maximeq; in uniuersa substantia medium est, id ex mixtione extremorum conflatur, utique cōueniet, ut tū notitia eius, tum agnitio ex illis sumatur: ac notitia quidem facilima est, quippe quæ à calidissimo omnium quæ sub sensum ueniunt, ueluti igni aut quapiam aqua, quæ ad summum sit feruens, ad id quod omnium quæ nobis apparent, est frigidissimum, ueluti glaciem & niuem ueniētes, æstimato inter ea intervallo,

lo medio, ad unguem id didicimus : sic enim symmetron, quod scilicet ab utroque extremorum pari abest spatio, intellectu comprehendemus.

Ex contactu, inquit, nunc ignis, nunc aqua fermentis, nunc uero niuis, aut glaciei, licet æstimare, ac intelligere ipsum exquisitè medium, atque temperatum. Obscurius paulò hæc sententia expressa est, sed Græca lectio sic iacet : ἀπὸ γὰρ τοῦ θερμωτάτου πάντων τῶν εἰς αἰσθησίην ἡκόντων, εἰς ἣτοι πρὸς ἑταυρὸς ὑδατος ἀκρῶς γίνονται, ἐπὶ τὸ ψυχρότατον καταβόντες ἀπάντων τῶν ἰσμεν, εἰς ἡνύσταλλον ἢ χιόναν νοήσαντες τι διὰ σημαίας ἀκριβῶς τὸ τοῦτο τινομεν. Cuius, meo quidem iudicio, hæc est sententia, A' calidissimo ad frigidissimum uenientes, ac inter hæc medium aliquod intelligentes, exquisitè medium hoc ipsum sortimur, aut distinguimus. Promptior hæc est dictio, quàm ipsa res. Nam facilius est ita dicere, quàm medium intelligere, aut statuere.

QVINETIAM id nobis præparare licet miscentibus aquæ feruenti parem modum glaciei. Quod enim ex ambobus est mixtū, pari interuallo ab utroque extremorum aberit, & eo quod urit, & eo quod frigore stupefacit. Non est igitur difficile ei, qui ita mixtū tetigerit, medium uniuersæ substantiæ in calidi frigidiq̃ue oppositio-

ne

ne habere, eiusque meminisse, atque alia omnia illi ueluti normę adaptata iudicare.

*Non impugnat hæc mixtura quod prius diximus: quoniam longè aliud est miscere aquam feruentem glaci, aliud ipsum ignem. Nam, ut diximus, in eodem pondere caliditas ignis frigiditatem aquę exuperat.*

QVINETIAM si terram, quę sicca sit, uel cinerem, uel tale aliquid, quod planè sit aridum, pari aquę modo imbueris, mediũ in sicci humidiq̃ue oppositione effeceris. Ergo ne hic quidẽ difficile est, ubi uisu pariter tactuq̃ue eiusmodi corpus no ueris, memorię id infigere, eoq̃ue ad humidorum ac siccorum quę deficiant, iuperentue agnitionem pro norma exemplarięque uti.

*An ex ijs media quedam temperatura fiet, neque contendere, neque asserere uolo. nam a cineribus par aquę quantitas ferè imbibitur, & absorbetur: & alioquin pars terre, ut grauior est, facile ab aqua confunditur. horum examen ociosis relinquimus.*

PORRO corpus, de quo iudicandum est, mediocriter calens esto. Nam hoc ipsum humidi sicciq̃; medium corpus, si ad summũ id calorem frigusue sit perductum: falsam interim imaginationem excitabit, uidebiturque quàm sit mediocre, aliquan

do

do humidius, aliquando ficius. Quippe si liberalius calefiat, liquatum iam ac fluxile, humidioris substantiæ phantasiā de se præbebit: contrā refrigeratum plus iusto consistit, ac cogitur, immobileque redditur, & durū tangenti apparet. Vnde etiam falsā siccitatis imaginationem exhibet. Quòd si ueluti humidi ficiq; parem modū habet, sic caloris ac frigoris sit medio, nec durum, nec molle tangenti apparebit id corpus.

*Frequenter siccum apparet humidum, quia calore liquatum est. nam & humidum frequenter siccum apparet, quia concretum frigore. Hac ergo ratione oportet utrumq; distinguere, priusquam sicci aut humidi arbitrium sensui possis committere. Non enim sensus, sed sola ratio, quid per se, aut quid per accidens durum sit aut molle, distinguit.*

ATQVÈ tota quidem eiusmodi corpora, per tota se miscendi, calidū, inquam, frigidum, humidum, aut siccum, homini facultas non est. Terra enim aquæ confusa miscetur quidem (quatenus scilicet uideri cupiam possit) atque ita tota toti cōteperatur. Ceterū appositio exiguarū partium ea est nequaquam totorū per tota mixtio: sed ambo ea per tota miscere, Dei, uel Naturæ est opus: magisque etiam si calidum  
ac

ac frigidum inter se tota per tota miscenda sint.

*Ars naturam imitari potest, assequitur autem nunquam: ita & terram aquæ obiter miscere possis, adeo ut ipsa sensus discernere nequeat. at ubi tota totis miscentur, ne intellectus quidem ea ab invicē distinguere potest: nullam enim partem tam parvam excipias, quæ alterius portionem non contineat.*

ATTAMEN oppositionē huiusmodi efficere, ut sensum effugiāt singula simplicium corporum, non solum naturæ opus, deīue est, sed etiam nostrum. Neque enim difficile est, tali mixtione lutū, quod medium sicci humidique sit, mollire. Simili modo, & quod calidi ac frigidi sit medium: uidebiturq; tibi eiusmodi corpus in calore & frigore temperatum, imò etiam in duritie mollitieque medio statu esse.

*Videtur cōmiscere lutum cum aqua calida: atq; hic potest fieri medium inter humidum & siccum. Sed nō uideo quo modo orietur medium inter calidum & frigidum: nam lutum minus habet frigiditatis, quam feruens aqua caliditatis. Ergo tantillum in ipsa mixtione oportet minuire calidum, ut totum euadat tepidum. Est enim id exquisitè medium, quamuis uulgus putaret uergere uersus calidum.*

ID autē genus est hominis cutis, utpo-

f

te

te omnium extremorum, calidi, frigidi, humididi, sicci uerè media, maximeq; ea quæ est in manu.

*An absolutè ac simpliciter media sit, ipse uiderit: mihi plus uidetur accedere ad siccū quàm humidum, modò definitionē humidorum apud Aristotelem consulas. sic & ad frigidum potius quàm calidum, saltem propria ratione. Nam calore eorum quæ illi proxima sunt, nonnihil attemperatur. Sed nolumus hunc locum tam morosè accipere: nam nobis cum Galeno satis est, quòd ad tèperiem, prout licet, accedit proximè.*

H A E C enim omnium sensibilibum ueluti norma futura erat prudentissimo nimirum animantium, tactus instrumentum ab ipsa natura comparata.

*In Græco exemplari accreuit, Familiarium, ubi sic legitur, Prudentissimo animantium familiarium, aut domesticorum. ac parum refert. Illud potius inuestigandum est, num bene dixerit, quòd cutis tactus instrumentum sit. Nam ubi ad extremum uenit sermo, non quidem cutis, sed nervus ipse primum tactus organum est. Quidam mediū dicūt. Sed neque hoc mihi placeat, quoniam solus ferè uisus propter subtilitatem, ac luminis necessitatem, medium requirit. certè nervus sine medio sentit, quanquàm comòdè illi cutis temperata circumposita sit, quæ si insigniter aliqua qualitate esset affecta, non rectè*

rectè comprehenderet externa. Exemplum has  
bes in singulis propemodum sensibus. nam qui  
bus oculus aliquo colore, forte flauo, infectus est,  
omnia flaua indicant: & quibus uniuersum cor  
pus per febrem incaluit, nullum aliud rectè dis  
cernunt calidum, tantum delectantur frigido.  
Proinde medium quidem utile est, sed non ut in  
usu necessarium.

QV O magis eā ab omnibus extremis, calido inquam, frigido, sicco & humido, pari abesse intervallo oportuit.

Sic & crystalloidem omnis coloris expertem esse decuit. Est tamen discrimen aliquod inter crystalloidem & cutem. Nam crystalloides præcipuum visus organum, spiritu impletur, qui ad illum per nervos funditur. Ac cutis per se insensibilis est, ac spiritu caret. Igitur non quidem cutis, sed nervus præcipuum tactus organum est, qua de causa & ipse medius est inter humidum & siccum. Quod si ad frigidum magis spectet quam calidum, interim tamen sufficienter calidum indicat & frigidum, quia proximorum calore ad quandam intemperiem ducitur.

I A Mutique & cōstat ex horū omnium  
æquis portionibus non cōpositis modo,  
sed etiam per totas semistis: quod nostrū  
nemo planè efficere potest, sed est natu-  
ræ opus.

Oportet hoc intelligere de portionibus, non

 $f$ 

quidem



*quidem ipsarum substantiarum, sed qualitatum. Verum neque sic absolutus sermo est. Nam ubi aqua simpliciter est calidi cum frigido portio, ipsam calidum exuperat: quippe & in homine ubi illius portio vincitur, tamen qualitas eiusdem emicat: ergo aquas portiones secundum uirtutem tantum oportet intelligere. Nec ante nos, quod sciam, nemo annotauit. Oportet autem & hoc hic intelligere, quod de cute interna illi sermo sit: non autem externa, quam appellant epidermida.*

*QVAECUNQUE* igitur partes cute sunt duriores, ueluti ossa, cartilagine, cornua, pili, ungues, ligamēta, ungulae, calcaria, in his siccum praeualet: quaecumque uerò molliores sunt, sicuti sanguis, pituita, sænum, adeps, cerebrum, medulla tum spinalis, tum altera, in his humidi plus est quam ficci. Quinetiā quanto siccissima omnium quae sunt in homine, pars cutem siccitate superat, tanto rursus superatur à cute quod est humidissimum. Porro uidetur nunc disceptatio nostra ea quae utilissima sunt attingere, ac docere simul, quod tum animalium, tum uerò omnium corporum temperatissimus sit homo. Simul quod omnium quae in eo sunt particularum cutis quae intra manum habetur, omnis excessus plane sit expers.

*In ijs omnibus una est dictio, quod cutis media*

*dia sit inter siccissima & humidissima. speciatim uerò quis siccorum ac humidorum ordo sit, audiemus postea.*

**INSISTENTES** igitur huic loco æstimemus quinquam sit optimè réperatus homo:quem scilicet totius substantiæ, uel potius tum hominum, tū reliquorum animalium medium, ueluti regulam & normam statuentes, reliquos omnes huic collatos, calidos, frigidos, humidos, siccos uel dicere oportet.

*Durus est sermo, imò simpliciter falsus, quòd homo respectu totius substantiæ sit temperatus, nisi secundum illius cutem intelligas: propterea ipsum correxit eo quod sequitur.*

**CONCVR RANT** ergo oportet in hoc homine notæ multæ: quippe & cum uniuersa substantia collatus, medius in ea apparere debet, & magis etiam cum hominibus & bestiis. Ac medijs quidē in uniuersa substantia cōmunes notæ dictæ iam sunt. Quæ uerò in animalium speciebus notantur, actionis perfectione, quæ cuique sit conueniens, indicātur.

*Fateor in multis operationibus uincitur à cæteris animalibus. Nam cursu uincitur à lepore, robore à leone, uisu à lynce, olfactu forsan à tigride: sed quod similem in omnibus perfectionem ac uirtutem obtinet, nullum aliud inuenies*

*animans. Sic & intemperatum fortè inuenies, qui pertinacius retineat, alium qui promptius discat: sed qui utrunque egregiè obtineat, solus temperatus est. Quòd si ad extremum sermo uerit, ne hic quidem ulla operatio quàm illic est imperfectior, uel ob eam causam, quòd quæ in intemperatis feliciores uidentur, citò marcescant: quippe ut sunt præciores, ita temporius contabescunt. De lyncis uerò uisu nihil oportet dicere, quàdo nec talis conueniebat homini.*

CONVENIT autem homini, ut sit sapientissimus.

*Intelligit sub sapientia reliquas operationes, quòd hæc reliquis potior sit, atque exquisitiorem temperaturam requirit. Nam operationes uoluntariæ etiam in intemperatis quibusdam robustæ perficiuntur: sed solus ille sapientissimus, qui temperatissimus: indicio est, quòd optima fere quæq; ingenia peperit Græcia, aut alia regio temperata: unus enim Anacharsis in Scythia, tam rara sunt in regione intemperata bona ingenia. Possumus nunc id paulò altius contemplari, atq; exemplo ipsorum sensuum fortè crystalloidis condiscere. Nam ut hunc oportebat esse expertem omnis coloris, ita spiritum, qui futurus erat animæ incorporeæ internuntius, oportebat esse ab omni, ut licebat, qualitate corporea uacuum, alioquin animæ incorporeæ incommodum fuisset instrumentum. Vbi uerò corpus*  
quam

quàm temperatissimum, ibi quoq; spiritus animalis, ac præsertim qui intellectui subseruit, ut licet omnis qualitas expers est, ita neque calidum, neq; frigidum, neq; siccum possis dicere, neq; humidum: atq; hoc quidem modo, ad res altas, & cælestes, atq; adeo maximas, maximè comparatus est. Simile enim à simili facile capitur. Idem & ipsa ostendit experientia, quàm bene nati sunt eiusmodi homines ad res maximas: alij uerò præsertim qui frigidi ac sicci, aut humidi, stipites sunt, & nihil ex ijs bene contemplari possunt. Miraberis magis, quòd ut hi ad res magnas sint inidonei, ita illi ad res paruas, uel quia illorum ingenijs dissimiles, uel quia cõtemptæ. Itaque ñ soli sapientes. Reliqui externas res prudenter possunt gerere, uerum ex altioribus nullam possunt bene obire, aut disserere. ac tanta nunc nobis inter prudentiam & sapientiam differentia. de qua re plura in nostra Techna.

CANI ut mitissimus pariter sit atque fortissimus: leoni ut tãtum sit fortissimus: sicuti oui, ut sit tantum mitissima.

Tam cani, quàm oui mitissimum attribuit: ueruntamen illorum corda diuersè admodum temperata sunt, à quibus hæc officia pendent. etenim canis siccus, ovis humida: propterea non dicam simpliciter mitissimũ, sed fidelissimum, ac fortissimum. Est enim quedam facultas, quæ uno nomine exprimi non potest. Mitcm uerò dis-

*cimus, qui nulli promptè irascitur, sed mansuetus est. At canis, ut erga familiares mitis est, ita erga externos durus: ergo rectius fidelis & fortis dicitur. Hoc autem ob temperaturam cordis calidam & siccam euenit. nam contrà qui humidum cor habent, lubrica fide sunt, ac instabiles. Quòd tamen humiditas sit præcipua causâ mansuetudinis, ex eo cognoscetis, quòd insigniter sicca ferè nunquàm cicurari possunt, ut leo, & quedâ alia. Iam & omnia syluestria, ut domesticis sicciora, ita magis fera. Iam neq; quouis tempore, sed sola ineunte atate illa cicurari ac domari possunt, utpote humidiora.*

I A M uero quòd corporis actiones consentientes esse animi moribus oporteat, tum Aristoteli in his quæ de partibus animalium scripsit, tû uerò nobis alibi nihilominus est monstratum. Ac methodus quidem hæc est, exercitari uerò ut non in singulis modò animalium generibus, sed etiam in uniuersis medium in promptu quis noscat: id cuiuslibet hominis non est, sed diligenti in primis, & qui per longam experientiam, & multâ omnium particularium peritiâ, inuenire medium queat. Quippe ad eum modum plastæ, pictores, statuarij, alij deniq; fictores, quæ pulcherrima in omni specie sunt, tû pingunt, tum fingunt, ueluti hominem, equum, bovem, leonem  
formo

formosissimum, ad id quod medium est in illa specie collinentes: laudantque homines quādam Polycleti statuam, Canonem appellatam. Inde adeò id nomē fortitum, quòd partium inter se omnium competentiam ad unguem habeat.

Nescio quas hic corporis actiones prædicat, aut cum animi moribus comparat. Non enim corporis robur semper respōdet ingenij viribus, multo minus cū ijs naturales operationes conueniunt: forsitan ergo animi mores, audaciam, timiditatem, ac similia intelligit. His enim & corporis robur ferè respondet, ut qui audax fuerit, robustos nervos obtinet: è contrario pusillissimus, quia cordis temperaturam, ex qua animi mores, & reliqua ferè conditio corporis sequitur. Idem, sed clarius, dixit postea, quòd natura effingit corporis particulas iuxta animi mores. patet id ex diuersis animantibus, in quibus natura, unicuique pro diuersitate suæ indolis diuersas instituit particulas: scilicet homo animal natura mansuetum, proinde nihil armatum illi ingenuit: contra aquila & alijs auibus rapacibus ungulas dedit: paucis alia auis, alia piscium, alia quadrupedum officia ac membra. In quam sententiam nunc mihi uidetur dixisse Galenus, quòd animi moribus oportet consentire actiones corporis. Exempla super ijs rebus scripsit in libro de usu partium. circa idem quoque

f s uersan

*uerfantur libri Aristotelis de animalium partibus.*

HABET autem, quem nunc quærimus, plus aliud quàm Canon ille: cum non solum humoris ac siccitatis in medio consistat is, qui ita eufarcos siue quadratus est homo, sed etiam optimam formationem sit adeptus.

Nulla est in Polycleti statua temperies, sed tantum in ea spectamus figuræ concinnitatem: quæ propter non possum non admirari Galenum, qui in quadrato homine ultra id quod laudatur in Polycleti statuæ, iustam formationem spectat. Melius sic haberet sermo, Quia nō tantum optimam formationem adeptus est quadratus homo, sed etiam humoris ac siccitatis in medio consistit. Aut sic restituere oportet lectionem, Nam præterea in humoris ac siccitatis medio consistit quadratus homo, præterquàm quòd optimam formationem sit adeptus. Sanè simpliciter sermo absurdus est, tanto magis miror quòd à nemine hætenus animaduersus. nam admodum negligens esse debet, quem hic locus aut similis non moratur.

QUAE fortasse bonam quatuor elementorum temperiem est comitata, fortasse diuiniorē aliquam supernè originem habet. Cæterum prorsus *ὑνδαίνω* saltē esse eiusmodi hominē, id ferè est necessarium.

Quippe

Quippe mediocritas in carne, ex mediocritate temperamenti provenit. protinus autem adsequitur tale corpus, ut optimè ad actiones sit comparatum, tum in mollitie & durtia, præterea calore & frigore mediocriter se habeat : atque hæc omnia in sunt cuti, huiusq; maximè illi parti, quæ est intra manum, scilicet quæ callum huiusmodi non contraxit, qualis in remigibus & fossoribus cernitur. Cum enim gemini usus causa manus sunt factæ, tactu discernendi, & rem quampiam compræhendendi, utique quæ molles sunt ad exquisitius tangendum, duræ ad aliquid maiore vi capiendum magis sunt idoneæ. Quinetiam cutis, quæ nō solum omnium hominis partium, sed etiam uniuersæ omnium generationi corruptionique subiiciuntur, substantiæ media est, ea nec callosa, nec dura lapideæue est, sed secundum naturam se habens, quo scilicet cutis genere maximè perfectū esse tactum censemus.

*An forma temperaturam sequatur, ferè in controuersiam uertitur. melior pars id ipsum negat. neque enim temperatum cum bene conformato idem est, neque illius causa. Alioquin corpus simpliciter sanum satis erat temperato finire, nec opus erat totius in principio Technæ, dum finiretur corpus sanum secundum particulam,*  
*qua*



qua instrumentorum requirebat commodera-  
 tionem adijcere: siquidem perpetuum fuerat,  
 idem temperatum & formosum esse. Verum  
 & nominum ratio facile indicat, quantum res  
 inter se dissideant. Sed quia raro optima tempe-  
 ries optimam formam desiderat, hinc hæsit Ga-  
 lenus, & dubitauit Aristoteles. Phsyionomia  
 tamen ex lineis mores sumit, at mores tempera-  
 mentum sequuntur. Si figura igitur mores de-  
 monstrat, & temperamentum arguit. Quod si  
 tu Phsyionomiae leuitatem contemnere audeas,  
 Aristotelem puto, multo minus Galenum rec-  
 spues, qui postmodum uaturam effigiaße parti-  
 culas secundum animi mores dixit. Deinde non  
 definimus temperamentum pondere, sed actio-  
 nis perfectione: igitur temperatissimum esse non  
 potest, nisi idem fuerit saluberrimum, quod nihi-  
 lo secius operationes quædam per morbos instru-  
 mentales quàm similes impediri possint: aut  
 oportet dicere quod hæc non est iusta definitio,  
 sed tantum descriptio: quia temperatissimum  
 corpus esse potest, licet non sit coccinatisimum.  
 Ulysses in exemplo est, qui Achille fuit multo  
 prudentior, tametsi neq; illo, neque Nireo formo-  
 sior. Ex Aesopo illo scies manifestius, qui & uni-  
 uerso corpore omnium sua ætatis hominum fuit  
 deformissimus, uentrosus, ualgus, incuruus, mon-  
 strosus, capite acuto, collo depresso, pressis nari-  
 bus, prominentibus labijs, uno uerbo, Therpsitema-  
 turpis

*turpitudine superans, quod tamē est uerisimile, cerebro temperatus, quia fuit solertissimus, & ad omne commentum felicissimus. Iam neque ipse Thersites fuit omnium ignauissimus, sed tantum deformissimus. Sed & econtrario fieri potest, ut forma sit potior temperatura, talis Achilles, talis Ajax. Proinde omnino aliud principium forma, aliud temperies sequitur. quippe hæc qualitatum proportionem, illa uerò diuini artificis sequitur conditionem. unde rectè se habet, quod uulgò dicitur, Homo hominē generat & sol. neque enim in generatione nostra causæ superiores uacant, aut rursus inferiores cogunt, sed ambæ simul agunt. Iure ergo negauit in sequenti libro Galenus, ipsam formam sequi temperaturam. ac fallax est Phrysiomix argumentatio, sed probabilis: quia tametsi qualitates formarum causæ non sunt, organa tamen sunt: uixq; optima forma esse poterit, si quidem temperies admodum fuerit uitiata.*

AC quòd in duritie, ac mollitie mediū omnium particularum locum sit sortita, abunde liquet. Quòd autem & in calore ac frigore similiter se habeat, ex eius substantia maximè intelligas licet: est enim ueluti sanguine præditus neruus, qui sit inter neruum & carnem quiddam planè medium, ac si ex mixtis utrisq; constitueretur. Ceterum neruus omnis exanguis est, & frigidus,

duſ. Caro multi ſanguinis, & calida. Media inter utruq; eſt cutis, nec planè exāguis, ut neruus: nec ſanguine abundās, ut caro.

*Duritiem & molliem, atq; eius mediam temperiem haſtenus tactui credit. Super calore autem & frigore, ac eius medio non ſine cauſa rationem conſulit: ac quia tu forſitan nunquam cogitaſti, nos rationem adiiciemus. Nam à circumſtantibus ac vicinis partibus hæc temperies ſubinde mutatur, atque nunc incaleſcit, nunc refrigeratur. atque hæc eſt cauſa quare illius naturam ex comparatione nerui & carnis captat: aliud eſt, ubi diuerſa interim corpora quis comparat: tam paruas differentias ſenſus diſcernere nequit, ſed rationem ad hoc requirit. hinc eſt quòd ex comparatione carnis & nerui proportionem caloris & frigoris querit, & ex promptitudine colliquationis modum humiditatis colligit. Nam ſecus alius hoc, alius illud contenderet mollius.*

SI igitur hanc omnium animalis partium ueluti normam indicemque proponens reliqua illi conferas, atque ad eam examines, octo diuerſas intemperies in eis inuenies.

*Si quidem hominis temperaturam ad hanc conferas, nō niſi unam inuenies, quippe calidam & humidam: quoniam ſimpliciter, ut antè diximus, in hominis genitura exuperant. Si uerò*

*par*

partes hominis ad cutem conferas, forsitan octo comperies: etenim cerebrum frigidum & humidum, nervus frigidus & siccus, cor calidum & humidum, sic sanguis, cholera autem calida & sicca: quippe si solidas hominis partes diuidas, diu inquires, antequam calidam & siccam aliam quam reperies. Sed & simplices temperaturæ tibi negotium facient. nescio enim quæ pars tantum humida sit, quamuis siccam reperies, ut uenas quæ consuetudine sanguinis ad medium temperamentum inter calidum & frigidum ueniunt: sic licet aliquam particulam inuenias frigidam, nescio quam reperies solummodo calidam. Per morbos tamen hæc incidere possunt. De quibus omnibus exquisitis in secundo.

I AM QUÆ membratim tibi de omnibus deinceps disseram. Humidissimum frigidissimumque in corpore pituita est, calidissimum sanguis: non tamen est is perinde humidus ut pituita. Siccissimum ac frigidissimum est pilus, minus eo & frigidum & siccum est os, hoc uero minus est siccum cartilago. Proximè hanc sequitur ligamentum (quem Græci ex cartilagine & ligamento composito nomine *χονδρῶδες* uocant.) Post hunc tendo, deinceps membrana, & arteria, & uena ipsa, scilicet corpora uasorum: succedunt deinde nerui duri, molles autem nerui in humiditate & siccitate mediam

diam naturam, sicuti cutis, obtinent. nam in altera oppositione quæ est calidi & frigidi, nervus mollis in medio non est, sed tantum ei deficit de calore, quantum de sanguine.

*Hæc exactius finiet secundus liber: quapropter in locum illum mittimus: tantum differentias, quæ cum alijs locis pugnare apparent, annotabimus, quale illud est, quod sanguis sit calidissimus. Nam & ipse in libro de inequali intemperie choleram calidiorem asseuerat: ergo sanguinem calidissimum intelligere oportet inter ea quæ sunt humida, aut choleram ab ipso sermone excipere. Quod autem cholera uel ipso corde, uel hepate calidior sit, per accidens evenit: quia choleram ex calidiore parte ipsius cibi hepar generat. Nam & multa alia sunt, quæ ultra principium accenduntur, minimum momētum consequuta, præsertim si ad hoc sunt idonea. sic sulphur subinde à sole accenditur, atq; in flammam mutatur. Est autem & alia difficultas, quod sanguini maiorem humiditatem tribuit, quam pituita. hoc enim ijs patrocinari uidetur, qui aquam aëre humidiores continent. Verum non est necessum, licet sanguinem cum aëre comparemus, statim ipsum pituita humidiores facere. nam si uel minus sit humidus, nullus tamen ex humoribus ad naturam aëris accedit propius. Inuenies quosdam dicentes sanguinem*

*guinem humidiorē naturali, pituitam uerò humore accidentali. sed mihi parum placet di-  
stinctio.*

I T A uerò & reliqua omnia prius dicta, tanto sunt cute frigidiora, quanto minus habent sanguinis. Etiam tunicæ ipsæ maximæ sanguineorū uasorum, arteriarum dico & uenarum, non solum exangues sunt, sed etiam frigidæ natura. Contractu tamen sanguinis calefiunt, atq; ad medium temperamenti statum ueniunt, sanguis uerò ipse à corde suum accipit calorem. Quippe id uiscus natura tū omnium animalis particularum maximè sanguineum, tum uerò calidissimum est: proximum illi iecur est, uerum cor paulo quàm cutis minus est durum, iecur multo.

*Generalis hæc methodus, quam in dignoscendis calidis ac frigidis magis consulere oportet, quàm ipsum sensum. etenim qualitas partium affinium atq; coniunctarum posset nobis imponere. Dixit autem cor maximè sanguineum, forsitan quia exquisitissimum sanguinem continet: licet hepar ad phantasiā sanguinis accedit proximius: est enim, ut Galenus inquit, quasi sanguis crassus concretus.*

I T A Q U E etiam humidius quàm cutis cor est, quanto scilicet est mollius. Iam uerò caro humidior cute est, eadem tamen calidior

lidior. Spinalis autem medulla cute est humidior atque etiā frigidior. Sicuti hac rursus humidius est cerebrum.

*Manifestè hæc sententia pugnat cum Auicenna, qui ipsum siccum definit. sed de hoc postea.*

CEREBRO autē ipso adeps, cui concretio cōtingit, propterea quòd membranis adiacet. Crasso nanq; oleo est similis, eoq; congelatur, ubi cum frigidis & exanguibus particulis coniungitur. At neq; circa iecur coire adeps potest, neque circa arterias uenasq; aut cor: sed nec circa aliam ullam præcalidam particulam.

*Locus hic non parū nos fatigauit, priusquàm eum eruere potuimus. Prima difficultas ex nominum confusione, & interpretum uarietate. Nam *σπῆγμα*, Theodorus, & alij quidam, adipem appellant, alij pinguedinem aut pinguitudinem reddunt. & rursus ubi Theodorus pro *σπῆγμα*, sebum uertit, Galeni interpres in libro de facultatibus alimentorum, & alij quidam adipem eius loco ponunt. atque hinc est, quòd adipem nunc humidiores, nunc sicciores in diuersis locis audiemus, cum interim hic de solo nomine sit controuersia. Est autem & in ipsa re non parua difficultas. Nam Galenus in distinctione partium humanarum, tantum adipem numerat. Idem & Aristoteles scripsit in secundo libro de partibus animalium, quinto capite, ubi*

ubi in cornigeris atq; adeo ijs quorum sanguis corpulentior est, sebum notat: in ijs uero quæ ut cunque dentata sunt, imò ijs quorum sanguis dilutior aut serosior, adipem. Idem in tertio de natura animalium, ubi ita scribit, Quæ parte utraque dentata sunt, adipe pinguescunt: quæ uero altera, sebo. Eodem in loco inquit, Omētum adipe pinguescentibus adipem est, sebo sebale. Aristoteles itaque non nisi adipem in homine cognouit: atque idem Galenus sequutus est, qui præterea adipem humidissimam corporis nostri particulam definit. Sed ab his nonnihil Auicenna digredi uidetur, qui præter adipem pinguedinem in homine numerat, atque adipe humidiores asseuerat. Credo ex Galeni libro de facultatibus alimentorum deceptus est, ubi utranq; differentiam numerat. Sed hic error puerilis est, quippe in eo capite Galenus non distinguit humani corporis particulas, sed diuersas diuersorum alimentorum facultates. Proinde & pinguedinem generale nomen, in sebum & adipem distinxit, quem locum interpretes nonnihil obscurauit, qui pro adipe pinguedinem, & pro sebo adipem posuit. Sed quid precor ijs rebus Auicenna faciet? in homine enim nō nisi alteram speciem, quam Galenus *ωμεν*, meliores interpretes adipem appellant, inueniet. Forsitan ex Aristotelis tertio libro de natura animalium persuasus est, ut utramque partem in homine ordina-



ret. quoniam in eo loco Aristoteles inquit, adeps inter cutem & carnem, sebum in fine carnis semper est. Atque huic loco Aristotelis quid faciam nescio. nam sebum in ouibus, ac adeps in porcis eundem locum obtinet. Facilius esset Auicennam componere, si quidem primo loco per pinguedinem apud illum intelligeremus adipem: per adipem uerò, quæ secundo loco ponitur, carnem illam pinguem ac frigidam, quæ inter cutem & carnem consistit, uulgus laridum appellat. Sed hoc non patiuntur illius commentarij, qui pinguedinem primo loco laridum exponunt, adipem uerò uocant quæ circa omentum est. Quod si talem contendunt Auicennæ sermonem, tum ipsi, tum Auicenna toto cælo ac terra aberrât. Nam pingue illud, quod inter cutem & carnem est (uocant id in suis laridum) multo siccius est quàm pingue illud alterum, quod circa omentum est: atque id ipsa experimur experientia: quippe quod circa omentum est, in omnibus calore liquari potest, reliquum uerò nūquàm totum soluitur. Et quomodo ergo Auicenna pinguedinem adipe humidiorē collocat, ob eandem causam neque Aristotelis adipem pro huiusmodi lenta carne dicere potuit, ubi adipem inter cutem & carnem consistere dixit. Nam & ipse ibidem adipem humidiorē asseruit. Horum ergo controuersiam & perplexitatē mittamus, atque ad nostrum Galenum redeamus: qui per adipem

adipem pingue illud quod omento allinitur, & liquari potest, intelligit. Quod in alijs quibusdam animalibus corpulentius deprehenditur, atq; sebum appellatur. Atque ita ipse pinguedinem & adipem inter alimentorum facultates partitus est. Appellat autem & ipse aliquando adipem, pinguem illam ac frigidam particulam, quæ inter cutem & carnem insistit: atq; hæc penitus liquari non potest, quamvis aliquando decoctione consumitur: nec de ea hic loquitur, quia carni proportionalis existit, licet colore dissimilis.

QVONIAM autē cogitur per id quod est ualde frigidum, idcirco calefacta liquatur cæterorum coagulatorum ritu. At cerebrum calefactum minime liquatur, eoq; adipe minus est humidū. Porro minus humida quàm adeps est, & pulmonū caro, ut quæ nec ipsa calefacta liquecat. Iam longè etiam quàm hæc adipe minus humida est, tum lienis, tum renum caro, omnia tamen cute sunt humidiora. Harū rerum demonstrationes proximo libro tradam, sicuti omnia quæ ad uniuersam de temperamentis disputationem pertinent, duobus deinceps commentarijs exponam.

Multum confert ad promptitudinem concretionis materiæ corpulentia: atq; hinc est quòd ouilla adeps ut est durior, ita promptius concre-

scit, ac difficilius soluitur bubula. nec refert quod ouis boue sit humidior: non enim sanguinis substantia semper imitatur corporis humiditatem ac siccitatem, sed saepe contra euenit, ut in corpore natura humido sanguis sit crassior, in sicco uero serosior: causa enim eius potius caliditas, quam humiditas existit. Sic mulieres licet humide sanguinem tamen crassiorem exhibent, quam uiri. Eodem modo & oues quidem sunt humide, tamen & sanguinem & lac corpulentiora, ac magis terrestria habent, quam boues aut sues: est enim his sanguis magis biliosus. Ergo nequaquam uerum est, quod unumquodq; eo crassius, quo siccius. Quod si aqua terra sit tenuior, non decet te in hoc exemplo subsistere, sed aërem & ignem suspicere. nam hic contra ignis aëre subtilior, adeo ut dicere liceat, quod ea, quae suam siccitatem habent ex natura ignis, sint subtilia: quae uero ex terra recipiunt, crassa. Dū ergo sanguis ouillus magis terreus est, quam suillus, crassior quoq; esse debet: quocirca & adeps, qui sanguinis rationem imitatur, crassior est quam bubulus aut suillus. Hæc quoq; causa est cur concrescit citius, licet sit humidior. Proinde non statim sequitur, hoc est humidius, ergo agrius concrescit, aut hoc est siccius, ergo citius. Potius promptitudo concretionis crassitiem, & difficultas tenuitatem arguit. Iam crassitudo non semper siccitatē, neq; tenuitas humiditatē sequitur

*sequitur. est ubi tenuitas caliditatem, & crassitudo frigiditatem comitatur. Proinde hanc Galeni deductionem supplere oportet, ac de ijs dumtaxat accipere, quæ similiter calida sunt aut frigida: in ijs enim succis si quid citius coagulatur, siccus: & rursus si quid citius liquatur, humidus. Hæc differentiâ, quod sciam, à nemine dicta est, sed ut multa alia, à nobis primum annotata.*

# HIEREMIAE

THRIVERI BRA-

CHELII COM-

MENTARII

IN

LIBRVM SECVNDVM

GALENI DE TEMPE-

RAMENTIS.



C quòd multifariam quidem dicatur humidum, siccum, calidum, & frigidū corpus, in proximo definitum est libro. Demonstratum præterea est nouem esse temperamentorū differentiâs: unam quidem, quæ mediocris sit, & eucratos, quam etiam temperatam uocamus, reliquas omnes intemperatas: quatuor

simplices, unica scilicet quaque præpollente qualitate, calore, frigore, siccitate, uel humiditate: quatuor ab his diuersas, in quibus utriusque oppositionis altera qualitas exuperat. Dico autem duas oppositiones, alteram quæ est calidi & frigidi, alteram quæ est humidi & sicci. Ab his ad notas earum digressi de temperata natura disceptauimus: quoniam hæc omnium prima uirtute, potentia, cognitionisq; ordine sit. At quum temperatum aliud absolutè dictum inueniatur in uniuersa rerum natura, aliud in singulis generibus, principio uisum est de eo cōsiderandū esse quod cōmuniter in uniuersa natura cōstimaatur. Huius norma in dicitumq; erat elementorū portionis æqualitas. Cuius rei gratia extremorū omnium medium ad unguem redditum *ὑμεῖον* & *μέμετρον*, siue temperatum & mediocre ma-  
 uis, dicitur. Reliqua quæ in singulis generibus temperata dicuntur, proprijs corporum functionibus usibusque iudicantur. Eoq; fit ut idē animalis cuiuspiam stirpis-ue corpus omnium quæ in eodem sunt genere, medium esse possit: id est in illo genere eucratō & mediocre. Alteri uero cuiuspiā comparatum uel stirpium, uel animalium, uel inanimatorum generi discraton siue in-  
 temperatum. Quippe uiuentis corpus cum  
 de

demortuo collatū, humidius eo calidiusq;  
est. Verbi gratia, leo uiuēs leone mortuo,  
cum ipse seipso, tum alter altero calidior  
humidiorque est.

Paulò altius, quàm Galenus, ea quæ prius diximus, repetere oportet. Non enim ab ipsis temperamentis, sed ab ipsis elementis, atque adeo, ut uulgo dicitur, ab ouo ipsam rem auspicati sumus: naturam, numerum, ordinem elementorum demonstrauiamus: deinde illorum in corpore conditionem, proportionem definiuimus, ex qua inuitis antiquis aliquot, non duas, sed quatuor temperaturas compositas ostendimus. Non enim perpetuum erat calori ut exiccaret, sed id duntaxat ex accidente obtinet. Postea temperatam naturā ab antiquis male omīssam deduximus, atq; eius rei occasione tempora anni ab illis malè finita, retractauimus, suisq; modis finiuius, ubi præter alia duo insignia illorum peccata refellimus: alterum, quòd Autumnum frigidum dicerent, qui inæqualis est: alterum, quòd uer temperatum, calidum & humidum assererent: cum contrā calida & humida temperatura omnibus alijs sit infelicioꝝ, ubi multis uerbis opus erat, antequam illos refellere potuimus. Nam & qualitatum nomina, calidum, frigidū, humidum, siccum, breuius quàm decuerat, apud Theophrastum, & Aristotelem illi acceperunt. atque ex tribus significatis tertium omiserunt.

Quin & temperatum bifariam dici ostendimus: altero modo in uniuersa substantia, qualis sola cutis: altero in unaquaque natura. Ac iam sermo noster ad utilissimum ferè totius libri locū peruenerat, qui ex operis perfectione temperiem, ex imperfectione intemperiem, ex oblesione morbum, ex corruptione mortē captaret, non solum in hominis, sed in uniuscuiusque alterius specie, pro uniuscuiusque officio & studio. Sed quia hæc methodus pluribus uerbis egebat, in hunc secundum librum est dilata: in quo nequaquam, quod in primo libro fecimus, generali quadam finitione contenti erimus, sed uniuscuiusque temperatura notas enumerabimus: non tamen in omnibus speciebus, sed præcipuè hominis: ferè enim illius solius curam habet medicus.

AT QV E inde adeo dictum est ueteribus, animal calidum & humidum esse, non absoluto sermone, quòd humiditas in eo calòrue exuperet (sic enim inuenire est animalia sicca frigidaque cōplura, ueluti culices, apes, muscas, formicas) sed ut ad mortua collata. uiua enim apes calidior humidiorq;, quàm mortua est: & formica uiua, q̄ mortua: cū homine tamē, equo, bouēue collata, tum alijs sanguine præditis animalibus, omnia id genus frigida siccaq; temperie sunt. Quin si ad uniuersam naturam spectans

ſpectans ea expendas, ne ſic quidem quo minus frigida, ſiccaque ſint, elabantur: tanquã enim in unoquoque genere, ubi quid à mediocritate reſeſſit, ab eo quod uincit, nomen accepit. Itidem in uniuerſa ſubſtantia, cum aliquid medium tranſierit, nō amplius *ὑποψυχον*, ſed uel calidum uel frigidum, uel humidum uel ſiccum nominabitur.

*Si quidem principia animalium conſideres, omnia quæ ex ſemine fiunt, calida ſunt & humida: ſi uerò tactū cōſulas, plurima ſicca reperies. Idem eueniet, ſi cum homine, aut media ſubſtantia, quæ cutis eſt, conſeras: talis apes eſt, & quæ hic numerantur reliquæ: non enim ſicca tantum ſunt, ſed & frigida. De ape tamen eſt controuerſia, quia mel eſt calidum. Atque hic nominis ſimilitudo illos fallit: non enim mel actu, ſed potentia calidum. Cur uerò potius hominē, quàm apim incalſfaciat, dicetur poſterius.*

MONSTRATVM enim ſuprà eſt hominem nō ſolum animalium ſtirpiūue, ſed etiam reliquorum omnium maximè eſſe temperatum. Quoniam autem ex multis & diſſidentibus is conditus eſt partibus, manifeſtum eſt quæ pars medio omnium ſit temperamēto, eam eſſe maxime eucraton ſiue temperatam: quæ nanque animalis eius quod medijs ſit temperamen



ri media particula est, hæc omnium simpli-  
citer est temperatissima. monstratum uerò  
est id esse in homine cutem.

*Quemadmodum prius diximus, temperies  
causa prudentiæ est. nec obest quòd cerebrum in  
quo intellectus habitat, sit frigidum: hepar uerò  
ac cor, quod illi spiritum administrat, calidum.  
Nam hoc pacto ipse spiritus precipuum animæ  
instrumentum magis attemperatur.*

A T Q V E huius eam maximè partem,  
quæ in manu est interna, si tamen qualem  
eam natura est molita, talis persisterit. Iam  
uerò quòd nec cuiusque hominis cutis me-  
dium absolute loquendo sit uniuersæ sub-  
stantiæ, sed eius qui maximè est tempera-  
tus, dictū prius est. Plurimam enim esse i-  
psis quoque hominibus differētiā inter se.

*Quòd temperata cutis in manu labore indu-  
rari, & nimia quiete emollefcere possit, admoni-  
tione opus non habet: tamen sub tali temperie  
cutis est ignauissima, & ad omnem ferè opera-  
tionem inidonea, quia temperatura non est præ-  
cipuus aut solus artifex eorum, quæ in corpore  
nostro geruntur, sed more multorum aliorum in-  
strumentum tantum.*

V E R V M maximè tēperatus is est, qui  
corporis habitu medius horum extremo-  
rū apparet, gracilitatis, crassitudinis, duri-  
cici, mollitici, itemque caloris & frigoris.  
Inuenias

Inuenias etiam cuiuslibet hominis tangendo corpus, uel mitem & halituosum calorem, uel igneum, & acrem, uel horum neutrum: imò frigiditatem quandam præpollentem.

*Primum ac ruditer corporis temperamentū obuia cutis phantasia capitur, tactu atque uisu discernitur. Nam frequenter quæ hic deprehenduntur, interiorum sunt indicia, non tamen semper: & propterea alibi dicitur, quòd neque uisu, neque tactu simpliciter temperatura dignoscitur: subinde enim exteriora ab interioribus dissident: at in temperato omnia conueniunt, atque interiora cum exterioribus quandam proportionem inuicem obtinent.*

FRIGIDITATEM autem præpollereut in hominis corpore intelligere oportet, eoque tum sanguineo, tū humido. Ac corpore quidem talis est temperatissimus homo.

Ex hoc loco palàm fit, non tantum in temperato aut sanguineo, sed & quouis alio simpliciter præpollere calidum frigido, humidum sicco, etiamdum in ipso melancholico. Sequitur autem hinc, quòd uiscera quadam, quæ natura calida sunt, & humida, in melancholico quàm temperato sint qualitate elementorum æqualiora. Imò sequitur amplius, quòd & melancholicus simpliciter sit magis attemperatus, quàm qui re  
uera

uera à Galeno temperatus ponitur. Saccedit  
 tertio & illud quod grauius est, melancholicum  
 hominem temperato sapientiozem. Sed huic lo-  
 co respondere possem, quòd licet corpus melana-  
 cholicum sit simpliciter temperatius, nò tamen  
 ipse spiritus, in quo mens habitat. Verum alteri  
 loco quid faciam nescio. mirum quòd ne hunc  
 quidem nodum aliquis animaduertit. Posse-  
 mus dicere, quòd melancholicus simpliciter plus  
 excedat sicco, quàm temperatus, quãdo & ipse  
 temperatus simpliciter siccus dici debeat. Sed  
 non possent idem dicere de calido. nam si tempe-  
 ratus atque etiam melancholicus calidus est, cer-  
 tum est quòd hic magis accedit ad ipsam tempe-  
 riem. non ergo temperatissimum hominem si-  
 miam ab equalitate, sed muneris felicitate.

IDE M animo quoque medius omnino  
 est audaciæ & timoris, cùctationis & præci-  
 pitationis, misericordiæ & inuidiæ. Fuerit  
 uerò talis alacer, amicorũ amãs, humanus.

Post corporis externam phantasiam statim  
 sese exhibet animus, qui & ipse sua extrema ha-  
 bet & media. Quomodo autem ipse super cor-  
 poris temperatura significat, non prius agnosce-  
 re possumus, quàm eius differentiam à mente  
 & intelligentia cognouerimus. Lubrica enĩ  
 est, & quæ passim confunditur, nec ullus eorum  
 quos ego quidem uidi, recta methodo horũ dis-  
 crimina inquisiuit: quippe ex officijs captare  
 oportet

oportet. Atque intellectus nemine refragante anima precipua potentia est, atque in cerebro residet. quantum uero ex amentia, ac demetia conjectari licet, huic mens in eodem loco assidet, atque cum ipso eadem, nisi quod intellectus ad hæc refertur quæ speculamur, mens uero quæ operamur. nam demetes dicuntur qui absurda obeunt, aut loquuntur. Officia quoque animi quam plura ex communi loquentium consuetudine cognita sunt. Nam leto, timido, forti, precipiti, bono atque malo animo hominem dicimus, ac corde: raro uel nunquam autem anima, aut cerebro. Ex quo constat, quod hæc potius ipsius animi, quam animæ aut mentis sint munera: ac iterum ipsius cordis potius, quam cerebri. Sed quia anima omnibus his passionibus consentit, ac in mutuos affectus transit, factum est ut aliquando nomina commutentur, & tristitia nonnunquam ad animam, plerunque uero ad animum comparitur. Spontanea tamen letitia à splene occasio nem fere accipit: aliquando uero ab affecto cerebro. hinc est quod melancholici tristes sint: illinc uero est, quod uulgo dicitur, Splenridere facit: nunquam tamen quæquam leto splene, aut cerebro, sed corde dicimus. Vnde licet aliter in prioribus commentariis ascriptum sit, manifestè constat, quod letitiæ sedes duntaxat in corde sit. Sic & aliæ ferè pleræque operationes morales, uirtutes, & uitia in corde locum obtinent. nam &

motus

motus sanguinis in quibusdam horum manifestè cor pati declarat. Concupiscentiam tamen ad hepar Galenus refert, nec temere longius ipsam à cerebro separauit, ut illius impetus, ut uehementiores ac magis corporei, rationem minus opprimeret, aut urgerent. Male ergo omnes hos affectus quidam in cerebro describunt, quibus (ut inquit Galenus) poëta & pictores melius sentiunt, qui Titio & Prometheo ob intemperantie uitium apud inferos hepar rodi fabulantur. Nota est enim de Titio fabula, quòd Iunonis concubia appetierit: & quòd Prometheus in distributione carniū Iouem fefellerit, scilicet sibi optima seruarit, & Ioui ossa sola pinguedine tecta apposuerit. Forsitan ergo hæc omnia cōtemnes, neque Galeno credes: uerūtamen Christum aspernari nephas est, qui homicidia, furta, adulteria, & multa alia uitia ex corde deducit, non autem cerebro. Scio quòd quedam ex ijs primum oriuntur ex hepate aut genitalibus uisceribus: uerūtamen quia hepar magnum habet cum corde consensum, & quia hæc coniuncta sunt quodam modo cum iustitia & iniustitia, forsitan ad cor retulit, forte uolūtatem recessit, quæ ijs omnibus moralibus presidet, & multorum sententia in corde residet. Certe fortitudo, iustitia cum suis extremis in corde scdem habent, licet continentia & eius uitium partim hepar, partim renes inhabitent. Verum siue in corde

corde uno, siue in uarijs locis habitent, qui temperatus ad amissim est, medium in omnibus ijs affectibus obtinet, nisi studio, aut consuetudine uitiatu fuerit. nam hæc adijcere Christianum philosophum oportet. ergo neq; tumidus, neq; temerarius, sed audax, & fortis: neque cunctator, neque præceps, sed maturus: neque contemptor sui, neq; inuidus, sed in bonis æmulus: nec tetricus, nec ridiculus, sed letus, alacer: non ingratus, aut amicis plus satis indulgēs, sed illorum amās. atque, ut paucis dicam, temperatus moribus ex se est optimus: intemperies uerò unaquæque sua habet uitia. Calidi mobiles, uasri, uersipelles. Frigidi uerò segnes, pigri. Humidi uerò mendaces, lubrica fide, instabiles. Sicci auari, inuidi. De ijs omnibus fusius in Techna: nunc satis est aperuisse methodum, id tantum adijcetes ex hoc loco, nos faciliè conuincere mathematicos, qui ex astris mores deducunt: quoniam hinc manifestum est, quòd rationem elementorum, hoc est, ipsam temperaturam sequantur.

ET prudens.

De reliquis uirtutibus moralibus, quas quidam etiam Cardinales uocant, antè dictum est: uidetur nunc cū his Galenus numerare prudentiam: & reuera una ex quatuor est, proinde & ipsa in corde sedet: quod nunc uel ex eo patet, quia Galenus eam cum reliquis numerat: quantum autem à sapientia distat, & nos alibi diximus

mus, & uel ex hoc loco nunc facile constare potest: quia prudentia in corde, sapientia oritur ex ipso cerebro & intellectu: morales uero uirtutes inter irrationabilis animæ partes Galenus supputat, subinde tamen prudentia cum sapientia confunditur: & forte nunc per *ὁυετορ* sapientem intellexit: nec refert: nam temperatissimus ut sapientissimus, ita ex natura & prudentissimus esse debet: prudentissimus quidem, quia cordis temperati est, quo fit ut neq; princeps, neq; cunctator sit, sed omnia agat opportunè: quod autem idem debet esse sapientissimus, nusquam à Galeno est demonstratum, duntaxat à nobis paulo ante, sed obiter dictum. Ergo altius rem auspicari oportet à communi illo axioma, quod inter patiens & agens necessaria sit quedam communio. nulla enim potest fieri actio, inter quæ de sideratur proportio: est autem anima incorporea, corpus uero crassum ac solidum: proinde intercesfore aliquo opus erat idoneo animæ aut intellectus (ut sic dicā) internūcio, nec quicquam natura conformius excogitare potuit quam spiritum: substantia enim illius ambigua, quam nec corpoream, nec incorpoream possis definiere: sed qui de ea audent aliquid dicere, radijs asimis lant solaribus. Proinde qualis est spiritus, talis est anima & intellectus: talis autem spiritus, qualis sanguis: sanguis uero eiusmodi, cuiusmodi est corpus; corpus rursus imitatur temperaturam

ram: quocirca ut & intellectus conditionē temperamenti sequatur, est necessum. Si quidem igitur anima omnis externa qualitatis exors sit, & reuera est: spiritum quoque, qui futurus erat illius mediator, ac quodammodo ueredarius, omnis, ut licebat, excessus expertem esse decuit, uel ob eam causam, ut singulorum differentias melius acciperet. Nam hac ratione crystallos des omni colore uacat, ne circa reliqua oberret: & si maxima paruis cōparare liceat, Deus opt. max. ut summa prudentia est, ita longē ab eo omnis qualitas semota est. ergo ut unusquisque meliorem temperiem obtinet, ita ex natura prudentior est. Nec refert quod antē diximus, cor intimum spiritus animalis esse calidum & humidum, cerebrum uerò ubi perficitur, frigidū. nam ita totus magis attemperatur, quippe in cerebro obiter refrigeratur, nec tamen indensatur: sed quod magis est admirabile, dum in animale m uertitur, calore fortassis illic extenuatur, & non nullas alias immutationes patitur: est enim passibilis admodum. Nihil ergo admirandum, si quidem in Græcia plures Solones, in Scythia uerò unus Anacharsis: rarissima enim in regione intemperata felicia sunt ingenia. Proinde mirum est, cur Aristoteles ex natura melancholicos singulari atque eximio ingenio desinierit, aut prudentia bearit: nam contra stupidi uidentur, & ad arduas res contemperandas, aut intelligendas



das parum idonei. Fateor tamen, quòd in externis quibusdam rebus gerendis aut parandis, quæ multam phantasiam requirunt, plus possunt quàm philosophi: non enim ad has res idonei sunt, sed bene habet quod uulgo dicitur, Vtilis foro, inutilis studio. diuersa enim sunt officia, & quæ requirant uaria ingenia. Sed de ijs in nostro quoq; Plutarcho, & alibi diximus liberalius, sed & super eadem quoque re publicas disputationes edidimus.

ET temperatissimus quidem homo ex his primum potissimumq; agnoscitur.

Primum, ut prius diximus, sese offert exterior corporis facies atque conditio: sed neque affectus animi diu latere possunt: rectè ergo dixit, quòd ex ijs duobus primum capitur corporis temperamentum: uerum an ex ijs potissimum temperatura sumatur, inuestigatione opus habet. Mihi quidem sic uidetur, quoniam affectus animi præsertim super corde significant uiscere principalissimo, cuius rationem magna ex parte habitus uniuersi corporis sequitur, nisi hepar obstiterit, cuius affectus quoque ex animi affectibus dignoscitur. Nam concupiscentiam affectibus animi numerauimus, & tamen in hepate residet, aut certe primum initium obtinet.

ACCEDUNT nò pauca eorum quæ ex necessitate hæc sequuntur.

Non sequuntur operationes naturales affectum

Etum animi, sed ecōtrario affectus animi potius naturales: quòd si magna ex parte inter se conueniant, non tamen necessario: nam sepe operationes naturales iusta sunt, morales uerò consuetudine atque indulgentia uitiata. & propterea difficile potest constare hæc lectio, si quidem per hæc animi affectus subaudias. forte morales sequi intellexit naturales, non quòd sibi inuicem cause sint, sed quòd sibi inuicem saltem magna ex parte consentiant. Verum Græci Latini omnino non respondent: sic enim habent *πρὸς ἑξῆς αὐτοῖς ἐν οὐρα τῶν ἐξ ἀνάγκης ἐπομένων*. cuius hæc ad uerbum est interpretatio, His accedunt non pauca eorum quæ ex necessitate sequuntur. Cuius sententia mihi apparet, quòd præter duo hæc prima signa, accedit tertium, quòd ex his sumitur, quæ necessario temperamentum sequuntur: talia autem sunt, quæ capiuntur ex operationibus naturalibus, & animalibus. nam morales non necessario, ut diximus, sequuntur. Videte ergo quantum difficultatis, atq; etiamdum erroris unica aliquando pariat particula, aut adiecta, aut omiſsa. certe mihi particula, Hæc, est superflua.

QUIPPE edit bibitque in modo, & nutrimenta nō solum in uentre, sed etiam in uenis, & tota corporis mole probè concoquit. Omnesq; , ut semel dicam, tū naturales, tū animales uirtutes inculpatas habet.

Naturales, vitales, animales, uno uerbo in corpore temperato omnia mediocria sunt: an uerò simpliciter optima, in Techna dicemus. nam qui sicco cerebro fuerit, pertinacioris memoriae apparet, quam qui temperato: sed forsità in illo promptius marcescit. De appetitu etiam dubitatur, quomodo uniuerso corpori appetit quod satis est: non enim intelligit quantum reliquis usui futurum sit, sed suctioni aliarum partium respondet: qua ratione & in temperatis aqua appetit, nisi uoluptate uitietur, & cōsuetudine. hac enim ratione etiam eo cibo qui exuperat, capitur, ac tandem obleditur. Est autem & hoc proprium temperato, ut nihil fastidiat, sed ad omnia mediocriter sese habeat. Sed de ijs alibi liberalius.

Q V V M & sensuum facultatibus, & mēbrorum motibus optimis sit p̄ditus, tum uiuido colore semper sit, tum ad perspiratum excrementorum bene cōparatus.

Videtur difficultas in sensuum facultatibus. nam pauci sunt sensus, in quibus homo non superatur ab alijs animantibus, scilicet uisu uincitur à lynce, olfactu à cane, fortassis etiam à tigride, imò & uelocitate à lepore: uerum nihil istorum nobilitatem temperaturæ humane imminuit. nam hæc eadem animantia ab homine uincuntur multis alijs. Iam neque hominibus tam absolutus sensus utilis erat: non enim bene conuenisset cum reliquis operibus, nec rursus optima

optima statim sunt quæ extrema: præcocia enim esse solent, nec admodum diuturna. Sic in melancholicis forsitan sensus præcociores, memoria magis pertinax, sed minus diuturna: ita & in humidis forsitan tandem constat discendi facilitas, sed est admodum sera. Solus ergo temperatus in omnibus natiuitatem & iustam perfectionem obtinet: neque amplius dubitare licet, an temperatus in omnibus sit absolutissimus. nam id ex hoc nunc loco clarissimè constat.

IDE M medius inter somnolentum & peruigilem.

Somnus & uigilia ad sensum communem referuntur, de quibus in libro de symptomatibus.

INTER glabrum & hirtum, inter nigrum colorem & album, pilosque habeat cū puer est, magis rufos quàm nigros, cum in flore est, contrà.

Partitus est signa, quibus temperamentum captamus, quadrifariâ, in phantasia corporis, in affectus animi, in facultates animales & naturales, sub quibus credo uitales quoque intelligit, & nunc quarto in accidentia, inter quæ circumscriptio pilorum est: quamuis & primum signum, quod est in phantasia corporis, nonnihil secum ex accidentibus quoque continet. Ac de ijs paulo diligentius in Techna, ubi ferè singulas aetates suis describit coloribus: inquires, Talibus, cum infantes, pili subbrusi: cum uerò pueri, subfla

ui: cum iam adoleuerint, flauī. Hic uerò eos definit nigros: ergo diuersas aetates accipere oportet: aut nigros hic nequaquam simpliciter, sed nigro magis quam rufo affines. Sed hæc omnia repetemus in Techna, ubi & hoc inquiremus, cur plerumque in mulieribus, quæ natura frigide sunt, laudetur coma nigra, in puellis flaua: in ijs minus est admirabile, quòd harum genæ potius quam uirorum roseo ac rubicundo suffundantur colore.

A T quoniam differentiarum, quæ ex ætate eius spectantur, mentionem feci, non alienum sit, aliquid iam de his quoque apponere. Porro uolebā uniuscuiusque prædictarum notarum causas persequi: uerum cum ad ea quæ nunc sunt proposita, magis urgeat ætatum consideratio, quæ etiam maximam nobis ad causarum inuentiōnem facultatem suggerit, huic nunc insistamus. Intelligamus igitur recens formatum animal in utero matris, quo sciamus qua ratione humidissimū calidissimūq; sit.

Licet, ut prius diximus, in compositione nostra elementa uincant grauiora, tamen supereminet calidū frigido, uel ob eam causam, quòd caliditatis quàm frigiditatis energia maior sit: fateor & siccitas magis actiua quàm humiditas: sed in nostra prima genitura multis modis substantia aquea superat terream: quocirca ubi  
prius

prius diximus primas partes obtinere terram, hoc non oportet simpliciter de manifesta illius quantitate intelligere, sed potius ipso pondere: quippe hoc attestatur experientia, æquale atq; adeo maius pondus terræ confundi à leuiore pondere ipsius aquæ, adeo ut totum euadat humidum propter substantiæ aquæ conditionem: quæ tanto est terra leuior, quanto est rarior.

PRIMA enim eius constitutio ex semine & sanguine est, quæ humidæ & calidæ res sunt.

Alibi Galenus membra solida generat ex semine, carnea ex sanguine, conaturq; adducere varias rationes: quibus illam ego adiciam, quod semen ut siccius, ita ad generationem siccarum quam humidarum partium uidetur opportunius. ac multo tempore stetit Galeni opinio, adeo ut uel hodie solida spermatica appellentur, nobis tamen in quodam seorsum illi dicato uolumine aliter uisum est. Nam rationabilius est ex meliori parte, quippe semine, præcipua ac prima omnia uiscera gigni, ignaua autem ex sanguine. Nunc autem nullam distinctionem adhibet, sed promiscuè omnia ex semine & sanguine generat. & quidem recte: non enim seorsum in generatione nostra hic stat sanguis, & illic manet substantia seminis, sed simul omnia permiscentur, ac minima in unoquoque est portio seminis, maior autem sanguinis, uis tamen ipsius maior est: quoniam,

ut alibi inquit, semen quodammodo ipsarum particularum opifex est, sanguis autem sequax materia. tandem ambo cōcrescunt in unam partem, atque iam non tantum pondere, sed & altera qualitate terra superat reliqua elementa. atque hoc fortè spectauerunt Biblia, quæ formant hominem ex terra.

*seminiser.*  
*sang.*  
*sem. et sn.*  
HIS autem magis semper ficcescentibus primum quidem formantur membranæ, tunicæ, item uiscera, & sanguinis uasa: ultima uerò perficiuntur ossa, & ungues, & cartilagines, cōcreta scilicet eorum substantia. Antè enim quàm uel tēdi possit subiecta substantia, uel concreſcere, nihil fieri memoratorū potest. Et tunicæ quidem & membranæ, arteriæque, & nerui, & uenæ, tensa ea: ossa, cartilagines, ungues, ungulæ, & uiscera, coagulata ea perficiuntur.

*n* Noli hæc conferre ad humidorum definitionem, sed ipsorum animalium comparisonem: non enim infans simpliciter humidus est, sed sic: hac puto de causa finitionem adiecit, Vt maris alga.

*smōbris*  
*ouas*  
HIS uerò in utero perfectis ita deinde paritur infans. Est uerò adhuc in summo humidus ueluti maris alga, idque nō in sanguinis uasis modo & uisceribus, ac carne, sed etiam ipsis ossibus, quæ scilicet siccissima sunt omnium, quæ in nobis sunt, partium.

tium. Verū tum hæc, tum reliqua tota unā cum his mēbra, quasi cerea sint, infantium nutrices fingunt formantque. Tanta est in toto puellorum corpore humiditas. Quin si recens editum porcellum uel esse, uel dissectum inspicere uelis, carnem quidē eius mucosam præhumidamque inuenies, osseum uerò genus uniuersum caseo, qui modo sit coagulatus, ad simile adeo, ut nuper nati animalis corpus propter redundātem in eo humorem libens non comedas.

Vno uerbo omnia quæ ex semine sunt, à principio calida sunt & humida: quedam uerò ex ijs spatio temporis euadunt sicca, quedam uerò diu manent humida, euadunt tamen seipsis sicciora, atque ferè frigidiora.

QVOD maximè tum suilli, tum ouilli foetus corporibus accidit, propterea quòd ea maximè sunt humida. Caprinum quod ficius sit, & melius esui est & iucundius. Contrà uerò quàm in nouellis porcellis, quæcunque iam senuerunt, hæc ossa quidem omnia & ligamenta uniuersa præficca, sine succo & insipida possident: carnem uerò neruofam & durā: arterias quoque, & uenas, & neruos ætatis culpa lori uice insuaues & sine succo.

Mirum ergo cur adeps ouillus citius concre-scat, quàm bubulus. sed hoc prius definiuimus.

QVAE

s. cerebrū  
talia.  
depu  
erca.

s. auiditi  
hocto.

Y



QVÆ medio statu horum, ac nuper natorum sunt, quæ utique iam ætate processerunt, quantum à senio absunt, tantum & ab extrema siccitate sunt remota. Quæ minora sunt, atque adhucdum augescunt, tantum ea quoque ab gestati etiamnum foetus humore abiunt, quantum processerunt ætate.

*Intelligit ætates eas, quæ sunt inter extremam senectutem, & primam infantiam: atque hæ sunt in triplici differentia: ponit duas illarum: priori loco eas exhibet, quæ incrementum magnum faciunt, ut pueritia prima ac secunda, pubertas ipsa. Dico autem magnum propter extremam adolescentiam, quæ incrementum, sed parum suscipit. Atque hæ omnes ætates humida sunt, sed multum infra infantiam. Aliæ insigniter sicca, ut iuuentus, consistens ætas, atque adeo prima senectus. Hactenus ergo omnes intemperata: sola extrema adolescentia temperata.*

FLORESCENS uerò ætas omnium animalium maxime in medio extremorum est: neque sicut senium ad summam perducta siccitatem, neque ueluti infantium ætas in humore & multo uuidomersa.

Nescio an hic pro animalium, possim supponere, etatum, quoniam incongrue ætates comparantur cum animalibus. Est alia difficultas in nomine ætatis, aut florentis ætatis. nam per hanc

hanc & hic & alibi uidetur inuentutem intelligere, atque hæc calida & sicca, sola extrema adolescentia temperata: patet ex tertio Aphorismorum, ubi componēs Galenus temperatas naturas temporibus, ac intemperatas intemperatis, adolescentes cum uere comparat, ac temperatos solos putat: inuentutem uerò intemperatam affirmat, ac nonnihil per hyemem emendatam iri sperat. Idem ex professo ostendit in libro de ratione uictus idiotarum. Proinde in hoc proposito nequaquam, ut in alijs locis, per æquum inuentutem, sed ipsam extremam adolescentiam intelligam. nam in inuentute incipit remitti minus nutritionis: in sola adolescentia omnia minus obcuntur citra querimoniam. Parum autem, uel nihil querelæ ipsa iuuetus de se patitur: atque omnino adolescentiæ finis cum ipso inuentutis initio similis est. Ob hanc fortè causam nunc Galenus florentem etatem optimam definiuit parum ab extrema adolescentia eam distinguēs: tamen ubi exquisitè loquimur, potius adolescentiam quàm inuentutem temperatam dicimus: ita & Celsus ipse non quidem inuentutem, sed adolescentiam mediam posuit.

CVR igitur aliqui celebrium medicorū humidum esse senium prodiderunt? An uidelicet quòd excrementorum abundantia sint decepti? Quippe his tum oculi lacrymis suffunduntur, tum nares destillatione manant,

manant, tum in ore eorum saliuæ copia exuberat. Ad hæc tum tussiuunt, tum excreant pituitam, scilicet pulmones quoque hæc esse refertos indicantes, uenter quoq; illis pituita est plenus. Tum singuli articuli quodammodo mucosi. Cæterum nihil horum obstat quo minus senum corpora sicca censentur, ut quorum neruos & arterias, & uenas, & membranas, & omnium instrumentorū tunicas, multo quam prius erant, ficciores inuenias, circumfundi autē illis extrinsecus intrinsecusq; aut pituitosum quendam humorem, aut mucosum.

*Phantasia excrementorum decepti quidam ex ueteribus, senium in suis particulis putauerūt esse humidum.*

VERVM tantum abest, ut cuiusmodi signa uniuersa senilem ætatem humidam confirment, ut etiam siccam esse propè testentur. Idcirco nanq; particula quæuis ficcior quàm antè uidetur: quod per caloris imbecillitatem similiter non nutritur: foris enim illi copia humidi excrementi superfluitat.

Sermo iste mancus est, lucem atque explanationem desiderat. nam raro credo etiam quòd nusquam siccitas corpus onerat, sed sepe liberat. Atque id est in promptu. Nam Galeno dicente, qui sicco sunt cerebro, superfluitatibus carere:

qui

qui humido, abundant: fereq; attestatur experientia senem siccum minus excrementitium esse, quàm humidum. Nec ualet Galeni ratio, in qua conqueritur, quòd siccum corpus difficile insinuationem patitur: non enim malis, sed bonis succis corpus nutricatur. Omitto quòd in fine huius uictum potius quàm siccitatem horum excrementorum causam putat, adeo subinde plebeius aliquis de rebus felicius quàm Philosophus disserit. Nam uulgò frigiditas phlegmaticorum mater appellatur, certe primas in generatione ipsorum obtinet: humiditas uerò secundas: siccitas ergo impuritatis phlegmatica causa raro est, plenitudinis autem frequenter. etenim siccum corpus agre in se nutritionem admittit, humidum autem corpus plurimum alimentum recipit, & ad nutritionem diffilationemq; promptissime sese habet. Puberes in exemplo sunt, in quibus ferè siccitas sola causa est, quòd semen ac sanguinem superfluum colligant. Proinde quo siccitas maior, eo pubertas precocior. Distinctione tamen hic una, aut altera opus est. non enim hic sermo masculos mulieribus comparat, sed tantum uiros inter se. si tamen mulieres cõferre uelis, intelliges hic quoque siccis precocius pubescere humidis: atque de ijs abunde in tertio Aphorismorum. tam multis exemplis constat, quòd siccitas plus sanguinis, quàm humiditas in uenis colligit: at humiditas plus per se accumulatur

mulat atq; generat. Non est enim dubium quin calidum & humidum plus pariat sanguinis quàm siccum, uerùm eundem non diu seruat, sed corpori quamprimum agglutinat. Quòd si in calido & humido temperamento plus relinquatur sanguinis, quàm in sicco (nam id quoque aliquādo uerum est) non est in causa, quia humidum plus a seruat sicco, sed quia plus regignit. Non est etiam eadem humiditatis proportio calide & sicce temperaturæ ad biliosam, quæ est infantia ad pubertatem. Nam infantia longè humidior est respectu pubertatis, quàm temperatura sanguinea respectu biliosæ. Alijs uerbis possem dicere, quòd longè plus uincatur nutritio à concoctione in ætate, quàm temperatura biliosa. Hinc est quòd mulier humida pluribus abundet mensibus, quàm sicca: etenim uirago ferè nullos habet, sed sterilis est. Quòd uerò mulier potius quàm uir mēsis abundet, aliud in causa est, quòd nutritio concoctione longè sit imperfectior. atq; huius quidem causam diu inquisiui, nec tandem aliam reperi, quàm quòd nutritio, ut quoduis aliud, sit opus caloris naturalis, nec cuiusuis, sed fortis & copiosi: atqui in mulieribus illius robur facile collabitur, quo fit ut in his statim nutritio affatim uincatur à concoctione. sed de his alibi copiosius. Conueniebat autem id, imò necesse erat, ad nutritionem factus, nec tamen natura id intellexit, naturaliter fecit.

*fecit. Sed nunc ad nostrum Galenum redeamus, qui non simpliciter multitudinem excrementorum siccitatem sequi aſeruit, ſed ſiccā ſenectutem eſſe propè teſtari dixit, uel quia ſape aliter euenit, uel quia excrementorum multitudo non niſi intercedente frigidityte ſiccitatem comitatur. Non enim ſemper ſiccitatem ſequitur, duntaxat ubi ſiccitas frigidityti coniungitur.*

CORPVS autem cuiusque intrinſecus ſiccum eſt, ut quod nec trahere intro nutrimētum ualeat, nec eo ſufficiēter frui. Eſt ergo humidus ſenex non propriis ſuis particulis, ſed excrementis. Rurſum ſiccus non excremētis, ſed particulis ipſis. Ita ni mirum alio genere ſiccus, alio humidus. Verum non eſt ad præſens de excrementis eius, ſed de propriis partibus diſceptatio, quarum ſecundum naturam propriæ actiones uitam eius complent. His igitur ſiccus ſenex eſt, quibus ſcilicet puer eſt humidus, ipſis nimirum ſolidis corporis particulis, oſſibus, membranis, ligamentis, arteriis, uenis, neruis, tunicis, carnibus que. Meritoq; Ariſtoteles ſenium marcenti ſtirpi adſimilat. Quippe ſtirpes nouellæ dum ſunt, molles, humidæq; cernuntur, ſenſcentes aſſiduè magis ſicceſcere uidentur. Ad poſtremum aridæ prorfus redduntur, idque ipſis mors eſt. Ac quod ſicciſſima ætatum

tatum senilis fit, ex iam dictis liquet. Quòd autem & frigidissima fit, id uel magis est euidens, ita ut de eo nemo dubitauerit. Nā & tangenti senes frigidi apparent, & facile in frigidum statum mutantur. Et nigri & liuidi fiunt, & frigidis morbis facile capiuntur, apoplexia, neruorum resolutione, stupore, tremore, conuulsione, destillatione, raucedine. Porro perijt eorum paulo minus sanguis, eoque unā perijt & coloris rubor. Iam uerò cōcoctio his, & digestio, & sanguificatio, & appositio & nutritio, & appetentia, & sensus, & motus oblesata omnia sunt, uitiosæq; administrata. Et quid quæso aliud est senium, quàm uia ad interitum? Itaque si mors naturalis caloris est extinctio, utique senium ueluti tabes quædam eius fuerit.

**A** Sententia est, quòd externa pars prædictarum particularum humiditate quidem externa imbuatur, sed interna omnino exarescit: adeo ut nec trahere, nec recipere nutrimentum possit. Veruntamen quòd non trahat, potius in causa est intemperies frigida, quàm sicca. Videtur autem ipse non hoc tantum simpliciter dicere, sed causam quoque reddere, cur humiditate quantumcunque excrementitia partes non diluantur, aut imbuantur, ex eo quòd tātum foris hæc humiditas allinatur. Non pugnat ergo hæc particula

*ticula cum priore, ubi extrinsecus atque intrinsecus circa hæc corpora, forsan uenas & arterias, humores fundi dixit: quoniam aliud est in internam eius substantiam humidum insinuari, aliud obiter dilui.*

VERVM non perinde de puerorū & florentium ætate inter medicos cōuenit. Sed nec dirimere inter eos litē est prōptū. probabiles enim sunt utrorūq; rationes, tum eorū qui pueros calidiores esse, quā florescentes ætate censent, tū eorū qui cōtrā florētes calidiores pueris esse cōtendunt.

*Vnamquaque istarum rationum suo loco enodabimus. Nam Galenus quasdā ex ijs relinquit, quasdam uix obiter explicat.*

ALTERI nanque ex eo, quòd sanguinis humor omnium quæ in animalis habentur corpore, calidissimum natura fit: tum quòd fœtus in utero propemodū sanguis tantum fit: post enim fingendis utiq; iam particulis aliud os efficitur, aliud arteria, aliud uena, aliud diuersum ab his aliquid, omnia tamen rubra: tum quod sanguinem syncerissimum, calidissimumq; obtineat, colligunt calidissimum esse gestatum in utero fœtum. Quod si est, etiam pueros quāto gestatis in utero p̄p̄iores sunt, tanto esse florentibus ætate calidiores.

*Sanguinem copiosorem hoc argumētum colat*

*ligit*

y  
i. in cōueni  
ata. 5. enj.  
sse.  
gidi  
i. de ft

y  
innomj

s. fœt

y



igitur non tamen calorem intensiorem unquam deducet: quia bilis quæ in florentibus exuperat, sanguine calidior est. Forsitan nec illud bene obtinebunt, sed duntaxat quòd uniuersum corpus sit magis humidum ac calidum.

ALTERI quòd etiam plurimus sit in florentibus sanguis, ac copiosior quàm in pueris, ita ut eius occasione crebro his sanguis profluat.

Certum est, quòd in iuuenibus, quàm pueris sanguis sit copiosior: quoniam pars eius quæ in pueris atque adolescentibus apponitur, in iuuenibus propter corporis siccitatem ignaua in uenis relinquitur: ueruntamen uiscera ac solida in adolescentibus quàm florentibus magis accedunt ad naturam sanguinis: hoc est, magis calida sunt, & humida.

QUIN ETIAM quòd flauæ bilis succus qui sanguine multo est calidior, plurimus his sit, propterea calidiores esse florentes, quàm pueros confirmant.

Hoc est pregnantissimum argumētum. nam quòd bilis sit calidior sanguine, omnibus in confesso est. Neque Galenus usquam hoc argumentum enodat. Inuenitur autem solutio in eo, quòd ex uarijs partibus hominis complexio temperatur, non tantum ex sanguine aut bile. Nunc ergo tametsi plus bilis sit in florentibus quàm pueris, interim multa aliæ partes euaserunt frigida,

quæ

que in pueris erant calida. Itaq; hæc bilis calidi- *.s. mēbra*  
tatem attemperare, atque uniuersum hominis  
ipsius temperamentum ex multis partibus con-  
ditum æquale facere possunt, ossa dico, mēbra-  
nas, uenas, arterias, ligamenta, neruos. Prout  
enim hæc particula sicciore, ita quoque frigidio-  
res quotidie euadunt. Nam caliditatis portio,  
quæ ipsis ex sanguine calidiore accedit, quo nūc  
nutriuntur, modica est, & à siccitate uincitur. *.s. particu-  
le*  
Est aliud hic maius dubium, unde bilis copia  
crescat, quando calor naturalis continuè abbre-  
uiatur. Ac mihi uidetur, quòd corporis siccitas  
calorem promoueat, ex accidenti quidem, dum  
humidum exiccat, quod calorem prius obtun-  
debat.

R V R S V S illi ab ipsis functionibus,  
quòd tum augeantur, tum plura quàm pro *.s. pui.*  
corporis sui portione alimenta tum appe-  
tant, tum conficiant, ualidum esse in pue-  
ris calorem asserunt.

Hæc omnia calorem in pueris liberaliorem,  
non tamen possunt ostendere ordine maiorem  
aut intensiorem. Iam nec illud simpliciter uer-  
um est, quòd huius appetitus sola causa sit ca-  
lor naturalis. Nam ipsa natura nostra non tan-  
tùm pro iactura alimentum postulat, sed & ad  
determinatam quantitatem & incrementum  
aspirat. Hoc autem utcunque in ipsa adolescen-  
tia, magis in pueritia desiderat.

HI cōtrā humiditatis occasione potius  
quàm caloris ui illos augeri contendunt.

Mala est hæc assertio. Nam licet magnū momentum obtineat ad corporis incrementum humiditas, principalis tamen artifex est naturalis caliditas: secus mulier magis promoueret, quàm uir.

IN concoctione non modo florentes non uincere, sed etiam longè ab ijs pueros uinci. nam & uomitiones ijs ex incoctis cibis accidere.

Non est uomitio infelicitis concoctionis in pueris signum, sed insolentioris duntaxat uitæ. Non etiam uno uerbo dici potest, an in pueris, an in florentibus concoctio sit potior: sed in pueris est melior, in florentibus ualidior. Nam y duriora, quàm illi concoquunt. Sanguis quoque absolute iuuenibus quàm pueris est copiosior. Veruntamen iuxta proportionem pusilli corporis, pueri plus ingerunt ac concoquunt florentibus.

ET deiectiones humidas asperasq;, & à succo alienas.

Duplex uidetur existimasse genus excrementi, quòd concoctionem imperfectam arguit, humidum & siccum. Verùm ego nescio quomodo ista sibi inuicem consentiunt. Nam contraria sunt, & in cruditatibus uentriculi potius humida deiciuntur, quàm aspera. Credo ergo quòd per alienas à succo intellexerit eas, quæ nondum transierunt

*transierunt in succum, quem concoctio molitur: quamvis alioquin sint dilute: tales deijciuntur in lienteria. inaequales enim ipsarum partes, altera humida, altera dura, omnes autem crude & male, quia ubique inaequalitatem damnat Hippocrates.*

QVOD si appetunt plura, nihil id facere ad caloris robur. Primum enim id nō accidere caloris copia, ut animal appetat plura, imò contrā refrigeratis scilicet his partibus, quibus appetentia debetur.

*Id falsum est, non enim naturalis appetitus pro frigidityate intenditur: sed potius pro ratione diffilationis extremarum partium augetur.*

DEINDE quoniam non tantum ad nutritionem, sed etiam incrementum alimenta moliuntur: idcirco etiam pluribus nutrimentis ijs opus est.

*Id unum est ex mirabilibus, quod in pueris ultra id quod diffilatum est, etiam aliud appetitur, quod corpori incrementum promoueat. Pendunt autem omnia ex eodem principio: quod non tantum qualitas à natura expetitur conueniens, sed etiam quantitas: non tamen perpetuò pueri esuriunt, donec omne incrementum acciperint. Nam & ū suo pondere obruuntur, atque tandem grauitur. Itaque paulatim sibi molem adicere satagunt.*

IAM uerò reliquis functionibus uni-

uerfis etiam nō obſcurè inferiores eſſe pueros his qui florente ſunt ætate, ut qui nec ingredi, nec currere, non portare, nec quicquam in ſumma agendorum operum ſimiliter obire queant. Cum florentibus tum ſenſum omnem, tum intellectum ad ſummam perfectionem bonitatemque perueniſſe dicunt.

*Hæc quoque potius ſiccitatē, ac firmitatem organorum, quàm caloris ſequuntur copiam.*

IN ſumma puerū adhuc imperfectum eſſe, florentem animal perfectum.

*Hoc loco manifeſtè florētes iuuenes appellat, alibi autem adoleſcentes, tam lubrica eſt illius ſignificatio.*

IN perfectis rationabile eſſe maximè actiuum, maximeque princeps elementorum præpollere.

*Phantaſiam quidem ueritatis habet hoc aſſumptum: techna autem in eo eſt, quòd pluribus non autem uno tantum obeuntur animalia munera: ſcilicet non in una, ſed in altera oppoſitione, quæ inter humidum & ſiccum eſt, mediocritatem requirit ipſorum perfectio. ratione autem huius euenit, quòd in pueritia flaccida, in iuuentute ſolida ſint pleraque officia. Ac reuera iuuentus pueritia perfectior, adeo ut à quibuſdā temperata æſtimetur: nā ex calore utroque eadem eſt æqualitas, ſed in iuuenibus maior ſiccitas:*  
itaque

*itaq; temperata sola adoleſcētia: quippe tametsi omnia alia munera in iuuenibus obeantur, tamen minus alacris ipsa nutritio.*

QVIN somno quoque plurimo deditos pueros uidere licet, contrā florentes minimo esse contentos. Quanquam hunc quoque aliter accidere, ne uel insanū quidem hominem censere aiunt, quā calido uictō quodammodo grauatoque humoris copia, ueluti tum ex temulentis intelligere licet, tum ijs qui balneo liberalius sint usi.

*Non tam ratione frigiditatis, quā humiditatis somni multitudo his accidit, quæ somni prima causa est. Confert ad hunc etiam non parum uaporum ad caput relatorum copia, quæ alimen-  
ti ferè sequitur proportionem.*

ITA uerò & papauer somniferū esse, & mandragoram, & lactucam, & omnia quæ humidiores frigidioresq; téperie sunt.

*Si exquisitè loquamur, potius hæc soporem inducunt: diligenter etiam hunc locum discernere oportet, ne posteriorem partē orationis ad priorem referas, quam ad lactucam tantum comparat. Hæc enim humida est, reliqua uerò sicca, nisi intelligas de pomis mandragoræ, & folijs: sed & ipse succus papaueris, atq; adeo ipsum semen siccum est, non autem humidum.*

AC tales quidem de propositarum æta-

tum temperie rationes utrinque afferuntur. omnes enim recensere superuacuum uidetur. Cum forma ipsa epicherematum uel ex ijs quæ retulimus, satis clarè perspicui possit. Eminus enim utrique fermeque à secundis priora colligunt. Ac tanquam iam sciat auditor quemadmodum auctio, quæadmodum nutritio, quæadmodum cōcoctio fiat, uerba faciunt. Simili modo de sensu, de motu, de functionibus, tū naturalibus, tū quæagi sunt idoneæ, disputant. De somni quoque generatione, & ciborū natura mētionem faciunt, quorum nullū simplex prōptūq; cognitu est, sed & multā disquisitionem requirit, nec potest fortasse ulli compertum esse, nisi qui prius humidam, siccam, calidam, frigidamq; temperiem sciat agnoscere. Quicquid enim eorum ueluti scientes dicūt, id si docere eos cogas, prorsus disputationem de temperamentis, hanc scilicet cui nunc insistimus, desiderabunt. Quare per mutua & ex mutuis fiunt ijs demonstrationes. Ex ijs quidem quæ nunc quærimus, ceu iam sint cognita, cum de actionibus disputant, & ciborum, ac medicamentorum facultates inuestigāt, ac de somno & alijs id genus disferunt. Rursus autem quæ nunc sunt proposita per illa, ueluti prius iam nota, demonstrant.

monstrant. Ego uerò eiusmodi demonstrationes non probo: quin si fateri uerum oportet, nec demonstrationes eas censeo, ueluti diffusius in alijs ostendi, satiusque esse in omni docēdi genere existimo ordinem conceptionum definire. Si igitur principium, omnis quę de temperamentis suscipitur, disputationis tractatio de elementis est, sint ne ea impatibilia, prorsusq; mutationis expertia, an alterari mutarique potentia, ab illorum uerò cognitione secunda deinceps est proposita nunc disputatio: non utique sumenda est istorum fides ex ijs quę nōdum sciuntur, sed sicuti tum rectum est, tum uero iustum, quod sumendum ad demonstrationem est, uel euidens aliquid sit oportet, uel quod prius fuit demonstratū. Non est igitur neque de somni generatione mentio facienda, neque de concoctione, neque auctione, neque de alio id genus ullo, sed ab ipsa sola nudaque subiectarum rerum substantia disquisitio ineunda, sicuti in primo libro fecimus.

*Vtraque secta suos peculiare errores habet: peccant autem in eo communiter, quòd à posterioribus priora colligunt, ab effectibus causas, ab operibus qualitates. id tamen Galenus in Techna, & alibi facit: quinimo & hominem temperatum ex mediocritate functionum definiuit,*



nit, nec aliter interiorum uiscerum naturam agnoscere possumus: secus est, ubi exteriorū aut etiam dum in uniuersum duorum corporum, ubi exteriora cum interioribus (ut nūc supponitur) proportionem seruāt, comparisonem facimus. Horum enim differentia optimè & securissimè tactu accipiuntur: atq; in ijs sic seipsum Galeus dicendo absomit, ut neq; hic, neq; paulò post nostra illustratione egeat.

QV I P P E statuentes aliud esse quod energia siue actu sit, aliud quod potestate: de eo quod actu iam calidum, frigidum, humidum, siccū siue sit, prius differendum esse diximus, subinde ad ea quæ potestate sint, ueniendum. Porro eorum quæ actu calida, frigida, humida, siccā siue sint, obuia promptaq; omnibus cognitio est, utpote quæ tactu discerni queant, qui scilicet & ipsum ignem calidum esse docuit, & glaciem frigidam. Quòd si alia quapiam ratione notionem agnitionemque calidi frigidæ habent, dicant hāc nobis. Inauditam enim ac nullius effectus sapientiam promittunt, imò si uerum fateri licebit, stuporem potius, si rerū sensibilibum alium quempiam habere se iudicem meliorem putant, quàm ipse sit sensus. Atqui sic eorum quæ actu calida sunt, alius esse iudex q̄ tactus nullus potest, tangant iam deinceps multos

tos uiros, tum senes, tum adoleſcentes, tum pueros, tum infantes. Ita enim inuenient qui magis minúsue calidi ſunt. Sinde rebus ſenſibilibus rationales demonſtrationes quærunt, iam de niue ipſa inquirendum eſt, cenſendane ſit, ſicut omnibus hominibus apparet, candida, an ſicut Anaxagoras aſſeuerauit, non candida. Iam uerò & de pice ſimili modo coruoq; , ac reliquis omnibus æſtimandum. Neque enim ſi non habenda eſt oculis fides de albo quod uidēt, de nigro ſine demonſtratione fides eſt habenda. Omnia igitur quæ ſenſui apparent, ſi iam fide carere dicunt, nec oloré eſſe albū dicant, niſi prius id uiderint ratione, imò nec calcē, nec diem, nec ſolem. Ad eundē modū & de uoce auribus fidē abrogent, & de odore naſibus, & de omni tãgibili ipſi tactus ſenſui.

*Sunt tamen quedam, de quibus dubites, an actu, an poteſtate calida definias. Nam (ut prius diximus) neſcias an aues calidas dicas, quia dum uiuerent erant calide, uel quia more mellis & uini in calidum uertuntur promptè.*

ET nōne hæc ſunt Pyronis hæſitatio & nugæ immēſæ? Sane æquum fuerat, eos qui optimam ſectam in philoſophia elegiſſent, quæ ſcilicet calidum, frigidum, humidum, & ſiccum principia & elementa ſtatuit,

statuit, non intantum descuiſſe à uiris qui hæc poſuerunt, ut quòd omnis demonſtrationis principia ſuat, quæq; ſenſui, quæq; intellectui ſit manifeſta, nō cognoscerēt: & proſecto quiſquis de his addubitat, fruſtra de aliis inquiri, utpote ne quidem unde ſit incœpturus quicquā ſibi relinquens. Vnde igitur in tā diuerſam uia diuerterūt, ac ſenſibilium rerum cognitionem ratione conſequi tentarunt? Ego ſanè ne cogitare quidem poſſum. Eoque quod actu calidum eſt, tactu iudico.

*Hic annis ferè nonaginta pinxit, deinde Anaxarchi philoſophi diſcipulus de omnibus dubitauit, nihil certum aſtrinxit, neq; uidere, nec audire ſe quicquam credidit, omnem demonſtrationis uim abſtulit: nam demonſtrationis principia per ſenſum colliguntur: hoc eſt quod paulò obſcurius dixit, Quæq; ſenſui, quæq; intellectui ſunt manifeſta. ubi tantum hoc uoluit, principia demonſtrationis tam ſenſui, quàm intellectui eſſe cognita.*

SI quid autem adhuc calidum non eſt, ſed ut tale fiat eſt idoneum, quod utique calidū poteſtate appellamus, id ratione inueſtigare conor: ij uerò omnia neſcio quo pacto ſubuertūt, & in argumentis prolixè rhetoricātur. Sed hos mittam<sup>9</sup>, illius tamē nunc minimè obliti, quòd unum prauorum

rum dogmatum principium fit, nihil de demōstratione prius meditatū simul res ipsas inquirere, simul ueluti scientē, quidnam demōstratio sit, demōstrare tentare. Denuo igitur ad propositum reuerſi, calidum quod in ætatibus cognoscere cupimus, primum & maximè tactu dijudicemus.

*Medicamentorum facultates captantur experientia: sed ad hanc experientiam multiplex prærequiritur ratio. hæc est causa, quare nunc eas potius ratione quærit, quàm sensu discernit.*

ERIT autem optimum iudicium in uno eodemq; unius infantis corpore. Potest enim & qualis calor illi ante biennium fuerit, in memoria reponi, & qualis nunc sit post duos fortè uel tres interpositos annos. Si nanque mutatio omnino ulla ad calidum frigidumue infanti facta uidebitur, nullum præterea negotium erit, qui usque ad florentem ætatem futurus excessus sit, colligere. Quòd si plures pueros pluribus conferre florentibus ætate uelis, graciles gracilibus, quadratos quadratis, & crassa crassis conferes, æque uerò & qui colore, & reliquis omnibus (quoad fieri potest) similiter se habeant. Quippe si differentiam in ætatibus inuenire studeas, in similibus quàm maximè licet naturis eam  
inqui

inquisitionem tutius facies. Porro in contrarijs naturis hanc disquirere non parui erroris est occasio, cum interim non tam exploratorum corporum ætatis, quàm naturalis temperamenti gratia differentia existat. Ad eundem modum, tum uictu uniuerso, tum temporum quibus exploratur statu, pari modo se habentia corpora eliges, non exercitatũ requieto comparans, non balneo usum eo qui non sit usus, non ieiunum saturo, nõ sitientem ebrio, non eum qui sole incaluit ei qui ex frigore riget, non eum qui uigilauit ei qui dormiuit, nec denique eos quibus contraria est natura, uel uictus ratio, uel quælibet rerũ circumstantia. Sed reliqua omnia sint quàm fieri licet paria, una ætate excepta. Pari modo si unum eundemque puelum cum seipso conferes, omnes eius externas circumstantias similes ad unguem seruabis, quo scilicet si qua harũ alicuius causã in calore & frigore differentia contingit, ætatis mutationi non imputetur. Longã tibi experiendi rationẽ fortasse tradere uideor, sed planè uerissimã, atq; ex ipsa rei quæsitæ essentia desumptã, sicut in his quæ de demonstracione scripsimus, à nobis est proditũ. Tu uerò fortasse compendiarium uoles, minime curãs si falsa sit. Sci

to ergo non solum falsam te, sed etiam longam ingressurum uiam, neque tribus quatuorue annis quod requiris inuenturum, sed tota uita in ignorātia uersandū. Quantum enim accipi ex memoratorum uiro-  
rum controuersia licet, non est quod pute-  
mus clarè aliquid demonstrari posse. Sed  
nec rationabile omnino est, ex ijs quę po-  
steriora sint, ea probari quę sunt priora. Er-  
go calidum frigidumque corpus, quod sal-  
tem actu, nec adhuc potestate tale sit, sen-  
su iudicemus, misso nunc tum priorum iu-  
dicio, tum reliquis omnibus notis. Et te  
iam ceu rectè iudicaturum ad ipsam expe-  
rientiam remitto. Meum autem iudicium  
ipse interpretabor. Complura enim dein-  
ceps corpora nō puerorum modo, uerum  
etiam infantium, adolescentium, & ætate  
florentium curiosè tāgens neutros uera lo-  
cutos inueni, nec eos qui absoluto sermo-  
ne calidiorem, nec eos qui frigidiorem ef-  
se florentem ætatem quàm puerilem di-  
xerunt. Si enim reliquis omnibus quę ex-  
trinsecus adueniunt alterationibus circū-  
cisis, eas quę ex sola ætate proueniant dif-  
ferentias æstimaueris, neuter absolutè lo-  
quenti uidebitur tibi calidior.

*Tanta fuit Galeni autoritas, ac fides, ut ferè  
omnes huic sententiæ suæ subscripserint: atque*

k

calidiora

*calorem puerorum cum florentibus aequalem asseruerint. Oportet tamen ab hoc sermone excipere immodicè frigidos, & humidos. Nam de ijs ipse dixit in primo libro de sanitate tuenda, quòd horum calor in iuuentute emicat: id quod sciam nemo ante nos animaduertit, aut causam eius reddidit. Suspiciamur autem eam esse, quia in frigidis & humidis calor modicus est: in frigidis enim quodammodo extinguitur, at in humidis strangulatur. Nec potest quæuis copia caloris in pueris qualitatem pensare, in iuuenibus dumtaxat, quæ proportionem obtinet. Non est ergo mirum, si in calidis & temperatis copia qualitatem æquet, in alijs paulatim calor frigiditatem superet: atque hac quidem ratione horum calor crescit, aliorum manet æqualis. Nam ut quadam partes sũt calidiores, ita uicissim quædam frigidiores, ac sic rursus fit quadam compensatio.*

**Q**UIPPE dissidēt eorum calores qualitate, quæ ex imparitate flatus creatur. Cuius rei occasione nonnulli uel eos qui secum uersentur, uel seipsos fallentes, alij puerorum, alij iuuenum calorem ualentior esse autumāt. Est enim puerorum calor magis halituosus & copiosus, & tangenti blandior. florentium calor subacre quiddam habet, ac non suauis. Hæc igitur tangenti occurfus differentia, plures inducit

cit, ut florentium corpus calidius esse pronunciant. Res uerò aliter sese habet. Quippe qui in uaria materia tactum suum ad calorem tum ualentio- rem, tum imbecillio- rem, tum parem discernendum exercuerit: huic non dubito puerorum calorem florentium calori uel parem, uel amplio- rem uisum iri. Est porro exercendi ratio hæc: Incipiendū enim ab eo quod euidentissimè est. Balnearum aër ita est aliquando calens, ut nemo eam ferat, sed uri in eo uersatus uideatur. Aliquando ita est frigidus, ut sudare in eo non sit. Iam tertium quoque & ab his diuersum, quem utique maximè requirimus temperatum aëris statum, quid refert dicere? ijdem tres caloris status in solij quoq; apparent aqua. Quippe quæ & calida adeo ut urat, & frigida adeo ut ne calefaciat quidem, & temperata adeo ut calefaciat modicè, sæpe cernitur. Ergo si te, uter sit calidior, perconter, aquane temperata, an aër temperatus, neutrum dicere possis. Cum enim ambo similiter corpori blanda sint, & mediocri temperie, alterum eorum dicere calidius esse, alterum frigidius, nulla dici ratione uidetur. Iam si intelligas aquam labri ea esse caliditate, ut ferueat, aut aërem balnei prorsus inflammatum, ab utroque te pari modo deueni-

k .                      dum



dum constat. Rursum si aquam ita intelligas frigidam, ut procul à glaciando non absit, aut aërem prorsus refrigeratum, sicuti cum ningit, conspicitur, patet quòd utriusvis occursum pari modo refrigeraberis rigebisque. Ergo summum tum calorem, tum frigus similiter in aqua, similiterque in aëre finge: præterea medium amborum extremorum statum simili modo in utroque constitue: hoc casu, quod in medio intervallo extremorum, & medij status tum in aëre tum aqua est, easdem excessus distantiæque rationes habebit. Tantoque dices alterum mediocri esse calidius, quanto alterum. Ad eundem modum & frigidius quam mediocre, tanto esse aquam aliquando dices, quanto & aërem: tametsi suus utriusque occursum tangenti idem non sit utrique. Neque enim simili modo aqua temperata sicut aër temperatus tactum afficit. Et quid opus est, in tam dissimilibus exemplum proponam? cum ipse aër, qui simili sit calore, varie tangenti occurrat, prout aliàs veluti caliginosus, & halituosus, aliàs veluti fuliginosus, & fumosus, interim purus omnino est. Igitur in pluribus iisdemque differētibus æqualitas caloris consistit. Quæ inconsideratis quasi inæqualis sit, imponit, propterea scilicet, quòd non undequaque similis apparet

apparet.

*Vera aſſerit, ſed iuſtior eſſet cõparatio duorum poculorum, quorum alterum plus haberet aque calidæ, alterum minus, ſed magis feruentis. eſt autem ambobus exemplis opus. nam Galeni exempla oſtendunt, quare calor in iuuenibus ſit acrior. noſtrum uerò apertè docet, quòd ex ea comparatione partium utriuſq; calor ſit æqualis.*

CAETERVM homo qui rationes, quas propoſui, expenderit, & ſenſum in multa particularium experientia exercuerit, is nimirum æqualitatem caloris in pueris florentibusque inueniet: nec eo fallatur, quòd alter in humida, alter in ficca ſubſtantia repræſentetur. Quippe lapis aliquando pari cum aqua calore eſſe poteſt nullum eo faciente diſcrimen, quòd lapis ficcus ſit, aqua humida. Ita igitur mihi cū pueros, iuuenes, adoleſcentes millies conſideraſſem, præterea eūdem infantem, puerum, adoleſcentemque factum, nihilo calidior uiſus eſt, nec puer quàm ætate florēs, nec ætate florēs quàm puer. Sed tātum (quemadmodū dixi) in pueris magis habituoſus, & multus, & ſuauiſ, in florentibus exiguiſ, ficciſ, nec ſimiliter ſuauiſ eſt caloris occurſus. Siquidē puerorū ſubſtantię, utpote humidæ, multū foris effluit, florē

tium substantiæ parum, ut pote sicca.

Inæqualis caloris substantia diuersi caloris suspicionem ineruditis præbuit. Nunquam enim calor in sicca substantia, atque humida eundem sensum exhibebit, fortassis in aqua, & labro ipsius aquæ, aut etiam iniecto ferro. Nam quod magis miraberis, neq; aëris & aquæ aut etiam dum palustris & syncera, eadem phantasia: tantum abest, ut aëris & aquæ idem sensus appareat, etiā si calor in ijs omnibus maximè æqualis esset, sed erit in altero suauior, in altero acrior. Ratio diuersitatis in alijs prompta est, sed in aëre & aqua latet. Sumitur autem ex eo, quòd aqua substantiæ densioris sit, aër uerò rarioris. Sic res sese habet in iuuenibus & pueris. acrimonia ergo substantiæ inæqualitatem ostendit, sed ordinem caloris non intendit, præterquam in medicamentis. hic enim ferè acris amaris sunt calidiora. Quòd si forsitan alibi Galenus calorem puerorum maiorem dixit, liberaliorem intellexit: sin autem, alibi contrà ipsorū iuuenum, acriorem uoluit. ita enim aliquando appellatio usu uenit. Sed cur ergo iuuenes hyeme quàm uere melius (dicente Galeno in tertio Aphorismo-rū) habent? Credo sanguinis caliditatē hic reformatiua, quæ hyberno aëre castigatur, licet totius corporis comparatione calor cum eo qui in puero est, compensetur.

ITA QVE neuter eorum simpliciter uidetur

uidetur altero calidior, sed alter multitudi-  
ne eius quod diffatur, alter acrimonia.  
Quippe infiri caloris puer plus habet, eius  
que blandioris, si modo ex sanguine & fe-  
mine ortum habet. In ætate florentibus  
exiguus & siccus, nec similiter suavis tan-  
genti calor occurrit.

Galenus in hoc loco non solum calidum, sed  
& calorem in puero maiorem dixit: quod in pri-  
mo Aphorismorum, & primo hoc libro reformi-  
davit: & reuera alterum ex altero sequitur.  
Sunt ergo quædam partes in iuvene, quam pue-  
ro calidiores: sed rursus in puero frigide sunt  
pauciores. Itaque qualitas copiam pensat. Idem  
exemplum foris statuit, qui duo pocula cogitat,  
atq; in utrisque quidem æqualem frigide mensu-  
ram infundit, sed huic plus aque calide miscet,  
ibi uerò minus, sed magis feruide. fieri enim pos-  
test, ut hoc modo utrunque poculū similiter sit  
temperatum. Nam forsitan tantum uirium ob-  
tinent duæ uncie aque feruentis, quantum tres  
simpliciter calide. Eodem modo sanguinis in iu-  
uene feruor pensat atque æquat calorem pueri,  
qui sequitur copiam calidi, & e contrario. Qua-  
re cum dicitur, Quantitas non promouet gra-  
dum in impermixtis: id intelligitur de rebus o-  
mnino eiusdem qualitatis.

ERGO calidi frigidiq; corporis solus  
tactus est iudex. Humidi autem & sicci unā

cum tactu ratio.

*Siccum & humidum obscuram energiam obtinet, idcirco non comprehendit tactus humidum aut siccum immediate aut per se, quemadmodum calidum aut frigidum: sed intercedente duro aut molli. aliquando autem durum, & molle per accidens: aliquando autem per se: atque id tactus non capit, sed sola ratio distinguit: quapropter interim tactus fallitur, dum id quod durum est, siccum indicat. Eadem ratione de aëre dubitat: nam neque siccus durus, neque humidus omnino mollis est: verum ubique promptè discernit calidum à frigido.*

Quippe quod siccum est, durum prorsus est: at hoc tactu omnino dignoscitur. Non tamen si quid durum est, idem statim & siccum est. Etenim inseparabilis à sicco duritia est. Non tamen eius unius propria. Nam & quod à frigore concretum est, durum cernitur, sicut glacies. Quo utique minus ficci humidique adeunda statim discretio est, antè scilicet quàm æstimatum sit, quemadmodum in calore sese habeant, & frigore. Neque enim si quid cum summo frigore repræsentatur durum, id etiam siccum est: nec si quid cum uehementi calore est molle, idem statim est humidum.

*Quod non sequitur, Durum est, ergo siccum est. & rursum, Molle, ergo humidum, ipse dixit.*

*Vide*

Videtur autem & opposita pars periclitari: nec enim statim si quid humidum, molle est. nam multa humida frigore concrescunt in duritiem: aut rursus, si quid siccum, idem durum. Nam in cera calore eliquata, nequaquam respōdet humiditas mollietati: quippe & ferrū, & alia quædam sicca funduntur, & humida congelantur. Rimosa ergo est hæc dictio Galeni: aut audire oportet, si quid phantasia siccum est, durum est. ita enim & hoc dicere possis, si quid actu humidum, statim molle est. nā neque lutū congelatū, actu humidum: neq; cera liquida, actu sicca.

VERVM cū mediocriter est calidum, tum æstimare durumne an molle sit, oportet. Si enim molle sit, humidum est: si durum, siccum.

Hic est primus modus definiendi humidum. cognoscitur autem secundo penes fluxilitatem. Nam quò aliquid fluxilius, eò ferè humidius: quò uerò constantius, & solidius, eò siccus. & iterum, quod promptè liquatur, humidum: quod promptè cogitur, siccum est. Hæc tamen non ubi que perpetuitatem obtinent, quemadmodum in fine primi distinximus.

VERVM si hæc ita se habent, partium quæ in humano corpore sunt duræ, nulla est humida. Neque enim tanta esse in eo frigiditas potest, ut aliquid in ipso cōcrescere in duritiē queat. Potest enim quod prius

fluxile, aliquando concrefcere, ueluti adip-  
deps.

*Sicuti prius fatis duriter incidit in diftinctionem etatum, ita nunc fatis oblique in difcrimina ipfarum partium. Veruntamen ordo fatis exigebat, ut quum definiret hominem temperatū, oftenderet illum non quidem in omni etate, fed præcipue in ipfa adolefcentia talem efle, ratione cuius & aliarum intemperamenta perstringere potuit. Ita & nunc dum uult diftinguere temperatum atque intemperatum hominem ex fuis partibus, poftulabat natura rei, ut primum illarum proportionem describeret.*

**Q**UO D enim oleofum in fanguine, fluxileq; & pingue eft, ubi in frigidum uenit locum, cogitur: durum tamen ne fic quidem efficitur.

*Potest & reliqua pars fanguinis concrefcere, præfertim quæ craffior eft, & magis biliofa, adeo ut fibris exemptis concretionem non patiatur, fed in adipem fola ea pars conuerti po-  
teft, quæ oleofa eft.*

**C**OMMODE igitur dictum ueteribus eft, humidiffimam efle adipem.

*De adipe quæ in priore libro diximus, hic non lim repetere: tantum oportet hic admonere, eius adipis, quæ fub cute eft & fub uentre, eandem à Galeno definiri materiam: tamen diftinxerunt neoterici: & reuera magis humida apparet, quæ  
circa*

*circa uentrem. nam facilius soluitur atque liquatur. Proinde recentiores demiror, qui adipem e contrario sicciorē putant, non ob aliam causam, quā quia magis est friabilis. hac enim conditione adeps etiā ipsa carne esset siccior. Quod ergo adeps circa uentrem sit maximè humidus, satis constat. Verū ego nescio quomodo hoc obtimebit Galeni deductio: fortassis potius perpetuam orationem facere intendit, quā concludere. Possumus & sic comparare, Inter particulas solidas sola adeps ex concretionē nascitur, ergo est humidissima.*

SECUNDO post eum loco carnosum genus.

*Diligenter & sollicitè hic locus audiendus est, ut sub carnoso genere cerebrum comprehendamus: quin & ante cerebrum osium medulla locari debet. Sed de hac postea: quippe & spinalem medullam multis carnis speciebus Auienna præposuit.*

EIVS plures sunt species: prima quidem quæ propriè caro appellatur, quam scilicet nusquam in corpore inuenies per se, sed est perpetuò musculi pars. Ab hac cuiusque uiscerum propria substantia est.

*Exquisitius mihi uidetur distinguere Auienna tres carnis species: carnem musculosam, carnem ipsorum uiscerum, & glandulosam, atque hæc post cerebrum primum locum occupat. nam*  
perpetua



perpetua ferè madet humiditate: sequitur caro simplex nomine: inter has humida est musculoſa. nec refert quòd caro musculoſa cocta uideatur humidior, quàm ipſa uiscera. Nam & quedam dulcia euadūt, quedam amara: ſic & quedam interna uiscera, dum elixantur plus minus, omnem ſuccum amittunt: at caro musculoſa mollis efficitur, & quodammodo glutinoſa. Non licet ergo te ex conditione ea, quam per decoctionem obtinet, ipſorum naturas æſtimare. Eſt tamen & illud uerum, quòd hepar coctu facilius ſit, quàm cor, idq; ob natiuam illius humiditatem: ſed & rurſum quedam ob ſiccitatem ſunt concoctu facilia, & econtrario humida duriora. Sic caro quorundam animantium eò cōcoctioni paratior, quò paulò antè exercitium & famem tulerunt maiorem.

E A M Eraſiſtratus parenchyma uocat, quaſiq; pro re parua leuique habet, parum intelligens cuiuſq; uisceris actionem huic carni acceptam referri. ſed horum non eſt nunc tempus.

Eraſiſtratus ſanguificationem potius uenis hepatis, quàm ipſius carni acceptam referebat: at cōtrà uena accipiunt ſuā uim ab ipſo hepate.

QV O D autem ipſum cerebri pulmoniſque proprium corpus proximum adipi humiditatis ratione ſit, ex mollitie eius coniectare licet. non enim à frigido  
congelata

congelatur, cum nec calore fundatur.

*Non omnium uiscerum carnes aquè humidæ. Nam primum locum hic occupat cerebrum. de pulmone est controuersia, quod nutriatur sanguine sicco, utpote bilioso: periculum uerò est, ne non solum hepate, sed & cute, forte etiam ossibus concludant pulmonem sicciorum. nam horum omnium nutrimentum minus biliosum est, sed hepatis, atque aliorum magis terrestre. Iam non tantum biliosus sanguis siccus est, sed & terrestris: plus autem sanguinis terrestris retinet hepar, quàm pulmo biliosus. frustra ergo Auicenna ob huiusmodi argumentum, duplicem humiditatem confundit. Nam simpliciter Galenus post cerebrum & spinalem medullam pulmonem posuit: nec hoc simpliciter dixit, sed ratione definit, & ex mollitie colligit. Quod tamen minus humidus sit quàm adeps, ex eo ostēdit, quia ut adeps fundi non potest. ac tanta eget distinctione hæc dictio.*

**PROPTINQVAM** ijs naturam habet ossium medulla, non est tamen eiusdem generis cum cerebro & spinali medulla ea, quæ in quolibet habetur osse: sed cerebrum & spinæ medulla eiusdem sunt generis. Reliquæ omnes medullæ alterius naturæ sunt: est tamen humidius, ac calidius cerebrum, quàm spinalis medulla, atque etiam mollius.

*Quod*

*Quòd ossium medulla humidior sit cerebro, pulmone, ex mollitie eius coniectari licet, quæ etiã liquari potest. Itaque quid Galeno in mentem uenerit, dum sicciorem eam cerebro putaret, nescio, præsertim cum in libro de facultatibus alimentorum omnibus audientibus cerebro humidiores asseuerat. An fortassis uarias medullæ concoctiones & quasi ætates perpendit? Certe quo ad naturam ossis propius accedit, eo maiorem siccitatem init, atque hætenus in diuersis forsan ordinibus numerari possit.*

**P R A E T E R E A** ipsius cerebri priores partes, tanto sunt humidiores, quanto molliores: omnia tamen hæc cute non humidiora modò sunt, sed etiam frigidiora: unoq; uerbo omne exangue frigidius est sanguine prædito.

*Non est hoc temere factum, sed quia ex priore parte egrediuntur sensus, ex posteriore uerò motus: iam hic postulabat sicciora, ille uerò humidiora organa. De primarijs operationibus nihil usquam Galenus ausus est dicere: est enim uerisimile, quòd in medio sedeant: quanquam sint qui singulis suos locos scrupulosè definiant.*

**P R O X I M A** cuti est mollium neruorum natura: duriores autem in humido & sicco secundum cutis naturam sese habêt.

*Hic locus inuersus sit oportet: nam in primo libro molles, non autem duros secundum cutis natu*

*naturam sese habere dixit, atque temperatos esse. Miror ego, quòd tam multis seculis hic locus lectus sit, & à nemine Græcorum aut Latinorum castigatus. Nec minus miror, quòd & ipse Auicenna nervos sensitivos siccos posuit: in hoc tamen laudādus, quòd motivos sicciores habuit.*

**CALORE** ab eius natura tantum abest, quantum cōsentiens est exangue corpus à sanguine præditi abesse. Lienis autem, renum, & iecinoris caro tantò cute est humidior, quantò est mollior: calidior autem, quantò magis abundat sanguine.

*Calidorum & frigidorum ordinem difficilius est digerere. Nam in demortuo homine demortuæ partes similem molliem ac duritiem exhibent, qualem in uiuo, non tamen calorem similem retinent: sed omnes ferè frigide deprehenduntur. Quare à phantasia ipsarum, temperaturas captare oportet. Methodus autem talis est, quò unaquæque particula maiorem sanguinis imaginem præbet, eò calidior est.*

**LA**M cordis caro omnibus ijs tanto est ficior, quanto durior. Calidior uerò non modo his, sed etiam omnibus planè corporis particulis. Quod etiā sensu clarè deprehendas licet in pectoris animalis dissectione, si digitū in sinistrū eius sinū immiseris.

*Hic forsitan locus Auicennam decepit, ut cor simpliciter, non tantum comparatiuè sic*  
cum

*cum diceret. at alterius in primo loci meminisse debuit, ubi simpliciter humidum Galenus asseruit.*

**I N V E N I E S** enim locū hunc omnium quæ in animali sunt, non paulo calidissimum.

*Manifeste ab eo dissidet Aristoteles. nam is contra dextrum putabat calidiorē. sed de eo postea. nunc ex eo loco satis constat, quod ipse spiritus sit calidior ipso corde. an autem uel ipsa cholera spiritu sit calidior, uix ab aliquo definitum inuenio. Nec est quod tactum consulas, quia in parvis differentiis laborat: omitto, quod tenuitas substantiæ facile nos fallat, dum qualitatē illius magis obscuram exhibet. Sed neque ratio quicquam certū apparet constituere: imò hæc parum ferre uidetur, quod humidissimum, idem sit & calidissimum: quia non in aëre, sed in igne caliditas est maxima. in mistis tamen aliter euenire potest. Ratio ergo incerta, & auctoritas ambigua. quippe hanc comparisonem nunc dissimulat tam Avicenna, quam Galenus. ueruntamen quod spiritus & bilis ambo corde sint calidiora, credo utriusque est sententia: nec pugnat cum eo, quod cor huius sit principium, quia subinde effectus minimo accepto initio ultra suam causam promouetur, quando ad hoc idoneus est: sic sanguis feruidior fortè hepate est. Non enim hic sanguis, aut ibi spiritus tantum  
natu*

*naturam sui uisceris imitatur, sed & materie sue ex qua oritur. Calidissima autē est alimenti portio, ex qua spiritus, cholera, sanguis recreatur. Igitur calor ut omnis alia causa pro diuersitate materie uariat, ac uarios effectus edit, atq; ex frigidioribus sanguinis particulis frigidas, ex calidioribus molitur calidas, sepositis ijs quæ cū ipsis committebantur frigidis. Eadē ergo est ratio in cōstitutione ipsorum ossium: ubi si quæ sint particule in ipsis calide, spatio temporis ac beneficio ipsius artificis euadunt frigide. Atq; id mirari desines, si tecū cogites, quod artifex non tantum uni particule comparetur, sed omnium uim habet, ac proinde singula effigiare potens, præsertim à diuino principio instructus.*

A T iecinoris, lienis, renum, & pulmonis caro simplicis cuiusdam naturæ est, circa cuiusq; uisceris uenas, arterias, & nervos crescens. Cordis, simplex carnis natura non est, sed sunt in eo fibræ, quales in musculis cernimus, quibus caro circumheret. Cæterū nō est idem fibrarū genus, sed quæ in musculis habentur, neruorum & ligamentorum sunt particulæ. Cordis propria quædam fibrarum est species, æquē scilicet ut uenarum tunicæ, atque arteriarum. Itemq; intestinorum, uentriculi, uteri, & uesicæ utriusq;: licet enim in his quoque instrumentis propriam quandam uide

re carnem suis ipsorum fibris circumnascentem.

*Causam atque utilitatem horum potes ex libro de usu partium, atque aliunde discere. nos enim quæ ibi possunt inueniri, nolumus huc transcribere.*

AT QVE hæc quidem carnes cute sunt calidiores: fibræ uero quàm cutis partim paulò magis, partim paulò minus tum frigida, tum sicca sunt: partim similes omnino cutis substantiæ.

*Nullæ fibræ insigniter calide sunt, atq; humida: sed quedam frigida, quedam sicca, quedam plus, quedam minus, quedam etiam dum temperata: nec hoc diuinamus, sed ex phantasia quam habent cum sanguine, colligimus. atque hæc generatim de calidis. Digeruntur autem speciatim in hunc ordinem, cor, hepar, caro simplex, caro musculosa, splen, renes, arteriæ, uenæ per accidens tantum. nam per se more membranarum frigida sunt. Nunc compara calida cum frigidis, humida cum siccis, & inuenies hæc ab illis exuperari. Omitto quòd magnum momentum sanguis obtinet ad uniuersam corporis temperaturam.*

PORRO omnes membranæ cute sunt ficciores, ueluti cerebri, & spinalis medullæ inuolucra, quæ meninges dicuntur. Sūt enim hæc quoq; membranæ. Iam ligamen-

ta omnia quanto cute sunt duriora, tanto sunt & sicciora. Tendones quoque tamen si ligamentis sunt molliores, attamen cute luculenter sunt duriores. Cartilago uero post ligamentum deinceps est: præterea medium inter ea corpus. Appellât id anatomici quidâ *ρῆγμα* *ὀστέου* *σύνδεσμον*, quasi cartilagineum ligamentū dicas. Est autem id durum cartilaginosumq; ligamentum.

*Ordinem siccorum melius in fine primi libri digestum habes. Omitto quòd hic obscure admodum cartilaginem post ligamentum ponat. nam nisi diligenter attendas, cōtrouersum Galenum facies, qui in primo libro cartilaginem præposuisse uidetur: quapropter hic oportet intelligere, quòd cartilago post ligamentum minus humida sit: ligamentum enim humidius est, aut si aliud uelis dicere, minus siccum. Hunc ordinem & ipse Auicenna obseruat: sed nescio cur in fine siccorum nervos molles posuit, quando Galenus eos cum cute æquales putat.*

OS uero omnium quæ cutis operit, durissimum est. At eorum quæ ex cute extant, siccissimus est pilus.

*Præter sensum ostēdit id ipsa ratio: quoniam pilus ex terrestri fuligine, os ex sanguine. Nō displicet & altera ratio, quæ multa animantia, utpote canes, ossibus nutrirī colligit, pauca uero pilis.*

l 2 Deinde



DEINDE cornu, mox unguēs, & ungulæ.

*Est & hic ratio, quod hæ partes nutriuntur ignavo, pili uerò fuliginoso excremento.*

ET calcaria & rostra, quæq; his in singulis animalium ratione carentium similes sunt partes.

*Calcaria, rostra, alterius uidentur naturæ quàm pili. Nã similia illis quæ propriè nutriuntur. ac tantum de siccis. De frigidis non ita ordinatim Galenus scripsit: nec mirum, quia ferè eodem ordine digeruntur, quo sicca. Itaq; neq; nos quicquam ascribere uolumus, tantum illud admonebimus, adipem & sebum non per se, sed per accidens ex contactu reliquarum partium frigida euadere, & tamen ipsa sua frigiditate nonnullum calorem partibus subiectis comparant.*

SVCCORVM optimus, & maxime proprius, ac domesticus, sanguis est: huius ueluti sedimentum ac fex atra bilis est: quæ idcirco tum frigidior, tum crassior ipso sanguine est: sicuti flaua bilis longè calidior, frigidissimum uerò ac humidissimum omnium quæ in animali habentur, pituita est. Instrumentum autem, quo id cognoscitur, ipse est tactus, ueluti Hippocrates in libello de hominis natura monstrauit. Cæterum quod frigida sit, unus tactus discernit: quod uerò

rò humida quoque, pariter tactus, uisus, & ratio iudicant.

Melius est succos seorsum, quàm cum solidis numerare. non enim eadem omnino uidetur ratio: sed omnes humidi sunt, quippe tam flaua bilis, quàm atra potius potestate, quàm actu sicca sunt. Sed & cum pituitam ac atram bilem frigida definimus, genuinam, non autem accidentalem naturam ipsorum spectamus. nam affinitate atq; aliorum communione subinde reperiuntur calida aut tepida. Caue etiam ne quatuor hos humores omnino inter se more elementorum conferas. nam tametsi cholera, quæ igni respondet, sit calidissima & siccissima, non tamen sanguis qui aëri respondet, sed pituita humidissima est. Id manifestè constat ex fine primi libri. Quare obscure Auicenna in suo canone, nescio quam humectationis distinctionem excogitauit, forsitani hanc suspensionem aut modum dirimeret. Est alia difficultas. Galenus dixit, quòd solo sanguine nutrantur uniuersæ particule: superuenit Auicenna, qui ex omnibus humoribus continenter partes nutriri asseruit, alioquin (sic ipse Galenum redarguit) eadem esset omnium particularum phantasia ac similitudo. Sed non urget admodum illius ratiocinatio. non enim sanguinis omnes portiones æquales sunt, sed hæ magis frigide, illæ magis calide. nõ est ergo necesse, ut partes biliosæ bilem suscipiant: nam ad nutri-

mentum ipsarum magis commodus erit sanguis biliosus. Iam particule ipsæ ignaue non sunt, sed calidiores & sicciores ipsum sanguinem ad se uenientem suo more, ac pro sua libidine effigiāt, ac sibi assimilant, adeo ut ossa ipsum infrigident, priusquam sibi apponant. Irrationabile etiam penitus apparet, quod aut uiscera, aut particule nutrentur ijs humoribus. Nam substantia sanguinis maiorem habet similitudinem, cum ipsis particulis fortè biliosis, quàm ipsa bilis. Proinde absurdum est potius ex bile huiusmodi particulas generare, restaurare, quàm ex sanguine. Nunquid ergo ignaui huiusmodi humores sunt, aut in corpore uacant? nequaquam, sed unusquisq; utilitatē in corpore obtinet, & alius sanguini commeatum quendam, alius temperamentum præstat. ac de horum utilitate alibi. Nolumus enim transcribere, quæ nullam difficultatem habent: potius est horum humorū differentias tam substantiales, quàm accidentales distinguere, quod earum magnam confusionem in canone Auicennæ uideo. Præstat autem primo eas, quæ quodam modo substantiales sunt, percurrere. ac tales quidem ipsius bilis tres sunt, aut quatuor. Est pallida, est flaua, est uitellina, porracea. Tres mihi secundum magis & minus distinguui uidentur. nam pallida, (uulguis puto Citrinam appellat, fortè Citinam aut Citriam dicere uult, quod in his color flauus remissus existat

stat) ut calore, ita colore remissior. Flaua mediocriter sese habet. Vitellina propter nimium calorem partes serosiores amisit. Auicenna tamen utranq; ex permistione pituitæ generat, ex tenuiore pallidam, ex crassiore vitellinam. Et nos quidem scimus, choleram cum omnibus humoribus misceri posse. interim uero quæ dictæ sunt differentia, per se & absque alterius mistione fieri possunt. Esto quarta cholera differentia, quam praesinam aut porraceam appellant: eadem omnino est cum æruginosa. quapropter Auicennam miror, qui ipsas à se inuicem distinguit, ac male ex miscella vitellina, non autem ex propria natura talem æstimat. ac de hac postea. Neque illud caret redargutiõe, quòd porraceam ex vitellina generat. Idem male xinariam quandam choleram albam appellat. Nam nulla talis reperitur, neq; unquam tanta adustio in corpore contingit, ut bilis alba euaderet: & si omnino talis euaderet, potius nomẽ melancholiae subiret: quippe & dum nigrescit, melacholiae nomẽ accipit. Sed & multa alia de scita, & famosa, ac illegitima bili Auicenna obscure tradit. Nam nobis satis est, quòd nunc cum melancholia, frequentius cum pituita bilis committi possit. Verum in ea quæ secundum naturam, ac citra mixtionem existimat, gradus reperiuntur quos diximus. Primum pallida bilis existit, postea flaua: hæc quoque si maiorem calorem patitur, ui-

tellina efficitur: & dum hæc rursus adurit, in ueram melancholiam conuertitur. Est autem & altera species melancholice, multoq; peior, quæ ex fece melancholica uisita quidem & ipsa, aut aliter corrupta nascitur. Reliquas quas Auicenna generat ex pituita aut sanguine, nos ignoramus. non enim potest sanguis continenter transire in melancholiam, neque pituita in bilem, nisi prius sanguis acceperit effigiem. Magis confusæ pituitæ species tradidit. Nam qui legitimas illius species tradere uoluerit, primum saliuam, muçum, qui ex naribus ducitur, aut etiam eum qui intestina inuiscat, ab ea separare debet. uix enim nomen humoris merentur, quem Galenus (licet alibi dissimulet) & Auicenna in hepate auspicatur. Atq; hinc statim oritur quadruplex differentia. Prima dicitur serosa pituita. Est ab hac alia ac dulcis, quæ spatio temporis in sanguinem transmutari potest. Est tertia, quæ uitrea appellatur, à similitudine, quam cum uitro fuso obtinet: alibi eam minime reuera similem, sed duntaxat sensu appellat, nec tamen bene constat ex quibus eam componit: alibi eam cum morbosissimo sedimine, quod in urinis aliquando uisitur, confert. quare cum & crudam in libro de facultatibus alimentorum pituitam cum ea expedit, illius differentiam obscurauit, quasi eandem haberet, quod fieri nequit. nam uitrea lentorem habet, quo cruda per excellentiam uocata caret: quanquam

quanquam maiorem crassitudinē, quam vitrea, habeat. Proinde Galenus cum in quarto de sanitate tuenda omnem pituitosum succum crassum ac glutinosum definit, aut disiunctiue, aut comparatiue intelligendus est. atque hactenus cruda & vitrea differunt: quarum differentias Auicenna parum videtur cognouisse. Nam in suo canone crudam omisit, ac eius loco vitream bis posuit: qui de innaturali phlegmate sic loquitur: Aliud est diuersæ substantiæ usque ad sensum, & istud est muscilaginosum: aliud dicitur in substantia secundum sensum æquale, sed in veritate diuersum, & est phlegma crudum. Hanc ipse distinctionem accepit a Galeni de locis affectus libro tertio, capite quinto: ubi Galenus manifestè vitreum humorem definit: A' Praxagora, inquit, crudum appellatum. Frustra ergo Auicenna postea iterum vitream pituitam discreteuit, quo factum est, ut crudam male omiserit, aut certè in primo loco crudam pro vitrea malè finierit. Nam de vitrea, non autem cruda, Galenus ibidem dixit, quòd sensu quidem similis appareret, licet forsitan non sit. Adiecit & aliam speciem phlegmatis, quòd gypseum ipse appellat: atque ex crassiore parte eius, quod crudum dicitur, credo generat: sed nos non curamus eiusmodi breues differentias distinguere, potius est ipsas eodem nomine comprehendere. Iam amplius Auicenna ordinem differentiarum

l s      pitui

*pituita turbat, cum substantiales cum accidentibus confundit. Nam satius est accidentales seorsum digerere, ac penes saporem distinguere: quippe pro uarietate misturae ferè euadunt saporum differentiae, adeo ut Galenus omnes differetias pituitae tres dixerit. Dulcem, atque hæc aliquando talis ex natura est, aliquando uero alterius, fortè sanguinis permixtione, aut incalascitionis lenioris ratione. Secunda salsa est, idq; rursum uel ob putrefactionem, uel biliosæ humiditatis corruptionem. Tertia acida est, ac talis plerunque redditur per admixtionem melancholicæ: talis etiã est uitrea: quanquàm Auicenna acrem potius uoluerit dicere. Sed forsitan de solo nomine contentio, ac ipse acrè appellat, quam nos acidam dicimus. Est autem quarta insipida, quam in secundo de febribus Galenus forsitan omisit, quia rarius ex ea febres fiunt, aut proximè dulci asidet. nam ex minimo caloris momento insipida dulcis fieri potest. Atque hoc de humoribus.*

*ET tactus quidem ac uisus, quòd talis ijs cernitur. Ratio uerò ubi non caloris copia, sed naturali humore talem esse definiuit. Ac particulæ quidem, ac succi corporis ad hunc modum sese habent.*

*Tactus, ut diximus, durum ac molle distinguit: ratio uerò an tale per accidens, an per se sit, prius expendit.*

DE

DE ijs quæ temperamenta comitantur, deinceps agendum. Comitantur enim ea, & quæ dicta iam sunt: immo potius inseparabilia omnino sunt: à sicco quidem corpore duritia, ab humido mollities, si tamen cum tepido calore est: sed & crassitudo habitus, & gracilitas temperamenta sequuntur, non ea modo quæ naturalia sunt, sed etiam si quæ ex longa consuetudine sunt contracta.

*Corporis temperatura generatim in duabus est partibus, in corporis habitu, & interioribus uisceribus. & uiscerum quidem temperatura ab operationibus, & ab excrementis colligitur: habitus uerò præcipuè ex colore, pilorum circumscriptione. ac de ijs postea liberaliter. Multa etiã à quantitate corporis, hoc est, ab obesitate, macilentia, gracilentia, aut corpulentia, hoc est carnis copia, aut inopia. licet enim doctrinæ clarioris gratia, ijs quatuor accidentibus quatuor partium nomina, ut gracilis opponatur corpulento, ac macilentus obeso: qui uerò quadratus est, medium in ijs omnibus obtinet.*

MULTOS siquidem, qui natura graciles fuerant, pingues redditos uidi: contraq; qui pingues fuerant, graciles. Illis quidem ex ociosa & delicata uita toto temperamento ad humidius mutato: his uerò multa tolerantiã, & curis, & tenui uictu per siccatis



ficcatis. Dicemus uerò & horum discernendorum notas. Satiùs enim est, talisne quispiam natura sit, an ex consuetudine redditus, nosmet prius per aliquot signa discernere posse, quàm ab alio id quærere. Sanè eiusmodi signorum autor æque ut reliquorum omnium, mirus est Hippocrates.

*Frequens dictum & antiquum est, Consuetudo est altera natura. Itaque hætenus parum refert, siue quis ex natura sua, siue consuetudine, carnosus, gracilis, obesus, aut macilentus factus sit. Semper enim unumquodque istorum suam qualitatem arguit, gracilitas siccitatem, corpulentia humiditatem, obesitas frigiditatem, macies caliditatem, quadratura temperiem. Veruntamen ut sciamus quantum unusquisque à priori natura desciverit, genuinam ascititia distinguere decet: atque id iamiam iuxta Galenum & Hippocratem dicemus. nam neque æger semper hoc ipsum potest distinguere. Iam post quadragesimum annum multi pingues & carnosi euadunt, nescias tamen an ex natura, an ex consuetudine. Nam uel frigidi pauci ante iuuentutem pinguescunt. Est autem omnino, ut diximus, pinguedinis causa, non quidem humiditas, sed potius frigiditas: propterea ego nescio an noster interpretes hîc rectè reddidit pingues, ego crassos (παχυβάρους Græca habent) malo reddere, ac carnosos intelligere. nam carnem, non autem pingue*

pinguedinem promouet humiditas, humiditas  
tem autem promouet ipsa uita ignauia, ac mens  
secura. & hoc est quod nūc Galenus dicit, Tem  
peramento ad humidius (non dicit autem frigi  
dus) demutato. Non tamen sola humiditas cre  
scit, sed & ipsa frigiditas: imò sepe hac magis.  
Quinimo de humiditate potest esse contentio:  
quia corpora nostra (ut sepe dictum est) conti  
nue exsiccantur. Nunquid ergo falsum hoc Gale  
nus astruit? aut experientia erronea, quæ multo  
rum conualescentium corpora dum resumuntur,  
palam humectari ostendit: aut rursus omnem  
morbum siccum oportebit esse incurabilem. Ita  
quidem decet, si quidem humiditas augeri ne  
quit, aut reponi. Sed nos super hac re multa in  
Aphorismis nostris diximus: & quia ea quæ dif  
ficilia simul & utilia sunt, sepe conducit repe  
te, hic obiter licet perstringere, quòd non quisuis  
morbus siccus castigatur, tantum is qui ex ino  
pia humiditatis in uenis paruis, aut in poris  
ipsius carnis. nam has humiditates licet repone  
re: quæ in solidis non item. Imò & in conualescen  
tibus, aut aliter macilentis, qui nunc fortassis re  
ponuntur, non crescit ipsius humiditatis ordo,  
sed carnis moles tantum. Nam caro quæ accedit,  
eiusdem ordinis est cum ea quæ remansit: ita &  
ossium partes cum prioribus ossibus: hætenus  
tamē totum corpus humidius fieri dicitur, quòd  
reliquæ humiditates, & moles carnis augentur:  
atque

atque hæc quidem præstatur per quietem. Nam motus econtrario tam animi quam corporis (quia spiritu obitur) spiritum, imò uniuersum corpus, exoluit, exiccat, & inflamat. Sed hæc liberalius exponemus in secundo de morbis, aut eorum causis.

SI quidem quibuscunq; latiores uenæ sunt, hi calidiores natura sunt: quibus angustiores, contrà magis frigidi. Caloris nã que opus est has dilatare, flatuq; extendere. Ita rationabiliter in idem ferè recidit uenarum angustia cum habitu pingui, & crassiore: habitus gracilis cum uenarum laxitate. Quòd si quis simul pinguis crassusq; est, ac uenas laxas habet, is consuetudinis alicuius occasione, nō natura pinguis est redditus. Sicut ediuerso, si quis angustas habet uenas, & gracilis est, ne hunc quidem talem esse natura necesse est.

Promptum est ex angustia atque latitudine uenarum, quis ex natura, quis ex uictu sit calidus aut frigidus, discernere. solida enim quem olim modum conceperant, ferè per totum uitæ spatium seruant: non tamen genuina siccitas atque humiditas ab adscititia diuersum in solidis modum ostendit: quapropter difficile est hæc distinguere, nisi ipsum ab ineunte ætate noueris, aut priorem uitam diligenter expendaris, ea enim sola sunt, quæ effectus genuinos ab aduenti-

*tūs possunt discriminare, aut interstingere. Potest tentare ex pilorum circumscriptione. nam si quis ex natura frigidus & humidus, & sub uirilem ætatem cœperit fieri calidus & siccus, non ob id statim, ut qui à principio talis fuerit, hirsutus fiet, fiet tamen fortassis talis, si longo antea temporis spatio naturam mutauerit. Proinde melius est hæc ex corporis proceritate definire. Nam quibus humidum ex natura abundat, siccis (modo calor sit æqualis) sunt proceriores: at quibus ex uictu aut consuetudine, nō item: quippe proceritas solidorum sequitur conditionem. est hæc postea non immutantur, sed talia manent, qualem naturā sortiti sunt. Sic & uenæ, quæ semel amplè inflatæ fuerunt, nulla frigiditate postea contrahuntur, aut angustæ distenduntur, sed proportionem suam seruant.*

*QVIN cum fames urget mediocritatem ex laxitate uenarum & angustia, non à cætero ipsius corporis habitu spectandum esse ait. Quippe qui angustas habet uenas, exigui sunt sanguinis, nec longam in diem ferunt: quibus latæ, his copia sanguinis est, & citra noxam cibo abstinent.*

*Hic locus manifestè aduersari uidetur sermo ni qui in primo Aphorismorum est, qui calidos & humidos præ cæteris omnibus difficilius in diem ferre dixit: etenim ij latissimas natura uenas obtinent. Si quidem cum calidis & siccis*  
*hos*

hos comparasset excusatio (quæ in primo Aphorismorum dicta est) huc afferri poterat. uerum hæc etiam cum frigidis conferre audet. Nunquid ergo mendum suspicaberis? Certè si simplex fuisset Galeni dictio, id ipsum fortassis licuisset: nunc uero etiam rationē subiicit, ut magis credamus. Putauimus aliquando Hippocratem & Galenum non quosuis æstimare hic calidos, sed qui præterea sanguinis abundarent copia. ac de iis quidem nulla est difficultas. tales enim non solū in diem ferunt, sed phlebotomiam (qua reliqui offenduntur) desiderant. Sed hæc ratio nunc paulo generalior apparet. generale enim est, quòd calidis quàm frigidis sanguis sit liberalior. Nunquid ergo calidi melius ferunt famem quàm frigidi? dura certe compositio, neq; absq; redargutione aliqua. Omitto quòd sic accepta oratio non nihil extra propositum exorbitet. audax ergo facinus. & tamen ego suspicor, quòd is locus sit ab aliquo interiectus, aut certè à Galeno quasi aliud cogitante ascriptus. Idem indicat sequens particula, quæ potius alterius præcedētis, quàm huius, reddit rationem.

C A V S A E horum euidentes iam sunt iis qui animum aduerterint, tametsi à me non referantur: sed quoniam non omnes aduertunt, necessum fortasse erit, aliquid eorum causa dixisse. Quicquid in sanguine pingue, leue, & tenue est, id in calidioribus

bus corporibus alimentum quoddam calido fit: in frigidioribus seruat. Cumq; id uenæ extra se transmiserint, ubi in frigidas particulas incidit, quod genus membranæ sunt, in ijs cōcrescit. In partibus uero natura calidioribus, cuiusmodi carnosæ sunt, à calore ipso absumitur, ac digeritur: nisi sicubi frigiditati temperamenti etiam uita indulgentior accedens ipsis carnosissimis particulis adipis aliquid allinat. Qua ratione etiam quæ hyeme delitescunt animalia, nō rarò inueniuntur adipe obesa: & fœminæ uiris sunt pinguior, quod scilicet fœmina mari est frigidior, & plurimū domi uersatur. Ac quicumque corporum habitus, & temperati natura sunt, & mediocri exercitatione utuntur, hos necesse est eufarcos esse: id uero est mediocri omnino corporis habitu.

Non confirmat hæc ratio, quod frigidos famēs magis urgeat, sed quod plus adipis illis obtingat. Oritur autem ea demonstratio ex adipis generatione: quæ non oritur ex terrea aut aquea sanguinis portione, sed subtili atque æthereâ. Est autem hæc humiditas pinguis, quemadmodum aquea ferè acida, nec tamen admodum ad restorationem idonea est, sed in uenis conseruatur, & à calore digeritur: aliquando forte fortuna è uenis elabatur: quæ ubi in calidas inci-

m dit

dit, iterum absumitur: si uerò in frigiditas, in adipem conuertitur. Potest autem & reliquus sanguis in magnum aliquod spatium effusus concreescere: sed nūquā in adipē trāsmutabitur. Tanta est ergo inter reliquas partes & adipem differentia, quòd reliquæ partes industria caloris apponuntur, atque adeo ab uniuerso sanguine proficiuntur, in adipem uerò non nisi humidiores partes coalescunt, idq; frigoris fortuna ac studio.

QVIBVS uerò humidum abūdat, & calor à mediocritate summa non longè abest, hi corpulenti siue carnosī fiunt.

Humiditas per se non uidetur affundere carnem, sed caloris adminiculo, adeò ut dubites an caloris, an potius humiditatis opus sit. etenim carnis copia sanguinis affluxum sequitur, sanguis uerò calorem. Humiditas enim si cum frigiditate coniuncta fuerit, carnem priorem uitiat, tantum abest, ut bonam recreet. Verumtamen hepar calidum simul & humidum multo maiorem uim habet ad generandum sanguinem, quàm calidum & siccum. est enim sanguini multo conformius. Ita nihil nunc est admirandum, quòd humidum hepar (constante calore) plus generet sanguinis quàm siccum: quippe quòd grauius est siccitas: etiam priorem carnē extenuat: idipsum quoq; excessus calidus potest: & propterea maximè gracilis calida & sicca est.

COR

**COR PVLENTI** rursus fiunt qui natura sunt temperati, cæterum desides & ociosi uiuunt. Quippe dictum à ueteribus commodissimè est, Consuetudinem acquisitiriam esse naturam. nec fortasse oportebit cum id iam semel dixerimus, in quouis etiam capite definire, naturane frigidior, an ex consuetudine quispiam sit redditus: sed illud legentibus remittere: me autem compendij causa proprios cuique temperamento corporis habitus persequi.

*Oritur in hoc loco difficultas ex eo, quòd hic potius frigiditatis, quàm humiditatis meminerit. Nam quòd temperati, sed desidiosii, corpulentifiant, potior causa est, quia desides & ociosi humidi euadant, quàm quia frigidi. Ad hoc accedit quòd postea dicitur, quòd quibus caro est plenior, his humoris plus iusto est: non tamè etià frigoris. Ergo obiter admodum id à Galeno dictum est, quòd desidia simul humiditatem promoueat & frigiditatem. & quòd intendat frigiditatem est certum: quando autem ad humiditatem uentum est, de instrumentali oportet intelligere: quippe humiditas instrumentalis augeri potest, similis uerò nunquam. nam caro iuuenis semper carne pueri est siccior: sæpe tamen multos iuuenes inuenies multis pueris carnosiores.*

**SUNT** igitur nonnulli, qui & graciles  
m    2    sunt,



sunt, & uenas paruas habeant : sed si exijs quempiam incidas , adeps excidet : quam cōstat cuti ad internam eius membranam subnasci. Et rarò id quidem in uiris conspicitur, in foeminis sæpissimè inuenitur. Est nāque tū frigidioris naturæ, tum uitæ magis desidiofæ eiusmodi nota : si quidem adeps ex habitus frigiditate gignitur. Corpulentia siue carnis abundantia, ex sanguinis copia nascitur: mediocritas temperatæ naturæ nota est.

*Graciles ergo uocat nunc, qui carne tenui sunt, etiam si adipis copia laborent, potest tamē fieri ob duriores uictum, ut idem parum adipis contineat.*

ET corpulenti quidem omnino plus adipis habent, quàm temperati. Nec tamē pro carnis semper portione adeps simul augetur, sed alios habere plus carnis , alios plus adipis uideas , alijs ambo pari modo sunt adaucta . Et quibus quidem ambo pari modo sunt aucta , his tantum supra temperatam naturam humoris est, quantum & frigoris. Quibus autem plus est adipis, in his plus frigidi est, quàm humidi.

*Adeps ut paulò antè definitū est, ex habitus frigiditate fit. At corpulenti appellantur quicumque plus carnis obtinent temperatis. Obtenent autem*

*autem & corpulenti, licet calido mediocres, plus adipis quàm ipsi temperati, nam licet humoris copiam imitatur præcipuè multitudo carnis, tamen uel adipis proportio aliqua sequitur, quòd utraq; sit humida. & in temperatis adeps carnis proportionem seruat: quocirca & alibi in quibus caro abundat supra temperatũ, adipem quoq; exuperare est necesse. Nam humoris copia maiorem adipis materiam sufficit, quapropter plus adipis ipsum sequi necesse est.*

**A E Q V E** ut quibus caro est plenior, his humoris plus iusto est, nō tamen etiam frigoris. Cum enim calori intra debitos fines manenti boni sanguinis accedit copia, necesse est corpulentia sequatur.

*Humiditas carnem auget, quoniam assimilationem siue nutritionem promptiorem exhibet: maximè autem carnem promouet, ubi citra caloris consistit inopiam. Nunc tantum superest corpulentum ab adiposo distinguere: atque id non est admodum difficile: etenim adiposi ad cacheticos accedunt, parum colorati & molles sunt, appetitu, concoctione, ac ferè uniuersis operationibus flaccidi, in quibus omnibus corpulentum mediocriter sese habent.*

**Q V A N T V M** autem supra mediocritatem sanguis esse debeat, id quidem mensura & pondere ostendere non est, ratione tradere licet. Quippe ubi nullum adhuc

morboſum ſymptoma craſſato corpori incidit humoris abundātia, intra ſanitatis interim eſt fines. Monſtratum enim nobis & in alijs eſt, non paruam in eo ſtatu, quæ ſanitas dicitur, neceſſario ſtatuendam eſſe latitudinem: quin nunc quoque in omni ferè noſtro ſermone apparet, qui temperatā mediāq; naturam reliquarum ueluti canonem ſemper ſtatuamus: quæ uerò ex huius utraque ſunt parte, intemperatas cenſeamus. Quod utique non ifaceremus, niſi in ſanitatis ſtatu maioris minorisq; ratio inueniretur. Eſt enim alia ſanitatis, alia morbi intemperies. Morbi quidem ea, quæ à media temperie lōgiſſimè abeſt: ſanitatis, quæ paulum. Definire autem modum ne hic quidem meſura & pōdere licet. Cæterum intemperamenti quod intra ſanitatem habetur, ſufficiens nota eſt, quòd nulla functio animalis manifeſtè ſit adhuc læſa. Quātum igitur interuallum eſt inter id quod perfectiſſimè functionem obijt, & id quod manifeſtè actionem aliquam habet oblæſam, tanta eſt proſectò & ſanitatis & diſtemperantiæ, quæ intra ſanitatem conſiſtit, latitudo. Ab hac proxima eſt intemperies morboſa: cum ſcilicet animal intemperamenti uitio ægrotat. Non enim huius tantum noxa laborat, ſed etiam alijs affectibus non paucis

paucis : de quibus in ijs quæ de morborum differentijs scribemus , diffusius agetur.

Sanorum triplex est latitudo aut differentia. Quædam enim edunt perfectas operationes, quædam ambiguas, quædam manifestè imperfectas: accedunt ijs, quæ manifestè læsas exhibent: novissimi sunt, quibus iam omnis operatio perit. Salubria ergo signa, ægra, neutra, insalubria ab iisdem sumuntur generibus, secundum plus & minus differentibus. Sed & dispositiones non alia ferè ratione quàm maioris & minoris differunt. Itæ plenitudo nunc neutram, nunc insalubrem dispositionem ostendit: sed difficultas est, quis iam hic affectus, neutra, aut insalubris dispositio existat. Et mihi quidem humiditas videtur. hæc enim est quæ primo vires nonnihil labefaciat, postea infirmat: sed huic nunc caliditas, nunc frigiditas superuenit, caliditatem febris sequitur, frigiditatem uerò aut suffocatio, aut lenta aliqua tabes. Quòd si nunc carnis, nunc sanguinis copia magis urgere apparet, ne hoc quidem nos mouet. nam sæpe symptoma symptoma sequitur: nec est morbus continens cuiusvis symptomatis causa, semper tamen prima. nam & morbus dolorem parit, dolor autem magnitudinem, magnitudo uigiliam. non est ergo in plenis morbus ipsa plenitudo, sed ipsa temperatura, quæ quamdiu parua & breuis fuit, potius neutra dispositio,

*quàm manifesta intemperatura dici meruit.*

N V N C redeundum ad diuerticulum est. Sicuti enim naturali calore optimâ seruante temperiem, humidum quod intra sanitatis terminos est auctum, non adipem modò in homine, sed etiam corpulentiam gignit, & adipem quidem parcius adiicit: carnem uerò multo liberalius auget: ita rursus, si humidum & siccum mediocritatem ad unguem inter se seruent, calor autem in homine sit minor, necesse est huius corpus adipe quàm carnis copia magis abūder. At uerò si calor augeatur, seruetq; mediocritatem altera contrarietas, minus erit ei animal adipis quàm carnis. Sicut ediuerso si quando pollet siccum, altera contrarietate medium modū seruante, & gracilius & durius corpus euadet. Hæc à medieta sunt, patetq; non solū ratione mōstratū esse, quòd simplices in animalium corporibus inteperies habeātur, sed etiam quòd singularum manifestæ sint notæ. Nec ex modò in calore, frigore, mollitie, & duritie, sed etiam in reliquis omnibus habituum corporis differentijs. Quarum de ijs quæ ex gracilitate & crassitudine spectantur, mox diximus: de reliquis nunc dicamus.

*Temperata eusarca est, frigida adiposa, humida carnosa, aut corpulenta, sicca gracilis: calida*  
*& sicca*

*& sicca macilenta, ac gracilis: frigida & humida adiposa, & carnosae: calida & humida macilentae, sed carnosae: frigida & sicca adiposa, sed gracilis.*

CALIDA igitur & sicca intemperies hirsuta est, uerum ea in summo. Mediocriter autem quæ calida quidem est, sed in altera contrarietate mediocritatem habet. Similiter & quæ sicca quidem est, sed in calido & frigido media est temperie: est enim ea quoque modicè hirta. Nuda pilis sunt frigida omnia temperamenta, siue ea mediocriter sese habet in humiditate, siue immodicè. Cæterum ad summum est glabra frigida temperies & humida. Minus hac quæ frigida est, sed in altera contrarietate temperata. Adhuc minus, quæ frigida est, & sicca.

*Liberalissima signa sunt quæ à pilorum sumuntur circumscriptione. non enim in uno loco tantum apparent, sed ubique ferè conspicua sunt: adde quòd non uno modo temperaturam designant, sed raritate, densitate, colore, figura, crassitudine, tenuitate. Ac quedam ex his humoris, quedam cutis, quedam etiam uniuersi corporis conditionem arguunt. Nec mirum: nam & aliorum ferè animantium ex pilis, aut eo quod pilorum uice est, ratione colliges. Ac de his nunc Galenus dicere aggreditur, incondito satis, ut mihi*

*m s apparet,*

apparet, ordine. Nam argumentum expostulabat, ut primum materia pilorum ex multis excrementis definiretur: & quòd non quoduis excrementum duntaxat fuliginosum, siue in ea parte genitum, siue ab uniuerso corpore sublatum ad pilorum generationē esset idoneum: & quia hæc fuligo sanguinem imitabatur, sanguis uerò diuersus existat, nunc temperatus, nunc biliosus, aliquando pituitosus aut melancholicus, iuxta hoc quoque & pilos uariare, multitudine, crassitudine, colore, figura uidemus. Secundo loco conueniebat dicere, quòd non ubique talis fumus in pilos expiret, duntaxat in cute utcunque sicca. Huic tertio adiacebat, quòd diuerso modo enascerentur, & in quibusdam partibus sine ordine more graminum aberrarent, in quibusdam uerò iustis circumscriberentur limitibus: atque ij fere sequuntur à principio, illi non nisi longo tempore postea. Facile nunc erat ex ijs colligere, quòd maximè hirsuta erat calida & sicca, minimè frigida & humida, medio modo mediocriter attenuata: tunc tempus erat id ipsum ex comparatione ætatum & regionum ostendere. Nam si nō penitus regiones cum temperaturis aut cum ætatibus conferre liceat, magna tamen ex parte datur. Sed Galenus hunc dicendi ordinem omnino peruertit, & primum temperaturas inter se contulit. Cogimur ergo & nos hunc ordinem inire, ac sigillatim iuxta hunc de singulis dicere, ac primum

*num quidem comparationem singularum inuis-  
cem temperaturarum facere. Habet autem se  
sic, Summè glabra est frigida & humida, deinde  
calida & humida, postea frigida & sicca: am-  
plius est hirsuta calida, copiosius sicca, præ omni-  
bus alijs magis calida & sicca, in omnibus me-  
diocritatè obtinet temperata, ac uidetur magis  
hirsuta quàm calida & humida, minus quàm  
frigida & sicca.*

QUANQUAM putet aliquis, sicut  
fieri non potest, ut in terra sicca herbæ na-  
scentur, nutriantur, & incrementū capiant:  
sic nec pili in (sicca) cute. Est autem secus.  
Quippe terra ut terra sicca dicitur, cutis ut  
cutis. Itaque siccitas, quæ in terra est, ma-  
ximè sine humore est: quæ uero in homi-  
nis est corpore, & eius similiū animalium,  
nec humoris est expers, & maxime omniū  
ad pilorum generationem est idonea.

*Non est quiuis locus idoneus ad gramina, nec  
quæuis cutis ad pilos: sed quæ in siccitate modū  
quendam obtinet. Nam multa humiditas mea-  
tus, ex quibus pili oriri debēt, oblinīt: & multa  
siccitas adueniens alimentum consumit, certè  
non admittit: sed hæc paulò posterius.*

SI quidem nec ex ijs quæ filicia testa in-  
testa sunt, nec crustatis, ueluti cancris, o-  
streis, locustis: sed nec ex ijs, quæ in cauernis  
delitescunt, quales sunt serpentes, nec  
quæ



quæ squammata sunt, cuiusmodi sunt pisces, oriri pili possunt: sunt enim horum cutes uerè atque in totum siccæ ritu testæ, uel petræ.

*Locusta ad multos patet significatus: aliquando herbam rapunculum sic appellant: uulgo uolatile quoddam ita appellatur, quod apud quosdam homines in usu est, ac sale conditum reponitur: certè & apud Indæos, si rectè memini, cibus concessus erat. Hic pro pisce ponitur.*

CAETERVM ex ijs quæ molli sunt cute, ut homo, quanto utique ficcior calidiorq; cutis fuerit, tanto magis potest pilos gignere. Nam ut ab exéplo terræ, quod illi præponunt, non recedamus, herbæ nec in sicca, & squalente admodum terra nasci possunt, nec in humida & lacustri: uerum cum absumi cœperit redundãtia humoris, tunc enascuntur è terra. Augentur autem largius, ubi hæc quoq; siccescit, modicè quidem in uere, celerrimè uerò & plurimū ineunte æstate. Siccantur autem omnino arefacta terra æstate iam media, licetq; tibi (si placet) nunc quoque sicuti in priore libro demonstratum est, uer ipsum propterea quòd ex temporibus anni maxime temperatum est, temperati corporis id assimilare cuti, potissimumq; eius temporis medium. tum enim terra quoque ipsa medio quodã

quodā statu humoris siccitatisq; est. Quod autem ueris æstati est proximum, id iam ficciorem iusto reddidit terram, hoc etiam amplius æstas inchoata. Quam igitur dico calidam & siccam cutem, hanc maximè terræ statui ad similem, quæ abeunte fit uere, uel ineunte æstate. Nā media æstate in summo est sicca, perinde ut testa intectorum animalium tegmen, non ut hominum, suum, asinorum, equorum, aut alterius cuiusquam eorum, quæ pilis uestiuntur. Quare si cutem terræ cōparare uolunt, hactenus quoque rem consentire cum ijs quæ prius diximus, inuenient. Ipsi uerò sese ex homonymia non animaduersa fallunt. In sicca enim & calida cute multos magnosq; pilos nasci diximus: nimirū ut de homine, uel animali pilis prædito, non de ostreis aut cancris uerba facientes. Quippe per omnem cutē digeritur semper aliquid à calido, quod secum etiam interni humoris nonnihil aufert.

*Cur neque humida admodum cutis, neque sicca pilorum generationi idonea est, dictum est antea. Fortè humidam cutem facile excrementa penetrant, & priusquam reliquæ partes succedunt, exire anticipant. Sicca uerò paulò durior est, quàm ut penetrari possit. non enim admodum apparet uerisimile, quòd iguana cutis siccis*

*tas, totum ad se ueniens alimentum possit absorbere. neutro modo in humana cute siccitas pilorum generationi obest: quoniam ipsa nunquam humoris saltem à principio est expers. Proinde si quæras ubi ob siccitatem animantia pilis careant, debes abire ad animantia testacea, crustacea, aut squamosa: nam ut terra arenosa & lapidosa nullam patitur segetem, ita hæc nullos edunt pilos. Verum in hominibus nunquam cutis humoris ferè expers est, nisi forsitan ad extremum perductis senium. Nam hic cutem capitis aliquando est uidere testaceam, ac insigniter culuam. Potes autem & in alijs ætatibus simpliciter suapte natura reperire siccam, sed interno ferè semper humore imbutam: quapropter, ut dixi, eo ferè pilosior, quò siccior, præsertim in reliquis corporis partibus.*

**VERUM** in quibus humida cutis est, & planè mollis, qualis modo concreescens caseus, in his eorum, quæ exciderunt, uix per cutem non manent: partibus scilicet eius quæ prius dissidebāt, rursus inter se unitis. At in quibus dura est non absimilis caseo iam coacto, perforatur quidem eorum quæ exeunt impetu. Cum autem rursus uniri nequeat per siccitatem, meatus ipsos immutatos seruat, qui etiam perpetuo transfluentium ictu assidue magis fistulantur.

*Idem & in terra humida euenit: sed alia forsitan*

stian ratione. nam hic fortè suffocantur, in homine uerò meatus collabuntur. Nec obstat, quòd alia animalia humidissima, ut ovis, & similia, pilos multos, aut pro pilis aliam rerum phantasiam produunt. non enim semper ipsa cutis interioribus respondet, duntaxat aliquando. firma enim in his cutis est, solida ac quodammodo coriacea, quo fit ut pili hic potius quàm in homine cutis conditionem imitentur. Iam illorum alimentum plus parit alimenti ad pilos idonei, atq; hac fere de causa homo præ cæteris animantibus minimè pilosus est.

SI igitur quod trāsfluit, uel halitus, uel humor purus sit, halitui certè celer, minimèque impeditus trāsitus est, humor in exterioribus spiramentis nonnunquam hæret, aliquid etiam intrò recurrere ad profundū cogitur. Sin ueluti fuliginosus, crassusq;, & terreus uapor sit, subinde contingit, ut in angustis spiramentis impactus, nec facile rursus intrò redeat, nec uacuari possit.

Excrementum uniuersi corporis quadruplex est. Aliud enim tenue est admodum, quod insensibiliter perspirat: aliud seorsum, quod in sudore uertitur: tertium crassum quidem est, sed ignauum, atque hoc quidē in sordes, ac pediculos nostri corporis uertitur: nouissimum magis fuliginosum est, atque id solum ad pilos idoneum est. nam tertium etiam si quàm maximè in meatibus hæreret,

*hereret, pilis materiam opportunam non sufficit. Argumento est, quòd plurimis corpus sordidum, parum tamen hirtum.*

HVN<sup>1</sup>C igitur alius rursus è profundo subiens ferit, prorsumq; impellit: tum hūc rursus alter, atque illum alius. Ac multos mihi huiusmodi uapores fuliginosos alium super alium impactos tempore complicari coniungiq; intellige, ac unum huiusmodi efficere corpus, qualis est ea quæ foris cernitur fuligo: nisi quòd hic quantum spissatum est, tantum etiam per transitus angustiam stipatum, in angustam prorsus redactum est formam. Vbi autem tale corpus totum obstruxerit meatum, deinceps iam uiolenter ictum, à similibus sui, quibus exitus non est, excrementis, totum interim propellitur, adeo ut cute exire cogatur, iam lori formam adeptum.

*Quòd pili more aliarum partium non nutriantur, longè promptius est dicere, quàm ratione ostendere: nam licet ex sanguine principium non obtineant, plantis certè uidentur nutriri similiter: donec attendamus, quòd nequaquam per totum alimentum recipiant: sed tantum coaceruatæ atq; congestis inter se fuliginibus, tandem in longum proferuntur, atq; in modum tenuioris lori finguntur. Ac si uerum uelimus dicere, non augentur in longum, sed potius protruduntur.*

*Quòd*

Quòd autem exhalatio quæ succedit, tam potens sit, ut conceptum iam pilum possit extrudere, promptè potes ex unguibus discere, ubi partes primæ tandem omnibus uidentibus euadunt nouissimæ. Potens enim est uirtus excretiua, & nobis inscijs promouet, sed admodum paulatim: atque hinc est, quòd partes citra dolorem sese inuicem protrudunt, tametsi uel parua unguium distractio ingētem dolorem moueat. Tantum ergo augmentum pilorum & unguium differt ab incremento aliarum partium, atq; adeo ipsarum stirpium: nam quod primum fuit in unguibus, & in pilis, tandem fit nouissimum: at radices stirpium perpetuò fixæ manent, nec sese exerunt: iam stirpes augentur in omnem partem, pili uerò & ungues præsertim in longum. Certe ergo est, quòd potius protruduntur, quàm secundum longum nutriuntur. Atqui e contrario reliqua membra solida prius desinunt crescere in longum, quàm in latum. His uideatur attestari quod nunc dicam: Si quis tribus quatuorue diebus barbam ultra, quàm solet, promittit, præ insolentia manifestam molestiam sentit. Potest hoc contingere ex grauitate maiore solito: potest etiam accidere, quia promotis ac promissis præter solitum pilis, non est æquè prompta ipsorum extrusio, nec excrementum promptè diffilatur, sed in poro magis magisq; excrementum coaceruatur. Hæc est insolentia

*solentia quæ naturam uellicat, donec in consuetudinem uenerit, uel meatus plenitudine quadã obstupuerit. Nescio an simili de causa (certè iustum problema est) pili in palpebris & supercilijs secti priorem longitudinem repetunt, integri uerò non crescunt: nam in solido loco fixi sunt, ac parum fecundo, tamen rasi aut etiamdum secti ad prius incrementum redeunt. Iam ergo de utilitate ipsorum dicendum est. non enim eos natura duntaxat ad decorum produxit, sed ut meatus ijs infarciat, ne corpus rarefactum omnibus externis iniurijs peruium esset: quemadmodum in ijs euenit, qui caput rasum habent. Nam sine ullo detrimento corporis, ne ipsa quidem barba radi potest. hac de causa forte & Moyses in Ieruitico barbam radi uetuit. non desiderant tamen eos mulieres: ut enim illarum corpus est frigidius, ita & densius: ob eam causam neq; pueri pilos alibi quàm in capite edunt: nondum enim corporis raritas illud tegmen requirit.*

*AD SIMILES autè quod in meatu est impactũ herbe stirpisue ueluti radici: quod uerò ex cute extat, ipsi ueluti stirpi.*

*Differentia est, quia radices plantarum animatae, radices uerò pilorum inanimatae. atque in cute more styli potius figuntur, quàm ad morem radicum cum plantis terram amplectantur.*

*FIT autem niger pilus, cum deusto ui caloris uapore excrementum in exactam fuliginem*

fuliginem mutatur. flauus uerò, cum uapor minus torretur: quippe quod tum est impa-  
ctum flauæ bilis, nō nigræ, feculentum ex-  
crementum est. Albus uerò pilus ex pituita  
nascitur.

*Exhalatio omnis in corpore simplicis quo-*  
*dammmodo generis est, quippe calida & sicca. ue-*  
*rum prout ex pituitoso, bilioso, aut alio effertur*  
*sanguine, speciem mutat, ac in pilis colorem sibi*  
*assimilat, nisi externum quiddā prohibeat: quip-*  
*pe color exhalationem, exhalatio humorem, hus-*  
*mor uerò temperaturam imitatur. Imitatur, di-*  
*xi, nam simpliciter assimilari nequit: alius enim*  
*color ipsius sanguinis, alius ipsius excrementi,*  
*nec statim ex ipso sanguine, sed ipsius fuligine*  
*pilus enascitur, quæ nunc magis pituitosa, nunc*  
*amplius biliosa est. atque hoc modo ipse Gale-*  
*nus audiendus, ubi nunc album ex pituita, fla-*  
*uum ex bile generat. Non enim simpliciter fulis-*  
*go, aut bilis, aut pituita est: sed ex bilioso aut pi-*  
*tuitoso humore nascitur.*

R V F V S sicuti albi flauiq; coloris est  
medius, sic eius generatio ex pituitosa bi-  
liosâq; fecis media quadam natura proue-  
nit.

*Quemadmodum dicere soleo, nihil ferè eorum*  
*quæ uulgò dicuntur, temeraria sunt: sed illorum*  
*ratio plerunque latet. ex ijs est quod uulgò dici-*  
*tur, eos qui rufa barba, aut cesarie sunt, plusquā*



mediocriter bonos aut malos esse. Respondent ūs  
 historie sacræ. Nam David rufus erat, quo ni-  
 hil humanius, melius: rursus Esau rufus erat,  
 tamen ferus. Possem ego ex hoc loco colligere ho-  
 rum causam. Nam rufus color, inquit Galenus,  
 ex media quadam natura constat inter pituito-  
 sum & biliosum, idq; uidetur mihi accidere du-  
 pliciter, uel quia per se talis natura media est,  
 uel per accidens occasione alicuius mixturæ,  
 quæ per se talis est, propè ad temperamentum  
 accedit: & licet ad sanguineū inclinēt, simplex  
 existit. Verum quos mixtura tales reddit, ferè  
 maligni. Semper enim damnata est omnis inæ-  
 qualis complexio: & quemadmodū corpus per-  
 petuò ualudinarium ferè efficit morbosumq;  
 ita & animum ferè morosum: certè animum ni-  
 hilofecius quàm corpus duplicem reddit, uulgo  
 proditores arguuntur. Nunc dicamus cur ipsa  
 coma aliquando nigra, & barba rufa: puto  
 pauci sunt qui id non annotarint, ac tanto mira-  
 bilius est, quòd nemo causam reddiderit, ne quæ  
 fierit quidem. nec in promptu apparet. Nam si  
 temperatura diuersitas in causa sit, quasi alia  
 temperatura capitis, alia ipsius faciei, ita fere  
 semper in omnibus esse oportebat. Forsitan com-  
 mentaberis ignauius excrementum ad faciem  
 seponi, & calidius nigriusq; ad caput segregas-  
 ri. atq; id omnino est commentitium. ergo sola in-  
 temperamenti imparitas in causa est. nam lon-  
 gè aliud

gè aliud temperamentum ipsius capitis, aliud ipsius faciei: ac quale est caput ab initio, uix tandem talis fit ipsa facies. humida enim facies est, & ad generationem pilorum inidonea, nisi desum quando cum uniuerso corpore calore testium nonnihil exiccata fuerit. Eadem ferè causa est, cur barba posterior & plerunque comam minus colorata est. Plerunque dico, nam facies carnosior est, ac proinde ut humidior, ita & calidior: atq; hac ratione eiusdè coloris pilos cum capite sepe ostendit. Magis miraberis cur potius facies quàm caput in iuuentute pilis uariet: sepe enim barbam partim nigram, partim canam uidimus, cæsarie adhuc constante, nunquid partes hic uario temperamento præditæ sunt? Ob eandem causam & temporibus citius canescimus, quàm alijs partibus. sunt enim tempora humidiora, sinciput uerò siccius. Sed hæc differentia minor est, quàm ut euidentem in iuuentute pilorum differentiam faciat, duntaxat in senectute. nam nutrimentum pilorum in iuuenibus fortè, in senibus imbecille: facilius autem mutatur in firmum, quàm robustum.

C.R.I.S.P.I. pili fiunt uel propter siccitatem temperamenti, uel propter meatum in quo radican-  
 tur. Et propter siccitatem quidem ad eum modum, quo corrigiæ quæ igni plus iusto siccantur. Et quid corrigiarum meminisse est opus, cū ipsos pilos ubi  
 n 3 igni

igni propius sunt admoti, protinus intorqueri uideas. Atque ita quidem omnes Aethiopes sunt crispi, at propter meatuū in quibus radicatur naturam, ad hunc modū: Cum exhalatio sæpe imbecillior est, quàm ut rectam uiam sibi moliri possit, pro modo quo inflectitur, etiam meatum suum figurat. Interim uerò exhalatio satis ualens est, sed duriore cutis natura recta ferri regione prohibita, in latus flectitur: ita ut extrinsecus uidere licet, non halitum modo, aut fumum, sed etiam flammam ipsam cum fursum agi uetatur, diuisam utroque uersus in obliquum agi. Sic igitur corporis exhalatio, ubi prorsum agi prohibetur, obliquum sibi transitum sub cute molitur, donec longiore spatio collectam aliquid eam urgeat, & foras flatu agat. Est quando ambobus coeuntibus, & primæ exhalationis, quæ meatum finxit, imbecillitate, & cutis siccitate obliquitas pilorum radicibus conringit.

*Crispitudinis item & simplicitatis pilorum duplex est causa: altera siccitas, altera meatus obliquitas. Siccitas autem aliquando oritur ex ipsa cute, aliquando ex ipsa fuligine. Sic meatuū aut pororum obliquitas, interim sequitur ipsius cutis duritiem, interim ipsius exhalationis imbecillitatem. non enim hac semper cutem perurit,*

dit, sed in medio moratur, ac tandē in obliquum fertur, qualiter & fumus sui debilitate aliquando circumstante frigore propellitur, atq; reuertitur: aliquando exhalatio satis ualens est, sed cutis duritia ut pertinax est, ipsam remoratur, & rursus intercepta per obliquum digreditur. Ergo natura sicci crispi sunt: maxime tamen crispi sunt, qui calidi & sicci, adeo ut non iam siccitas, sed potius caliditas crispitudinis causa censetur. Simile huic problemati fuit, quod in primo dictum est, an calidum, an potius siccum exiccet. utrumq; enim ab eodem pendet principio. Nam immediata obliquitatis causa est contractio. contractionis uerò ipsa exiccatio. Atqui per accidens & calidum quoq; contrahit, & in obliquum corpora torquet. Quando ergo nunc siccitas, nunc exhalationis infirmitas crispitudinis causa sit, oportet distinguere. nec est difficile. Nam quando exhalationis aut cutis siccitas in causa est, ferè coma densa est, ac satis crassa. ubi uerò ipsius exhalationis infirmitas, ferè tenuis est, & rara. Denique quibus ex obliquitate pori pilus fit crispus, ferè per omnia crispus. sed quibus ex siccitate magis in fine, iam hæc coma ferè flaua aut rufa, illa uerò insigniter nigra. hæc de causa subinde puellis coma crispa similiter & flaua est: nec sine decoro, aut laude: nam ut infame est uirum esse effæminatum, ita illiberale est uirginem esse uiraginem. Credo hac occa-

sione

sione factum esse, ut studio comam flauam & crispa[m] puellæ sibi comparent, quibus natura negarit. Nā in bene natis aut simplicē esse oportet, aut crispa[m], sed flauam. eadem ratione promissa[m] in puellis laudant: non enim ipsam decet natura siccam esse.

QVALES autem in radice finguntur, tales rationabile est perpetuò fore. Neque enim durorū & siccorū corporū quippiā, nisi prius molliatur, fingi in rectū potest.

Non tamen herbe aut plantæ ad modum radicū suarum incuruantur, quibus antè pilos assimilant. Atque hæc est pilorū & plantarū differentia. harum enim radices nunquam locū mutant: sed pilorū radices tandem sese exerūt, & quod in ijs primum fuit, demum in extremū definit. non enim more stirpium nutriuntur, sed tantum ruditer augentur. hoc est quod Galenus dixit, Totum interim propellitur, adeo ut cute exire cogatur iam lori formā adeptum. Vnum tantum Galeno nostro addam, quòd ferè coma simplex sit circa principium: crispa autem magis in fine: & hoc mihi magnum est argumentū, quòd & ipsi capilli tandem magis ac magis exiccentur.

AT QVE hæc quidem est pilorū generatio. Sequēs est, ut causas omnium quæ temperamētis in pilorū pro ætate, regione, & corporis natura differentijs contingunt

gunt, dicamns. Ergo Aegyptij, Arabes, & Indi, omnes denique qui calidā & ficcā regionem incolunt, nigros, exiguiq; incrementi, siccos, crispes, & fragiles pilos habent.

*Quatuor sunt annotanda in pilis, color, figura, multitudo & paucitas, crassitudo & tenuitas. Iam crassitudo est duplex: quædam sequitur alimenti copiam, quædam alimenti atq; adeo fuliginis crassitudinē. Verum ut hæc facile est uerbo tenuis diuidere, ita quando crassitudo hoc, quando illud sequitur, difficile est reuera distinguere: nisi quod crassi ex copia alimenti, iidem sunt & multi: crassi uerò ex sola fuliginis crassitudine possunt esse pauci: sic e contrario subtiles, ex inopia alimenti pauci, ex tenuitate humoris possunt esse multi, atq; ij cum quadam mollitie comati sunt, ac subtile ingenium arguunt. Securius est distinctio, quod qui ex crassitudine alimenti crassi sint, ferè iidem & duri, reliqui magis molles, non tamen subtiles: ex inopia alimenti semper duri, sed subtiles: ex subtilitate alimenti ferè molles, aut potius mediocres. Reliquorum cause ex prioribus satis notæ: proinde ad propositam dictionem redeamus, ubi eos qui calidam regionem inhabitant, suis pilis describit. quod autem ijs omnibus pilos nigros, siccos, crispes tribuit, difficultate caret, & cum naturis cholericis conuenit: sed dissidet quod illi pilos te*

nues & exigui incrementi habent: nam contrà biliosi ex natura multos & crassos habent. Vel lem quòd horum differentiam Galenus nobis reddidisset. Videtur mihi ex imparitate caloris euenire. Nam calida hominum complexio, multum relinquatur ab aëris aestu: atq; hic quidem alimentum pilorum digerit, illa uerò alimentū suggerit. Ferri potest, quòd fragiles habent. Nam ydem uidentur tenues, ex inopia alimenti, fragiles atque imbecilles. atq; hætenus pili istorum differunt ab illis qui ex natura sunt biliosi: nam horum pili multi, crassi, & robusti.

CONTRA qui humidam frigidamq; regionem habitant, Illyrij, Germani, Sarmatæ, & omnis Schytica plaga, modicè autiles, & graciles, & rectos, & rufos obtinent.

Differunt, quia horum pili simplices, albi, rufi, subflauī, uix tandem flauī conueniunt: quia & hi pilos habent modici incrementi, & per consequens graciles & imbecilles aut fragiles. Sunt autem modici incrementi, non quòd alimentum in illis absumatur, sed quòd in ijs alimentum de fideretur.

QUI uerò inter hos téperatum colunt tractum, hi pilos plurimi incrementi, & robustissimos, & modice nigros, & mediocriter crassos, tum nec prorsus crispōs, nec omnino rectos edunt.

Pilos

Pilos habent plurimi incremēti respectu eorum qui prius dicti sunt, & regionem calidam inhabitant, aut frigidam. nam neq; ut hic desideratur, neq; ut illic absuitur. Eadē ratione & robustos habent. nam qui assatim nutriuntur, crassi euadunt, & per consequens robusti: propterea mirum est, quòd ijs dedit robustissimos, sed duntaxat mediocriter crassos. certè utrunq; eodem modo asserendum apparet. nam nulla est regio quæ profert crassiores.

ET in ætatibus ad eundem modum, infantium quidem pili Germanis, florentium ætate Aethiopibus, epheborum & puerorum ijs qui temperatum locum incolunt, in robore, magnitudine, crassitudine, & colore ad portionem sese habent.

Bene facit, quando infantes conditione pilorum cōparat Germanis. Nam utrobique tennes, albi, rufi, & simplices, pauci. Sed ubi florētes cū Aethiopibus cōfert, duplex difficultas est. Prior, quòd florentes atate nunc iuuenes appellare uidetur, quo nomine prius extremè adolescentes indicauit. Secunda est in ipsa re. nam licet ambo, hoc est Aethiopes & florentes, pilos habeant nigros, crispas, non tamen similiter crassos, aut robustos. nam Aethiopes tennes, fragiles, iuuenes uerò crassos & robustos. Magis mirum est, quòd & ephebos & pueros comparet cum ijs qui temperatum



peratum locum incolunt: nam tametsi per ephē-  
bos potuit intelligere extremē adolescentes, ta-  
men pueri longē à temperatura absunt. Iam  
ipso dicente, pueri, imò etiam qui pubescere inci-  
piunt, adhucdum paruos & imbecilles exigunt:  
& quomodo ergo cum ijs qui temperatum lo-  
cum incolunt, confert? nam ijs pili robusti, cras-  
si. Iam ne ipsos extremos adolescentes tanquam  
temperatos omnino, cum ijs, qui temperatum lo-  
cum incolunt, comparare possis. Nam temperati  
simpliciter neq; crassos, neq; robustos, sed medio-  
cres, imò subtiles substantia pilos exigunt: tempe-  
rata uerò regio respectu intemperatarum cras-  
sos ostendit. Nescio ergo quam hic excusationem  
iterum Galeno inueniam. uidetur mihi unus es-  
se ex ijs locis, qui interiectus est, uel à Galeno obi-  
ter scriptus: nam in quibusdam, nō autem omni-  
bus, hæc comparatio seruari potest. Et quomodo  
ergo dixit, quòd in robore, crassitudine, magnitu-  
dine, & colore ad proportionem sese habent?  
nunquid ita dixit, quia aliter comparari inuis-  
cem non possunt? Erit quibus hæc qualiscunque  
excusatio, magis placebit, quàm prior nostra au-  
dacia. ego autem miror, quòd nemo hos nodos de-  
prehenderit, aut si quis deprehenderit, quòd dis-  
simularit.

IN corporum quoque naturis ad æta-  
tum & regionum portionem pili se habēt.  
Pueri enim admodum parui nudi sunt pi-  
lis,

lis, quòd utique nec meatus adhuc ullus eis in cute est, nec fuliginosum excremētum: incipientes autem pubescere, paruos & imbecilles exigunt.

Quòd pueri, & incipientes pubescere, paruos, tenues, & imbecilles pilos edunt, est uerum: uerum quòd in omnibus atates & temperaturas ad regiones conferre possis, falsum est: nam temperaturas & atates inuicem potes comparare, neutras autem ad regiones in omnibus poteris assimilare.

AT qui iam florēt ualentiores, & multos, & magnos, & nigros habent, quòd & frequentes iam meatus ijs sint facti, & fuliginosis excrementis præ ficitate & calore abundant.

Et quomodo ergo primum florentes comparauit Acthiopibus? certum autem est quòd nunc florentes iuuenes appellat: & prouide extremè adolescentes omisit, nisi sub ephebis continuerit: atque id est uerissimile. nihilosecius difficile etates cum regionibus comparabit: nam infantes cum frigidis hætenus potest, quòd infantes nūc amicè supponātur frigidi. ubi uerò adolescentes cum temperatis, aut iuuenes cum Indis aut Acthiopibus conferet, laborabit: quippe calida & sicca regio nutrimentum pilis exiguum relinquit: etas uerò calida & sicca liberaliter sufficit: non ergo in calida & sicca regione homines uehemēter

*ter pilosi sunt, sed potius in temperata. Nam de Indis hic dicitur, quod nigros habent, & exigui nutrimenti: de ijs uero qui temperatum tractum incolunt, quod plurimi incrementi, robustos ac mediocriter crassos: adolescentes uero ac iam pubescentes, ut postea dicitur, paruos edunt & imbecilles. Sed neq; iuuenes cum temperatis regionibus omnino conferre potes: tametsi enim utraque conditio pilos pariat multos, non tamen similiter crispas aut coloratos. Iam e contrario licet iuuenes comparentur cum Aethiopibus, pilorum crispitudine, colore, non tamen multitudinis: ita & pueros in colore pilorum potes cum regionibus comparare, in robore tamen, crassitudine, & magnitudine, nequaquam: credo igitur confusam tantum comparationem facere uoluit, aut qualem licuit. nam si aetates regionibus conferre uolueris, melius comparare non poteris, neque usquam exquisita in omnibus comparatio continget.*

**C A E T E R V M** pili qui in capite, supercilijs, & cilijs habentur, etiam pueris nobis innascuntur. Siquidem generatio ijs est non qualis herbis, sed qualis stirpibus prima ratione à natura conditis, non temperamentum ex necessitate sequentibus, sicuti in libris de usu particularum est monstratū. Verum hi quoque quod quidē sint, id naturæ arti acceptum ferunt.

*Pili*

Pili in uniuerso corpore non tam sequuntur nature industriam, quam temperamenti fortis nam. argumēto est, quod mulieres pueri aliquot etiamdum uiri ūs carent: hac ratione & in uiris nullam seruāt limitem, sed quemadmodum gramina, quæ sponte proueniunt, absque ordine erant, & quodam modo exorbitant, atque seminantur, aut seruntur: discrimina habent, & manifestum agnoscas in illis ordinem: tales sunt in capite, cilijs, supercilijs pili. nam & ū nature beneficio quodam modo confiti sunt, quadamq; seminaria facultate discreti. Circumscribuntur enim suis limitibus. Nihilofecius & ūs quoque natura seorsum ab alio corpore idoneam temperaturam accommodauit. Nam qualis est in a. lolescentia cutis uniuersi corporis, talis ferme est in infantia cutis aliorum superiorum, & præsertim capitis. & propterea mirum est, quòd Galenus illos duntaxat nature ascribit, ac temperamenti rationem contemnit. Melius in x i. libro de usu partium, in supercilijs ex subiecti natura id demonstrauit: uerum quia in omnibus prima natura has partes præter reliquas insigniter exiccavit, ut pilis statim à natalibus idoneæ essent, in hoc loco potius nature studio, quam alicuius peculiaris temperaturæ (ita enim hunc locum accipio) beneficio acceptum tulit. Quod uerò non parum temperaturæ discrimina huc conferant, ex diuersitate infantium agnosces, quorum

quorum alij alijs præcociores atq; serius comati evadunt:quemadmodum neq; calui eodem tempore sunt,quippe & uiris quàm mulieribus coma est liberalior, licet his proluxior: sed neq; omnes uiri æqualem casariem producant.

QVO'D nigri, rufi'ue, uel alio quouis sint colore, id ætatis temperamento omnino debent. Subrufi enim ferè sunt: quoniam quod in meatibus est impactũ, nondum totum est nigrum:quippe cum humiditas multa sit, & tráitus facilis, & deustic imbecilla.

Prius diximus,quòd nulli peculiari temperatura coma debetur:nam cuiuscunque temperatura fuerit corpus,in capite pilos edit: sed quòd præcociter aut copiosè exeant, quodq; hunc aut illum colorem obtineant, discrimini corpori debetur:oportet tamen & id primo in regionibus temperatis accipere. nam in intemperatis ferè unaquæque regio suo more pilos alterat:& Germanorum ferè in iuuentute rufi, Aethiopum nigri:proportionem tamẽ quandam accipere licet:non enim hic omnes biliosi,uel illic pituitosi Minus id ad cætera animantia accommodar oportet,quòd hic pili potius cutis, quàm totius corporis conditionem comitantur:hominis enim cutis tenuis est, reliquorum uerò præsertim armentorum & iumentorum bene solida, quos ut nec caluitiem patiantur more hominum.

BON

BONI uerò incrementi & modicè crassifunt, propter excrementorum, quibus aluntur, copiam: quippe ipsa pars corporis in qua fiunt, sicca est: tota nanq; calua ossea est. Cutis uerò quæ illi est circundata, tanto reliqua totius corporis cute est siccior, quanto etiam est durior. Ascendit tamen tum ab ijs quæ circa cerebrum sunt, tum uerò ex toto corpore fuliginosi excrementi non parua uis.

Fortè boni incrementi longos appellat: fortè etiam, ut sequens particula exponit, mediocriter crassos: fiunt autem tales ob alimenti liberalitatem, aut crassitudinem. Neq; est hoc alimētum, ipsius cutis tantum excrementum ( quia expers ferè omnis proprii humoris est ) sed abunde ad ipsum fertur ex cerebro, atque etiam ex profundo corpore: atque id magis biliosum est. aliquid tamen & ipsa cutis siccitas præstat, quo fit ut duobus modis ad generationem pilorum conferratur, & loci opportunitate, & materie ubertate. prius enim in sicca quàm humida cute excrementum fuliginosum colligitur.

QVO fit ut quale ætate florentibus totum est corpus, eiusmodi iam infantibus sit capitis cutis.

Hoc & nos antè diximus: atq; unica causa est, quare ferè pueris pili in capite ac supercilijs conuascuntur, qui in reliquo corpore non nisi in  
 • ipsa

*ipsa iuuentute sequuntur genitalibus uisceribus uires conquirentibus, per uniuersum corpus trāsfundentibus, & quodam modo exiccantibus.*

E O' Q' V E rationabilius nonnulli procedente tempore calui redduntur, quibus scilicet à primo durior cutis erat. Quippe monstratum prius est, senescentium partes omnes siccescere. Fit autem cutis non paucis ueluti testacea, ubi supra iustum fuerit ficcata. In ea uerò, sicuti ex prioribus constat, nihil nasci potest.

*Quibus à principio cutis admodum fuit dura, uis circa senectutem fit testacea: quapropter ut ij præcocius comati, ita etiam citius fiunt calui. Putat uulgus id ea ratione fieri, quia siccitas adueniens alimentum absumit. nam ut radices dum alimento fruuntur, pulchrè sese habent, & terram pertinaciter complectuntur: ita ubi alimento destituuntur, exanimes sunt, & à terra ultro discedunt. Hoc quomodo accipiam nescio. nam in senibus siccitas ignauior apparet, quàm quæ adueniens alimentum possit absumere: denique radices pilorum non complectuntur terram, ut radices plantarum, sed potius figuntur in cute, tãquam stylus in corpore solido: atq; hic primum stylus labefactatur, dum corpus solidũ attenuatur: ita & ego in senibus tum primum pilos cadere puto, quando cutis, quæ antè fuit carnosæ, nunc efficitur rara, abeunte carne,*  
*quæ*

que fuit illi prius subtexta . Posset forsitan aliquis dicere, quòd licet pili propriè non nutriantur, quòd tamen ueteres illorum in meatu radices attenuentur, atq; ita neceſſe eſſe, ut decidant, niſi pro ueteribus attritis recentes ac ſolidiores ſuccedant. Sed prior commentatio eſt uerifimilior . atque hæc de altera caluiciei cauſa. Eſt & altera apud Hippocratem in Epidemijs, ipſius cutis raritas, atque humorum ſubtilitas. atque hæc caluicies admodum præcox eſt. Distinguitur autem ab altera, que ſiccitatem ſequitur, mollicie. nam ea admodum teſtacea eſt, hæc uerò nondum omnino dura eſt, imò ſubinde multis alijs humidior. Hoc modo multi ex præcipuis philoſophis præmaturè calui fuere. Sic Hippocrates præcociter caluus legitur: Helifeus, & aliquot alij ex prophetis . Omitto nunc caluiciem, que immodicam Venerem ſequitur . nam & ipſa cutem rarefacit: neſcio tamen bene intelligere, quomodo humorum peratatem uitium caluiciem faciat, niſi & hoc ipſum ſubiectam cutem ac porum corrumpat.

**I T A Q U E** etiam interna manuum, & interna pedum ſemper glabra & pilorū expertia ſunt, quòd ſicciffimus denſiffimusq; fit tendo is, qui ſub cute habetur.

Tendonem, nō autem cutem dicit. nam prius dictum eſt, quòd pars cutis, que intra manū eſt, ſit temperatiſſima.



QVIBVS autem ad summam siccitatem cutis capitis non peruenit, imbecilli his omnino, albiq; pili fiunt, quos uulgo canos appellant: imbecilli quidem conuenientis alimenti penuria: albi uerò propterea, quòd alimētum, quo alūtur, ueluti situs est pituitæ, quæ spatio computruit.

*Non oportet cogitare, quòd pili foris corrumpantur desiderio alimenti, quemadmodum in hyeme stirpes: quinimò id' magis in ipso meatu, quàm ipsa radice euenit. Iam neq; hoc alimentū primum corrumpitur sub ipsa cute, sed uerissimiliter corruptum erat priusquàm huc ueniebat: corruptio uerò hæc ipsam humiditatem sequitur. Nec refert, quòd humiditas in iuuentute quàm senectute fuerit maior. nam prius huic diminabatur naturalis caliditas. hæc uerò abeunte, neceßum est, ut corruptionem ac situm quendam contrahat, ac quodam modo pituitosum euadat.*

VBI enim meatus etiamnum manet, excrementum uerò exiguum est, & lētum ac languidè à calore propellitur, non dissimiliter putredine afficitur.

*Duplicem hic apparet caniciei causam dicere, alimenti inopiam, & malitiam. Sed id quidè satis indistinctè ab eo dictum est.*

IAM calui fiunt homines, cum senescunt, àincipite magis: canescunt magis à  
tempo

temporibus: quoniam illud omnium capitis partium est siccissimū. hæret enim cutis illic ossi nudo. Tempora uerò humidiora sunt, quòd in ijs musculi magni sub cute habeantur: omnis autem musculus carnosus fit. Caro tum osse, tum cute humidior.

Hæc maximè attestantur ijs quæ diximus, caluiciem siccitatem sequi, caniciem uerò magis uitii: proinde sicca partes, citius caluiciem, humida uerò præcocius patiantur caniciem. Quòd igitur humida quedam animantia more humano non canescunt, in causa est excrementi crassitudo, & robur. Non caluescunt autem, quia illorum pili in densiori tergo, more eorum qui in palpebris fixi sunt, firmam sedem habent: sinciput autem licet quidam ægrè ferant, nūc priorem capitis partem nominat, atque hæc quidem siccior est. interius tamen cerebrum hac parte, quàm posteriori humidius, propter sensus promptitudinem, qui ibi habitant, factum est: ob eam causam maximè ex carne est: nam carnis copia sensus atque intellectum faciliè obscurat.

EST autem ei quod dicimus, diligenter attendendum, ne imprudentes nosmet ipsos fallamus: sicuti se fallunt multi ex ijs qui optimi uisuntur medici. Qui si quæ caluum uiderint, statim huic siccum esse totius corporis temperamentū putant. Neque enim simpliciter ita coniectari oportebat,

sed prius illud definire præstiterat, humanum corpus in alijs æquabili per totū temperamento esse, in alijs nec ijs paucis inæquabiliter esse affectum. Cum eorum aliæ particulæ mediocri & iusto sint humidiores, aliæ frigidiores, aliæ sicciore, aliæ calidiores, aliæ prorsus temperatæ, ac mediocres. Porro huic maximè attentos esse conuenit, ubi corporis temperiem æstimamus.

*Quòd totum corpus unam simpliciter intemperiem obtineat, impossibile est: quòd uerò eiusdem qualitatis excessum pro sua ratione unaqueque particula patiatur, fieri potest: & manifestum est in febribus, ubi tam frigida, quàm calida partes calore aliquo efferbuerunt. Idem & in sanis euenire potest: non enim tantum hepar, sed & cerebrum, & uenter, licet frigida sint, ali quando plus caloris, quàm debent, continent. Idem simul faciliè eueniet & in corde, & in testibus, quorum naturam uniuersum corpus sequitur. Est tamen ubi alia intemperies alteram particulam occupat: sic hepar promptè excedit calido, uenter frigido, quamuis nimis ridiculum sit, quòd uulgares quidam medici in agris semper criminantur hepatis caliditatē, & uentris frigiditatem, qui naturalem temperaturam referunt, dum alij morbosum inquirunt.*

**QVI P P E** si totum corpus æquabiliter conditum sit, omnemq; partium inter se com

se competentiam in latitudine, longitudine, & altitudine seruet, potest utique æqualiter attemperatum esse id corpus.

Si totū corpus æqualiter sit conditum, hoc est, singule partes iustam ad se inuicem in figura & magnitudine competentiam seruant, magnum est æqualis quoq; temperatura totius corporis argumentū. nam (quod prius diximus) ægre corpus recte affirmari potest per omnia, nisi temperies fuerit opportuna. quoniam temperies si non est figuræ principalis artifex, instrumentum tamen quodammodo est. Iam longitudo, latitudo, & profunditas, longè maiorem consensum habent cum temperatura, quàm reliquæ figuræ. Nam cerebrum bene temperatum & liberale, plerunque liberalem capitis magnitudinem facit. Certè cor calidum pectus expandit, frigiditas cōtrahit. Et hepar bene temperatum iustos lumbos efformat, siccum extenuat. & rursum humiditas in longum, caliditas uerò in latum & profundū corpus promouere idonea est.

At si cui corpori thorax, collum, & humeri maximi sunt, lumbi parui angustiq;, & crura gracilia atque sicca, quomodo id dixeris omnibus particulis similiter affectum? quin si crura ei crassa sint, & lumbi lati, thorax uerò angustus, ne id quidem omnibus partibus æqualiter est temperatum. Sūt alia corpora quibus maximum

est caput, alia quib<sup>9</sup> paruū, quale passerib<sup>9</sup>. Iā crura alijs blæsa, alijs uara. Artuū quoq; extrema alijs gracilia, alijs crassa. Et thorax alijs, ut dictū est, latus, alijs tabulæ ritu angustus, quos Græci *σεννίδος* uocāt. Vbi uerò opertæ scoptulæ illis sine carne nudæq; planè sunt, & alarum more pronæ, nominantur à medicis eiusmodi naturæ Græcè *πτερυγίδος*. Quantopere hæ sint uitiatæ de perditio his paulo minus omni interno thoracis spatio, quo pulmo & cor sunt sita, ne minè latet. Innumeræ uerò aliæ particularum corporis planè affectiones sunt, ubi id à naturali analogia protinus in utero matris ad inæqualem intemperiem est mutatum. Minimè igitur in corporibus id genus ex unica particula coniectandum de toto est.

*Non statim iniqua forma arguit iniquam intemperiem: ueruntamen gracilitas siccitatem significat, non quidem uniuersi corporis, sed eiusdem partis: sic & capitis magnitudo aliquando cerebri copiam ostendere potest, ac iustam eius temperiem, non tamen statim uniuersi corporis, aut etiam cordis: & rursus paruo existente capite, latus esse thorax potest: quippe ex cordis caliditate forsitan accidit: non tamen statim & ipsum cerebrum calido excellit. Atque iterum angustia thoracis & eius gracilitas siccitatem & frigidi*

& frigiditatem cordis subinde indicat, non tamen ob id cerebri aut etiamdum uniuersi corporis: & si gracilitas nuper contracta fuerit, morbosam, si uero ab ortu, natiuam siccitatem demonstrat. Ita quibusdam aut hectica febre aut alio modo contabescentibus, non soli humeri, sed uniuersus thorax angustus redditur, absumente scilicet plus minus omnem carnē siccitate. Nam & ex natura tales quidam sunt maxime ij, qui ad pitissim proclines sunt. Non ergo ex capite, non ex cute, non ex corde, multo minus ex unguibus uniuersum hominem potes coniectare. quod partes saepe inequabiliter sunt distemperatæ.

NE QVE enim hi, qui mores ex ingenio corporis docere profitentur, simpliciter de omnibus pronunciant: uerū ipsi quoque experientia docti, si quis impenſe hirtus est pectore, hunc audacem iudicant: si cruribus est hirtis, salacem: non tamē causam etiam adiiciunt. Neq; enim cū pectus habere leoni simile dicunt, crura uero hirco, iam primam causam inuenerunt. Siquidem cur leo quidem audax, hircus uero salax sit, ratio etiam inuestigandum exigit. Haftenus enim quod in re quidem fieri cernitur, dixere: causam tamen eius omisere. Cæterum is qui naturali speculatione est exercitatus, sicuti aliorum omnium, ita horum quoque causas inuenire tentat. Pro

o s      pterea

pterea enim quòd inæquali partium temperamento sunt non leo modò, & hircus, sed etiam cæterorum pleraque animalium, idcirco ad alias actiones aliud est pronum. Ac de his quidem Aristoteles còmodè tractauit. Sed quod ad rē propositam est utile, id iam apparet, hominum scilicet temperamenta còsiderantibus, singulas partium per se examinandas esse. Nec si cui thorax hirsutus est, huic totū corpus calidius siccusq; ex necessitate putandum, sed plurimum in corde caloris esse, eoq; audacem. Posse uerò aliquando etiam huius ipsius rei occasione accidere, quo minus totum his corpus similiter calidum siccumq; sit, quod scilicet plurimum caloris sursum huc spirauerit, atque in partem còtinētem euacuum sit.

*Audaciæ causa est cor, salacitatis uerò ipsarum partium genitalium caliditas: hanc quidem arguit ipsorum crurum, illam uerò ipsius pectoris hispiditas. Qui ergo hirtò pectore est, audax est, non statim salax: quemadmodum qui hispidis cruribus fuerit, salax est, non autem necessario audax.*

NAM si tota corporis temperies est æqualis, erit his statim thorax ipse uniuersus latissimus, uenę amplæ, arteriæ magnæ, eadem maximè uehementissimeq; pulsantes,  
tum

rum plurimi per totum corpus pili, atque hi quidem in capite plurimi incrementi, nigri & crispi utique in prima ætate, procedente uerò tēpore caluicies excipiet.

*Maximum, inquit Galenus alibi, calidi cordis indicium est thorax latus, capite existente paruo: etenim magnitudo ipsius utrunque sequitur principium. ergo uel ob cerebri copiam aliquando thorax augeri poterit, non tamen simul hirsutus erit. Sed si thorax simul latus & hirsutus fuerit, indubitatum ferè calidi cordis indicium. E' cōtrario de frigido ratiocinari oportet. sed & multa alia huc referre possumus, quæ in Technam reservamus: ubi ex proposito hæc demonstrantur.*

QVINETIAM eiusmodi hominibus cum æqualiter sint attemperati, & robustum, & exactè deliniatum, & musculosum totum erit corpus. Tum cutis nigrior, durior, atque hirsutior. Ad eundem modum si contraria omnia in thorace sint, ac æqualis in toto corpore temperies uigeat: id est, si humidiores & frigidiores uniuersæ corporis partes sint, thorax quidem angustus, & glaber erit. Sicuti etiam totum corpus pilis nudum. Cutis uerò mollis, & alba. Capilli subrasi potissimum in iuuentute, hi in senectute non caluescunt, timidiq; statim & ignaui & segnes, adde etiam paruis uen-

nis



nis ac minime conspicuis, & adiposi fiunt, ijdem neruis musculisq; imbecillis, & artibus parum exactè deliniatis & blæsis.

*Calidos nunc cum frigidis comparat: etenim ex intemperie calidus simpliciter robustus non est: quoniam is, dicente Galeno in sexto de sanitate, neque athleta, neq; miles bonus, non fossor, meßor fortis aut arator: sed ualentium ista sunt munera, ac eorum qui mediocri sunt tēperatura: at contrā temperati putātur tenerrimi. Atq; hic uulgo parces: sed quid facies celebribus medicis, qui ita sentiunt? Veruntamen calidus robustior ac perfectior frigido: nam tametsi calor artifex non sit, est tamen instrumentum. Hinc est quòd in frigido omnia obscuriora: quippe & lineæ ipse blæse dicuntur, hoc est, imperfectæ uel curuæ: nam & calor ipse eo rectius lineas dirigit, quo est fortior.*

AT ubi uaria partiū tēperies est, ex una earum pronunciare de toto corpore non licet: sed adeundæ singulæ sunt, æstimandumq; quo temperamēto uentriculus, quo pulmo, quo cerebrum ac reliquarum per se unaquæque seorsum fit.

*Peruersa ergo admodū uulgata est opinio eorum, qui unumquemq; ad unam ex nouem temperaturis exigunt. nam subinde uno uerbo dicere nō licet: sed cerebrum calidum, cor frigidum: atq; hepar rursum calidum, uenter nōnunquam frigidus*

*frigidus: atque interim è contrario hic calidus, hepar uerò frigidum. Verùm ubi hepar & cor in una qualitate conueniunt, ferè reliquæ partes consentiunt: tam magna est amborum in uniuersum corpus potentia.*

A T Q V E hæc quidè ex functionibus noscenda, cum nec manuum cōtractione, nec oculorum inspectione inuenisse temperiem eorum sit. Simul autem pēsitandus & cōtinētium ea partium affectus est: quarum omnium extrema est cutis.

*Hoc est, si rectè memini, quòd alibi aliter dicit, quòd neque uisu, neque tactu hominis temperatura deprehendi potest. nam præcipua uiscera quorum conditiones reliqua imitatur, neutrum sensum subeunt. Hæc ergo ex operationum differentia, excrementis, & accidētibus reliquum est discernere. Exempli causa, alius somnus calidum, alius siccū cerebrum sequitur. Sed & primariæ facultates in hoc multum dissident. Sic in alijs alia.*

H A E C in nostra regione, quæ utique temperata est, subiectarum partium naturam prodit. Quanquam nec in ea simpliciter loquēti omnium, sed duntaxat earum quæ similem habent cuti temperiem.

*Putaret quispiam cutem ultra se nihil significare: propriam enim temperiem obtinet, quæ cum interioribus nihil habet commune. nam ne*  
que

*que hepar cordis, neq; cor hepatis aut uentris temperaturam prodere potest. atqui res aliter se habet, idq; ob duplicem causam. Altera est, quia cutis, ut reliqua omnia, ferè cor & hepar imitatur. Secunda ex accidente quodam pèdet. facile enim interiorum uiscera suo halitu temperiem cutis in calore & frigore mutant.*

A T in his quæ sub Vrsa & sub Meridie sunt locis, quoniam corporum quæ in altero sunt, calor in altum à circumdante extrinsecus & uincente frigore est fugatus, alterorum in cutem ab extremo calore attractus prodijt: non potest ex eo affectu, qui in cute cernitur, internarum particularum temperies clarè discerni. Quippe corporis temperies, in regionibus ijs quæ à temperie recesserunt, inæqualis uisitur, externis scilicet internisque partibus ad eundem semodum non habentibus, Gallis enim, & Germanis, & omni Thracio ac Scythico generi frigida humidaq; cutis est, ideoq; etiam mollis, alba, & pilis nuda.

*Quòd in regionibus frigidis interiora caleant, exteriora frigeant: in calidis econtrario exteriora caleant, interna contra se habeant, simpliciter uerum nõ est. Nam uel hic interiora uiscera nostris simpliciter sunt calidiora, quãdo de temperaturis loquimur, aut illarum discrimina desuimus. Et ut diuersitatem regionum omittamus,*

*mus, non quidem in hyeme, sed æstate uiscera interiora efferuent, ac magis calida sunt: adeo ego miror quòd Galenus hanc exceptionem fecerit. Veruntamen sanguis nobis magis, quàm illis, abundat: & propterea Germanos calore interno, Aethiopes ascititio exuperare dicit. Fortè hoc annotauit Galenus, neque in calida regione, neque frigida exteriorum proportionem esse cum interioribus. Nam licet apud nos hætenus utraque pars tam interna, quàm externa frigida, interna tamen minus: per accidens enim concursu caloris calefit. Iam aëris frigiditas magis obtundit calorem externarum partium, quàm interiorum uiscerum. E' contrariò oportet dicere de calore eorum qui habitant sub Meridie.*

OMNIS uerò naturalis his calor in uiscera unà cum sanguine confugit, ubi dum agitur, & premitur, & feruet, iracundi, audaces & præcipitis consilij redduntur. Aethiopibus uerò & Arabibus, omnibus denique ijs qui ad Meridiem incolunt, natura cutis, ex ambientis æstu & naturali calore foras acta, uista, dura, sicca, & nigra redditur, toto corpore naturalis quidem caloris exiguam obtinente portionem, sed alieno atque ascititio incalescente. Quippe id quoq; ab Aristotele in multis est traditum: estq; illi, si alteri ulli, attendendum: ac in singulis corporibus æstimandum, suò-

ne & proprio, an ascititio calore incaleant. Quæ enim putrescunt omnia ascititio calore sunt calida, proprio frigent. Qui meridia nam plagam incolunt, ascititio calore sunt calidi, proprio frigidi.

Quòd qui Septentrionem, atq; adeo ipsam Europam incolunt, audaciores sint quàm Aethiopes, ipse Galenus nūc dicit. dixit Hippocrates in libro de aëre & aqua, quòd etiā sint magis bellicosi. Cum ipso Galeno videntur pugnare ea quæ in Techna definiuntur, ubi audacia audistur inter signa calidi cordis: quale in calidis regionibus potius, quàm frigidis cor esse diximus. Miror quòd ne hunc quidem locum aliquis ante nos annotarit. Mihi profecto durior apparet: atq; ego contrà ausim dicere, quòd Aethiopes, & Arabes esset audaciores, Europæi uerò magis bellicosi atque animosi: quippe caliditas causa audaciæ, sed sanguinis collecti copia ipsius animi. Itaq; in frigidis licet sanguis tardius accenditur, semel accensus difficilior extinguitur. quæ de causa non solum temperatis, sed & biliosis ferociiores reperiuntur. Fateor in temperatis sanguinis copia fortè æqualis est, non tamen eodem modo circa cor congesta est. Accedit & altera ab Hippocrate causa dicta: quia qui in Septentrione, atq; adeo in Europa degunt, is qui in Asia morantur, grauioribus temporum mutationes subeunt: unde corpora magis indurata, atque ad omnem

omne laborem magis opportuna atque pertinacia exhibet. Hoc modo & Celsus membrum debile obfirmari, atque indurari dicit, si quidem nunc obijciatur calori, nunc frigori: id tamē paulatim & cum quodam discrimine facere oportet: nam si ab altero extremo statim ad alterum ipsum traducatur, ut ferrum quod frigida stringitur, nunc flamma uritur, corpus quoque emollitur. Nescio tamen qua ratione Titus Livius Alpina corpora suis comparavit niuib, atque earum exemplo statim ubi pugna incaluerit, in sudorem abire, & levi motu quasi sole laxari dixit. Nam id præsertim calidis ex natura usu venit, nisi studio aliter assueverint. Videtur huc tãdem & ipse Galenus accedere, qui dum causam inquirat, cur Germani natura frigidi, audaces sint: reddit, quia omnis naturalis calor his in viscera fugit. Igitur si apertè loqui uelimus, inuenimus Asianos magis in primo congressu audaces, sed Europeos magis animosos.

I A M apud nos quoque naturalis calor hyeme est uberior, adscititius minor. Aestate contrà adscititius maior, naturalis minor. Omnia nãq; hæc definiat oportet, qui rectè temperamentum est cogniturus.

Tempore hyemis pro concoctione liberaliore sanguis colligitur uberior, in æstate collectus dissolvitur: non tamen ob id temperatura æstate frigidior, sed calidior, adeo parum id ad differen-

*tiam genuina temperatura pertinet.*

NE QVE ENIM omnino si cutis nigrior apparet, iam totus homo calidior est: sed si ita est cæteris omnibus simili modo se habentibus: siquidē si alter in sole uersatus diutius est, alter in umbra, illi nigrior huic albior cutis erit. Verū hoc ad totius temperamenti alterationē nihil facit. ipsa nāq; cutis sub sole diutius habita ficcior, in umbra humidior euadet. Non tamen naturalis tēperies uel iecinoris, uel cordis, uel aliterius cuiusquā uisceris statim mutabitur.

*Promptè hic externa cutis uitiatur, non tamen interna uiscera ad eundem modū alterantur. Nam horum alteratio multo tempore indiget: refringitur enim nonnihil aëris uis priusquā ad interiora traducitur, saltem integer cō non peruenit.*

OPTIMUM igitur fuerit, sicuti prius dictum est, cuiusq; seorsum particulæ temperamenti notas comparasse. Verbi gratia uentriculi, si is bene concoquit, quòd temperatus sit, sin non bene concoquit, intemperatus: si nidorosos quosdam uel fumosos edit ructus, quòd igneus in eo calor & immoderatus sit: sin acidus, imbecillus & infirmus. Simili modo si qui bubulam, & omnia quæ concoctu difficilia sunt, concoquūt, quòd eorum calor immodicus sit.

si qui

fi qui hæc concoquere non ualent, sed pisces saxatiles, & talia concoquunt, infirmus.

*Certissima est interiorum uiscerum ex quotidianis operationibus notitia. nam extemporanea non semper genuinum temperamentum sequitur: subinde accidenstantum. exempli causa, si quidem uenter ad omnia mediocriter sese habet, temperatus est: si uero quibusdam offenditur, intemperatus. uerbi causa, humidi delectantur omnibus humidis, offenduntur siccis: e contrario alius delectatur siccis, & offenditur humidis: sic pueri lacte fruuntur, & pane siligineo, iuuenes uero nuges & huiusmodi fructus relinquimus, & ad solidiorem cibum ferimur. Sic omnino melius dura coquit calidus quam frigidus, præsertim in eadem regione. Nec id temere dico. Nam Aethiopes carnem bubulam grauius ferunt quam Germani: atque id per accidens euenit: quia illis copia sanguinis multo minor est, in quo præcipuum concoctionis instrumentum habitat, temperatura uero secundum, argumentum quod uenter meliorem concoctionem obit noctu, quam interdum: attamen temperatura eadem manet.*

**VIDENDVM** autem his rursus, nunc succi alicuius, qui aliunde confluat, culpa eiusmodi symptoma uentriculo accidat. Alijs enim ex capite pituita, alijs flaua ex iccinore

p 2 bilis



bilis in uentriculum cōfluit, rarum tamen hoc cernitur, & paucissimis contingere.

*Secundo agnoscitur temperamentum ab excrementis. huc referuntur ructus: uerum illi primum temperamentum non semper sequuntur: subinde succorum in uentre malitiam: insipidi, acidi, atq; magis ij qui ipsum cibum reddūt, humores frigidos, fumosi uerò calidos significāt. imò quod magis admiraberis, & fumosi aliquādo frigidos quoq; comitantur, sed rarius, ubi scilicet pituita simplex non est, sed temporis spatio corrupta, qua ratione & linguam aridam efficit, eadem sitim in hydropicis parit, & urinam non secus quàm bilis tingit. Nam pars putrescentis in choleram uertitur, quemadmodum sub statu quotidianæ uidere est. Distinguit autem hæc temporis interuallum. nō enim ructus fumosi in principio humores frigidos sequuntur, sed temporis spatio.*

AT compluribus è capite defluit pituita.

*Fere id cum nausea fit, nec sine deglutione quidem: deglutionem uero alius motus uoluntarius præcedit. Itaq; subinde delapsa pituita à nobis expuitur, priusquam illabatur: aliquando nobis inscijs descendit.*

AT QVE id maximè Romæ, ac locis perinde humidis. Ceterū & quod rarò accidit, cōsiderandū: nihilq; pro superfluo habendum

bendum aut negligendum.

*Siccus aër, saepe diximus, corpus ab excrementis liberat, humidus onerat: sub hoc ergo caput ad distillationes admodum idoneum, quippe & alibi primum ferè grauatur ante alias corporis particulas.*

**S I Q V I D E M** ipse uidi quibusdā perquam pituitosis hominibus, multam tamē in uentriculo colligi flauam bilem: quam cum ante cibum aqua uinōue epoto euomere debuissent, si quid ciborum priusquam uomerent gustassent, & hos corrumperent, & capite dolerent, cū hos quidam natura biliosos esse crederent. Quanquā essent toto corpore molles, & candidi, & glabri, & adiposi, & uenis, ac musculis parum conspicuis, præterea exangues, nec tangentibus admodum calidi. Vidi & qui bilem nunquam uomuerunt, qui tamen & graciles, & hirsuti, & musculosi, & nigri, & uenosi fuerunt, affatimq; calidi, si quis tangeret, uidebantur. Cuiusmodi habitu Eudemus philosophuserat. Sed incidit hoc loco speculatio quēdam anatomica, id est, quæ ad corporum dissectionem pertinet, quam aliqui medicorum ignorātes ex symptomatum dissonātia magnopere anguntur, dum parum intelligunt meatum illum, per quem iecur bilem in uentriculum euo-

mit, alijs geminū esse, alijs unicū. Id quod in quadrupedum dissectionibus uidere licet. Ac plurimū quidem unicus is est in id intestinum, quod pylori, id est exitus fundi uentris, & ieiuni medium est insertus. Græci mediū id γαστρός ἐν πύλῳ, quasi quiddam ē uentre enatum uocant: uel si geminus meatus sit, in ἐν πύλῳ illam maior inferitur, minor in fundum uentriculi paulo supra pylorum inuenitur: sed tamen in paucissimis superior pars maior, inferior minor. Cæterum quibus est maior, his in uentrem quotidie non exiguum bilis effunditur, quam & euomant ante cibos oportet, & nisi id faciant, læduntur. Quibus autem unicus est omnino meatus, his tota bilis confluit in ieiunum. Quanam igitur ratione dignoscere hos licebit? Neque enim diffsecandos uiuos esse censeo.

*Non potest uenter uehementer esse frigidus, cuius tota natura est calida: nec rursus admodum calidus, cuius uniuersum propemodum corpus est frigidum. Si quando ergo in his bilis per uentrem exuperet, non est hoc effluuentis caliditatis, sed iniquæ ascendentis bilis signum: cuius causa est, quod porus qui ad pylorum ire debebat, ad uentrem deducitur, aut saltem maior est. at de ijs clarius Galenus, quam ut illustratione egeat. Similis est hodie multorum error,*  
qui

*qui ex frequente pituita-pitissatione totum cerebrum pituitosum definiunt.*

PRIMUM certè totius corporis temperamento, ueluti paulo suprà est propositum.

Non potest, diximus, uniuersum corpus pituitosum esse, ac uenter insigniter calidus. promptius enim uenter quàm habitus uniuersi corporis, hepatis, ac cordis temperaturam sequitur.

DEINDE ijs quæ infrà excernuntur. Eudemus enim biliosa mera perpetuo per sedem excernebat, utpote qui multam collegit bilem, cuius nihil in superiorem uentrem peruenit. Reliquis, qui scilicet & pituitoso erant corporis habitu, & bilem uomebant, his haudquaquam aliud erat biliosa. Quippe cum & minimū flauæ bilis gignerent, & eius plurima portio in superiorem uentrem perueniret.

Bilis ab uniuerso corpore promptius deorsum quàm sursum effertur: quapropter illa, quæ per superna expurgatur, tantum fortunam ipsius meatus, non autem caloris magnitudinē arguit.

TERTIVM notæ genus est in ipsis uacuatis: nam quibus in uentre biliosum excrementum gignitur, id porri uirorem præfert.

Quòd uiridis magnum aliquem coloris excessum sequitur, manifestum est: si quidem ad nigrum

grum uia quædam ac medium est: propterea mirum est quòd hæc sæpius in uentre fiat, quàm in hepate: nam quoduis hepar etiamdum frigidum quouis calidissimo uentre calidius est. ergo longè alterius substantiæ sit oportet is, qui in hepate est, ab eo qui in uentre. Facile Auicenna rescindit hunc nodum. nam porraceam choleram non quidem ex natura, sed permixtione uiridem putat. at hic laborabit, cur potius in uentre, quàm hepate hæc miscella fiat. Vt intelligamus ergo id ipsum, meminisse oportet eorum, quæ in Problematis Aristotelis diximus, aut propius accipere ea, quæ in principio huius libri sunt relata: ubi hoc demonstratum est, quòd longè aliter nos afficit idẽ calor, in aqua, & in ferro. ita nunc calorem hepatis aëri, uentris uerò ferro compararim aut lapidi: nam & ipsius uentris intemperati calor mordax, hepatis uerò suauis est: & proinde bilem potius flauam, quàm porraceam parit, nisi fortè aliunde illius calor exasperetur. nam & hic efficere uiridem potest, non tamen ex quouis succo, sed ex ea quæ prius flaua fuerat: & in hoc quoque à calore stomachi differt: nam is succum uentris subinde immediatè in uiridẽ bilem mutat priusquam flaua euadat.

AT quibus ex iecinore descendit, his uel plane flauum est, uel omnino saltem pallidum.

Definitione sermo hic opus habet: nam in præ  
sagijs

*ſagūs uiridem quoq; aliquando in uenis Gale-  
nus generat, atque in uērem deriuat. ergo oportet id tanquam rarius accipere, aut effectus le-  
patis atq; uenarum ipſius diſtinguere. atq; hoc uidetur mihi potius. Nam uenæ ad morem uena-  
tris frigida & ſicca: hepar uero calidum & hu-  
midum.*

**P R A E T E R E A** quibus in uētriculo bilis illa gignitur, quæ porri colorē imita-  
tur, debet omnino is cibus fuiſſe nō panis, nō ſuilla caro, ſimilēue aliquid, ſed neceſſa-  
rio aliquid quod his calidius fuit, neque id boni ſucci. Quibus autē ex iecinore in uē-  
trē defluxit, his flaua ea pallidāue euomi-  
tur, etiam ſi boni in primis ſucci fuit quod ſumpſerūt, etiā ſi ad ſummū fuit cōcoctū. imò magis ipſis qui ad unguem concoxe-  
runt, flaua uomuntur. Atque etiam magis his, qui diutius cibo abſtinuerunt.

Hoc eſt quartum ceteris efficacius, quòd di-  
ſtinguit choleram, quæ in uentre gignitur, ab ea quæ ex uenis deducitur, quòd non ex quouis, ſed leniore tantum alimento ipſa generatur, ac, ut ipſe appellat, mali ſucci. Sic Galenus in præſa-  
gūs & ex holeribus, & reliquis uiridibus eam maximè fieri autumat: ergo mali ſucci ea intel-  
ligit, quæ facile corrumpuntur, aut aliquem ſuc-  
cum acrem continent. Non enim credo, quòd Galenus hanc bilem ex omnibus uiridibus gene-

rat, sed tantum acrioribus, & quæ malum succum continent.

QVÆ uerò bilis portum refert, ijs solis gignitur in uentre, qui utique concoxerunt male.

Duo sunt qui malè concoquunt, qui imperfecti sūt, & qui uitiati: quo modo nunc eos male coquere audimus, qui ipsum alimentum corrumpunt, & in extraneam qualitatem uertunt.

QVIN ETIAM sollicitudo, ira, dolor, labor, exercitatio, uigilia, abstinentia, & inedia succi flauæ bilis plus aceruāt, propterea quòd plus eius succi in iecinore gignunt.

Quòd hæc incalfaciant, & exiccant, certum est: uerum cur potius hepar, quàm uentrem alterent, nondum dictum est: reuera neutrum uiscus statim incalfaciunt, sed sanguinem acriorem reddunt: atque hæc ratione potius flauam bilem, quàm uiridem augent: atq; etiamdum hepar magis quàm uentrem incalfaciunt.

SUNT igitur tū hæc certa indicia, tum ad hæc, quòd ubi siccum & igneum uentri culi calorem conuersio ad biliosum sequitur, panis & suilla & bubula caro commodius quàm saxatiles pisces concoquantur. Cum si ex iecinore bilis affluat, ex comestorum mutatione nulla sequuta sit concoctionis diuersitas. Atque his quidem discernitur

cernitur, quòd non temperamenti, sed alterius cuiusquam gratia prouenit.

Mirum est, quòd paulò autè Galenus, non quemuis cibum, sed calidiorem in porraceam bilem uerti dicit. nam pisces saxatiles frigidi. ergo de ijs quæ faciliè concoquuntur, intelligi oportet, qualia plerunque calida existunt: interim tamen & frigida, ac quadam ex ijs boni succi sunt. Quocirca intelligere oportet, quòd non omne alimentum boni succi hìc toleratur, tantū illud quod soliditatem & firmitatem quandā habet: nam & lac & oua hìc facile corrumpuntur, & tamen inter ea quæ boni sunt succi, æstimantur. nam talia appellamus omnia, quæ ex se succum bonum præbent, eumq; multum.

AD eundem modum si defluens à capite in uentrē pituita acidi ructus causa est. Cōueniet simili ratione hic quoque à uentris proprio affectu hanc discernere.

An temperies sola, an humoribus coniuncta cibi concoctionem infirmat, atque acidus ructus edat: ex ijs quæ Galenus in primo de locis affectis scripsit, colliges: quippe in sola tēperie uentris excrementa prodeunt admodum sicca, alibi uerò uidentur diluta ac humore submersa. Sed nūc difficile est cognoscere, an hic humor in uentrē generetur, an à capite deriuetur. Non enim tot inuenies, quot prius signorum differentias. Neque enim diuersa est pituita, quæ illinc descendit,



dit, ab ea quæ illic nascitur: ergo seorsum capitis rationem æstimare oportet, si nunc idoneè ad hoc sese habet, nec omnino occulta sint illius indicia: nam cum nausea atque raucedine ferè descēdit, & quod magis est, ipse defluxus ferè à nobis percipitur.

**A E Q V E** uerò & capitis dolores ex propriæ eius intemperie, an propter uentris aliqua excrementa incidant, discernendi. Iam cerebrum ipsum cuius sis temperamenti, per se estimare est satius, quàm ex totius corporis affectu.

Si quidem uenter suo fungitur munere, frustra redarguitur ab affectibus capitis: neque iterum si illius aliquod munus læsum deprehenditur, statim offensi capitis causa est. Nam contrà forsitan caput uentrem uitiauit. Distinguere ergo oportet, utrum prius suspectum fuerit, quam uis longè alia sint symptomata uaporum ex stomacho ascendentium, alia ex capite ad uentrem defluentium. Atque distillationis quidem signa antè dicta sunt: doloris uerò capitis à uentre incipientis hoc peculiare est, quòd per alimentum multum, qui uerò primariè ex capite oritur, parum emendatur. Hoc ergo signum potissimum considerare oportet, ubi simul eueniunt. commune hoc signum est, & ad alios uentris affectus. nam qui primaria ratione uentris fiunt, minuit uictus ratio: qui uero à capite imminet, parum uictui

*uictui cedunt.*

**I P S I V S** autē per se confideratio ex canicie, catarrhis, tussi, diffillatione, & faluę copia initur. Quippe quę omnia id frigidius humidiusq; eſſe doceāt. Atque his amplius ſi ex leui qualibet occaſione, in hos deuenit affectus. At caluicies ex ſiccitate prouenit.

*Non ſunt humidi ſimilariter, hoc eſt, proprijs particulis, ſed instrumentaliter. eſt tamen & illud uerum, quod duorum ſenū is ferē, qui frequētius capitur deſtillatione, ſit uel ſimilariter humidior. De frigiditate nulla eſt difficultas. Adeo ergo non poſſumus mirari eos, qui caliditatem cerebri nonnunquam cauſam deſtillationis exiſtimant. Satis autem eos redarguit ea, quę in aëre ſunt, grando, nix, pluuia. hæc enim omnia frigiditate aëris eueniunt, neq; quicquam præter frigidum uapores condensare poteſt. Faſteor tamen aliquando & uapor ex ſola natura in loco tepido poteſt concreſcere, & fumus in cerebro eius qui febricitat condensari. Sed de his in libro de ſymptomatum cauſis liberalius.*

**N I G R O R V M** autem & frequētium pilorum prouentus equalis in cerebro temperamenti nota eſt.

*A libi dicit flauorum, ac reuera in temperata natura temperate etatis potius flauī, quā nigri ſunt: poſtmodum tamen modicē nigreſcunt, quod*

*quod nunc illum dicere puto: nam neque in iuuentute, sed senectute calui & cani simus.*

ERG O ad hunc modū de temperamenti in eunda nobis consideratio est, quamq; scilicet particulam seorsum perpendentibus, nec ausis ex una pronunciare de omnibus. Quod utique nonnulli fecerūt, qui resimos humidos, aduncos siccos esse dixerunt: ut quibus parui sunt oculi, siccos: quibus magni, humidos. Atque de hoc quidē parum inter eos conuenit. Alij nanq; eorum, qui scilicet humidis particulis oculos annumerant, ubi eos maiores uident, in ijs humiditatem temperamenti pollere existimant. Alij caloris uehementia, qui in prima formatione sursum cōfertim magis copiosiorq; ferebatur, non oculos modò, uerū etiam os ipsum, & reliquos omnes meatus ampliores factos aiunt: ita non humiditatis id, sed caloris indicium esse. Verū ambo à ueritate aberrant, uno modo eoque communi, quòd unius particulæ occasione de toto corpore pronunciare sunt ausi.

*Non audet Galenus asserere magnos oculos humidos aut calidos, neque rursum paruos siccos aut frigidos: nec immerito: quoniam tam magni quam parui bene ac male temperati esse possunt. est enim formator alius quàm ipsa temperies: ueruntamen humiditas materia quædam est,*

est, calor autem ipsius formatoris instrumentum quoddam: adeo ut plerumque magni oculi humidos arguunt, parui siccos: & rursum nasus resimus humiditatem, aduncus uerò ipsius siccitatem denotat, sed illius solius. neque enim totum hominem ex una parte, neque (ut in proverbio est) leonem securè ex unguibus aestimes: imò etià fieri potest, ut ipse nasus simus siccus sit: siquidè illius materia multa, sed sicca: & e contrario si humida & pauca fuerit, contingere potest, ut nasus sit aquilinus uel aduncus.

ALTE RO, quòd formatricis in natura uirtutis, quæ artifex facultas est, & particulas secundum animi mores effingit, parum meminerunt. De hac nanque Aristoteles dubitauit, nunquid diuiniore originis sit, atque à calido, frigido, humido & siccores diuersa. quo mihi minus rectè facere uidentur, qui tam temere de rebus maximis pronunciant, & solis qualitatibus formarum partium causam adsignant.

Potest id trifariam accipi. Primum in diuersis speciebus, quarum diuersa est natura: scilicet aliud est studium ipsorum piscium, aliud quadrupedum, & iuxta hæc unumquodq; habet determinata organa, ac instrumenta. Idem etiam in eadem specie uisitur, scilicet alius audax, alius timidus: & diuersis ambo constant musculis: nam hi enervius, illi uerò sunt robusti. Potes

tio id ad figuram ac formam trahere. nam fere lineæ, frons, uultus mores arguunt, & rursum iuxta ipsos forma uariat. Non sortita est tamen hæc uirtus formatiua intellectum, tantum abest ut mores præsentis agnosceret, aut futuros præsciret, uel iuxta hoc corporis particulas quasi ex proposito compararet: sed id euenit, quia magna ex parte, ut diximus, ipsa uirtus formatiua materiam ad quod maximè opportuna, atque idonea est, effigiat. est autem sicca materia magis idonea ad aduncum, quàm resimū.

RATIONABILE enim est hæc organa esse formatorem alium.

Si quidem idem cum qualitatibus artifex esset, semper cum optima temperie, optima figura esset, & e contrario: atque iterum cum pessima figura, pessima temperies perpetua esset, atque e conuerso: quorum omnium nos antè contrarium ostendimus. nam subinde separatur: quapropter alius ac magis diuinus formæ artifex. non enim temere ab antiquis dictum est, Homo hominem generat, & sol. Quòd autem aliud sit ipsius formæ quàm qualitas principium, ex eo constat, quòd sæpe partus (circuncisis etiam omnibus accidentibus, quæ ex phantasia pendent) neque patri assimilatur, neque matri. proinde aliud quàm in ipso semine principium inquirendum est. Imo si alteri parentum, nunc huic, nunc illi conceptus comparatur, non est hoc, quia ipsa qualitas sit  
primum

primum eius principium, sed quia ipsius seminis motus sit iuxta ipsius seminis ac sanguinis naturam. etenim semen & spiritus quandam imaginem patris ac matris retinet. quàm facile autem hic spiritus mouetur uel alteratur, ex eius natura intelliges, quam cum radijs aſſimulamus solaribus. Magis id agnosces, quòd uel matris phantasia facilimè ad fœtum transeat. Magis est admirabile, quòd & color ipsius fœtus subinde mutetur pro phantasia ipsius matris. non enim is uidetur sequi motum seminis aut spiritus, sed complexionem tantum. An sicuti facies subito redditur in speculo, ita phantasia matris in spiritu? Differentia est, quòd hic speciem retinet, illud uerò statim amittit. Nam quomodo alioquin Aethiops frigidus ex semine frigido, Germano esset nigrior, ex semine subinde multum feruido?

S E D & citra tam arduas quæstiones inuenire licet, sicut ostēdimus, humidam, siccam, frigidam calidamq; temperiem. Errant igitur qui propriis iudiciis neglectis ad ea quæ lōgè posita sunt, & magnæ quæstioni fuerunt, atque ad hunc usque diem optimis philosophorū dubitata sunt, conuertuntur.

Quatuor signis, ubi sermo ad extremum uenit, temperaturas diiudicamus, ab essentia, idq; tactu, ab operationibus, ab excrementis, nouissimè ab accidentibus, non quidem omnibus, sed ne-

*cessariò concomitantibus: quapropter ab his figuram separamus, ut quæ temperaturam non semper comitatur.*

NE QVE enim propterea quòd pueri nasus sunt magis resimis, florètes ætate magis adûcis, idcirco rationabile est resimos omnes humidos censere, aduncos ficos. Sed fieri potest, ut formatricis uirtutis eius modi opus sit potius, quàm temperamēti. Quòd si réperamenti est nota, at certè eius quod in naso tantū habetur, nō eius quod in toto corpore, nota fuerit.

*Sedet sequela, Vniuersum corpus humidum est, aut siccum, ergo & nasus: sed non econuerso: ergo quæ hic ducitur comparatio, æquæ non est.*

QVARE illud frustra prædicant in ficis natura temperamentis, nasum acutum, oculos cauos, tempora collapsa, quòd scilicet in affectibus iis quæ corpora liquant, at quæ suprâ quàm par est, inaniunt, hæc contingant. Sæpe nanque sic accidit, sæpe non ita. Sed uidere licet totius corporis habitū, & mollem, & pinguem, & album, & carnosum, cum tamen oculi sunt parui, & nasus acutus. Rursum siccum, macilentum, nigrum, & hirsutum, ubi magni sunt oculi, & nasus resimus. Præstat igitur, si quidem de solo agitur naso, ut ex resimo humiditatē, ex eo adunco siccitatem coniectes. Nec de totius

totius animantis temperie ex his particulis pronuncies. Pari modo oculorum, & alterius cuiuslibet partis propriū tēperamentum ex propriis indiciis estimare est satius. Ergo de totius corporis temperie non recte ab una quapiam particula iudicium sumitur.

*Neque hæc conuenit sequela: nam febris in qua huiusmodi facies uisitur, ferè uniuersum corpus colliquat: non tamen in sanis siccitas, quæ unam aliquam partem obtinet, æqualiter uniuersum corpus occupat.*

C V M siue humoris uincientis, siue caloris, siue etiam amborum cæcios oculos indicium statuere oportet, utique proprii ipsorum, sic nō omnium totius corporis partium temperamenti documentum erunt. Neque enim si dura & macra crura sunt, omnino siccum est totius corporis temperamentum.

*Pilorum colore ferè nullum animal tam uariat, quàm homo. nam multæ species eundem colorem exhibent. certè aucs in sua specie perpetuò sunt concolores: ita & oculis plusquam reliqua animantia homo uariat. cetera enim animantia præter equum, ferè eundem oculorum colorem habent: at homo multam in ijs uarietate patitur, quia uariè admodum præ reliquis animantibus temperatus est: scilicet oculis nunc est*  
*q 2 ceruleis*



*ceruleis, nunc nigris, fulvis, aut caprinis: ac ceruleus quidem (nunc cæsius, alibi glaucus dicitur) tenuis humoris puritatem, niger multitudinem ac impuritatem arguit. Sed quia multa supersunt de oculorum coloribus, nos in Technam reservamus.*

**A L I I** nanque affatim carnosī, & pingues, & crassī, & prominēte uentre, & molles, & candidi, etiam cum eiusmodi cruribus cernuntur. Verum si totius corporis tēperies pari ratione se habeat, ficci omnino sunt quibus macra crura, humidi quibus crassa. Præterea quibus acutus est nasus aut aduncus, hī ficci: quibus resimus, humidi. Ad eūdem modum de oculis, temporibus, cæteris deniq; omnibus particulis iudicandum. Quibus uerò impar temperamentum est, nec omnium particularū idē, alienū à ratione est ex unicæ particulæ natura de omnibus sententiam ferre.

*Id tamen ferè, non nisi in ijs, qui suspectæ sanitatis sunt, euenit. Nam alioqui causā, quæ reliquum corpus carnosum reddit, usque ad crura faciliè promouet.*

**P O R R O** tale quippiam plurimis eorum imposuit, cum non de hominum modo, sed etiam aliorū animalium totius corporis temperamento ex iudiciis quæ in cute tantum spectantur, iudicium ferre sunt ausi

ausi. Neque enim si dura cutis est, necessario siccum est animans : sed fieri potest, ut tantum cutis sic sit affecta. Sed nec si nigra hæc, hirtæ est, simili modo. Nec si mollis hæc, depilisue est, humidum ex necessitate totum est animal. uerum si per totum æqualiter est attemperatum, ratio est, ut qualis sit cutis, talis sit & reliquarum partium una quæque: si inæqualiter, non item. Quippe ostrearum totum corpus humidissimum est, cutis ipsa siccissima. Est enim ijs quæ teguntur testa, cuiusmodi est nobis cutis. Atque hinc illis Græcè nomen: *ισχαιόδερμα* enim nomminantur omnia eiusmodi animalia, propterea quod cutis ijs ostraco, id est testæ adsimilis. Iam malocostraca, id est, quæ molli testa integuntur, ueluti marinæ locustæ, & gammari, & cancri, cutem quidem habent siccam, reliquam uniuersam temperiem humidam. Imò uerò illud ipsum humiditatis in carne nonnunquam animalibus causa est, quod siccam terrenamque portionem natura his uniuersam circa cutem reponit. Non est igitur putandum, nec quod cutis ostreis sicca est, ilico carnem quoque esse siccam: nec quod hæc præhumida mucosaque est, iam cutem quoque eiusmodi esse. Quippe æquum est quanque particulam ex se ipsa dignosci.

Pisces sunt quadruplices, molles, squammosi, crustati (quos nunc malocostracos appellat) testacei : molles durissima ferme carne præditi sunt: e contrario testacei mollissima : nam in his quicquid durum est, tanquam alienum ab internis partibus repudiatur, atq; foras mittitur. Habent tamen & crustati carnem potentia siccam: quare cum hic eam Galenus humidam asserit, iuxta phantasiam intelligit : nam simpliciter humida illorum caro apparet, certè alijs piscibus multo mollior: quanquam in hoc cum testaceis conveniunt, quòd ambo, ut Galenus inquit, succum modicum, salsum, concoctu difficilem continent. Proinde ego recentiores medicos cum aliquot ueteribus miror, qui consumptos & tabidos horum succo tentant recreare. Nam & Paulus Aegineta septimo libro, pisces testaceos crassum succum gignere dicit. atque omnino inter pisces primum locum servant saxatiles, marinos sequuntur fluviales, nouissimo loco statuantur palustres. In unaquaq; tamen specie præ cæteris commendantur squammosi, ac natura parui. Periclitatur ergo uulgaris opinio, quæ pisciculum, quem uulgas halecem appellat, damnat, modo recens fuerit. nam quod facile corrumpitur, ipsum facile concoqui arguit, tantum abest ut illum damnet. Recens ergo facilis, sed sale maceratus omnem succum amittit. Sed hæc præter propositum. nam ad libros salubres

*bres attinent.*

ERGO tum in his peccant ij, qui com-  
mentarios de temperamētis nobis relque-  
runt, tum quòd id amittunt, quod Hippo-  
crates rectissimè admonuit, Spectādū esse,  
ex quibus, in quæ, mutationes sunt factæ.  
Fit enim non raro ut præsens nota prioris  
temperamenti sit, non eius quod in corpo-  
re nunc habeatur : ueluti si quis annos na-  
tus sexaginta denso pilo sit, non quòd ca-  
lidus & siccus nunc sit, sed quòd antea ra-  
lis fuerit. Consistunt autem ei prius geniti  
pili.

*Signa sæpe iuxta uarietatem atatum suam  
significationem uariant : peccant ergo qui ex  
uno passim signo eandem temperaturam argu-  
unt. Neq; enim multitudo ac crispitudo capillo-  
rum quamuis atatem supputat calidam, sed iu-  
uentutem tantum : quæ uerò hanc sequitur,  
melancholica est : ultima est pituitosa : canita-  
men præcociter, non tantum præsentem, sed  
& priores ferè atates omnes rememorant fri-  
gidas.*

AD eundem modum, quo herbæ quæ  
uere sunt enatæ, nonnunquam perseverant  
æstate. Alijs enim spatio & paulatim con-  
tigit à plurima illa hirtitate mutari, labēti-  
bus scilicet præ nimia siccitate pilis. Alijs  
diutissimè pili permanent, utiq; qui nec in

processu temporis admodum siccantur, & à primo ualentem habuerunt originem arborum ritu, quarum radices in terra ualenter compræhenderunt.

*Non est omnino æqua comparatio. nam radices plantarum tantisper dum uiuunt, naturali quodam complexu pertinaciter terram complexantur, emortuæ uerò ultro discedunt. at pili non nutriuntur simpliciter, sed more pali alicuius, nunc in solido, nunc in molli figuntur.*

C A V E igitur, si quemadmodum pilosum uideas, hunc statim melancholicum putes: sed si quidem floret adhuc ætas, nondum esse talem: sin iam declinat, melancholicum existima: at si senex est, non item. fiunt namq; melancholica temperameta ex sanguinis adustione.

*Non solo frigido & sicco consistit melancholica temperatura, sed & sanguinis aut potius cholerae adustione, quæ in atram choleram uertitur. sed non sufficit in senibus calor ipsam exure re: itaque senes manent frigidi & sicci, non tam melancholici.*

C A E T E R V M cū id pati incipit, non statim est percoctus: uerum hirtus abunde qui calidus & ficcus est, celeriter erit, si modo eorum quæ proposita sunt, meminimus. Non ilico melancholicus: quippe cutis densitas crassiorum excrementorum transitum remorans

remorans in temperamentis, quæ calida in summo sunt, comburi ea cogit. Ita fit ut taleijs nunc sit excrementum, quod pilos creat, quale olim procedēte tempore in uasis sanguinis est futurum.

*Biliosus in iuuentute euadit hirtus, non tamē melancholicus: citius enim comburitur nutrimentum pilorum quàm reliquum sanguinis excrementum: quia illud fuliginosum est, atque comburi idoneum. Iam bilis per uniuersum corpus cum mitiori sanguine diffluit, fuligo uerò in extremis immota moratur. Difficilior est quæstio, cur hæc fuligo unde pili oriuntur, potius comburitur tempore consistentis ætatis, quàm iuuentutis. nūquid ob eam causam, quia sanguis hic paulo manet mitior & dilutior, an quia habitus euasit densior? Sed de his alibi plura.*

T V M hæc igitur omiſſa prioribus sunt, tum præter hæc quòd ex natura excrementorum indefinitè de temperamentis pronunciant. Putant enim particularum temperiem, similem esse cum excrementorum natura. Id uerò usquequaque uerum non est, sed fieri interim potest, ut pituitosa excrementa colligantur, nec tamen humida sit particula, imò frigida omnino, humida uero non omnino: quippe cū siccam quoque esse liceat. Quod autem eis imposuit, faciliè animaduertitur. Non enim no-

runt quòd ex cibis, nequaquam ex corpore nostro pituita fit. Quare nihil miri est, si ubi ingestos cibos (qui fortasse humidi natura sint) corpus nō uincit, simile ijs ipsum quoque excrementum creet. Non est igitur quod opinentur, tanquā corpus siccum est, itidem excrementum quoque esse siccum. Etenim si quis ab initio siccior frigidioreq; temperamento statim fuit, is non melancholicus est, sed utique ab excrementis pituitosus.

*Cur senes aridi, excrementis abundant humidis, Galenus uidetur dubitasse, ac tandem ad solam fortunatam ciborum humiditatem causam retulisse. Verum tamen si senes perpetuò uterentur sicco ac calido uictu, abundarent tamen excremento humido. Nam magna frigiditas aquae cognata est, dum calorem infirmit, qui cōcoctio nem molitur: plures superfluitates etiam humiditas generat, quam humiditas. atq; haec praecipue causa est, cur senes atq; aliter frigidi, tamē sicci, pituita laborent.*

QVOD si ex habitus mutatione frigidus siccusq; est redditus, necessariò hic talis iam etiam melancholicus est: uerbi gratia, si quis antè calidus & siccus ex sanguine urendo plurimam generauit atram bilem: etenim is praeterquam quòd siccus est & frigidus, protinus etiam melancholicus.

*Non*

Nō is qui à principio frigidus & siccus nascitur, melancholicus est, sed qui per aetatem talis euadit. Discriminis causa est, quia in hoc cholera aduritur, illic uerò calor suauior quàm qui cholera multā gignat, aut genitam adurat. Grauior ergo causa est, cur potius in declinātibz quàm iuuenibz cholera aduratur, quum hic calor fortior. atque huius quidem causam nunquam ab alio accepi, sed ipse aliās aliud suspicatus sum. Nec mirum, nam & Galenus super ea re dubitasse uidetur, in quibusdam etiam locis suspectam rationē reddidit: quippe ubi hāc melancholiam cum ea, quæ in autumno gignitur, cōparat, illius principium in iuuentute, sicut alterius in aetate apparet statuere. Cōparatio utraque ex parte est mihi suspecta. non enim uerum est, quòd melancholia quæ in autumno urget, proficiscatur ex bile, quæ in aetate initium cepit: multo minus melancholia, quæ in declināte aetate apparet ex bile, quæ in iuuentute cepit, inchoatur. Interim tamen semper eadem quæstio imminet, cur potius hic quàm in iuuentute, ubi feruor maior, ipsa uratur. Ac mihi quidē diuersitate cholera fieri apparet. non enim quæuis bilis ad atram idonea est, sed crassa tantum, utpote vitellina: ac talis quidem gignitur in declinante aetate, tenuior autem in iuuentute. Hæc mihi quidem præcipua eius rei causa æstimatur: neminem enim ante nos hæc distinxisse animaduertimus.



*mauertimus. quapropter si quis error commissus sit, facilius condonari debet. maluimus enim etiam cum periculo nostro earum ratiocinationum aliquod rudimentum facere, quam more aliorum simpliciter dissimulare.*

S I N à principio frigidus & siccus fuit, habitus quidem corporis eius, albus, mollis, depilis, uenis articulisq; parum expressis, gracilis & tangenti frigidus, animus uerò minimè audax & timens, & tristis, non tamen huic excremēta melancholica sunt. In his igitur omnibus peccāt plerique medicorum ex eo quòd proprias notas respiciunt, atque ad ea quæ non perpetuò, sed frequenter accidunt, conuertuntur.

*Non est hic à principio melancholicus, sed frigidus & siccus tantum, talis tamen succedente ætate euadet. Nam ut alibi dictum est, horum calor crescit. certè ut inuentus biliosus efficitur, ita declinās ætas quodammodo melancholica, in senectute uerò secunda talis esse desinit. non enim melancholicus, sed pituitosus sanguis hic conspicitur: quia deferuescente in senio ætate, iterum frigidus euadit, unde & senes ad omnem obstructionem opportuni sunt. habēt uerò & serosum succum plurimum, qui fortasse dilutioris in eis sanguinis phantasiā exhibet.*

E I V S D E M erroris occasione, & quod excalfacit, id etiam ficare omnino putant

putant. (hoc enim ueluti coronide, summaq; uniuersi sermonis, addito secundum iam librū finire statui.) Quippe phlegmone obsessas partes calida perfundētes aqua, atque ita uacuari ab ijs humorem cernentes, clarè indicatum arbitrantur, siccitatem omnino calori succedere. Neque id modo ubi cum siccitate is, uerum etiam ubi cum humore est coniunctus. Cæterum non est idem uel uacuasse ab aliquo humorem qui locis quibusdā sit dispersus, uel propriam particulæ alicuius temperiem sicciorē reddidisse. Si quidem inæqualis quædam in his quæ phlegmone laborant partibus, intemperies est, similariibus scilicet corporibus à proprio temperamento nondum amotis, sed assidue adhuc in mutatione atq; alteratione uersatis, omnibus nimirum interpositis inter eas spatiolis fluxione refertis. Quæcunq; igitur calida humidaq; natura sunt, cum sic affectis admouentur, ipsa quidem superuacanea, quæ media similarium spatia occuparunt, euocant. Corpora tamen ipsa tantum abest ut siccent, ut etiam illis humorem adiiciant.

*Quòd calidum coniunctum humido humeflet, præterquam quòd incalfaciat, antè demonstratum est. hoc etiam fomentum ex aqua dulci in partibus phlegmone uexatis manifestè ostendit*

*dit. unde quasdam acres superfluitates (nam naturales pertinacius hærent) euocat, quāquam nonnihil sui humoris insinuat, non est tamen hæc humiditas naturalis, sed externa.*

A C ipsa quidem ueritas ita se habet. De monstratio tamen dictis (*euidens*) requiritur. uerum eam cum & longiorem existimem, quā ut huic libro inferatur, & auditorem desideret, qui medicamentorum facultatis sit non ignarus, in præsens differo. Cæterum ubi in tertio libro de omni temperamentorum genere tractauero, ac de ijs quæ potestate calida, frigida, humida, siccaq; sunt, omnē methodō indicauero, mox integrum libellum scribere de inæquali in temperie decreui. Quippe sic absoluetur à nobis uniuersa de temperamentis disceptatio (*tū ad libros de medicamentis, tū*) ad mendendi methodum non parum adferet comodi.

Hanc demonstrationem esse molitur in primo de Simplicibus ex diuersis aqua potabilis & marina effectibus. Aliter enim afficiuntur hydropici ab hac, aliter ab illa: & rursum aliter afficiuntur in mari ulcera piscutorum, aliter balneo dilutorum. Iam aqua potabilis sitim sedat, marina prouocat. Constat ergo, quòd hæc exiecat, illa uerò humectat.

HIERE

# HIEREMIAE

THRIVERI BRA-  
CHELII COM-

MENTARII

IN

LIBRVM TERTIVM

GALENI DE TEMPE-  
RAMENTIS.



C QVOD energia siue actus  
calidorum, frigidorum, hu-  
midorum, & siccorū, unum  
quodque tale esse dicatur, uel  
quod summam habet eius  
modi qualitatē, uel quod uincit in eo id  
genus qualitatum aliqua, uel quod ad co-  
gnati generis mediocre aliquid, uel ad unū  
quodlibet à nobis sit collatum, prius est  
traditum. Monstratum præterea est quem-  
admodum ea quis agnoscere possit exactè.  
Reliquum est ut de iis, quæ talia potestate  
sunt, differamus: si tamē prius explicueri-  
mus, quid ipso potestatis nomine signifie-  
tur. Est autē brevis eius & facilima & clara  
explicatio: quippe qđ quale dicitur, tale nō  
dū est, sed potest tale esse, id hoc esse pote-  
state dicimus: hominē, uerbigratia, qui mo-  
dū

do natus fuit,rationalem, & auem uolatilem, & canem uenaticum, & equum ce-  
 rem, scilicet quodeorum unumquodque  
 futurum omnino est, si nihil id extrinsecus  
 impediatur, hoc ceu iam id sit appellantes.  
 Vnde(arbitror)hæc esse potestate, non a-  
 ctu dicimus. perfectum nanque est ac iam  
 præsens ipsa energia (*sine quod actu est*).  
 Quod uerò potestate est, imperfectum, &  
 adhuc futurum, atque ut fiat quidem id quod  
 dicitur, ueluti habile, nō tamen adhuc sub-  
 sistens. Siquidem nec infans rationalis iam  
 est, sed talis futurus: nec qui modò editus  
 est canis uenator, qui scilicet adhuc non ui-  
 deat, sed quod uenari queat, si ad iustū per-  
 ueniat incrementum, sic nominatur.

*Quòd actu, phantasia, aut energia dicitur ca-  
 lidum, frigidum, humidum, aut siccum, manife-  
 stas habet notas. Horum enim qualitates nus-  
 quam non agunt, etiam citra ullā alterius elab-  
 orationem. Obscurior est eorum, quæ talia po-  
 testate aut uirtute dicuntur, definitio. Galenus  
 ea talia dici putat, quòd ex leuissima occasione  
 talia fieri possint. Neque nos de nomine contende-  
 re possumus, sed ipsa ratio parum respondere  
 apparet. Non enim medicamenta calida semper  
 eam qualitatem manifestam habent, iuxta po-  
 testatem, quam exercent. Magnum eius rei argu-  
 mentum, quòd frigida sub tepore ipso, Galeno  
 dicente,*

dicente, infrigident, & rursum medicamenta calida sub eodem tepore insigniter incalfaciant, priusquam ipsa talia actu euadant. Non enim credo Galenus dicet, quod piper, eruca, aut thlapsi, in acres & uitiosos humores uertuntur, priusquam corpus immutent. Nam ipso dicente, quæ purè medicamenta sunt, nusquam talem elaborationem à corpore patiuntur. Iam eadem medicamenta foris apposita, atq; intrò assumpta eodem modo corpus incalfaciunt, & tamen foris nullam substantiæ mutationem subeunt: forè ergo integra manent: sed nescio quid amplius caloris conquirunt, quomodo & multa alia calida minimo accepto initio, in ignem conuertuntur: atque hoc quidem argumentum est, in quo Galenus fudit quàm maximè. Atqui ipse, si uelit, à nobis uicissim audiat, quod id tantum illis contingit qui formam mutant: nunc medicamenta apposita, etiam si ulcerent, tamen priorem faciem retinent. Amplius quæ hic mutata sunt, omnibus apparent talia. Verum siue xinxiber, siue piper, siue aliud quiddam calidum quispiam manderit, ipse quidem eius calorem sentit: sed siue in suam siue alterius manum expuerit, nullū penitus calorem exhibet. Quod si emplastra quedam detracta feruida apparent, non diu ipsum feruorem retinent, sed auulsa statim deponunt, manifesto argumèto, quod ipsa nequaquàm pro sua natura accensa sunt, sed ex fotu corporis  
r illum

illum calorem obiter sint sortita, alioquin ad naturam semel relata, illum diutius, imò perpetuo retinerent: quippe & aqua semel refrigerata, non ultro, sed duntaxat alterius fervore accenditur: at medicamentorum calor iterum facillime, & brevissime, idq; per se, extinguitur. Quos circa certum est, quod is nequaquam naturalis, sed accidentalis existit. nam ipso dicente, facile perit acquisitiuus affectus. Nō ergo hæc medicamenta aliam naturam induerunt, sed per accidens talia evaserunt. Fortè calcem mihi obijcietis (nil enim dissimulare vobis) quæ licet incallescata, tamen & ipsa tandem extinguitur, utque ultro refrigeratur. Verum id nequaquam subito evenit, sed longo post tempore: fortè distillata quæ erat in ea portione calida. Sed neque in hoc multum debent considerare nostri aduersarij: nam si pergant contendere, fortè & in ipsa calce, nedum alijs medicamentis, calorem accidentalem faciunt: denique medicamenta semel refrigerata, iterum tamen apposita, rursus effervescunt, atqui calx semelextincta non amplius accenditur, & tamen semper calx etiam extincta quandam caliditatem retinet, qua corpus potest incallescere. Iam & calx & alia medicamenta urætia, etiam demortuum cadaver incalfaciunt, exiccant & ulcerant. non est ergo verisimile, quod sui caloris aliunde atque à nobis initium sumant. Minus est credibile, quod in medicamen-

tis frigidis calor latentem frigiditatem exuscitet. Fortè ut calx aqua accenditur, ita frigida contendes provocari à calidis. Sed alibi, credo, diximus, quòd hoc potius debetur humiditati aque, quàm frigiditati, quomodo forsitan & in hecticis calore ac cibo efflorescit. Presens est argumentum, quòd non solum hoc facit aqua frigida, sed & tepida & calida. Quòd si quispiam tam pertinax sit, ut hæc omnia impudenter asserere ausit, non tamen puto, & de medicamentis siccis, fortè in secundo aut tertio dicet, quòd hæc omnia in pulverem & scrobem attenuari debent, priusquam quicquam exercent: quoniam multi succi manifestè exiccant. Hæc ergo omnia proficiuntur ab indicibili quadã proprietate, quæ rursus cœlestem sequitur facultatem. Eòdè & illud pertinet, quòd quedam in corporis nostri substantiam abeunt, quedam longissimè discedunt: neq; aliam rationem reddere possis cur quedam in calidiorem, quedam in frigidiorum humorem abeunt. Non enim ob eam causam aues quedam calidum sanguinem gignunt, quia viue erant admodum calide: sed quia talem facultatem à cœlestibus sint sortitæ. Nam in mortuis manifestè calor decessit. Sed & unum alterum altero calidiorem sanguinem facit, & tamè utrunque existit frigidum. Igitur & eorum quæ syncerè medicamenta existunt, potentia ab astris, non autem elementis proficiuntur: ac si

r   z   uerum



uerum uelimus dicere, & clarè loqui, nequaquā  
temperamentum, sed facultates appellabimus:  
nec mirū, si sint occultæ: talis enim est & ipsorū  
qualitas unde oritur. Nam neque sol caliditatē,  
neq; luna humiditatem manifestam in se habet:  
quamuis luna humectandi, & sol calefacien-  
di uim quotidie ostendat. Neque has tantum po-  
tentias, sed & multas alias, quas uulgus indici-  
biles proprietates appellat, ab his procedere cer-  
tum est, formam uerò fortassis ab utrisque, &  
ab elementorum complexione, & cœlestium con-  
ditione. Quare uerum non erit, quod multi has  
etenus putauerunt, proprietatem nihil aliud esse  
se quā indicibilem temperaturā, aut id solum,  
quod temperaturam continenter sequitur. Nam  
cœlestium rationem etiam comitatur, atq; hoc  
est quod à physicis dictum, Homo hominem gene-  
rat & sol. Elementa fortè inuitis astrologis tem-  
peraturam sibi uendicant, astra uerò reliquas  
potentias, ac magna ex parte ipsas proprietates:  
qua de causā euenit, quod sensum subterfugiāt.  
Nam, ut diximus, nulla in astris caliditas mani-  
festa, aut frigiditas reperitur, sed potentia tan-  
tū. Eodem modo medicamentorum potentie,  
neque euidentēs neq; elementares, sed diuinitus,  
hoc est, ab astris apparent ingenitæ, quæ tamen  
à primarijs suis causis differunt, quod hæc quæ  
cœlestes sunt, ubique suæ facultatis specimen  
edunt: sed quæ in medicamentis habitant, non  
nisi

nisi tandem suam potentiam insinuant. Nec mirum id est, quoniam potentie medicaminum in cœlestibus nec eadem nec æquales omnino sunt. Omitto nunc, quod neque sol semper ipse nos incalfaciat: potest enim nubibus impediri. Situs etiam eius quo nos respicit, plurimum momenti habet, tantum abest ut medicamentorum secunda potentie semper suam facultatem prodere debeât. Sed fiunt hæc omnia pro diuersitate potentiarum, quæ in astris aliam atque aliam comparisonem habent. Iustum tamen est problema, ecquid hæc mirabiles uirtutes potius plantis & Lipidibus quàm ipsis animalibus insint, nunquid ob eam causam id euenit, quia animantia sensibus, inanimata uerò obnoxia cœlestibus? Ita & irrationabilia animantia magis præsentunt tempestates, quàm rationabilia. Iam ne id quidem uerum est, quod ijs uirtutibus omnia carent. nam & ex animantibus multa medicamina accipies, ex homine tamen paucissima. Neque nunc quicquam (puto) reliquum est, quod hanc nostram opinionem redarguat, quod saltè ex ijs quæ nunc diximus, non possis clarè discernere. Galeni uerò opinionem satis suspectam faciunt tot impedimèta, in quæ ipse impingit, ac à quibus per multos labores & diuerticula sese tandem asserere nequit: nimirum uerum nõ nisi uero consentit, sed falso omnia uera dissident ac dissentiunt, ex quibus erroris phantasiã facis

le colliges: atque hæc nunc nobis sufficerent, sed propter tenuiores atque imbecilliores præstat ut & singulatim singulis orationis Galeni prosequamur particulas.

A C maxime quidem propriè sola ea potestate esse dicimus, in quibus natura ipsa suoapte impetu ad absolutionem uenit, utique si nihil ei extrinsecus impedimento sit.

Ergo iuxta ipsum medicamenta propriè non dicentur hoc modo calida aut frigida: non enim ultro ipso dicente has qualitates assequuntur, sed aliunde aliquod momentum nacta demum accenduntur. & fortè calida à calore suum in corpore initum accipiunt. sed unde precor frigida aut sicca? nunquid & ijs calor noster principium siccitatis aut frigiditatis donabit?

P R A E T E R E A quæcunque fientium (ut sic dicam) continetes materiæ sunt: nec refert continetes, an conuenientes, an proprias dicas: quippe quæ ex omnibus indicetur quod propinquum est, quodq; nec alia intercedente mutatione sic dicitur: uerbi gratia, cū sanguinè potestate carnem appellas, quoniam minimam mutationem ad carnis generationem requirat. At non qui in uentriculo habetur concoctus cibus continens carnis materia est, sed prius sit sanguis oportet. Longius etiam absunt maza & panis

nis, quippe quæ ut caro fiant, certas sui mutationes requirant. Cæterum hæc quoque omnia potestate caro dicuntur. Etiam ante hæc ignis, aer, aqua, & terra. Etiam horum ipsorum communis materia. Atque hæc quidem omnia magis minusue loquentibus ab usine nobis dicuntur.

*Nec hic quidem modus medicamenti conuenit, sed uictui, qui nunc in calidiorē, nunc in frigidiorē sanguinem uertitur.*

PRIMVS autem modus eorum, quæ potestate esse aliquid dicuntur, maxime est proprius. Proximus huic est eorū quæ sunt propinqua materia, ueluti si fumidam exhalationē flammam esse, aut halitum aerē potestate dixeris. Dicitur autem aliquando potestate esse, et quod ei quod ex accidenti dicitur, est ex aduerso positum: ut si carnosus quis inuenis in frigida lauationem corpus eius ex accidenti, nō ex propria potestate, calfacere dicat. Ergo tot modis etiā potestate calida, frigida, humida, & sicca dicuntur.

*Hic solus tertius modus, purè medicamenti conuenit: propterea mirum est, quod Galenus medicamenta potius ad secundum modū, quam hunc referre uoluerit.*

DVBITABITVR quoque non absurdè, cur castoreum, nē euphorbium, uel  
~~pyrethrum~~ pyrethrum

pyrethrum, uel struthion, uel nitrum, uel myfi calida esse dicamus. Rursus lactucam uel cicutam, uel mandragoram, uel salamādrā, uel papauer frigida: utrūne sub prædictis iam modis compræhendantur, an alia quapiam ratione dicātur, quæ dicta nōdum sit. Bitumen nanque, resina, & seuū, & oleū, & pix calida potestate sūt, quod utiq; energia calida celerrimè fiant. Etenim celerrimè inflammantur. Præterea cum corporibus nostris admouentur, ea manifestè calfaciunt.

*Non est unum genus medicamentorum calidorum, sed quoddam est quod promptè in flammam uertitur ac ignem, atq; id est quod sine controuersia potestate calidum autumat.*

A T chalcitis, myfi, sinapi, nitrum, acorion, meon, costus, & pyrethrum, cum nobis sunt admota, calida uidentur, alia magis, alia minus: non tamē sunt idonea quæ in flammam uertantur. An igitur seipsos fallunt qui id solum æstimant? Nunquid aliqua nō facile in flammam transmutētur? quos utique nō sic, sed an non uertantur in prunam, æstimare oportebat: cū sit pruna ignis non minus quā flamma. Hoc tamen discrimine, quod aëre uel aëreo quopiam in ignem mutato, flāma: terra, uel terrea re aliqua accensa, sit pruna. Atque hæc

nus

nus quidem consentire secum sermo omnino uidetur. Siquidem uidentur medicamenta ea quę ubi ignem attigerint, facile accenduntur, nos quoq; excalfacere, nisi si quod propter crassitiem intra corpus non facile assumitur. Disliceretur enim de ijs latius in libris de medicamentorum uiribus.

Hoc est secundum genus, quod licet prædictis sit calidius, multo ægrius tamen in flammā uertitur, propter quę in definitione potestate calidiorum, non tantum addidit ea quę promptè uertuntur in flammam, sed & ea quę in prunam. Verum hæc responsio nullo modo tolerari potest. nam frigida medicamenta quedam nihilo segnius in prunam uertuntur, quàm hæc calida, scilicet calamus cicutę nihilo difficilius quàm urticę in ignem uertitur. Sed neq; apud se Galenus fuit, cum hæc responderet. nam iuxta suam hypothesim nõ est necessariũ, ut statim in ignem uertantur, satis est ut quouis alio modo euadant calida.

QVÆ CUNQVE tamē medicamenta nostrum corpus excalfacere uidentur, ea promptè uertuntur in ignem.

Id manifestè falsum est. nam calx multo difficilius accenditur, quàm calamus auenę: aut ordei, quàm uinum, aut etiamdum ipsum mel.

At quomodo igitur inquirunt tangentibus nõ sentiuntur calida? Hoc haud scio

cur dicant. Nam si energia ac iam nunc calidum esse prædictorum quodque dicemus, profectò mirari liceret, quomodo tantis gentibus non appareant calida. Nunc quòd possint facile calida esse, idcirco ea potestate talia uocamus. Itaq; nihil miri, si eos qui se tangunt, nòdum calfaciant. Veluti enim nec ignis ipse augetur, priusquam uicta ab eo ligna sint mutata: quod aliquo temporis spatio omnino fit: ita nec animantium calor à medicamentis, nisi illà prius ab ipso sint mutata.

*Ista posset esse ratio, cur non sentiuntur calida ab initio, uerum ubi ceperunt semel incalfascere. Si quidem, ut ipse dicit, in illis calidum elementum exuperet, debebant & quoduis aliud corpus incalfacere: At qui ecòtrario euenit. nam piper, zinziber licet commansum, sed exputum, tamen sentitur frigidum.*

QUI P P E alio genere calefit is, qui ab igne uel sole intepescit. alio is qui à prædictorum quouis medicamentorum. Illa nanque actu sunt calida, medicamenta nequaquam.

*Id manifestum est mendacium, & contra omnium physicorum sententiam, qui disserunt, (& est uerissimum) quòd corpora cælestia sint omnis qualitatis expertia: & quomodo ergo sol actu calidus est? Igitur si quidem ex elementis*  
hanc

*hanc facultatem medicamenta obtinerēt, talia omnino sentiri deberēt: sed nunc cōtrā ex astris acceperunt, quapropter more suarum causarum sensum ludent.*

ITA QVE nec calefacere nos ualent prius quàm actu talia fiant. Ac quòd actu talia sint, id à nobis accipiunt, ueluti sicci calami ab igne: ita uerò & ligna ex sua quidem natura frigida sunt uniuersa, sed quæ ficciora sunt, & gracilia, ea facile mutantur in ignem. Quæ humidiora sunt & crassa, spatium egent maiore. Nihil igitur miri est, si medicamenta quoque primam quidem in parua & tenuia frangi postulant: secundo loco ut tempore aliquo, tametsi minimo, corpori nostro quo calida fiant, sint adiuncta. Tu uerò si ea nec cōminuta, nec prius calfacta, calida tamē iam fieri censes, quid significet quod potestate calidum dicimus, parum mihi meminisse uideris. Sic enim ea exploras, tãquam energia sint calida. Sed nec illud mirum, si quo recalfaciāt, calefieri ipsa prius postulent, cum idem fieri cernatur & in lignorum exemplo. Quippe hæc uanescentem aliàs morientemque flammam tum seruant, tum uerò augent, dum ab hac ipsa prius calefiunt. Nō est igitur alienum calorem qui in animantibus habetur, eiusmodi medicamentis quasi alimento



mento quodam uti, quemadmodum ignis ligno. Quippe id ita quoque fieri cernimus.

Prius conquesti sumus, quòd Galenus omisit dicere, quidnam sincere medicamenta patiantur, quando actum similem potentia beneficio corporis nostri accipiunt. id nunc tentat dicere. fragi enim & digeri ea primum dicit: paulopost enim corrumpi, si fuerint calida. sed neq; ibi in quid corrumpantur dixit. est tamè uerum, quòd medicamèta non statim corpus nostrum demutant, sed postquam nonnihil à calore nostro fuerint elaborata, atque in corpus nostrum digesta. non enim ultro in ipsum rapiuntur, sed à uirtute nostra attrahuntur, nisi natura nostra abhorreat: quapropter medicamenta praesertim uenena egrè eò transeunt, nisi illorum facultas alijs deliniatur, atque adeo ijs quæ subtilè essentiam habet. Ex eodem est quod à quibusdam dicitur, uinum lymphatum aliquàdo intimius infrigidare, quàm ipsam aquam. Quòd autè ea quæ sunt sua natura tenuia, citius in corpus agant, quàm crassa, per se notum est. & forsitan quia calidum conformius naturæ est, quàm frigidum, atque tractu facilius, factum est ut medici medicamenta omnia exhibeantur egelida, ac sub lactis tepore: ueruntamen iuxta Galeni opinionem hæc promissio in frigidis utilitate caret, & generatim melior est Galeni, ac ante illum Hippocratis

procratis consuetudo, qui oximel, & reliqua tempore æstatis propinant frigida, hyeme uerò calida, ut pensetur temporis iniuria. Sed ut ad propositum reuertamur, licet medicamenta intrò sumpta subinde has mutationes patiantur, non tamen ubique est necessarium. nam uel in uentre integra suam uirtutem exercent, atque eo magis quo manent integriora. Quare non est tam uerum, quàm uulgo dictum, medicamenta priusquam actum suum prodant, ipsa à corpore nostro quodammodo laceSSI, aut à corpore nostro in actum traduci. At ut hoc in calidis medicamentis eueniat, in frigidis non est necessum. Sed neque in calidis perpetuum, quum quædam medicamenta in cadauer agât: & calx nihil minus in mortuū corpus ferè possit, quàm in integrum.

S I uero perfrigerato corpori eorū quod uis quantumuis diligenter comminutum inspergas, prorsus nō calefit. Proinde quæ refrigeratæ partes sunt, eas eiusmodi medicamentis plurimum perfricamus, unà calorem perficiendo excitantes, unà rarū, quod prius frigore fuit densū, reddentes: quo scilicet tum introrsus pharmacū penetret, tum naturali animantis calori coniunctum mutetur ac calefiat. Quippe cuius si particula quædam uel minima calorem energia concipiat, hunc deinde in totum per continuitatem porrigat, perinde ac si ex parua  
 i c i n t i l

scintilla tedam summo tenus accendat. Si-  
quidem hanc uniuersam facile depascitur  
ignis, nihilo amplius scintillam requirens.

Vulgo dicitur, quòd actus medicamentorum  
quodammodo sint sopiti, nec antea corpus no-  
strum exerceant, quàm à natura ipsa prouocen-  
tur atque tententur. Sed paulò antè dictum est,  
quòd id ipsum perpetuum non est. Sed neque il-  
lud uerum est, quòd medicamenta nihil agunt  
in corpus refrigeratum. nam & in cadaver mul-  
ta suam uim exercent, & herba quadam ex pro-  
ximo hepate sanguinem duxit.

A C quicquid potestae calidum est, huic  
nòdum in natura sua calidum frigido præ-  
pollet, sed in propinquo est ut præpolleat,  
adeo ut breuem opem quo uincat, extrin-  
secus requirat.

Id ipsum quoque ratione caret, quòd in omni-  
bus medicamentis natura calidis dicamus exu-  
perare, aut propè esse ut exuperet elementum ca-  
lidum: nemo enim in bitumine, sulphure negabit  
multis partibus frigidum exuperare calidum.

HANC illi modò frictio abunde præ-  
stare potest, modò uel ignis, uel corporis  
alicuius calidi contactus.

Nequaquam id facimus, quasi calor huius  
medicaminis uim prouocet, & accēdat: sed quia  
frigiditas illius insinuationem prohibet. facilius  
enim facultas medicamentorum insinuat per

rarum

*rarum quam densum, calidum quam frigidum.*

NON est igitur tam arduum rationem, reddere quid causæ sit, cur alia protinus ut corpus nostrum contingere, recalfacere id possint, alia post longius id efficere spatium. Quippe ex ijs quæ igni appropinquât, alia statim accenduntur, ueluti elychnium, & tenuis teda, & pix, & siccus calamus: alia nisi diutius sunt admota, non uincuntur, sicut uiride lignum.

*Nescio ad quod ista propositum. certum tamen est, quod unumquodque eo citius incalfacit, quo est natura calidius, aut etiam tenuius.*

ILLUD potius definiamus, cuius utiq; demonstratio, cum de naturalibus potentijs agemus, tradetur. Ex hypothesi nunc quoque propositorum causa, eo uremur, quatuor nimirum dicentes totius corporis proprias facultates esse, unâ idoneorû tractricem, alterâ eorum omnium retentricê, & tertiam alteratricê, & quartam quæ alieni sit segregatrix, easdemq; facultates effectus esse totius in quouis corpore substantiæ, quâ etiam constare ex calido, frigido, humido & sicco inter se mixtis dicimus.

*Appetitus ad alterationem refertur, digestio quoq; siue maior distributio, ex alteratione quoque & expulsiōe componitur: quapropter primariæ facultates non nisi quatuor remanent. Videtur*

*detur præter rem id dixisse, sed occasio prius dicta est, ut ostendat scilicet, quid medicamentum, & rursum quid patiat in corpore nostro noxamentum.*

V B Igitur corpus unaqualibet earum, quas in se habet, qualitatatum, corpus quod sibi admouetur demutat, nec ipsum hoc casu tota substantia existimandum est agere, nec quod ab ipso mutatur, posse ei assimilari. Quare nec unquam nutritur, quod ita mutatum est id quod se mutauit. At si illud mutet, id est, si tota substantia operetur, utique tū sibi assimilabit id quod mutatur, tum ab eo nutritur. Neque enim aliud nutritio est, quàm assimilatio perfecta.

Rectè admonet Galenus alterationem atque adeo ipsam corporis mutationem fieri bisariam. Altero modo, dum ipsa qualitas rei adhibita mutatur, scilicet quando refrigeratur, incalescit, aut etiamdum humectatur. Altero uerò, quando ipsa substantia quoque mutatur. Atq; id rursum dupliciter accidit: uel enim corrumpitur, aut in substantiam eius, quod ipsum mutat, uertitur. atque qualitas ipsa sola forsità caliditas utranque priorem mutationē facere potens est. potest enim quod frigidum est incalfacere, ac etiamdū omnino corrumpere, non tamen potest totam substantiam sibi similem transferre. quidnam tamē hoc præstet, Galenus aperte non dixit: tantum  
in hoc

*in hoc loco corpus sua tota substantia obiter agere enunciauit, ubi reliquam substantiam in se transformat: nec in promptu admodum est, quippe ipsa substantia, siue materiam, siue formam intelligas, nulla actione prædita est, sed tota aformatio, assimilatio, nutritio penes calorem naturalem est: non tamen id ex se habet, sed proprietatibus quibusdam naturalibus in corpore nostro institutus, ac (ut ita dicam) eruditus. secus enim ut calor proximum corpus incalfaciat, non tamen in se demulabit: atque id subinde accidit propter magnam contrarietatem eius corporis in quibusdam conditionibus, quam non potest euincere.*

*QVONIAM autem hoc definitum est, inde rursus incipiendum. Omne animal conueniente sibi nutritur alimento. Conueniens autem cuique alimentum est, quod assimilari corpori, quod nutritur, potest. Oportet ergo toti nutrientis substantiæ cum tota nutriti natura communio aliqua similitudoque sit, prorsus hic quoque non paruo excessus defectusque subsistente in ipsis discrimine, cum alia magis consentientia similiaque sint, alia minus.*

*Dictum est ab antiquis Philosophis iandum, Formam non recipitur, nisi ab idoneo. Agentis etiam atque patientis necessaria est similitudo, aut potius communio: atque ipsa prima sub-*

*stantiæ*

stantia siue materia omnibus eadem est, sed uariè instruitur, atq; informatur: idq; primum quibusdam qualitatibus primis pro diuersa temperatura elementorum. ob has causas neq; ignis in aquam, neq; aer in terram continenter transire potest, dum duabus qualitatibus dissidet: sed ignis primum in aërem, aër in aquam abit: quòd siquidem frigida & sicca continenter corporis nostri substantiam subeant, utpote cichoreum, ac similia, priorem rationem nondū redarguūt. non enim hæc sincerè talia sunt, siue potentiam, siue actum spectes, sed humiditate aliqua permixta. Hinc est quòd recentia ac uiridia magis nutriunt, quàm uetera aut exiccata. Non tamen ea contrarietas, quæ in duabus qualitatibus spectatur actu aut potentia, sola continentem mutationem impedit. nam sunt quedam calida & sicca (si quidem potentiam æstimes, quam nunc sub reliquis qualitatibus intelligo) quæ multo difficilius quàm frigida & sicca in substantiam corporis nostri transeunt. ergo præter contrarietatem, quæ in qualitatibus aut etiamdum potentis est, tertio eam æstimare oportet, quæ in alijs spectatur proprietatibus. nam & hæc assimilationem suæ substantiæ frustrari possunt. non est enim assimilatio penes incalescentiam aut infrigidationem (ut diximus) sed penes totius substantiæ, hoc est, qualitatis ac temperaturæ in omnibus conditionibus transmuta

mutationem. atque huius quoque diximus non est artifex simplex qualitas, sed calor naturalis, nequaquam syncerus, sed multorum naturam referens, fortè etiam astrorum, conditione determinatus: ac sic quicquid illi simile est, transformare, atque in suam substantiam effigiare didicit. Non proditur ergo hæc similitudo semper externis qualitatibus aut internis potentijs, sed experientia & longa consuetudo oportet discere.

PROINDE etiam alia conficiendi opere ualentiore ac diuturniore, alia minore ac breuiore egent: auium caro minore, suilla maiore: bubula etiam hac maiore. Vinum uerò ut assimiletur, mutationem desiderat minimam. Quo fit, ut tum nutriat, tum roboret celerrimè.

Per accidens id euenit. Nam caro suilla cum corpore nostro maiorem habet affinitatem atque similitudinem, quàm uinum: sed uinum rariùs: suilla uerò solidior est. Itaque & difficilius in sanguinem euadit, atque tardius nutrit. Eadem ratio est de ouilla & similibus.

PORRO id quoque in concoquendi instrumentis, uentriculo, iecinore, & uenis prorsus aliquandiu traxerit oportet, in quibus scilicet præparatū nutrire corpus iam queat: antè uerò quàm in his sit demuta-



tum, fieri non potest, ut animalis corpori sit nutrimentum, ne si per totum diem ac noctem extrinsecus super corpus sit impositum. Multoq; minus panis, uel beta, uel maza foris imposita nutriat.

*Hoc non est simpliciter audiendum, sed de nutrimento extremarum partium: alioquin uentriculus hepatis nutrimento non eget, sed utrunque uiscus suo more confecto contentum est. arguit hoc hepatis atque uentriculi substantia. Iam nisi saturaretur utrunque uentriculus suo succo, sed expectaret aliunde sanguinem, perpetua ferè fames urgeret. Omitto hinc sequi, quòd ipsum hepar per intellectum attraheret, atque uenter mitteret: siquidem uenter antequàm saturatus esset, remitteret, uel hepar alijs potius quàm sibi attraheret. tamen aliquando, sed raro in inedia longiore aliter euenit.*

A C quæ quidem assimilantur, omnia nutrimenta nocantur.

*Non simpliciter, sed quæ nulla insigni aut cui dente qualitate corpus mutant: alioqui non tantum nutrimenti, sed & medicamenti rationem participarent, etiamsi quàm maxime nutriverent.*

**RELIQVA** omnia medicamenta.

*Quæ aut nullum, aut certè effatu indignum alimentum exhibent, sed corpus nostrum manifestè altera, tantum medicamenta dicuntur*

*tur, quorum substantia, proprietas, aut conditio a corpore nostro amplius disidet, quam quæ in substantiam nostram commutari possit.*

*E S T* porro & horum natura duplex. Quippe uel eiusmodi sunt assumpta, eiusmodi etiã permanentia uincunt, corpusq; mutant ad eum modum quo id cibos. atq; hæc prorsus tum uenenosa, tum naturæ animalis corruptricia medicamenta sunt.

*Partitur medicamenta in frigida, & calida: ac primum desinit frigida, non quidem omnia, sed quæ in quarto ordine talia sunt, ac etiamdũ uenenata. Hæc putat frigida assumpta nulla ex parte, uel usque ad teporem posse incalferi. Imò quòd uel calida assumpta statim omnem teporẽ exuant. Atqui ego utrumque falsum arbitror. nam parua illorum quantitas aliquando à nobis contemnitur, sed & magna tandem studio ac consuetudine in alimētum uertitur. Imò quo calidiora quoque exhibentur, eo celerius intereunt, quamuis necessariò hæc serius ad genuinã naturam redeunt. Sed & hoc contingit aliquãdo, quòd reliqua medicamenta frigida in secundo aut tertio ordine corpus nostrum euidenter refrigerent, tametsi ipsa egelida permaneant: quippe aqua multos dies calida ebibita, & calida excreta, tamen hominem refrigerat. Sed neque cogitari potest, cur in calido corpore potius*

quàm frigido egelidum medicamentum euadat  
frigidum.

V E L mutationis initium ab anima-  
lis corpore consecuta deinceps iam pu-  
trefcunt ac corrumuntur, deinde cor-  
pus quoque unà corrumunt ac putrefa-  
ciunt. Sunt autem hæc quoque noxia ue-  
nena.

Hæc calida sunt uenena. Videtur autem Ga-  
lenus uelle diluere argumentum illud, quod  
non patitur medicamentum alteri impartiri  
calorem ultra se, & propterea medicamen-  
tum, quod antè erat parum calidum in cor-  
pore corrumpi cogitat, atq; deinceps magnum  
aliquem calorem concipere, quo totum cor-  
pus nostrum similiter afficit. Verum hic bis  
peccat. non enim medicamentum ipsum, sed  
corpus nostrum primo corrumpitur. Secundo  
falsum est, quod nullum medicamentum ali-  
ter corpora nostra afficere potest quàm ipsum  
est affectum. etenim corpora cœlestia incalsa-  
ciunt inferiora, quædam etiam refrigerant, ni-  
hil tamen illorum simpliciter, atque actu calis-  
dum est, uel frigidum.

E S T his etiam amplius tertia medica-  
mentorum species, eorum nimirum quæ  
corpus recalfaciunt quidem, mali tamen ni-  
hil adferunt.

Hæc sunt medicamenta, in primo, secun-  
do

do, & tertio ordine calida, quæ & ipsa corpus importunè accepta uitare possunt: uerum ubi suo tempore accipiuntur (id enim in dictione Galeni subaudire oportet) nihil mali afferunt, sed quod antè in corpore uitium fuit, castigant. Fateor & uenena quedā aliquādo conferre, uerum omnem suam malitiam nunquam deponunt, sed quæ ipsorum uim infringunt, admissionem semper requirunt. Miror autem cur Galenus potius calidorum, quàm frigidorum medicamentorum in hoc ordine meminit, quā par ipsorum sit ratio.

EST & quarta ipsorum species, quæ & agunt & patiuntur aliquid, sed tandem uincuntur, planeq; assimilantur.

Forſitan hic intelligit medicamentum in primo, secundo, & tertio ordine frigidum, quemadmodum prius dixit de calido. nam iuxta eum, proprium ferè medicamentis frigidis est, ut primum agant, ac secundo patiantur, hoc est, assimilentur: reuera tamen commune est & hoc medicamentis multis calidis. etenim & horum multa medicamenta sunt, & nutrimenta, atque omnino ea quæ in hos ordines digeruntur, tam calida, quàm frigida inuenies. pauca merè medicamenta sunt, plura utriusque rationem obtinent.

ACCIDIT porro his, ut tã nutrimenta  
s 4 ta sint

ta sint, quàm medicamenta.

Possumus hoc referre ad utranque speciem prius dictam, prout locos distinguere volumus, possumus ad posteriorem tantum: sed prius melius est atq; conformius: quoniam, ut diximus, tã calidis quàm frigidis cõttingit medicamentũ & nutrimentum esse, & potissima & iucundissima hæc est, ubi sufficit medicatio. quomodo autẽ id fieri possit, perscrutandum. nonnihil enim cũ primis pugnare uidetur: etenim nutrimenta cũ substantia nostra conueniunt, medicamenta uerò dissentiant. non potest autem fieri ut proprietates eadem atque diuersæ sint. In quo duplex est responsio. Potest enim pars medicamentosa integra seruari, at reliqua mutari. Melior autẽ est altera distinctio, quæ hoc de solis medicamentis uenenatis intelligit: aut quæ sincere medicamenta numerantur. reliquorum enim cum nostra substantia communio est: tametsi sanguis, qui ex ipsis proficiscitur, aut calidior, aut frigidior, aut humidior, aut siccior euadit. atque hæc tenus medicamenti rationem subit. Galenus etiam tempora distinguit, ac frigida quedã primum medicaminis, secundo autem cibi ratione oblinere putat, dum in sanguinem cõuersa sunt, quo tempore illic medicamenta esse desinunt. An de calidis idem dixisset nescio: ego uerò non uerebor huiusmodi medicamenta etiam in sanguinem conuersa, medicamenta dicere, dum cor  
pus

pus infrigidant uel incalfaciunt, prout ex ijs sanguis euadit calidior aut frigidior. Non est enim dubium, sanguinem pituitosum calidiorē euadere, si quis diu melle uictitauerit: ac frigidiorē, si lactucis. non enim tantum calorem nostrum imitatur sanguis, sed & ipsam materiā ex qua recreatur, id quod ex quotidiano hepatis munere licet intelligere. Nam ex eadem hepatis temperie alius humor hepate multo frigidior, alius multo sit calidior: & sol corpora aliter atq; aliter afficit, aliud indurat, aliud liquat, aliud dealbat, aliud denigrat, atq; uno uerbo, agēs ipsum pro diuersitate materiæ semper ferè suas habet differentias.

NIHIL autē miri est, si exiguum consecuta momētum, aliqua maximam à priorē natura mutationem habent. Ceruuntur enim huiusmodi multa in his quæ extra nos sunt. siquidē in ea Myfia, quæ est Asiæ pars, domus hac aliquando ratione confla grauit: Erat proiectum columbinum ster-  
cus, cui iam putri & excafacto ac uaporem edenti & tangentibus admodum calido, in propinquo fenestra fuerat, ita ut iā contingeret eius ligna, quæ largè nuper illita resina fuerant. Media igitur æstate, cum sol plurimus incidisset, accendit tum resinam, tum ligna. Hinc autem & fores quædam alix quæ propè fuerant, & fenestræ nuper

s s

etiam

etiam resina illitæ facile ignem conceperant, atque ad tectum usque summisserant. Vbi autem à tecto semel accepta est flamma, celeriter in totam domum est grafata.

Vndique Galenus exempla acquirit ad ostendendum propositum: atque in his sibi maxime placere apparet: quibus ego miror quod uti uelit. nullo enim modo cum presenti argumento conueniunt: quippe medicamenta eadem ferè in corpore perseverant, at quæ accenduntur, specie mutant: quapropter admirandum non est, si quidem ipsorum caliditas promouetur. Nam & uiridia ligna accendes, nedum sicca, tametsi nemo ea cadida dixerit.

H O C arbitror modo aiunt, & Archimedes hostium triremes ardentibus speculis incendiisse. Porro succenditur his præter lana, stupa, elychnium, ferula. Quicquid denique similiter his ficcum, rarumque est.

Hodie hæc est circularis & triuialis experientia ac ostentatio.

F L A M M A M edunt & lapides attriti.

Hæc experientia iusta eget inquisitione. incertum enim est quomodo durorum corporum attritus calorem aut flammam excitet, an ipsam duntaxat excutiat, an recentem ex ipsis generet.

ret. atq; id quidem uerisimilius. Interim tamen est admirabile, quod tam promptè motus ipsa potest incalfacere, atque in ignem manifestum transmutare, præsertim cum natura frigida & sicca sint, atque omnis propemodum caloris expertia. Forsitan aër qui in ipsis continetur, attritu in ignem uertitur, atque id ex eo apparet, quia eo promptius ignem edunt, quo sunt duriora.

ATQVE hoc magis, si quis illos sulphure illenerit.

Parum refert, sed cautè hoc Galenus adiecit, ut exemplum illius maiorem uim obtineret. nã quod simplex lapis aliquando ex parte in flammam uertitur, nullo modo medicamenta calida promptè accendi arguit, quum contrà lapis sit frigidus: imò, ut prius diximus, quedam frigida celerius quàm calida attritu incalfaciunt, si forte hæc mollia, illa dura.

EIVS MODI erat medicamentum Medæ. Quippe quod quibus est illitum, omnia, ubi in id incidit calor, accendit. Constat id ex sulphure & humido bitumine. Iã illud ceu rem mirandam quidam ostendit: extinxit lucernam, & rursus muro admouens accendit. Alter lapidi eam admouit. fuerant autè tū murus, tū lapis sulphure cōtacti. Quod ubi depræhensum est, desijt mirum uideri, quod ostendebatur. Ergo omnia.



id genus medicamina perfectè, calida adhuc non sunt; aptissima tamen, ut calida fiant. Atque idcirco potestate calida dicuntur.

Hoc exemplum conformius, est tamen eiusdè farina ferè cum primo. neque enim uel hic suapte sponte bitumen aut sulphur inflammatur, sed à colore solis incenditur. nihil ergo nouum hac similitudo arguit: quoniam calor solis, ut ignis, quedam in flammam uertit. Magis hoc exemplum est cibi, qui in sanguinem pro sua natura uertitur priore calidiorem, quoniam speciem mutat.

A C de ijs quidè nulla est dubitatio, sed nec cur uinum bibitum quidè ualenter corpus calfaciat, cuti autem impositum non calfaciat. Mōstratum enim suprà paulò est, id non simpliciter ut calidum medicamentum, imò ut conueniens nutrimentum calfacere animal. Tanquam enim ignis idoneum alimentum ignem ipsam auget, ita quicquid corporum natura calidorum proprium & naturale est nutrimentum, id ea semper nō solum roborabit, sed etiam infitum eorū calorem augebit. Atque id quidem omnis nutriti communi effectus est. Vino autem præter cetera proprium ac suum est, mutationis celeritas: ita utiq;, ut redæ, elychnij, stupæ, picis.

Non

mentis. glossa d  
 oru aelep ynoest o  
 io 4. s. no. 5.

Non uidetur nutrimentum & medicamentum eadem potentia dici calidum. Nam medicamentum quia incalfacit, nutrimentum uero quia in calidum sanguinem uertitur. Videtur autem eadem fere utriusque constitutio, & ab astris, non autem elementis, sua ingigni potentia. quod manifeste in uino apparet: aliquid tamen & elementa uariant. Nam ut unaqueq; auis uiua uel actu est calidior, ita ex ipsius carne sanguis quoque euadit feruidior. Hæc ergo taliter eueniunt ex materia promptitudine, quippe hoc modo & cholera quæ in corpore nostro quotidie suboritur, ipso etiam hepate calidior existit. & ex unoquoq; cibo quatuor humores oriuntur. nihil enim (quod sepe diximus) tam simplex est, quod non sit quadruplex. Effrigiatur autem unaqueq; eius portio à calore prout idonea est: calida quidem plerumque in bilem euadit, etiam ipso calore calidiorem: atque huic propemodum simile est exemplum, quod Galenus attulit, ubi calor solis flammam suscitatur. non est enim dubium, quin flamma radijs, qui ipsum accedunt, calidior est. nec motus qui ex lapide ignem manifestum excutit, similem calorem obtinet. Numquam tamen Galenus ob causas quas diximus, hoc exemplum demonstrationi suæ de medicamenti poterit accommodare.

I A M uero ab ignis exëplo non digressi admoneamus rursum de lignis humidis, quæ

quæ ipsa quoque ignis nutrimentum sunt. Cæterum non statim aut continuo, eoq; sæpenumero igni iniecta non solum flammam quasi sopiunt, sed si imbecilla est & parua, corrumpendæ quoque eius periculum afferunt. Sic profectò & in animalibus cibi qui uti prorsus assimilentur, & corpus nutriant, spatio egent, hi frigus uniuersi potius quàm calorem adferre in præsentem uidentur. Cæterum calfaciunt hi quoque tãdem non secus ac reliqui cibi, si semel ut corpus nutriant, sint consecuti. Omne enim nutrimentum, quatenus nutrimentum est, animalis calorem auget. At si deuoretur quidem ut nutrimentum, nec tamen superetur, id erit quod Hippocrates dixit, nomine quidem nutrimentum, re autem minime.

*Hoc manus arguunt: nam ferè in principio frigescunt, præsertim si corpus natura fuerit frigidius, maxime autem si & cibus refrigerandi potestate sit præditus: in his enim uix tandem calor renocari potest. at quibus natura calidior est, statim exurgit: quod si & uis ætus feruidus fuerit, iam manus quoque confestim ardent. Nam tametsi posteriùs in sanguinem excoquitur, subtilissima tamen eius pars promptè in spiritum uertitur, in quo maxime calor habitat. Propterea nescio quid illis*

illis in mentem uenire potuit, qui frigidas manus mox à cibo calidi uentris argumentum statuunt: nam præsens comparatio hos euidenter refellit: quum & ignis quo minor sit, eo diutius à lignis supprimitur ac suffocatur. Ratio uerò, quam illi adijciunt, omnino absurda est, nec ullis ualidis argumentis fulta. putant enim ad cibum uentre exceptum, quam primum calorem naturalem accurrere. atque hi calorem naturalem animal faciunt, non quidem simplex, sed intellectu præditum. nam omnino calor, qui in extremis corporis partibus hærebat, intelligere debuit, hoc ipsum utile esse. Veredario etiam uno atque altero opus erat, qui iamiam cibum in uentre esse nunciaret: ac fortè is à uentre missus erat, ut uires subsidarias contraheret. Nec putet me quisquam ista dicere derisionis gratia. nam reuera hæc dicere oportet, si quidem ita sponte calor ab extremis ad uentrem regurgitat. Puerilia igitur sunt hæc omnia, neq. longiore disceptatione digna: quando calor tantum naturaliter agit, à natura tamen prius institutus est, ut illum intellectu quodam omnia obire credas. sed si rectè inuestiges per omnia naturales tanquam illius causas inuenies, sicut ibique nos reddimus. Nam & id mirabile apparet, quomodo uenter non tantum sibi, sed uniuerso corpori



corpori appetit sufficientia atque similia. Diximus autem centum huiusmodi in diuersis locis ab alijs nusquam annotata: nunquam tamen ali quid tale in proposito quis inueniet, quò calorem naturalem ab extremis ad internum uentrem procurrere ostendat. est enim naturalius, quòd ad exteriora redeat. & hoc quoque aliquando contingit. Nam subinde cibus calorem internũ ad exteriora nõ segnius pellit, quàm frigida corpora affusa ad interiora. atque hic si quidem calor naturalis copiosior fuerit, alacrior reuertitur: si uerò breuior, quodammodo extinguitur. Ita nequaquam frigidi, sed e contrario ferè calidi sunt, quibus à cibo manus accenduntur, atq; id duabus de causis: uel quia multus (ut dixi) calor uentris tenuissimam uictus partem subito euincit, atque in spiritum transmutat: uel quod est uerissimilius, quia calor frigidus foras pellitur: unde si copiosus fuerit, liberalior reuertitur. Sed de ijs in nostro Plutarcho peculiarius atque longius diximus.

QUIPPE cum trifariam nutrimentum dicatur, sicut ipse docuit his uerbis, Nutrimentum est, & quod nutrit, & quod ueluti nutrimentum est, & quod futurum nutrimentum est. Quod utique iam nutrit, & corpori adiungitur, nec amplius futurum est, id propriè nutrimentum appellatur.

Nutrimentum tribus modis appellatur. Alio quando

quando id quod sua natura idoneum erat nutrimentum, sed immodica eius quantitate, aut alia corporis dispositione, scopo nutritionis excidit. appellatur autem hoc ueluti nutrimentum. Secundo quod futurum nutrimentum est talis cibus extra uentrē, propinquus est succus in uentrē, magis sanguis qui in uenis magnis est, proximus qui in paruis uenis, atque hactenus calor extenuauit, qui dum à uenis excluditur, quasi ros quidam spissior comparatur in singulis partium particulis. hic uerò etiam alias immutationes patitur, sed quia occultiores, Galenus neglexit, neoterici etiam nomina ipsis ausi sunt inscribere, secundum cambium, tertium gluten appellant, quorum perplexitatem ac barbariem libenter praterimus, quum hactenus nihil propriè alimentum sit, sed id duntaxat, quod iam iam nutrit. Talis autem est ea portio, quæ corpori assimilatur, quo fit ut assimilatio & nutritio idē sint.

IDE M uerò & corpus, quod nutrit, ex calfacit, quod reliquorum neutrum facit: quod scilicet propriè nutritiua non sint, sed alterum eorum ueluti nutrimentum, alterum tale futurum.

Copiam quidem caloris auget, ipsam uerò qualitatem subinde minuit. Scio quod & copia aliquando qualitatem intendit, sed id nunc minime proposito conuenit.

PROINDE nec uinum ipsum semper animal calfacit, æquè ut nec oleū flammā accendit tamen si aptissimum est ignis nutrimentū. Imò si imbecillæ & exiguæ flammæ confertim multum oleum infundas, suffocabis eā, prorsusq; extingues potius, quàm angebis. Sic igitur & uinum ubi plus bibitur, quàm ut uinci possit, tantum abest ut animal calfaciat, ut etiam frigidiora uitia gignat. Quippe apoplexiæ, & paraplexiæ, & quæ Græce caros & comata uocamus, & neruorum resolutio, & comitiales conuulsiones, & tetani immodicum uini potum comitantur: quorū unumquodque frigidum est uitium. Generatim enim quæcunque assumpta in corpus ut nutrimentum calfaciunt, hæc interim frigefacere depræhendas, æquè scilicet, ut flammam ab eadem materia non augeri modò, uerum etiam aliquando extingui. Atque hæc quidem omnia, tum ijs quæ de elementis, tum ijs quæ de temperamentis sunt prodita, consentiunt.

*Digna est sententia, quæ annotetur ab ijs, qui uersantur in opere. ac respondet illi quod uulgo dicitur, Vinum modice sumptum acuit ingenium, retundit autem immodicum. etenim immodica sua quantitate calorē naturalem opprimit, subinde etiam strangulat: quo fit ut potius frigidus, quàm*

quàm calidos humores ac morbos gignat. Idem est & de omni alia crapula, propterea in ijs Galenus non tantũ phlebotomiã, sed & uniuersim factas purgationes reformidat. de quibus alibi.

ILLVD fortasse dissonare uidebitur, quòd ex iis quæ ut nutrimentum comeduntur, aliqua cuti imposita, hanc erodunt, atque exulcerant, sicut sinapi, muria, allia, cæpe.

Fuit id suspectum Galeno non sine causa. nam iuxta suam hypothesim calor naturalis est, à quo primum medicamenta accenduntur. at is in internis, quàm externis maior est: caro quoque interna, quàm externa mollior, atque ad patiendũ est opportunior. Ex altero sequitur, quòd medicamentum & citius & uehementius incendatur intus quàm foris: ex utroque quòd caro ab ijs & similibus promptius interna rodatur atque exulceretur quàm externa, cuius nũc contrarium experimur, atque id est quòd nititur diluere.

VERVM hoc quoque cum positis à principio hypothesibus concordat. Etenim propterea quòd tum in uentre concocta, tum in uenis in sanguinem uersa, mutantur, alteranturque: præterea quòd uno loco non permanent, sed in multas partes diuisa quoquò uersus feruntur. Adde & quòd non solum multis suc-



cis miscentur, sed etiam cibus, cum quibus  
fumuntur. Adhæc quod celeriter eorum &  
cōcoctio & partiū separatio perficitur, ita  
ut quod conueniens in eis est adsimiletur,  
quod superuacaneū & acre, per aluū, uri-  
nas, & sudorē excernatur. Propter hæc in-  
quā omnia quod foris impositū exulcerat,  
idē comestum nō exulcerat: quamuis si uel  
unū quodlibet prædictorū accederet, satis  
esset ad ea quæ foris sunt integra seruāda:  
uerbi causa, mutatio ipsa prima. Si nanque  
non maneat sinapi, quale extrinsecus fuit,  
cum est assumptum, manifestū est, nec uim  
eius manere censendum. Quod si tum diri-  
muntur eius partes, tum purgantur, multo  
utique magis sic censendū, iam satis erat,  
quod nec eodem loci manet, cum nec cir-  
ca eam aliquid efficere posse uideatur,  
nisi diutius immoretur, sed nec mixtio i-  
psa cum multis cibus parum momenti ha-  
bet. Si enim id citra alium cibum solum as-  
sumas, facile intelliges, quantum molestiæ  
& rosionis uentriculo sit allaturum. Quin  
etiam si plurimo dulci admixtum succo cu-  
ri id imponas, quā nihil adferat incom-  
modi. Cum igitur prædictorū unumquod-  
libet per se satis prohibere possit, quo mi-  
nus sinapi quod foris facit, idem facere in-  
tus possit, multo (arbitror) magis, ubi mul-  
ta simul

ta simul coierunt. Nam & coquendo alteratur, & secernitur, & expurgatur, & cum multis alijs miscetur, & uarie distribuitur, & in omnē partem fertur, nec in ulla moratur.

*Medicamenta apposita ferè integritatem suam seruant, sed imbibitorum uarijs modis uis infringitur: non enim semper eandem formam retinet, sed extenuatione, cōcoctioneq; mitescūt. sed neque tempus illis sufficit, quo uirtutem suā altius alicui parti insinuent: quoniam sursum deorsum continuè in alias partes digeruntur, atque interim quod in illis plus satis acre est, per halitum, sudorem, urinam, atque aluum excernitur, & si quid reliquum fuerit, quod exclusionē frustratur, admistione benignioris succi in corpore castigatur, ijs & alijs quibusdam modis intro assumpta ignaua deprehenduntur, licet externis partes non parum uellicant. Nihil itaque istorum Galeni scētam hactenus uitiat. Est autem aliud, quod in hac loco non animaduertit, ac propemodum illius opinionem infirmat: quod nequaquam hæc medicamenta detracta eum calorem exhibent, quem corpori insinuant, certè non diu tanquam naturalem retinent. Lubenter autem & hoc à Galeno inquirerem, ubi hunc suum actum medicamenta calida in corpore nostro recipiunt, quando uel in uentre (ut uerum est) eorum uim obtundi concoctione credit.*

QVOD autem si acrimoniam suam ser-  
 uaret, interim quoq; omnino exulceraret;  
 ex ijs quæ sponte accidunt ulceribus intel-  
 ligas. Gignitur enim non rarò, alijs ex ui-  
 tioso cibo, alijs ex quapiam in ipso corpo-  
 re corruptela & putredine uitiosus succus,  
 quem cacochymiam uocant, ijs aliquando  
 interiorum quoque aliquid exulceratur,  
 magna tamen ex parte cutis: quoniam in  
 hanc excrementa quæ in habitum corpo-  
 ris colliguntur, natura expellit, multis &  
 assiduus ulceribus afficitur, quippe cancri,  
 phagedenæ, herpes erodentes, carbun-  
 culi, & quæ thironia, & celephia uocantur,  
 milleq; aliæ ulcerum generationes, ab eius  
 modi cacochymia nascuntur. Neque igi-  
 tur talium quicquam est dubitandum.

*Tam uehemens & pertinax aliquando est  
 eorum quæ diximus, acrimonia ac uis, ut nullo  
 modo emendentur, sed nunc in cutem, nunc etiam  
 carnem erumpit, iuxta humorum tenuitatem ac  
 crassitudinem. sed hæc alibi perquiremus, ubi  
 huiusmodi species ex proposito distinguemus. nunc  
 satis est, dixisse cancos ex succo melancholico,  
 eoq; corrupto oriri, herpes ex bile, carbunculos  
 ex crassiore sanguine, phagedenas ex cholera  
 adusta, quarum differentia chyronia, telephia.*

SED nec cur medicamentorum non-  
 nulla, cum nihil nos extrinsecus offendat,  
 int

intrò assumpta magnum malum afferant.

*Quòd uenena siue calida, siue frigida, plus nocent deuorata, quàm foris tantum applicita, unà experspicuè notis est, ac tantum ipsa differunt ab acris: non enim ueneni uis permistione aliorum in corpore castigatur, aut extenuatione emendatur, sed altius in corpus usque ad ipsum cor rapitur, ubi ab illo maius periculum imminet. nam multa sunt, quæ per cutem eò uenenum suum mittere nequeunt, sed acris eam promptè erodunt.*

**ALIQVA** rursus intrò assumpta non nunquam lædant, nonnunquam conferant.

*Amuleta, aut si manus, alexipharmaca hæc sunt, quæ suo tempore atque modo exhibita præsentia sunt remedia, secus uenena.*

**ALIQVA** nō solum intro assumpta, sed etiam extrinsecus applicata offendant.

*In causa est ueneni caliditas, & subtilitas, aut alia malignitas, quippe & frigida quadam id præstant.*

**QUIPPE** ut semel dicam, nihil foris intusq; parem agendi facultatē habet. neq; enim aut uiperæ uenenum, aut rabidi canis spuma, aut aspidis uirus (quæ tamen si extrinsecus corpori occurrant, offendere creduntur) parem uim habent, uel soli cuti applicata, uel intrò assumpta. Sed nec il-

Iud est mirandum, si certorum medicamentorum uis ad profundū nō peruenit. Neque enim necesse est, ut omnia parem habeant uim. Quod si ex ijs quæ intrò sumuntur, non pauca certo tempore, & certa quantitate, & in mixtura cū cæteris accepta conferunt, intēpestinè autē, & largius, nec cū alijs admixta lædunt, ne id quidem dubitationem ullam disputationi pariat. Siquidem id tum cibus, tum igni, tum uero omnibus, ut sic dicam, quæ corpori occurrunt, accidere solet. Nā & mediocri nobis flamma nonnunquam opus est, eaque usi plurimum ex ea iuuamur, cum tamen immodica flamma nos urat. Ad eundem modum & frigida potio quæ mediocris est cōfert, quæ immodica est maximam adfert læsionem. Quid igitur miri est, esse medicamentum aliquod adeo calidum potestate, ut si multum eius sumatur, ac in uacuum corpus inferatur, erodat prorsus uratq;: sin uero exigū sit, & cum ijs quæ uehementiam eius remittant, coniunctum, non modò nihil incommodi afferat, uerum etiam calfaciendo iuuet?

*Quod non habeant parem uim foris apposta, & intrò sumpta, prius dictum est. Sed & illud omnibus in confesso est, quod minima quantitas ferè ubique innocua. Potius ergo hic erat admo*

admonere, quòd eorum quæ intrò sumuntur, ferè quintuplices sunt differentie: quedam sincere medicamenta sunt; quedam nutrimenta, quedam utrunque, quedam uenena, quedam amuleta, aut alexipharmaca. Media hæc sunt inter uenena, & medicamenta.

LACRYMAM enim uel Cyrenaicã uel Medicam, uel Parthicã ipsam quidem per se citra incommodum sumere non est. At si omnino exigua, uel cum alijs in tempore congruente sit sumpta, magnopere conducit. Atque ad hunc quidem modum quæcunque corpus exalfaciunt, ubi mutationis principium in ipso, sicut dictum est prius, acceperere, recalfacere illud sunt apta.

Non refert, succum, an lacrymam dicas: differunt alibi, quia lacrymæ ac gummi ultro fluunt, succus uerò non nisi incisa radice, aut caule: nec liquor ab eo alia ratione differt, quàm quòd generalior ac serosior sit. lubrica est tamè, & quæ facile confunditur, differentia: quippe interdum succus pro lacryma, atq; e contrario ponitur. Est autem succus multarum specierum: sed qui ex Lasere recipitur, calidus est, qui nunc Cyrenaicus, nunc Parthicus à natalibus commendatur. Verum non est nostri instituti, horum differentias inquirere, aut rerum nomina hic exponere: quoniam ista ad alium locum attinent. neq; enim

eos laudare possumus, qui in commentarijs de simplicibus, morbos tractant, aut in morbis simplicia, atque iterum in libris de temperamentis locorum differentiam, aut in locorum differentia temperamenta repetunt: id enim potius est alienos commentarios transcribere, quàm præsentis disputationis nodos explicare. atq; hodie uix alios usquam commentarios uideas.

QV A E uerò refrigerant, ueluti papaueris succus, hæc à nostro corpore ne uel paulum quidem demutantur, sed ipsum statim uincunt ac mutant, etiam si calfacta prius dederis. Est enim eorum natura frigida, quemadmodum aqua.

Si quidem equi iudices estis, probabiliorē nunc nostram, quàm Galeni de hac re opinionē cognoscitis. etenim nobis sese ultro omnia accommodant, Galenus ubique impingit: & quod maximè illius argumentum redarguit, non potest calidorum ac frigidorum actū similiter desinire. nam tamen si calida medicamenta à calore nostro poterant accendi, nunquam tamen frigida congelari: quòd si frigida medicamenta suo pte ingenio (id enim coactus est dicere) in corpore ad extremam suam uim perueniant, mirum est, cur id in calidis negauit: de utrisque enim eadem est ratio.

QV A R E illud recte Aristoteli, sicut alia multa, dictum est, calidorum, frigidorum.

rum, siccorum & humidorum, corporum quædam esse talia per se, quædam ex accidenti, sicut aqua per se quidem frigida est, ex accidenti uerò aliquando calida. Verū acquisititius eius calor breui perit, naturalis frigiditas manet. Tanquam igitur calida aqua flammæ injecta eam extinguit, sic meconium, si id quantumuis calefactū dederis, & calorē animalis perfrigerabis, & necis periculum adferes.

*Multipliciter hoc loco Galenus peccat. In primis aqua incalsa facta sub aëre tepido, difficile euadet frigida, sed manebit tepida. ita decebat æstimare, quòd succus cicuta, tametsi in corpore suum feruorem deponat, tamen multo tempore teporem ipsius sanguinis retinet. Iam licet aqua incalsa facta ad genuinam tandem naturæ reuertitur, nunquam tamen ultra eam qualitatem, quam prius habuit, promouetur. Hac ratione & medicamenta quidem fortassis egelida, hoc est sub lactis tepore exhibita, ascititium teporem amittunt: sed maiorem, quam antea habuerunt, frigiditatem nusquam incurrunt. Quòd si aqua incalsa facta seipsam infrigidet (atq; hæc est altera redargutio) cur non & alys latenter suam potetiam iam insinuaré possit? Atq; id iterum (etiam ipso monente) indicat experientia. non enim aqua frigida tantum, sed & calida ignem refrigerat, atq; extinguit. Proinde iam*

*mirus*



mirum esse desinit, quod & frigida medicamenta actu calida, refrigerandi facultatem retineant.

OMNIA igitur id genus medicamenta si exigue sint data, & una cum ijs quæ uehementiam frigoris eorum castigare ualeant, nonnunquam usum aliquem corporibus nostris præstant, quemadmodum in opere de medicamentis dicitur.

Et id quoque suspicionem facit, quod medicamentum frigidum, actu calidum, potest infrigidare. Parua enim quantitas facile a natura contemnitur, ac euincitur, nec tamen refrigerare desinit. Iam si medicamenta calida a calore semel accensa iuxta suam hæresim uniuersum corpus nostrum possunt incalfacere, ac frigidi excessum aut insolentiam restringere, periculum est ne non & frigidum medicamentum, quod calido miscetur, calorem aliquem adipiscatur, tametsi effectus eius sit frigidus.

SI QUIDEM medicamen id, quod cantharides recipit, hydericis prodest: tametsi cantharis ipsa uescicam omnino exulcerat, uerum ubi per ea quæ admiscentur, castigata est.

Alexipharmaca citra huiusmodi uenena ferè non consistunt, unde & ipsa quodam modo uenenata existunt, præsertim ijs qui ipsis temere utuntur, tyriaca dico & mythriddato. sed plerumque

*runque inscitia seplasiariorum ignaua sunt, quo fit ut neq; admodum profint, neque magno pere obsint.*

A C corpori, quod plurimo humore grauat, tum offertur, illum per urinas expellit.

*Intelligere oportet absque consensu uniuersi corporis. Nam hic prius uniuerso corpori providere oportet. Sed hoc uerbo Galenus cautum uoluit, ne ob paruum affectum atque uix momentaneum magna consumamus presidia.*

M A X I M E igitur est attendendum in omnibus quæ potestate calida frigidaue dicuntur, sint ne ex natura eorum quæ nutrire corpus possunt, an eiusmodi quæ exiguum alterationis momentum nata, deinde secundum propriam naturam alterata, corpus ipsum aliquo modo afficiunt. Tertio loco, an nullo pacto ab eo quicquam alterentur.

*Differentias medicamentorum partitur in tres. Prima (inquit) eorū est, quæ simul nutriūt: altera eorum, quæ nonnihil alterantur in corpore: tertia eorum est, quæ omnem calorem continent. Quam integra uerò aut rimosa hæc sit partitio, statim apparebit, ubi ipsa definiuerimus.*

S I nanque ex nutrientium sunt genera, si quidem uincantur, calfaciunt: si non uincan-

uincantur, refrigerant.

Sub primo discrimine frigida complectitur, non omnia, sed in secundo, aut inferiori ordine: talium non est autem iuxta illum horum eadem fortuna: sed si uincantur (inquit) calfaciunt: sin aliter, refrigerant. In quo loco duplex est redargutio. nam neque simpliciter uerum est, quod frigida, quæ immutatur, incalfaciunt: quæquàm dñ sanguinis & caloris copiam augent, contra infrigidat. Præterea nec illud suspitione caret, quod dixit, Si non uincantur, refrigerant. Non enim tantum refrigerant, quæ formam suam seruant, sed & quæ in succum transferunt. iam non tantum frigida quædam medicamenta nutriunt, sed & calida.

S I N ex ijs sunt quæ exiguum quippiam alterantur, omnino calfaciunt.

Neque hic sermo est absque controversia audiendus. Non enim tantum calida, sed & frigida quædam alterantur à principio medicamenta. Nec redargutione uindicabis, si uel de ijs intelligas, quæ non nutriunt: quippe & frigida aliqua sunt medicamina, quæ à calore nostro incalscunt, tamen nulla ex parte nutriunt.

S I uero ex ijs quæ omnino non alterantur, maxime refrigerant.

Hunc sermonem magis amice, quàm morose oportet intelligere de medicamentis extreme frigulis: quæ in magna quantitate calorem continent

*venit. Nam in parua quantitate aliquando alterantur, atq; longo ctiamdum usu tandem mitescunt atq; nutriunt.*

ATTENDERE autem, ut dictū est, quā maximè oportet, ac discernere, quæ per se sunt, ab ijs quæ per accidens, nō in calidis, & frigidis modò, sed nihilo eriam fecius in siccis & humidis, quippe aliquatium cum siccam substantiam sint sortita, ubi largo calore sunt liquata, humiditatis phantasiā præbent: ueluti æs, & ferrum. Quædam per se humida, ubi in synce ro frigore sunt morata, apparēt sicca, sicut glacies. Minimè igitur de ijs omnibus faciendum absolutè & sine ulla exceptione iudicium est, sicut in superioribus monuimus, sed cum eo ut quemadmodum sese in calore frigoreque habeant, considerētur. Siquidem si exiguo prædita calore, nihilo minus humida cernuntur, talia esse ex propria natura sunt censenda: tamen si cum copioso calore sint sicca. Quæ uerò uel sub feruenti calore fluunt, uel sub puro rigore sunt cōcreta, ne horum quidem altera per se humida, altera per se sicca sunt censenda. Ergo tum ad hunc modum distinguere conueniet, quæ per se sunt, ab ijs quæ per accidens, tum ad hæc ipsa spectantibus eorum quæ potestate calida, frigida, humida, siccaue

Secāue sunt, iudicium faciendum. Non enim ad id quod secundum accidens est respiciētibz, sed ad id quod secundū se est, id quod potestate est, iudicari debet.

Hac distinctione Galenus suam opinionem infirmat, & nostram corroborat. nam cur medicamenta frigida, quæ a calore nostro sunt tentata, adhucdum infrigident, ipse pro nobis rationem adfert, dum calida ac frigida more siccorū atque humidorum, in ea quæ per se, & quæ per accidens dicuntur, distinguit, ac de ijs in primo libro latè disseruimus. Calidorum autem ac frigidorum exempla alibi dicta sunt: neque enim succus Chelidonij frigida facultate est, si frigidum dederis, aut papaueris calidus, si quidē calidum: sed ex operationibus ea metiri, atque aestimare oportet, missis ijs quæ obtingunt per accidens.

PORRO cōmunis in omnibus unaq; iudicandi ratio est, alterationis celeritas. At cum calidum, frigidum, humidum, & ficcum dicātur *quorumquē*, quod scilicet alia per id quod exuperat, alia quod eam qualitatem a qua sunt denominata, summam habeant, in utrumcunque horum promptè uertitur, de quo agitur iudicium, tale potestate fuerit. Oleum nanque calidum potest: e est, nimirum quod flāma facile fiat. Eodem modo, resina, bitumen, & pix. Vinum

num autem, quòd facile fiat sanguis. Pari modo mel, & caro, & lac.

Iam Galeno subolet, multa medicamina calida ægrius in ignem aut flammam uerti, quàm frigida: & propterea calidum, in quod promptè abire medicamenta calida contendit, non tantùm ignem aut flammam intelligit, sed & sanguinẽ. est enim is quoque calidus, sed non inuabit illum diu hæc sectio. primum, quia multa medicamenta calida sunt, quæ nulla ex parte in sanguinem uertuntur: forte neq; ea promptè accenduntur: quippe antè dictum est, quòd piper, costus, & similia, multò segnius accenduntur, quàm quædã frigida. Sed neque ubi ad nutrimenta uentum est, semper calidius est, quod in sanguinem ocus traducitur. Nam lac promptius in sanguinem abit, quàm caro uolatiliũ: & tamen sæpe frigidius est. Atque hîc forsan possis discrimen raritatis ac densitatis obocere: non tamen per omnia continget hæc tibi differentia: quia quædam frigida in his similiter sese habent, & tamen nihilo ægrius inflammantur calidis.

ATQVE hæc quidem totis ipsorum alteratis substantijs nutrimenta se alterantur sunt. Quæ uero unaqualibet qualitate alterantur ac mutantur, ea medicamenta tantum sunt.

Omnis cibus & potus in corpus uicissim agit, non tamen semper medicamentum est, sed is tan

tum

*tum, qui corporis temperiem sensibilibiter promouet, aut diminuit: eodem modo neq. medicamentum nutrimenti rationem obtinet, quodcunque à corpore nostro patitur, id tantum cuius effatu digna portio in substantiam nostram transumitur.*

MEDICAMENTA itidem sunt, & quæ nulla mutata substantiæ suæ parte, sed tota seruata integra, corpus ipsum afficiunt, cæterum grauiæ & naturæ animalis corruptentia. unde & totum eorum genus deleterion & pestilens dici reor. Quippe hæc non eo minus genere deleteria sunt dicenda, quòd ubi plane minima exhibentur, nullam inferunt sensibilem noxam. sic namque neq; ignis ipse calidus fit, neque nix frigida. Nam horum quoque si quid prorsus exiguum est, nullum euident in corporibus nostris excitat affectum. Quippe centesima unius scintillæ pars est quidem omnino genere ignis: cæterum adeò nos non urat, excalfaciâtue, ut corpori incidens ne sensum quidem ullum sui excitet. Ad eundem modum frigidæ asperginis centesima portio, non modò nihil offendat, aut refrigeret, sed nec sensum sui ullum præbeat.

*Sub medicamentis uenena recipit: Sunt autem duplicia: quadam enim nihil aliud quam innoxiant,*

toxicat, qualem canis rabidi spumam diximus, aut aspidis uirus. quædam uero in parua quantitate alexipharmacis miscentur. atque hæc tenus hæc medicamenti nomen sibi uendicant. dum uero in mediocri pondere corpus interimunt, ueneri rationem recte obtinent: sunt autem hæc tam frigida quam calida.

NE QVA QVA M igitur sic iudicanda deleteria sunt, imo totius naturæ suæ contrarietate. Porro iudicabitur contrarietas ex ea, quæ media intercedit mutatione.

Facile ex hoc loco eos confundes, qui aërem prædicant naturæ frigidum. nam si talis est, nunquam continenter poterit transire in ignem.

IN elementis, uerbi gratia, neque aqua mutari potest in ignem, neque ignis in aquam, sed ambo in aërem, is uero in utraq; at illa in alterutrum nullo modo. Ergo continens & sine medio est aquæ mutatio in aërem, itemq; ignis: non continens ignis & aquæ in alterutrum. hæc igitur inter se contraria, pugnantiaq; sunt.

Non desinit uenena, quæ semper interimunt: sed quæ toto genere naturæ nostra contraria sunt: neq; hæc contrarietas, quamuis id postea uideatur sentire, ex ambabus ipsis qualitatibus accipienda est, sed commutationis in se inuicem propitudine: qualia sunt quæ continenter in se transire nequeunt. Hanc definitionem primo redar-

unt.



guunt, quæ in primo aut secundo ordine purè medicamenta sunt calida, ac frigida. non enim in corpus nostrum transmutari possunt, nec tamen idipsum interimunt. Iam e contrario multa sunt tam calida, quàm frigida, quæ corpus nostrum perimunt, alibi tamen studio ac consuetudine in alimentum transeunt. Omitto enim lubenter anum illam Atheniensem, quæ cicutam paulatim in suam naturam transferre didicit. Nam Mythridatis magis meminit Seruatus, qui contra omnem uenenorum iniuriam corpus suum longo usu comparauit, ac forsità quodlibet uenenum in suam naturam commutare potuit. & ut hoc non constat, ita tamē de frigidis uenenis certum est. adeo ferè nihil est, quod usu & consuetudine mitescere nesciat. Ergo apud Galenum uenena ta audire oportet, quæ suapte natura in corpus nostrum transire nequeunt, sed ipsa per se corpus interimunt, nisi studio & longa consuetudine quis aliter assuescat.

NON dissimili ratione papaueris succus hominis corpori prorsus est contrarius, ut quod in eum quicquam agere ne una quidem qualitate possit.

Succum papaueris nunc prorsus, hoc est, toto genere, contrarium dicit. Atque hic difficultas est non parua: nam in tertio de simplicium facultatibus non quidem toto genere, sed sola quantitate frigida medicamina letalia dicit. imò ali  
quan do

quando in nostram substantiam transire ipse ibidem docet. atqui hic contrarium exhibet. Poteramus coniectari succum papaveris prorsus homini contrarium ab eo dictum, non quidem substantia, sed totis duabus qualitatibus. Sed & hoc redarguere apparet quod sequitur. Verebatur autem hic forsitan potius, quam alibi, commutationem frigidorum uenenorum, ne medicamentum sub tepore infrigidare concederet. nam id ex hoc eventu plane sequitur, atque illius secta aduersatur. Sed non proderit illi hoc subterfugium. nam tamen si possit contendere frigida in quarto extra omnem numerum nutrientium esse, interim tamen inuenire est multa alia medicamenta frigida, quæ simul nutriunt & refrigerant.

MULTO minus tota sua substantia possit.

Hic non tantum qualitatibus, sed & genere succum papaveris homini contrarium uidetur appellare. nam siue tota substantia, siue toto genere dixeris contrarium, parum interest. Intelligimus etiam per substantiam ipsas proprietates quæ varias fortunas obtinent, aliquando nutrimenti conditionem subeunt, aliquando morbum tollunt, aliquando ipsum hominem. Ipsa autem substantia siue materia per se nulla actione dotata est.

ATQUE unum quidem deteriorum  
genus

genus eiusmodi est. Alterū eorū quæ ex nostro calore momentum aliquod mutationis accipiunt, ac deinde in multifarias alterationes uertuntur, quibus corrumpi naturam nostram accidit.

*Sub priori membro frigida uenena intelligit: sub secundo calida: tamen in tertio de simplicibus etiam frigida à calore nostro quodammodo prouocari dicit, extenuari atq; digeri.*

EIVSMODI enim omnia deleteria generantur.

*Si quidem hæc referas ad frigida, iam manifestam habes controuersiam cum eo loco, qui est in tertio de simplicibus: ubi frigida sola quantitate determinat deleteria. Certè uidetur referre ad utrūque genus. nam & paulo post ea paritur in calida & frigida.*

ETIAM si propter exiguitatem nonnunquam nihil quod sentiatur, efficiant.

*Id commune est calidis cum frigidis. uerum peculiare est calidis, iuxta Galenum, ut nunquā in nostram conuertantur substantiam. atque hac de causa in libris de simplicibus potius hæc, quàm frigida, dixit toto genere deleteria. Forte neq; frigida omnia in substantiam nostram possunt conuerti, tam sunt quedam à nostra substantia aliena.*

AT quæ corporis naturam rodunt, putrefaciunt, & liquant, meritò potestate calida

lida nominantur. contra quæ refrigerant, & sensum auferunt, torporemq; notabilem afferunt, frigida.

*Prompta est ueneni calidi atq; frigidi differtia. nam calidum sitim facit, & omnino calidi effectus insigniter habet, e contrario frigiditatis frigidum. nam corpus inflat, & ad torporem subinde perducit.*

ET priora quidem nihil non rationi consonum, nec ipsa pati, nec in corporibus nostris efficere uidentur. Siquidem calido corpori applicata, & mutationis momentum aliquod hinc adepra, partim eorum ad summam caliditatem, partim proueniunt ad putredinem. Iure igitur pro affectu quem ipsa consecuta sunt, etiam corpus animalis afficiunt.

*Obscurus sermo, sententia uero, quod prompta sit ratio, ac citra ullam difficultatem, omnium eorum, quæ medicamenta calida patiuntur aut agunt in corpore nostro. Sed difficile est, quòd distinguit quædam in summam caliditatem, quædam uero abire in putredinem. An hoc uelit, quòd quædam medicamenta simpliciter accenduntur, quædam uero non nisi cum putredine? sic enim sterqus columbinum, & alia quædam accendi apparent.*

AT quæ corpus, tametsi ipsa calida sunt, applicata tamen refrigerant, non paruam dubita

dubitationem afferunt, utrius potius naturæ sint. Nam si energia semel calida sunt reddita, cur animal non calfaciunt, si nondum sunt calfacta, quomodo apparent calida? Soluetur dubitatio, si distinguatur, quod per se frigidum est, ab eo quod est ex accidenti, ita uti Aristoteles docuit. Perit nanque celeriter eorum, quæ ex accidenti sunt calida, acquisititius affectus, ita ut in priorem naturæ suæ statum facile reuertantur. Porro in applicandis ijs nobis quæ natura quidem sunt frigida, sed per accidens calida, duo hæc contingere est necesse: & ut acquisititius illorum calor pereat, & propria eorum temperies, à nostra nihil immutata frigida persistet.

*Quemadmodum aqua suapte natura subinde euadit frigida: ita & medicamenta frigida sub tepore exhibita, suum acquisititium calorem possunt exuere, & pristinam qualitatem ultro recipere. Nondum tamen Galenus hinc obtinere possit, quod medicamina frigida maiorem actu frigiditatem à calore recipient, fortassis in quarto, quam prius habuerunt. Imo id unum ex ijs quæ maxime suam sententiam infirmant, & nostram constituent. nam si aqua incalfacta sua occulta potentia antiquam sibi frigiditatem potest reponere, certum est quod & medicamina frigida sub tepore suam frigiditatem occultam corpori possunt*

possunt insinuare. Melius ad calcis naturā cōcurrisset, cuius calor proditur dilutione aquæ frigida. nō est enim exemplū aliud (quippe nihil dissimulare uolumus) quod magis frigidorum medicaminum uim à calore nostro suscitari ostēdat. Et si quidem omnium calidorum facultas hoc modo eliceretur, credi posset quod & frigidorum potestas, calore excitaretur. At contra nunc euenit, in reliquis enim ferè omnibus frigida ipsorum uirtus extinguitur. Itaque nec uerisimile est (experientiā omitto) quod frigidorum potētia prouocetur à calido.

ET quid miri, si papaueris succus, man dragora, uel cicuta, uel similium aliquid, quamuis exhibeantur calfacta, paulo pōst euadūt frigida? Cum idem patiantur prifana, & lac, & far, & panis, ubi in imbecillum uentrem demissa, ab eo non superantur. Euomuntur enim non raro abunde frigida.

Non est aqua hæc comparatio. non enim hæc suo pte ingenio refrigerantur, sed à uentris frigiditate acescunt atque immutantur.

ET quod ijs maius est, quodq; Hippocrates notauit, pituita ipsa quamuis iam succus sit, atque ex cibis in uentre iam coctis nata, nihilominus frigida tangenti bus sentitur. Neque id modò dum in uentre cōsistit, sed postquàm à uenis ipsis pur  
a s gantis

ganis cuiuspiam medicamenti, ut est de-  
tracta. Tâet si enim quàm tenacissima est,  
ac per uim ducitur, attamen ne ipsa qui-  
dem tractus uiolétia calferi potest. Quid  
igitur miri, si etiã papaueris succus, quod  
naturæ nostræ tâ contrarium medicamen-  
tũ est, quàm celerrime refrigeretur, etiam  
si calfactus sit exhibitus, refrigeret autem  
unà secum & corpus?

*Neque hoc est idoneum de pituita exemplum,  
quod medicamentorum frigidorum potentias  
similem omnino actum subire aut accipere de-  
monstret: tantũ quadam in corpore ad eò frigi-  
da arguit, ut à calore nostro incalferi nequeant.  
Neq; est hoc nerum de omni, sed quadam tantũ  
pituita: quippe serosa ipsa saepe excernitur tepi-  
da: sed & mucus ipse è naribus subinde emun-  
gitur calidus. etenim hoc loco decet largius pi-  
tuitam accipere, quàm pro ea quæ hepatis ui-  
cissitudinem sequitur. nam hæc aliquando in  
uentre oritur.*

QUIPPE acquisititium calorem non  
seruat, ppter ea quòd natura frigidius est.  
At quia eius substantia à nobis non altera-  
tur, imo potius nos alteret & nutriat, id-  
circo nec à nobis quicquam recipit calo-  
ris, & pro sua natura nos afficit. Itaque cũ  
frigidus natura sit, & nos utique refrige-  
rat.

Ex

Ex natura sua calorem ascititium potest deponere: sed non potest ex natura sua maiorem quam prius, energiam inire. Igitur effectum non quidem ex actu, sed ex potentia sua obtinet. Vnica tantum superest dubitatio, cur hac sua potentia medicamentum non prius seipsum incalafaciat, aut infrigidet, quam corpus proximum. Nam & prius diximus, quod & frigida sua latente potentia seipsam infrigidet. cur nam ergo & piper sua potentia calida, euidentem piperis frigiditatem non tollit, aut cicuta suam in se qualitatem non promouet? Videtur autem mihi propemodum similis dubitatio cum ea, quare cicuta sturnum alit, & hominem infrigidet: & e contrario mel hominem incalafaciat, apem uero nihil immutet. Est autem una ratio omnium obiecti dissimilitudo ac uarietas. Sed de hoc postea.

NIHIL igitur in dictione nostra est dubitationis reliquum. Enimuero quod horum omnium quæ frigida natura sunt, quicquid plus iusto calfeceris, ex propria id natura recedat, præterquam quod nullam dubitationem habet, etiam prædictis à nobis affert testimonium. Sicut enim salamandra ad certum usque terminum ab igni nihil patitur, uritur autem, si longiore spatio igni sit admota: sic & mandragora, & cicuta, & psillium breui spatio igni ad-  
mota



mota proprium adhuc temperamentum seruant, largius autem ex calfacta ilico cor rumpuntur, nec quicquā efficere quæ prius poterant, ualent.

Nescio ad quod propositum ista Galenus interferat. Si quidem cogitat ex hoc exemplo frigida medicamenta, quæ in nutrimentum corporis nostri uertuntur, omnem in frigidandi uirtutem amittere, fallitur. nam perpetuò non nihil corpus nostrum afficiunt: & si non mortis periculum, frigiditatis tamen excessum inuehunt: est etiam ubi ob breuitatem ipsorum à natura elaborata diligenter atque euicta nihil mali nobis impingunt.

A C talium quidem omnium natura hominibus maximè est contraria (sane naturam cum dico, uniuersam substantiam ac temperiem, quæ ex primis elementis conflatur, significo, calido, frigido, humido, sicco) eorum uerò quæ celerrimè nutriunt conuenientissima.

Temperies quidem horum ipsis maximè est contraria, ut quæ in duabus ferè pugnet qualitatibus: cum uerò & substantiam ipsam contrariam afferat, iam cum eo loco, qui est in tertio de simplicibus, pugnat, ubi toto genere deleteria aut mortalia medicamenta frigida negat. Sed nec de temperamento horum forsitan omnium uera hac est sententia, sed quorundam tantum.

quoniam

*quoniam uenena quædam inuenies frigida cum humiditate quadam coniuncta: saltem cauere oportet, ne huc referas uenena calida. nam hæc altera qualitate nobiscum conueniunt. Sed eadē paulo antè scripsit, tanto magis miror, quòd statim ea repetit.*

RELICVA omnia media inter hæc sunt, quorū alia magis, alia minus agere ac pati à corpore nostro possunt. Siquidē castoreū & piper, agere magis in corpus nostrum quàm pati ab eo ualent. Vinū & mel & ptisana pati magis quàm agere. Ergo hæc omnia tum agūt circa corpus aliquid, tum uero patiūtur. omnino enim, ubi duo corpora inter se commissa aliqua multo tempore pugnant certantque de alterando, utrumque eorum tum agere, tum pati est necesse. Fortasse autem etsi non multo tempore id fiat, attamen agit etiā id quod uincitur, in id quod uincit, uerum ira exiguum, ut sensum effugiat. Neque enim si acutissimo ferro molliissimam ceram toto die ac nocte incidas, fieri potest, ut nō fiat manifestè obtusius. Ita nimirum illud cōmodè dici uidetur:

Afsiduo illisū durū cauat undula saxū.  
 Quippe ita quoque factum cernitur. Cæterum uno aut altero ictu nihil adhuc euidentius uidere in talibus licet, ex quo factum arbitror,

arbitror, ut quædam ab admodis sibi nihil  
 prorsus pati opinati nonnulli sint. Et ce-  
 dendum quidem est ita loquentibus. Sæpe  
 uerò nobis quoque ipsis ita plerunq; lo-  
 quendum est, nisi sicubi ad ultimum exa-  
 men disputationem perducimus, quemad-  
 modum in præsentia facimus.

*Hactenus descripsit uenena & nutrimenta,  
 reliqua omnia habet media. Proinde iuxta illis  
 nullum erit syncere medicamentum, quod non  
 sit uenenum: nescio tamen an quedam talia exi-  
 stant, in tertio ac secundo ordine calidorum ac  
 frigidorum: non enim id solum medicamentum  
 dicam, cuius nulla simpliciter pars in nutrimen-  
 tum uertitur, sed cui nihil tale sensibiliter ac-  
 cidit: ita non statim nutrimentum medica-  
 mentum dicam, quod aliqua ex parte corpus demu-  
 tat, sed quod illud sensibiliter facit saltem tem-  
 poris spatium. ueruntamen sunt pauca admo-  
 dū præter uenena, quæ nullo modo nutrire possunt.*

*S I C* igitur *ἀερώδεια*, id est, nunquam  
 deficientis affectionis dogma iis utiq; qui  
 solum id ratione ipsa æstimant, ualēte de-  
 monstratione non caret. Non est tamen e-  
 ius ad priuatas singulatim obeūdas actio-  
 nes ullus usus. Si nanque adeò exigui affe-  
 ctus sint, quibus assidue afficimur, ut nulli  
 actioni sensibile & manifestum in commo-  
 dum.

dum afferant, facile profectò contemnēdi sunt, atque ei qui affectus id genus nullos esse dicit, non repugnandum.

*Actio & passio semper consistunt inter contraria. Itaque fieri non potest, ut alterum non patiatur ab altero. quoniam contraria in se invicem non possunt non agere. Ad hunc modum & ea quæ corpus nutriunt, paulatim calorem obtundunt, & quod minime putes, altera inevitabilis morbi causa existunt.*

PERINDE igitur habet & in iis quæ nutriunt propè dixerim omnibus: quippe quæ ipsa quoque in corpore hominis aliquid faciunt, sed nec sensibile aliquid prorsus, nec evidens: diuturna tamen eorum exhibitio magnopere alterat mutatque iam corpora.

*Hoc ostendit carnis phantasia. nam tandem ferè imitatur victum: ut qui piscibus perpetua utuntur, fungosam ferè carnem: qui uerò suilla ac bubula, solidam exhibent. Sed & morbi ferè ijs nascuntur similes.*

SUNT enim & quæ primo statim usum manifestam alterationem suam indicent, ueluti lactuca quæ eos quibus uenter quidem æstuat, manifestè refrigerat, atque à siti uindicat: quibus autem refrigeratum est, manifestè lædit. Conducit uerò & ad somnum nō parum, neque id alia ratione.

ulla

ulla, quàm quòd frigidò temperamento & humido est. Verum sic est humida & frigida ad hominem, & alia quæ ab ipsa nutriri sunt apta, sicut uiridia ligna ad ignem. Quare rationabiliter cibi id genus utrūq; præstant, & quòd ueluti medicamēta corpus nostrum afficiunt, & quòd nutriunt, toto quidem cōcoquendi sui tempore, ut medicamenta ubi iam nutriunt ac prorsus sunt adsimilata, ut quæ nihil in nos agant, sed naturalem calorem augeant, ceu prius est dictum, quippe id omnium quæ nutriunt, commune est.

Quòd lactuca nutrimenti firmitatem obtinet atque medicaminis facultatē in eodem corpore, certum est. quòd autem diuerso id illi tempore obtingat, falsum est. non enim ut Galenus arbitratur, tantum uētre refrigerat, dū suam adhuc integritatem retinet: uerum etiam hepar, uenas, ac cerebrum: quòd sanguis in quem uersa est, priori sit frigidior: alioquin per uictum hætenus omnes affectus hepatis, cordis, præsertim cerebri, erant immedicabiles. Iam ipse lactucam dicit soporiferam: quòd fieri non posset, nisi & ipsa cerebrum refrigeraret, & humectaret. At qui hoc ipse ueritus est dicere, ne sub tepore medicamentum admitteret in frigidare: quòd & dici potest, nec tamen hætenus concedere necessum est. non enim sanguis ex lactuca, utpote calidus,

*lidus, simpliciter corpus refrigerat, sed tanquam minus calidus prioris calorem attemperat.*

NEC est quod miremur, si modò exempli uiridium lignorum non sumus immemores, esse aliqua quæ prius quàm adfimilentur & nutrant, dum adhuc concoquuntur refrigerent, cum adsimilata sunt, ac iam nutriunt, calfaciant.

Non est æqua lignorum uiridium ad lactucam comparatio: quæ primum ignem quodammodo strangulant, ac nouissimè augent. Nam ignis qui ex lignis uiridibus comparatur, usdem erictus sæpe ardentior est. At quòd sanguis ex lactuca, quàm qui biliosus antè erat, frigidior sit, certum est.

ITAQUE usus quoq; talium omniũ duplex medicis suppetit, tum ut ciborum, tum ut medicamentorum. Fac nanque mutata sit alicui optima uentriculi temperies ad calidiorem, is profectò quandiu lactucam concoquit, refrigerabitur, & mediocritatem temperamèti assequetur: ubi uerò ex ea iam nutritus est, insiti caloris substantiam augebit.

Hinc illud desumptum est, quod uulgo dicitur, Lactuca refrigerat, sed calidum sanguinem restaurat. quod non sine redargutione audire decet: quoniam sanguis ex lactuca temperaturam sui principij imitatur, atque reliquum totũ non  
x nihil.

*nihil refrigerat. Lubenter tamen hoc concedimus, quòd uentrem magis quàm reliqua refrigerat: quoniam uenter primum illius rudimentum tolerat.*

IN eo igitur uel maximè sese fallere uideretur iuniorum medicorum uulgus, quòd ignorat in nobis aliquando qualitatem caloris intendi, aliquando substantiam eius augeri: tum quòd utroque genere ueteres calidius factum animal dicant, quando etiam calidius fit, siue calorem eius intendas, siue substantiam, in qua prima consistit, inaugeas. Finge nanque ex iis quæ in animalis corpore continentur, sanguinem esse per se calidum, aut si magis placet, flauam bilem: reliqua omnia ex accidèti esse calida, utiq; quòd horum aliquam habeant partem, nunquid necesse erit animal bifariam calidius esse, uel quòd plus calidorum succorum sit fortitum, uel quòd calidiores eos habeat quàm antè? Mihi planè ita uidetur. Ad eundem modum arbitror & frigidius erit bifariam, uel quòd plures illi succreuerint frigidi succi, ceu pituita & nigra bilis, uel quòd eorum omnium modo non mutato sola qualitas sit intenta. An igitur miri quicquam est, si corpus quoad còcoquitur, qui frigidus natura cibus est, sicut portulaca & lactuca frigida qualita-

tis

tis non parum percipiat, percocto autem aciam in bonum sanguinem uerso calidi succi accessione calidius quàm prius euadat? Atqui si nihil horum aut eiusmodi est, quod fieri nequeat, aut etiam adhuc mirum, desinant iam obstrepere, qui unum eundemq; cibum, tum nutrimenti, tum medicamenti usum corpori præstare negant.

*Quòd idem sit medicamentum ac nutrimentum, ex hoc loco obtinet: non tamè unquàm hinc asequetur, quòd lactuca & similia in sanguinè uersa, facultatem omnino suam amittat, ac tantum uentrem refrigerent. Atque hoc ipsum si rectè perpendas, ipsius distinctio ostendit, tantum abest ut ipsum inuuet, quod animal dupliciter calidum partiatur. nam & nos accedente recenti ex lactuca sanguine calorem crescere concedemus, at eius qualitatem remitti ex hac ipsius distinctione cognoscimus. nam copia à qualitate superatur, adeo ut sua qualitate sanguinis ordinem magis imminuat, quàm copia augeat. Nam neq; hoc dissimulare uolumus, in permutatione corporum calidorum & frigidorum ordinem non tantum promoueri per qualitatis incrementum, sed & quantitatis accessorium.*

TAN QUAM enim si omnino non percoqueretur, perpetuo maneret medicamentum, sic quum iam est percoctum, ambo efficitur.



*Ambo, inquit, efficitur. Si quidem tantū hoc dixisset, omnis redargutionis expers erat. sed ut ex alijs constet, nō nisi diuersis & successiuis temporibus eas facultates prodi cogitat, alteram priusquam concoquitur, alteram postquam concocta fuerit. & in hoc fallitur.*

PONE enim prorsus non concoquatur lactuca, uel si maius, succus ipsius, quādo is si liberatius sumatur, similem in homine cum papaueris succo effectum habet, nōne hoc casu medicamentum tantum erit, an non? Nemo (arbitror) de ea redubitet. Ergo habet omnino lactuca & medicamenti facultatem: at uero habebat & nutriti, quippe quæ per sæpe nutrit. Ambas igitur facultates simul in se continet, non tamen similiter ambas ostendit. Verum ubi plus egit in homine quā sit passa, medicamenti potius indicat facultatem, ubi passa plus est, quā egit nutriti. Nec mirum illud, est, si lactucæ tum agere, tū pati contingit, quando ensi quoque ceu paulò antè diximus, non solum in cerā agere, sed etiam ab ea pati accidit. Cæterum eo quòd multo amplius est quod agit, quā quod paritur, alterum latet. At si durissimum illi ferrum admoueas, contrā magis pati quā agere tibi uidebitur, tamen agit aliquid tum quoque, sed negligitur

gligitur præ exiguitate eius uis. Itaq; de omnibus prorsus cibis illud pronunciare non dubitemus, quòd nō solum à nostris corporibus pati, sed etiam aliquid agere in ea possunt. Iam uerò & de quibuidam quæ planè scilicet & luculenter uidemus agere, quòd non tantum cibi sint, sed etiā medicamenta.

*Non iam tantum tempora diuidit, in quibus utrunque uicissim obit: sed præterea corpora, in quibus nunc magis hoc, nunc magis illud ualet. Nec in hoc redargui potest: quoniam pro diuersitate corporis, diuersa illius fortuna est.*

ET lactuca quidem tam cibus, quàm medicamentum frigidum est. Eruca tam cibus, quàm medicamentum calidum.

*Cur ergo postea dicit sanguinem ex ijs nihilo calidiorem, aut frigidiorē euadere?*

QVOD si castoreū quoque spatio concoquitur, erit id quoque simul nutrimentum, simul medicamentum calidum. Ad eundem modum sinapi, & piper. Ex herbis quoq; anethum, & ruta, & origanum, & puilegium, & calamynthe, & thymbra, & thymum: quippe hæc omnia tum cibi, tum medicamenta calida sunt. prius enim quàm in sanguinem sunt mutata, dum scilicet adhuc concoquuntur, medicamenta: mutata uero in sanguinem, non utiq; iam

medicamenta, sed nutrimentā, secunda nimirum nutrimenti significatione, qua id significatur, quod nōdum est alimentum, sed ueluti alimentum.

*Videtur dubitare, an quædam ex eis in alimentum uerti possint, an tantum sincere medicamenta sint. Non tamen de origano dubitare potest ac similibus: quia manifestè cibrationem obtinent, atque sub hac forma incundissima est morborum medicatio.*

ERG O sicut de lactuca paulò suprà fecimus, cum duos uentres, alterum iusto frigidiorē, alterum iusto calidiorē finximus: ita nunc quoq; pro cōtemplandis ijs quæ potestate calida sunt, proponamus eosdem uentres. Ergo eum qui frigidior iusto est, quoad in eo continentur, ac concoquantur omnes id genus herbæ, calfaciunt, atq; ad temperamenti æqualitatem reuocabunt, proderuntq; ut medicamenta: alterum uero qui calidus est, inflammabunt, ac magnopere lædēt, atque has quidem alterationes qualitate sua inducent.

*Quòd medicamenta præcipuè in uentrem agunt, id est uerissimum: quia prius fert illorum rudimentum: inde & affectus, qui in eo sunt, facilem curationem suscipiunt: difficilem uerò qui in longinquo positi sunt. nam ferè uis medicamentorum obstupefcit priusquam eò euadit.*

Nam

NAM omnino percocta, & mutata, ac in sanguinem bonum iam uersa, naturalis in animali caloris substantiam augebunt, non qualitatem intendent. In totum enim siue frigidus, siue calidus potestate cibus sit, posteaquam in sanguinem conuersus est, naturalem calorem similiter augebit. quoad autem ad sanguinis formam tendit, necdum planè sanguis est redditus, refrigerat, excalfacitque animal medicamentu ritu.

*Nescio quid Galeno in mentem uenit, cum hæc scriberet. nam manifestum deliramentum est, quòd sanguis qui ex eruca, origano, & similibus proficiscitur, nullo modo qualitatem sanguinis intendat: æque absurdum est, ex eruca nihil calidiorem parari sanguinem, quam ex lactuca.*

SANE' omnis hæc disceptatio ab uno principio pendet. Quo magis seruandum id, memoriaque tenendum perpetuò est, cuilibet corpori proprietatem quandam temperamenti esse, quæ huic quidem naturæ sit consentiens, ab hac uerò sit dissentiens. Tum si quod conueniens sibi est, in suam naturam transmutet, eo pacto caloris sui substantiam augere: sin ipsum sit mutatum, duorum alterum illi contingere, uelut calorem quendam conquirit, utiq;

si id à quo mutatur, ex calfacit, uel propriū calorem amittat, si id non calfacit. Liqueat igitur ex ijs, quòd eiusmodi omnia ex eorum sunt numero, quæ relata ad aliquid dicantur, quum ad proprietatem mutantis naturæ quicquid assumitur uel nutrimenti, uel medicamenti, uel utriusq; rationē fortiatur. uerbi gratia, cicuta sturno nutrimentum est, homini medicamentum. Rursus coturnici ueratrum nutrimentum est, hominibus medicamentum. Siquidem coturnicum temperies assimilare sibi ueratrum potest, quod hominum temperies non potest.

*Manifestum est ex hoc loco, quòd prius per substantiam nihil aliud quàm proprietatem intellexit, utpote qui nunc pro substantia proprietatem ponit. Definitum autem est prius, quòd potius astrorum, quàm elementorum conditionem huiusmodi proprietates sequantur. ac iam multo promptius, quàm ueteres, soluimus physica quadam problemata. quale in primis illud est, An lapis, an terra siccior: cur cicuta aqua plus in frigidat, cum tamen aqua sit extremè frigida. Parum enim mihi placet, quòd hic hætenus responderunt physici, frigiditatē scilicet aqueam in cicuta contractiorem esse, & ob id plus uirium habere: nam & in terra frigiditas coniunctior est, non tamen aquè ut in aqua potes est.*

est. Esto, quòd iustam huius rei rationem dede-  
runt, nondum tamen dixerunt, cur cicuta inty-  
bo plus infrigidet, ut omittam, nequaquam per-  
petuum esse, crassorum substantiam plus agere.  
nam tenuia sepe ad agendum expeditiora sunt:  
ob quam causam uinum lymphatum plusquam  
aqua sola infrigidat, & alibi album quam ni-  
grum, lumen quam tenebræ, cristalloidem magis  
afficit. Sed de his amplè dicemus in quarto libro  
de symptomatum causis. Tamen uel ex his nunc  
satis constat, quòd multo promptior erit nostra,  
quàm Galeni ratio ad enodanda huiusmodi  
problemata. Etenim longè alia est uirtus elemen-  
taris, alia cœlestis: hæc enim subtilior est, illa  
crassior. unde cœlestium uirtus in omnia etiam  
quàm longissimè fertur, ac clàm se insinuat. Eius-  
dem generis est & illud, Cur cicuta hominem  
intoxicat, sturnum nutriat: quippe quia quod  
frigidum est, à frigido promptius offenditur. Ra-  
tionabilius erat e contrario sturnum quàm ho-  
minem à cicuta interimi. Atque hic Galenus ad  
uenarum latitudinem recurrit, propter quam ci-  
tius in homine, quàm sturno, ad intima cordis pe-  
netralia, ut ipse commentatur, digeritur. Eadè  
ratione ferè citius interimunt uenena calida  
quàm frigida, & rursum frigida actu calida.  
Non tamen talè in omnibus posses reperire caus-  
sam. neq; enim cur ueratrum homini medicamē-  
tum sit, corturnici uerò nutrimentum, eadem raz-

tiocinatio est: sed à sola substantiæ conditione pendet, quæ uni consentit, alteri plurimum dissentit. Eadem fortè occasione euenit, quòd calx aqua accenditur, oleo uerò extinguitur. Sequitur autem talis substantia non elementorum, sed astrorum potius occasionem: ne posthac aliquis credat parum momenti habere astrorum in generationibus hominum calculum. Eodem modo soluitur, cur mel homines incalfaciat, apem uerò in sua natura relinquat. nam qui aliud cogitarunt dicere, in manifestum errorem inciderunt: quales illi qui ob hoc duplicem calorem distinguunt: alterum animale, alterum uerò, ut uocant, complexionalem: hunc in substantia, alterum uerò in spiritu & sanguine consistere asserunt: atque altero modo apem frigidam inquit, altero calidam. Verum hos illud Galeni dictum satis redarguit, quo testatur unumquodque tantum habere caloris, quantum sanguinis. Quòd si contendant id de calore animæ tantum dictum, ac pergant apem dicere calidam, præterquam quòd noua quadam, & commentitia, nec unquam à Galeno cognita diuisione, Galeni auctoritatem male frustrantur: insuper contra ipsam experientiam manifeste dicunt, quæ tactu apem (siquidem illi credendum est, & reuera est) indicat frigidam. Ego igitur malletm istius rei discrimen referre ad mellis proprietatem, quæ aliter sese habet ad hominem, aliter ad apem. Quòd si  
solis

solis calor omnia sine discrimine calfaciat, nō debet statim id de calore mellis aut similium colligere: nam calor solis syncerus est: qui uerò in melle, cōuenientibus alijs astris commistus. Iam neque sol omnia indifferenter calfacit, sed quædā plus, quædam etiam minus, quædam etiamnum frigida manent, tantum abest ut mel singulis suum calorem imprimat. Nam neque magnes quoduis corpus ad se attrahit, uel ferro leuius, nō etiā plumam. & ne à proposito digrediamur, non statim leuiorem humorem attrahit, quod crassiorum: neque enim biliosum continue trahūt, quæ melancholicum. Hac quoque forsitan occasione accedit, quòd piper, zinziber, ac quædā similia, euidentius palatum quàm reliquas partes inflāmant. nam ne id quidem calidioribus omnibus euenit. Iam neque uinum calorem naturalem extinguit, sed ignem. Illinc quoq; & illud provenire crediderim, quòd quædam medicamenta tenuium, quædam crassarum sint partium. sed & saporum differentie potius qualitates occultas sequuntur, quàm elementares.

ERGO manifestum iam arbitror factū quòd iudicium eius quod respectu nostri calidum, frigidum, humidum, & siccum dicitur, non ex ijs quæ extrinsecus sunt posita, sed ex ijs quibus ipsi afficimur, certū exactumq; fieri possit, atque id tanquam primum ac maximè sit spectādum, deinde  
fires



si res exigit, etiam quod ab externis peritur. Nam si evidens sit ad sentiendum, & clarus sit adhibiti medicamenti affectus, huic reliquis notis omnibus positebitis credendum: si debilis, & obscurus, atque etiam mixtus, aut ullam dubitationem sit exhibens, tum utiq; ad externa omnia conferentes de eo iudicandum.

*Sanè unica huius methodus est, ipsa experientia: quoniam coniectura, quam ex externis petit, rimosa est: quippe tametsi oleum promptè in flammam uertitur, uinum tamen, aloë, & multa similia, egrius quàm frigida quedam accenduntur.*

A C neque horum quidem ad ea quæ longius absunt, sed neq; ab ipsa quæ sitæ rei substantia sunt desumpta. Verbi gratia, si oleum calidum est, non id inde spectabitur, quod glutinosum aut pallidum, aut leue est, sed quod facile inflammatur. Id nanque erat illi calidum potestate esse, quod celeriter in energia calidū mutatur. Ad eundem modum & in corporibus nostris, nō utique id expendendum, an crassum partium, an tenuium, aut humidū, aut leue, aut glutinosum, aut pallidum, sed an calfaciat admotum. Aequè uerò an dulce sit, an aluum deiciat, an sanguinem, si instilletur, faciat in missione fluxile. quippe

pe hæc quoq; ſuperuacanea ſunt, cum æſtimate liceat an calfaciat, cum admouetur.

Horum multa & calidis & frigidis ſimiliter competunt. nam neque tenuia perpetuò calida, neq; craſſa frigida. Quid enim de acidis & amaris medicamentis diceret? Sic & inter alia deſicientia quadam calida, quadam frigida, in omnibus tamen ferè dicente Galeno quandam acrem, licet latetent, caliditatem inuenies. nec ruruſum quoduis dulce calidum, quia ſæpe interior acerbitas dulcedine exteriorè obſcuratur, & ut ſolemus dicere, ſub melle uenenum tegitur. Nec iam quod extenuat, ſemper calidum eſt: quoniam coagulum multis aſſerētibus, quod ſubtile eſt, inſpiſſat: quod craſſum eſt, extenuat. Sola ergo experientia hic abſque errore eſt.

E. R. G. O. ſi notabiliter id ualenterq; faceret, quemadmodum piper, utique clarum id proculq; dubio eſſet. Nunc cum minime ualenter id præſtet, meritò in quaſtionem uenit. Multo uerò magis de roſaceo, & aceto dubitatur à medicis, atque ambigitur calidane hæc, an frigida poſſeſſate ſint.

Senſus craſſus eſt, nec poſſeſt minimas differentias inuadere aut diſtinguere. Hæceſt ratio quare medicamentis in primo ordine ratio adhibetur. nam ſuam qualitatem obſcuram obtinent. Sic cineres, acetum roſaceum frigidum in primo, herum.

*uerum ipsum oleum attemperatum.*

AGENDVM igitur id est, ut in omnibus quæ potestate calida, frigida, humida, siccaue dicuntur, exactas aliquas clarasque discretionones inueniamus, sicut antè de energia sic dictis fecimus. Porro incipiendum arbitror ab ijs quæ euidentissima sunt, quando in ijs exercitatus facile consequetur ea quæ minus sunt euidentia. Ergo statim ut corpori hoc uel illud medicamentum cibûsue admonetur, expers esto omnis acquisititi caloris uehementis & frigoris. Quam enim in superioribus determinationem innuimus, cum sicca & humida corpora dignoscenda proposuimus, eadem nunc nobis quoque in ijs quæ potestate calida frigidaque sunt, non minus erit utilis. Nam siue potestate frigidum, cum id applicas, manifestè calfacias, siue calidum refrigeres, corpus primo occurssu qualitatis acquisitæ, nō eius quæ propria est rei admotæ sensu afficietur. Vt ergo admotæ rei uera synceraq; natura exploretur, tepidum quoad fieri maximè potest, esto, nec ullam extrinsecus notabilem alterationem ualentis caloris, frigorisue ceperit. Ac prima quidem admoti medicamenti præparatio talis esto.

*Simplicia omnia tam calida, quam frigida  
euiden*

evidentem frigiditatem exhibent, quam ex elementis obtinent. nam potentiam, diximus, ex astris ingentiam habent. Ne ergo elementaris conditio obscurer eam, quæ ab astris occulta est potentia, tepida omnia experienda sunt. Ob eandem causam neq; succi natura frigidi exhibendi sunt admodum calidi.

APPLICATUR autem, cum eius vim exploras, non cuilibet corporis affectui, sed simplicissimo, & quoad fieri maxime potest, summo.

*Simplici, hoc est, immateriali. nam an calido simul & sicco, an aliis, parum refert. Sed materialis coniecturam nostram subinde frustrari posset. etenim dum calida materiam digerunt, refrigerationis phantasiam produunt. cur uero, & quoad fieri potest, maxime summo affectui adhibendum est. Multiplex est causa: prior est, ne medicamento acceptum feramus, quod natus re debetur, quæ sepe per se paruos affectus euincit. est etiam hoc modo iudicium certius. Tertio hac ratione non solum qualitatem medicaminis discimus, sed & ipsius ordinem.*

AT si summi quidem caloris affectio- ni admotum frigoris sensum excitet, erit profecto sic frigidum. Pari modo si frigido affectui applicatum, calidum statim appareat, id quoq; erit calidum.

*Quæ mediocres affectus per se tollunt contra-  
rietatem*

*rietatem habent: maximam tamen ac certissimam, quæ maximos atq; extremos. denique mediocriter frigidum nonnihil immutabit frigidum in summo. nam & in secundo ordine calidum nonnihil qualitatem summi caloris imminuet, nunquam tamen hic calidum frigoris aut frigidum caloris sensum inuehet.*

**S** I N uel calidæ affectioni calidum, uel frigidæ frigidum sentiatur, non est quòd hoc calidum, illud frigidum omnino pronuncies. Est enim aliquando summi caloris affectus, quem mediocriter frigidum medicamen adeo non alterat, ut refrigerando densandoq; summum extrinsecus corpus, calorem intrò cōcludat, ac diffolari uetet, indeque affectum magis accendat.

*Frigidum dum cutem indensat, humores cohibet, ac difflationem retinet, subinde calfactionis similitudinem præbet.*

**I** T A uerò & si quid frigido affectui admouetur, nullum adferat calorem, uidendum est num id, cum sit aliquid mediocriter calidum, nihil egit in affectum, qui summi indiguit caloris.

*Eodem modo & calidum aliquando nonnihil refrigerat, dum nunc contrà calidum humorem digerit: non tamen id nunc Galenus respexit, qui de immaterialibus loquitur, sed medicaminis imbecillitatem suspectam habet, quã contemnit.*

temnit affectus magnitudo. Hoc de aqua frigida in febribus paulatim pota quidam auderent dicere, quòd magis sitim prouocet quàm sedet. ita & alibi contingere posset, quòd medicamentum modicè calidum collatum cum affectu maximè frigido fortè rarefaciendo potius ipsam exasperet, quàm mitiget. Fateor quòd in tertio ordine calfacit, non omnino ignauum esse contrà affectum extremè frigidum, nihil tamen admodum sensibile exhibet, præsertim si in secundo tale fuerit, aut magis in primo. ergo in mitiore affectu forte in tertio medicamentum explorandum est. quòd si neque ibi se prodat, ad secundum, deinde ad primum ordinem ueniendū est. ita enim non tantum qualitatem, sed ordinē quoque qualitatis inueniemus. Forsitan autem neque in eo affectu qui primi ordinis est, quicquam magnū aut euidens faciet. nam hic ordo partim experientia, partim rationali demonstratione indiget. Sed de ijs alibi. Hanc Galeni sententiā non nihil obscurauit interpres, nā sic Græca habet, σκεπτομαι μὴτε μετρίως ὑπάρχον θερμὸν οὐδὲν ὑπερθερμὸν εἰς τὴν ἀρχὴν θερμῶν διακρίσιν. Cuius hæc uerbatim est interpretatio, Considerare decet, si non mediocriter existens calidum, nihil egit in eum affectum, qui summi eguit caloris. Cuius hæc est sententia, Videndum an non ob eam causam, quia mediocriter tantum calidum fuit, nihil egit in affectum, qui summi eguit caloris

aliquo accidenti huc est actum.

*Indistinctus est hic sermo, ac tantum ad iudicium qualitatis elementaris siue manifestæ attinet, non autem potentiæ. nam medicamina ferè nisi sub tepore exhibentur: frigiditatem, quam ex elementis retinent, primo occurſu exhibent. quòd si sub tepore adhibeas, iam quoq; teporem inuehunt, quamuis nunc calida, nunc frigida illorum potestas fuerit. atq; omnino suam potentiam non statim, sed subito impingunt, actus uerò statim se produnt.*

V E L V T I iuueni quadrati corporis tetano æstate media laboranti, frigida liberaliter affusa caloris repercussum facit. Cæterum quòd aqua frigida per se non calfaciat, ex primo eius occurſu patet: sensum nanq; inuehit frigoris. Præterea cutem quoad ei affunditur, frigefacit, tum calorem nec in omni corpore, nec dum affunditur, inuehit. Imo tantum in iuvene quadrati corporis, & æstate media, & postquam à perfundendo est cessatum. Sicut igitur frigida quibus incidit, hæc ilico perfrigerat, siue animata corpora sunt, siue inanimata, siue calida, siue frigida: ita si quod esset tempus, uel corporis natura, uel affectus ullus, in quo frigida primo statim occurſu caloris sensum inueheret, in re quæri posset, calfacerène an frigefacere.

aliquo accidenti huc est actum.

*Indistinctus est hic sermo, ac tantum ad iudicium qualitatis elementaris siue manifeste attinet, non autem potentie. nam medicamina ferè nisi sub tepore exhibentur: frigiditatem, quam ex elementis retinent, primo occurſu exhibent. quòd si sub tepore adhibeas, iam quoq; teporem inuehunt, quamuis nunc calida, nunc frigida illorum potestas fuerit. atq; omnino suam potentiam non statim, sed subito impingunt, actus uero statim se produnt.*

V E L V T I iuueni quadrati corporis tetano æstate media laboranti, frigida liberaliter affusa caloris repercussum facit. Cæterum quòd aqua frigida per se non calfaciat, ex primo eius occurſu patet: sensum nanq; inuehit frigoris. Præterea cutem quoad ei affunditur, frigefacit, tum calorem nec in omni corpore, nec dum affunditur, inuehit. Imo tantum in iuvene quadrati corporis, & æstate media, & postquam à perfundendo est cessatum. Sicut igitur frigida quibus incidit, hæc ilico perfrigerat, siue animata corpora sunt, siue inanimata, siue calida, siue frigida: ita si quod esset tempus, uel corporis natura, uel affectus ullus, in quo frigida primo statim occurſu caloris sensum inueheret, iure quæri posset, calfacerene an frigefacere.



per se nata esset. Nunc autem cum omnia tum animata, tum inanimata, protinus & perpetuò ab ea frigefieri cernamus, quibus autem insitus calor ueluti fons quidam ignis in uisceribus est, his adhibita percussum aliquando caloris facit. Rationabile arbitror ex accidenti, non per se talia calfacere: sed nec latet quaratione illud accadat.

Pro percussu Græca lectio habet *ἐκπύκνωση*, nescio an retrocessum interpretari auzim: motum scilicet eum, quo calor naturalis ab exterioribus ad interiora pellitur. Certe nequaquam in sequentibus eodem nomine utitur. Forsitan idem intelligit per *ἐκπύκνωση*, quod mox per *ἐκπύκνωση*: hoc est, secundum motum, quo sanguis rursus fertur ab interioribus ad exteriora: atque hunc propriè percussum appellamus: atque is est, qui partem infrigidatam recalfacit. Proinde non ubique aqua frigida percussu calorem prouocat, duntaxat in his qui sanguine aut calore abundant, in reliquis uerò calorem extinguit, aut infirmit. causam statim subiiciet. Interim temeraria muliercula suum errorem corrigant, quæ sine discrimine uirtutis ac corporis paruulos infantes cachecticos ac uentricosos frigidis fontibus imbuunt, ac subinde in perpetuum uoletudinarios reddunt, aliquando mortuos educunt.

SI QUIDEM stipata clusaque corporis

poris summa facie percussus refractusq;  
fit caloris eius, qui à profundo ascendit,  
quiq; simul propter difflatus inopiam est  
aceruatus: simul propter frigidi circūstan-  
tis uolentiam in altum recedit, simul ex  
succis istis habitis nutritur.

*Imperfectè forsitan etiam malè hunc locum  
interpretes reddit, qui pro κατὰ κλυσιν τοῦ θέρπου,  
hoc unum uidetur posuisse, clausa summa corpo-  
ris facie. Sane qui uel à limine rudimenta Græ-  
ca didicerit, facile intelliget quantum hæc inter-  
pretatio à Galeno disceſſerit. Videtur autē hæc  
oratione significare conclusionem caloris, forte  
à principio κατὰ κλυσιν, pro κατὰ κλυσιν scriptū  
erat: ut sit sententia, constipatione cutis & de-  
fluio calidi calor repercutitur. Verū ut ut  
orationem uerteris, obscura manet: nec iustam,  
ut apparet, percussū caloris causam continet.  
non enim ob eam calor reuertitur propriè, quia  
cutis stipatur, aut calidum concluditur, aut ad  
interiora delabitur, sed quia ab internis uisceri-  
bus parum admittitur. Proinde spinosa hæc est  
dictio, neq; satis scio quomodo Galenus eam scri-  
pserit. hoc unum scio, quod aqua frigida pri-  
mū cutem refrigerat, deinde densat, simul au-  
tem & calorem ad interiora propulsat. atq; hic  
aliquo tempore moratus iterum propter abun-  
dantiam quæ hic est, reuerti cogitur, nec solus,  
sed cum fœnore: nam perfrigidum & intus col-*

lectus, & à proximis succis auctus est. uerùm an hæc eius principalis causa sit, quòd auctior & uerior redijt, postea inquiremus. nunc quod sequitur perscrutemur.

QUIPPE ubi collectus nutritusque calor ad summa corporis uiolentius ruit, fit quidam caloris repercussus.

Nunc multo clarius, quàm prius, repercussum secundum motum appellat, quo ab interioribus ad exteriora sanguis regurgitat. nam eius definitionem hic ponit.

IUDICIUM uerò ac documentum, quòd frigida nequaquam per se calorem auxit. Nam per se quidem cutem perfrigerauit, frigus uero eius densitas & reditus calor ad profundum sunt consecuti. Rursus horum densitatem quidem difflatus prohibitio, reditum uerò ad interiora concoctio, consummatioque qui istic sunt furcorum, est adsecuta. Horum uerò difflatus prohibitio, calor colligendi, succorum concoctio, eiusdem generandi fuit occasio. Porro horum utrunque natiui caloris sequitur auctio. Ergo intercedentibus & medijs utrisque frigida in animalis corpore caloris aliquando excitat incrementum, per se nunquam.

Ordo sic sese habet: frigida refrigerat, frigus cutem condensat, & calorem ad interiora propellit

pellit: nunc densitas difflationem prohibet, intercepta uerò difflatio calorem colligit, atque unit: ita neq; calor dum ad interiora regurgitat, uno modo confert, sed succos imperfectos in uisceribus perficit, atq; nouum sanguinē gignit, utroq; modo tum cutis cōdensatione, tum caloris regurgitatione ipse calor augetur. Proinde nequaquam per se, sed multis intercedentibus medijs frigida incalfacit, non tamen præcipuam eius causam mihi uidetur Galenus assecutus. etenim ipse putat, quod impulsus intro sanguis tum ex collectione, tum ex concoctione fiat uberior, quod in momentaneis repercussionibus fieri non potest: attamen quod uel ex ijs sanguis redeat affatim liberalior, omnibus manifeste notum est. Cuius causam ego magis credo, quod repulsum sanguinem interiora uasa non nisi grauatim admittant, & tandem reuomant. nam & prius satis onusta erāt. quare nunc maius onus indignata, non solum quod aduenit, sed & partem eius quem prius continebant, repellunt. uulgo enim dicitur, Fluxus fluxum prouocat: propterea non iam in omnibus sanguis repercussus cū uorsura redit, sed his tantum, quibus in ipsis uisceribus fons est uberior. in alijs enim partes externæ refrigerantur, subinde emoriuntur. Quamuis iuxta hanc Galeni rationē forsitan uel hic quoq; decebat fieri liberalior sanguinis regurgitatio. & hæc sit altera opinionis eius redargutio.

S E D non minus calor , est quando ex  
 . accidente perfrigerat , utiq; intercedente  
 uacuatione , sicut perfusio phlegmonem.  
 Cum enim ex calida fluxione phlegmone  
 consistat , propria quidem eius curatio,  
 uacuatio superflui est , uacuationi autem  
 particulæ , quæ per phlegmonem excalsa-  
 ta est , omnino succedit refrigeratio. Er-  
 go cum duplex in ijs , quæ phlegmone la-  
 borât , particulis affectus sit: unus quidem  
 in quantitate , ex superuacui naturæ mo-  
 dum exeuntis abundantia , alter in quali-  
 tate , qui ex caloris spectatur ratione , se-  
 quitur prioris eorum curationem , etiam  
 posterioris curatio. fiuntque ex accidenti  
 quæ uacuant , calentis materiæ remedia , &  
 inflamationis particularū refrigeratoria.

*Eodem modo calidum non sua, sed interce-  
 dentis opera refrigerat, neque id tantum in ma-  
 terialibus affectibus, sed & in immaterialibus:  
 unde sanguinem saltem & spiritum digerit, in  
 quo calor habitat.*

E R G O tum hæc discernere oportet,  
 tum id agere, ut pro modo simplicis affe-  
 ctus etiam uirium medicamēti inueniatur  
 modus. uerbi gratia , si calidus in summo  
 affectus sit, frigidum quoq; in summo me-  
 dicamentum paretur : sin affectus à sum-  
 mo paulo recedat, medicamentum quoq;  
 à summo

à summo paulum declinet. Si plus à summo calore absit affectus, ad portionē absit à summo frigore medicamētum. Quippe si auspicatus à tali coniectura examen eorum sis, facilius propriam cuiusque inuenias uim.

*Epilogum nunc Galenus eorum perstringit, quæ antè latè disseruit: ac primum medicamentum de quo ambigitur in simplici affectu, ac ut coniectura capit, in eodem ordine tentat. Id autem præcipuè obseruare oportet, ubi cognitum affectum cognito medicamine tollere uolumus, præterquam in paucissimis corporum statibus: de quibus in Techna.*

A D summam enim in omni simplici affectu calido quodcunque adhibitum medicamen primo statim occurſu frigoris sensum intulit, id frigidum potestate est, ac multo profecto magis, si post primam exhibitionem tale perpetuò manet.

*Iste, ut diximus, locus definitione opus habet. Nam omnia medicamenta primo occurſu suo quodammodo frigida sunt, iuxta energiam, quæ ex commiſtione elementorum obtinent: etiam uinum, mel, & multa similia: quod si sub tepore exhibueris, nec sic quoq; primo occurſu suâ qualitatem propriam insinuant.*

Q U O D si calidum affectum prorsus sanet, frigidum id ex necessitate fuerit.

¶ Oportet

Oportet hoc cum alijs prioribus accipere. nā seorsum ac per se ueritatem non obtinet, quum multa calida per accidens calidum curent.

AD HIBENDVM uerò est, cum exploratur omnino tepidum, ut prius testati sumus.

Ita neq; calidum medicamentum primo suo occurſu frigidum apparebit: neq; frigidum calidum. frigidū etiā ſua facultate reperiſſima ſpoliaueris. nam id duntaxat poſſunt actū frigida.

VBI iam cognitum eſt tale eſſe, deinde curationis cauſa tale petitur, rectius frigidum ſumitur.

De frigido medicamine loquitur in affectu calido. nā hic potius eſt exhibere frigidū, quā tepidum: ita rurſum & in frigidis potius exhibere calidum, quā tepidum: omnino enim pro affectu atque tempore ipſa comparare oportet, nunc calida, nunc frigida. Ita & de potu ſtat alibi certa Galeni ſententia, ut æſtate frigidum, hyeme exhibeamus calidum. Et quomodo ergo uulguſ medicorum omnia medicamenta omni tempore exhibet egelida?

NISI ſi medicamen ſummi ſit frigoris, morbus in ſummo caloris non ſit.

Idem & in calido medicamine: nam actus contrarius nonnihil poteſtatem imminuit.

ATQVE hæc quidem diffuſius tum in opere de medicamentis, tum curandi methodo

methodo tradentur : ad præsens illud sal-  
tē nouisse oportet. Si quod calido & sim-  
plici affectui adhibitum medicamentum,  
tum protinus, tū toto deinceps tempore  
frigoris sensum, ac facilioris tolerantia  
iuuamentique laboranti affert, id frigidū  
necessario est, tametsi in alijs nonnunquā  
uideatur calidum. Depræhendentur enim  
in illis, si diligenter exploretur, non utiq;  
per se, sed ex accidenti excalfacere. Cum  
per se dicimus, uel primum, uel nullo in-  
tercedente medio, omnibus eiusmodi uer-  
bis idem potestate significamus. In qui-  
bus omnibus lectorē in opere de medica-  
mentis proprijs exemplis exercitabimus.

*Affectus ordinem, in quo medicamentum ta-  
le explorandum est, nunc non determinat: si qui-  
dem tamen à summo incipias, erit uia paulo tu-  
tior. nam si à primo ordinis affectu aliquo inci-  
pias, ut statim potes agnoscere an cōtrariū effe-  
ctum obtineat, ita ne affectum aliquando iri-  
tes, periculum est. Adde quòd neq; ordinem me-  
dicamēti sic possis discere. Ergo certior, licet pau-  
lo lōgior, si à summo incipias. quippe & corpus  
hoc modo minus periclitabitur, & ordinē appri-  
mè inuenies. nō enim simpliciter, sed in eodē ordi-  
ne frigidum aestimare oportet, quod affectum in  
quarto ordine attēperauerit: quòd si id minus pos-  
sit, affectui in tertio exhibēdū est: fortē enim hūc  
omni-*



*omnino medicabitur: ac iam inuenisti quod in tertio tale erat, atque ita deinceps. nam medicamentum in secundo ordine frigidum, nunquam per se tollet affectum in tertio calidum: sic & medicamentum calidum in secundo ordine, affectum frigidum in quarto subinde nihil emendabit, sed rarefaciendo plus infrigidabit, id tamen rarius, ita ut cogitare facilius ista sit, quam experiri.*

N V N C recensitis ijs, quæ antè iam dixi, proposito libro commodum imponere finem tentabo. Cum nanque calidum corpus multifariam dicatur, nam & quod summam eiusmodi habet in se qualitatem, ipsum scilicet elementum, & quod propter eiusmodi qualitatem pollentem, nomen est sortitum, adhæc quod collatum ad aliud dicitur, uel ad id quod mediocre eiusdem sit generis, uel quicquid fors tulerit, sic & quod potestate calidum est, energia uerò nondum dici potest, intelligi probarique multis modis oportet.

*Non sunt significationes calidi actu & potestate eadē, aut similes, sed ferè numero æquales. nam ut calidum actu multifariam dicitur, ita calidum quoq; potentia uariè distinguitur. Ac ut cetera omittamus, primo sic appellatur quod nondum tale est, sed propediem per se tale futurum*

rum est: secundo quod materia alterius est, & hoc quoque tale futurum: sed est differentia. nam Galenus primo modo potestate talia esse definit, quæ suapte ingenio ac citra alterius operam talia sunt: atque hæc nomenclatura nullis medicamentis potestate calidis convenit: quia nullum eorum ultro accenditur, sed elaboratione caloris egent, priusquam in calidum mutantur. Itaque secundo modo Galeno hæc potestate dicuntur, quia in calidum actu minimo accepto initio vertuntur. Iam actu calidum varium est, flamma, pruna, sanguis. Proinde & hunc modum tandem quoque in suas licebit partiri differentias: atque totidem erunt potestates, quot sunt actus.

QVO utique minus rectè si quid non statim inflammatur, id aliqui ne ut ad nos quidem esse calidum potestate putant. Nā siue facile concoquitur, & cito nutrit, erit ut ad nos calidum, siue ad motum veluti medicamentum calfacit, erit id quoque ut ad hominem potestate calidum. Sic nimirum & per singulas animalis species ipsum potestate calidum, siue est ut medicamentum, siue ut nutrimentum, ad illud tantum animal collatum dicitur. Est enim ex ijs quæ ad aliquid referuntur, quicquid potestate aliquid dicitur.

Duas species calidorum explicat, nutrimentum & medicamentum: cautè tamen nunc ad  
motum

*motum medicamentum calfacere, non autem in calidū uerti ait: quod si & in alijs locis fecisset, omnem redargutionem subterfugisset.*

QVARE & probatio quæ propria est, melior utique est, quàm quæ ab externo petitur.

*Externa probatio est, quæ à calore, aut crassitudine, tenuitate, aut aliter sumitur.*

PROPRIA uerò est una in singulis, utique si celeriter tale fieri appareat, quale id esse potestare diximus. Est enim potestate ignis quicquid celeriter in ignem uertitur: potestate uero calidum, ut ad hominem (est ex speciebus eorum quæ ex eo quod in ipsis præpollent, dicuntur) quicquid homini applicatum naturalis eius caloris, uel qualitatem auget, uel substantiam.

*Si calidum potestate est, quicquid caloris in homine qualitatem aut quātitatem auget, iam & lactuca calida erit: ipse ergo uiderit, ne nominis rationem confuderit. sed hæc ex priori sua hæresi proficiuntur omnia.*

E A D E M mihi & de alijs censeri dicta uelim, quæcunque scilicet potestate frigida uel sicca, uel humida dicuntur, quum hæc quoque partim ueluti ad ipsa elementa, partim ueluti ad ea, quæ ex præpollente sunt nominata, tum intelligi, tum explorari.

uari, tum doceri conueniat.

*Quemadmodum calidum medicamentum dixit, quod in ignem, uel in quo ignis præpollesbat, uerti poterit: ita frigida, & humida, & sicca definit, quæ in similia elementa promptè commutantur, uel in ea, in quibus hæc elementa superant. Atq; id ipse rursus uiderit: nam bilis exicat priusquàm in scrobem aut puluerem abit: itæ lactuca solida est, & tamen humectat.*

P A T E T uero eum quoque qui iudicat tactum, omnis acquiratitij, caloris & frigoris expertem esse debere, sicuti de medicamentis ipsis prius est dictum.

Nescio cur hic tactum liberum, & omnis aliene qualitatis expertem exigit: non enim tactus potentias, sed manifestas medicamentorum qualitates, hoc est elementares, non autem celestes decernit. Quæstio autem, an tactui, ac reliquis sensibus aliquod iudicium tribuas, ad alium locum attinet.

H I E R E

HIEREMIAE  
THRIVERI BRA-  
CHELII COM-  
MENTARII  
IN  
LIBRVM GALENI  
DE INAEQUALI  
INTEMPE-  
RIE.



INAEQUALIS intempe-  
ries aliàs in toto animalis  
corpore fit, ueluti in ea hy-  
dropis specie, quam Græci  
ἀνασάφνα uocant.

*Satis incondito hîc ordine Galenus utitur:  
quoniam inaequalem intemperiem diuidit prius  
quàm definit. nam contrà fecisse oportuit, quod  
& nunc nos faciemus, primum ostendentes, in  
quo inaequalis intemperies siue morbosa magna  
ex parte à salubri intemperie differat. nec est  
procul posita. Nam salubres intemperaturæ do-  
lore uacant, morbosa uerò siue inaequales magna  
ex parte coniunctum habent, cuius rationem si  
sciuerimus, scopum totius huius libri obtinebi-  
mus. Pendet uerò id ex inaequalis temperaturæ  
definitione, quam Galenus putat diuersarum  
particularum diuersum temperamentum, non  
quoduis*

quoduis, sed illud tantum, quod à morbosa causa in uarijs partibus uariè excitatur, ratione cuius altera alteram afficit, ac fortassis altera incalfacta est, altera uerò adhuc incalfit: nec est dubium, quin altera alteram afficere potest: uerùm talis inaequalis intemperies parū artificij habet. neque omnem inaequalem intemperiem hæc descriptio cōtinet. Nam ab ignis aestu forsitan corpus dolebit: tametsi omnes corporis partes equaliter, hoc est secundum proportionem incalſiant. Igitur nō uidetur hinc propriè nasci dolor, quòd proxima pars sua inaequalitate alteram afficiat: sed quia naturale patitur ab innaturali, modicū ab immodico, adeò ut si fieri possit quod una omnium in homine eſſet partium natura, fortè modicè calida, & ut nunc dicimus attemperata: tamen quod foris incidit, calidum aut frigidum dolorem moueret: atque inaequalem temperiem faceret. Non est ergo nobis inaequalis intemperies diuersarum partium dispar temperamentum, sed eiusdem partis intemperamentū ex naturali affectu & innaturali quoddam mixtum. Neque hic nobis periculum imminet, ne contraria clam in eodem constituamus. Nam ut calidum non frustra agit in frigidum, sed aliud quod relinquit uestigium: ita non statim frigidum euadit calidum: duntaxat in quadam uia consistit ad calidum. Quod si istud concipere non potes, quomodo & à calido, & à frigido si

mul

mul particulam immutari intelliges? atq; ita ta-  
 men euenit in febre hepatica, ubi qualibet pars.  
 & à calore, & à frigore equaliter patitur. nec  
 est quòd dicas sensum non assequi. & tamen mi-  
 nimis particulis secundum rationem ea distin-  
 gui. nam id uerè commentitium est, quòd si talis  
 febris exemplum uobis incognitū sit, simile quid  
 imitari potestis, si pedem in aquā frigidam sube-  
 meriseritis, brachium uerò totū in calidam. Nā  
 in uniuersum corpus hoc modo mixtus caloris  
 & frigoris sensus diffundetur. quippe si alterum  
 istorum tantum tentaueritis, non est dubium,  
 quin pro eius ratione uniuersum corpus qualita-  
 tis sensus tentabitur, ergo si utrunq; feceritis, mi-  
 xtus proueniet sensus, nisi malitis dicere, utrūq;  
 simul suo effectū destitui. Efficacius ergo exem-  
 plum erit, si frigida ac calida affatim ac simul  
 aliquem perfundi cogites: atque hoc modo non  
 iam simplicem, sed duplicem inaequalem intem-  
 periem potestis cognoscere, ubi utrunq; extremo-  
 rum aut contrariorum, agit in id quod est me-  
 dium. nec mirum, si molesta sit, quoniam ex duo-  
 bus componitur, quæ continue inter se agunt &  
 patiuntur: nec prius doloris sensus remittitur,  
 quàm actio & passio desinat, quod tum primū  
 fiet, quando extranea illa qualitas in habitum  
 transijt, uel illa extincta pars ad naturālē habi-  
 tū redijt. utroq; enim modo actio desinit: quippe  
 à simili nulla fit actio aut passio, neq; citra hāc  
 nullus

ullus dolor aut uoluptas. Quòd si perpetuò corpus aliquid patiatur, momentanea tamen & leuis hæc passio est, adeo ut sensum subterfugiat, nec inæqualis intemperiei ratione mereatur. atq; hæc tantum de ipsius definitione nunc quod superest, sigillatim Galenum audiamus.

ET febribus ijs, quas iidem Hepialas appellant, fereque reliquis omnibus, exceptis quas Hæcticas nominant.

Satis ex superioribus liquet, quòd omnis morboſa intemperies, quæ nòdum in habitum transiit, inæqualis sit, nec tamen ubique dolore proditur. nam humida intemperies ferè dolore uacat. est autem non hæc tantum in anasarca, sed in ascite, si quidem uentrem spectes. nam reliquum corpus tabe quidem ac siccitate laborat. In febribus uerò oritur inæqualis intemperies calida, exceptis hæcticis, atq; illic simplex, in hepialis uerò duplex, nisi in alijs siccitatem æstimes: nam hac ratione in omnibus ijs duplex est. Quòd si iam materia frigida sit, & humida, ferè quadruplex est. uerisimilius tamen est, quòd in hoc loco inæqualitatem respexit, quæ paulò antè augmentum est, in qua quodammodo pugnat calidum cum frigido. de qua in fine.

INCIDIT autem & in unaqualibet parte, cum ea uel intumuit, uel phlegmone, gangræna, erysipelate, cancro uel affecta.



Per eam, quæ intumuit, œdema, ac mollem tumorem intelligit. Vno autem uerbo, omnis humor ut morbosus est, ita quoq; suæ intemperiei corpori aliquid allinit.

HVC pertinet & qui Elephas dicitur, & Phagedæna, & Herpes. Verū hæc omnia cum fluxione consistunt.

Elephantem nunc particularem morbum ac tumorem dicere uidetur, aliquando autem uniuersi corporis, uulgo lepram dicunt. Proinde apud ueteres eius nominis duplicem usum uideo: uidetur autem Elephas esse non quiuis tumor melancholicus, sed præsertim in extremis membris.

AB SQVE autem materiæ affluxu solis partium qualitatibus aliquatenus alterandis inæquales intemperies fiunt, utique refrigeratis ijs aut deustis, aut immodicè exercitatis, aut feriaris, aut aliquid id genus passis.

Victus prius humorem parit, quàm intemperiem: at aer & ea quæ foris occurrunt, ferme e contrario prius temperaturam uitiât, quàm corpus onerant: ex iisdem motus est, quies tamen: quam nunc credo per Feriatos intelligit: prius corpus grauat, quàm temperiem lubefaciat.

IAM ex ijs quæ foris corpori occurrunt inæqualis intemperies gignitur, dū id uel frigeat, uel calefit, uel siccatur, uel humectum redditur. Quippe hæ simplices  
intem

intemperies sunt, ueluti in ijs quæ de temperamentis scripsimus, est monstratum. Compositæ ex ijs aliæ quatuor sunt, cum corpus calefit simul, & siccatur, uel calefit simul & humectatur, uel refrigeratur simul & siccescit, uel refrigeratur pariter & madescit.

*Tum ex his, tum similibus locis colliges, quòd subinde qualitas elementorum uincit, quāquam ipsum elementum nulla parte substantiæ magis quàm antea excedit.*

QVOD autem eiusmodi intemperies ab equalibus co distent, quòd in omnibus intemperanter affecti corporis partibus æqualiter non insint, id clarè liquet. Ergo quis sit omnis inæqualis intemperaturæ generandæ modus, in proposito libello statutum est exequi.

Hic inæqualem intemperiem diuersitate particularum manifestè finit: mihi uerò diuersitate qualitatatum magis uidetur subsistere, quæ in se se mutuò agunt. Fateor, neque negare possum, quin in morbis plerisque diuersa, affines tamen particula, diuersum temperamentum subeunt. Fieri enim non potest, ut omnes ab una causa inuadantur eodem more. Sed hæc differentia sæpe momentanea est, ac quam sensus discernere nequit: raroq; talis, quæ alteram sensibilibiter offendat: alioqui & in sanis partibus maior est dis-

cordia quam pugna, tanto temperamento natura inter diuersas partes usa est, sic dico & in hydropisi (cuius prius meminuit) diuerso modo frigus ipsum partes afficit. raro tamen tanta est differentia, ut hac de causa sese inuicem offendant, & dolor fiat. Idem sentio & de febre acuta, quæ hominem multis diebus tenuit, sed nondum in hecticam transiit. hoc enim tempore subinde uniuersum corpus iuxta proportionem quandam incaluit, necdum in habitum transiit, sed doloris particeps mansit. Iam neq; dolor in loco inflammato à proximis partibus inferitur, sed à qualitate morbosa atq; eccellente oritur. Sed age forsitan in principio proximæ partis seipsas offendunt, cum nondum iuxta rationem omnes similiter partes sint incalfactæ. etenim & hoc fieri potest: nunquid & in hectica igitur omnes similiter partes affectæ erūt, id statim fieri non potest: ex quo constat, quod nunquam in hoc solo inaequalem intemperiem constituere licebit. Melius est ergo morbosum temperamentum (ratione cuius inaequalis intemperies queritur) duplex distinguere. Alterum ac rarius, quod in naturam transiit, ac tantum non omne naturale temperamentum perdidit. Alterum multo frequentius, quod nondum totam partis indolem expugnauit, sed adhucdum cum eo sensibilibiter dimicat, atque id quidem est quod dolorem inuehit. Proinde inaequalis intemperies dicitur, non quidem

quidem ut Galenus putasse uidetur, quia cum proxima parte pugnat, sed quia inter naturale & aduētitiū quadam pugna existit. est enim inæqualis intemperies quedam media qualitas, ex temperamento naturali & peregrino ac aduētitiū quodam modo composita, in quo forsitan neq; calide partes cum frigidis, aut forsā humide cum siccis bene compositæ ac in unum subactæ sunt, sed pugnant in se inuicem. Nūquid ergo contraria in eodē ponimus? absit. non enim statim si quid patitur calidum à frigido, calidū & frigidum simul existunt, quinimo in eundem calorem, qui modicè sese habet, simul calidum & frigidum immodicè agere possunt. atq; hic duplex oritur inæqualis intemperies, nec quicquam impossibile committitur: sed pugna quedam inter has qualitates cum quodam dolore sentitur. Sed de his satis prius.

ADMONENDI autem sumus, quo clarior omnis nobis disputatio sit de omnibus corporis particulis principio à maximis sumpto, quæ scilicet ne uulgo quidem sunt ignoræ. Siquidem manus, & pedes, & uentrem, & thoracem, & caput, nemo est qui ignorat. Diuidamus autem earum rursus unamquamq; in proximas sui, quæ *ὑποστέμματα* Græce dicuntur, particulas. Verbi gratia, crus in femur, tibiam, & pedem. Item totum brachium in brachium, & 4 cubitum

cubitum, & summam manum. Item manus ipsius particulæ sunt, uola, & pars eius aduersa, (*υποκάρπιον* Græci uocāt) & digiti. Digitorum uerò particulæ sunt ossa, cartilago, ligamentum, arteria, uena, membrana, caro, tendo, unguis, cutis, adeps. Has autem diuississe in aliam speciem non est, sed sunt similes ac primæ, exceptis tamen arterijs, & uenis. Hæ nanque ex fibris & membranis sunt conditæ, ueluti in tractandæ dissectionis ratione est traditum.

*Arterias & uenas in multis locis inter similes ac primas numerat: quoniam obiter sensus eas tales æstimat: dum tamen exquisitè earum substantiam diuidit, inter compositas habet. Iam licet idem sit, partem esse similem & simplicem: non est tamen idem instrumentalem esse & dissimilem. nam sepe simplex instrumentalis est: iam neq; dissimilis semper instrumentalis.*

QVINETIAM complura esse spatia inter ipsas primas & similes particulas. Atque ijs etiam plura maiora minoraque inter ipsas instrumentales & compositas, aliqua uero & in unaqualibet simili particula, ueluti osse, cuteque. hæc quoque omnia in ijs, quæ de administrandis dissectionibus scripsimus, sunt prodita.

*Sunt quadam spatia satis euidentiæ inter in-*  
*stru*

*strumentales, sunt angustiora inter diuersas partes similes, uerbi gratia, inter cutem & carnem. Iam tertio & in ipsis similaribus quedam sunt spatia, ac pori. ossa uerò quedam, ac nervi aliquot manifestos habent meatus, reliqui occultos.*

A C quæ mollia quidem sunt corpora, ea quoniam sibi inuicem incumbunt, interposita spatia latere conspicuum faciunt. Quæ dura siccaque sunt, in ijs cernere spatia licet, sicuti ossium cauernulas. Continent hæc naturaliter multum in sese humoris, huiusque craissi & albi, in id comparari, ut ossa nutriat. Quæ in cute foramina sunt, ea qua ratione fiant, in ijs quæ de temperamenti præcepimus, est dictum. Atque hæc monuisse necessarium erat, claritatis causa eorum, quæ à nobis deinceps sunt dicenda. De inæquali uerò intemperie nunc agendum, tum quænam eius natura sit, tum quot eius generandæ modi.

*Hippocrati ascribitur, quòd decrefcente Luna in ossibus extenuetur medulla: sed quòd desideretur, simpliciter falsum. Quamuis nec prius illud suspitione caret: etenim licet Aristoteles ignorauit, peculiare ipsorum nutrimentum existit. Longè ergo alia ratione meatus in cute fiunt, alia in ossibus. etenim in cute obiter fiunt excrementis sibi molientibus exitum, in ossibus uerò*

*studio quodam & ex professo naturæ quasi penarium quoddam nutrimento osium, nec id est intellectu difficile, si meminerimus naturam nihil temere operari, sed pro materiæ opportunitate. Oportet autem & hoc adycere, quod spiritus mille artifex sit, qui in diuersis partibus diuersas obit effigies.*

**E R G O** quod in omnibus corporis particulis, quod fluxione est affectum, unica temperies non sit, prius est dictum: uerum id commune omnis intemperamenti inæqualis est. Differentiæ eius ipsam corporum affectorum sequuntur naturam, quum aliter simplex caro, aliter uniuersus musculus impari temperamento sit affectus.

*Iterum Galenus inæqualem intemperiem ex diuersarum partium diuersis intemperamentis finit, idq; ita ex professo probare nititur. Et quod quidem in febre suborta non una in singulis corporis partibus intemperies fiat, sed uaria, uerum est: ac ex diuersitate genuinæ temperaturæ euenit. prout enim earum alia alia frigidior est, & rursum calidior: ita unaquæq; magis ac minus afficitur. plurimū enim calidissima ac propinqua, minus ea quæ distant, ac præsertim frigida sunt. sed ista propositum nondum conuincunt.*

**Q V I P P E** calida fluxio, ubi in musculum procubuit, primum maiores arteriæ uenæque opplentur atque distenduntur,

ab ijs minores: atque ita res procedit, donec ad minimas sit peruentum. In ijs ubi ualenter impacta fluxio est, nec adhuc sistitur, partim eius per ipsarum ora, partim per tunicas ueluti colatum, foras transmittitur: tum uerò spatia ipsa uacua, quæ inter prima sunt corpora, fluxione implentur. Sic omnia ab humore, omniq; ex parte incallescunt ac perfunduntur. Ea sunt nervi, ligamēta, membranæ, caro ipsa, anteq; hæc arteriæ & uenæ, quæ scilicet & primæ, & præter cætera uario dolore afficiuntur. Quippe interius à fluxione, tum excofaciunt, tum distenduntur, ac diuelluntur, exterius non modò excofaciunt, sed etiam premuntur, ac degrauantur.

*Post arterias & uenas implentur ipsa interstitia, quæ inter diuersas partes sunt, deinceps ipsa in se corpora, recipientibus quæ in ijs sunt poris ac meatibus.*

RELIQVAE particulae aliæ compri-mendo solum uel incallescendo, aliæ utroq; modo laborant.

*Varia sunt occasiones dolorum: summam tamen duas, inæqualis intemperies, & magis solutio continui. non enim quæuis intemperies dolorem infert, sed quæ promouit, ac iam ferè continuū soluit. oportet autem non tantum manifestam diuisionem sub solutione continui comprehendere*



*hendere, sed compressionem ac distentionē. Nam in distentione ferè dolor maximus.*

APPELLATVR QVE morbus iste Phlegmone. Est autem inæqualis intēperies musculi. feruet enim iam qui in eo est sanguis. Is secum excalfacit primū quidem ac maxime arteriarum & uenarum tunicas, mox uerò omnia quę extra has sunt, quibus scilicet circumfunditur. Ita duorū alterum necesse est sequi: ut si fluxio uicerit, corruptio sequatur uictorum corporum: sin fluxio sit uicta, ut musculi ad naturalem statum redeant.

*Phlegmone morbus similis est: est autem aliquando in eo loco, ubi & instrumentale committit. de quibus in libro de morbis & symptomatibus.*

EST O igitur prius uicta fluxio (rectius enim à melioribus incipitur) duplex hic incidit curationis genus: quòd uel digeretur quicquid humoris in particulam decubuit, uel concoquetur. uerum digestio optanda maximè curatio est.

*Inflammationes, ubi ad extremum sermo deducitur, tribus modis finiuntur. aut enim insensibiliter resolvuntur, atque id paucis admodum contingit, scilicet ijs quę ex materia tenuiore sunt, multa sensibiliter, ut pleuritides, peripneumonia, & quęcunque sub tenuiore latent tuni-*

ea, atque hic est breuissimus morbi terminus. Quaedam uero ex crassiore & frigidiorē sanguine sunt, quas suppurari oportet: quod nunc per concoctionem intelligit: alioqui etiam eas quae resoluuntur, prius concoqui oportet.

CONCOCTIONEM hæc duo necessario sequuntur, puris generatio, & eius in aliquod spatium abscissio.

Quod id quod suppuratum est, protrudatur in spatium aliquod proximum, fortuna ipsius suppurationis fieri apparet. nam quod suppuratum est, crassius est quam quod per integrā particulam expurgari posset: itaque uiam & manifestum meatum sibi molitur, adeo ut iam in priore loco egrè contineatur, sed in proximum spatium incubat, unde paulatim expurgatur: atque id alterum genus abscessuum est. Alterum uero ab humore acri oritur, qui à principio spatium sibi aliquod inter membranas duas molitur, ac separat, quæ prius sese inuicem contingebant, de quibus alibi liberalius. Eodem nomine aliquando continebamus eas inflammationes, in quas alia abierant, neque nunc aliud his nomen positum scio. Nam & Leonicens in tertio artis curatiue ita quoque reddidit: ueruntamen Cornarius diligens interpretum hic, tum in alijs locis apocema, non apostema scriptum animaduertit. Latinam tamen aliquam communem uocem, quæ illi respondeat, nondum inueni: nec nomina  
adeo

adeo curamus, quando res rectè discernimus. In prioribus nostris commentariis priusquam Græcum exemplar in librum de arte curatiua haberemus, suspensionem super hoc loco prodidimus, nescio quid mali de eo suspicati, quod propter desiderium Græci exemplaris corrigere, aut inuenire non licuit.

A B S C E D I T aliquando in capacitatem quæ propinquæ sunt, tum maximam, tum minime momentaneam. Quod sanè abscissionis genus optimum est. Aliàs in non momentaneam quidem, non tamen maximam. Interim in maximam, non tamè non momentaneam. Ac quæ in uentriculum incidit abcessionum, optima est, quæ in sinum eius internā abit, in quem etiam plerunque se aperiunt: mala uerò, quæ sub peritonæum.

Summa rerum est, quòd bonus est abcessus, qui in ignobile aliquod secedit spatium, ac magnum, unde promptè & sine discrimine possit expurgari, ut in intestina: sed contrà aliquando expurgatur in nobilem & angustam concavitatem, ut in medium uentrem cerebri: aliquando in paruam, sed ignobilem, sub cutem scilicet: aliquando quidem in magnam, sed nobilem, ut forte in uentrem.

P A R T I modo in ijs quæ circa cerebrum existunt: Bona est, quæ in priores eius uentriculos

triculos abscedit: mala, quæ sub inuolacra eius: item quæ in posticum eius uentrem ferecipit. Qui uerò circa costas abscessus colliguntur, hi in capacitates erumpunt pectoris, ac musculorum quidem abscessus sub cutem.

*Priores uentres magis ignaui sunt, atque ad expurgationem magis opportuni: posticus uerò & medius multarum rerum promptuaria sunt, nec ab ipsis quicquam promptè purgari potest. Sed de his apud Galenum in libro de locis affectis.*

VISCERVM uerò in arterias & uenas, quas in se continent, uel in membranam qua operiuntur, quæ ipsis pro cute est.

*Hinc factum est, quòd aliquando uomica pulmonis per uesicam expurgata sit.*

AC si uictæ à fluxione particulæ fuerint, in tantam deuenient intemperiem, unde tum earum pereat actio, tum ipsæ spatio corrumpantur.

*Vulgo dictum est, quòd omnis excessus tollit operationem: nec mirum id est, quoniam calor qui est omnium artifex, in mediocritate cōsistit, quem tollit immodica imtemperatura, aut qualitas: iam temperatura ipsa instrumentum ipsarum operationum existit: uerum & natura & operationes modica existunt, & proinde instrumentum quoque tale esse decet.*

Porrò

PORRO' definent tum primum dolere, cum mutatrici qualitati fuerint assimilatae. Non enim cum mutata particularum temperies iam est, siue (ut sic loquar) in ipso mutatum esse, dolent, sed dum mutantur, siue in ipsa mutatione, quemadmodum mirus dixit Hippocrates, Dum alterascit atque corrumpitur natura, dolores fiunt.

*Actio inter contraria existit: quocirca ubi inequalis intemperies aequalis est reddita, statim actio, passio, ac dolor desinit. Fortè aliquid naturæ nostræ reliquum est, quandiu uita aliqua superest, sed subinde illius portio minor est, quam quæ sensibilem alterationem sustineat: quomodo & in sanis uires elementorum citra nostrum sensum sese paulatim conficiunt. Est alia difficultas de uulneribus, quæ postea ferè magis affligunt, uerum hoc non est propria uulneris ratione, sed distentione ac mordicatione, quæ humorum affluxum sequuntur. Clarissime autem ex hoc loco colligitur, quòd inequalis intemperies non committitur per diuersam diuersarum partium temperaturam, sed eiusdem. Nam tametsi omnes partes similiter essent secundum proportionem alteratæ, in omnibus dolor fieret, donec altera pars intemperamenti esset exclusæ.*

ALTERATVR autem ac corrumpitur cuiusque natura, cum uel calefit, uel frigeat, uel siccat, uel humefit, uel eius  
unitas

unitas dissoluitur, in ijs quidem intemperamentis, quæ inæqualia sunt, excalfaciendo, uel exfrigefaciendo potissimum: quippe cum efficacissimæ qualitates hæ sint: secundo loco è ficcando, uel humectando.

*Quòd caliditas ac frigiditas non citra dolorem fiant, certum est. Humiditatem tamen & siccitatem Galenus in primo de medicamentis secundum loca, à dolore vindicare apparet: & reuera rarior ex ijs qualitatibus dolor, præterquàm ubi ex siccitate conuulsio sequitur. Humiditas autem per se, nescio, ubi dolore cruciet, nisi eò usq; peruenierit, ut continuum quodammodo relaxet: uerum eum excessum in corpore humano raro reperies.*

EX esuriendo uerò, uel sitiendo, deficiente hic humida, illic sicca substantia, ex uulnerando & erodendo, & tendendo, & premendo, & conuellendo, unitate ipsa soluenda.

*Insolentia potius quedam est, ac molestia, quàm dolor, quæ famem & sitim sequitur: de qua re alibi plura: nam non sine suspitione Galenus nunc sequi ueteres aliquot uidetur, qui iacturam humide substantiæ potius sitim quàm famem facere dixerunt: cui contradicere appareret, quòd fames plerunq; sitim anticipat. Est autem certissimum quòd citius humide quàm sicca partes detrimentum patiantur, forsitan*

A. igitur

igitur abeuntibus partibus humidioribus, reli-  
quū siccius relinquitur, ac ratione qualitatis re-  
lucte sitis sequitur. sic & cibus sitim parit, quia  
nonnulla ex eo siccitas corpori comparatur. Er-  
go sitis ob excessum qualitatis, fames uerò ob de-  
sideriū substantiæ uidetur euenire: iuxta quam  
similis substantia ei quæ defluxit appetitur. nā  
quæ remansit, forsitan paulò siccior euasit. Sic  
& in siti magna corpus uehementer exiccatum  
est, & tamē humida appetit, quæ saltem ijs quæ  
perierunt, similia existunt. Sunt autem similia  
& ijs quodammodo, quæ remanserunt, quamuis  
ordo remissior est. atque in hoc soluitur alterum  
problema, cur siti aresfacti, adhucdū sani, humi-  
da appetunt, quum tamen qui pulchrè ualēt, dis-  
similia fastidiunt.

ERGŌ si calor sanguinis in particula  
quæ phlegmone laborat, mitis est, tū qui  
in toto animalis est corpore mediocriter  
attemperatus, non facile unā cum afflictā  
particula calefit: sin uel ille feruet uehemē-  
tius, uel qui per totum spargitur animal,  
biliosus est, ilico totus ad calorem uerti-  
tur: multo uero magis sicubi ambo con-  
current, ut & qui in phlegmone habetur  
admodum calidus sit, & qui in toto est ani-  
mante biliosus.

Magnum momentū ad morbos obtinet corpo-  
ris dispositio, paritas atq; imparitas: hac ratio-  
ne eue

ne euenit, quòd in tēperato corpore nō admodū febres accenduntur, prōptius tamē quā in frīgido. atque id quoq; hic definire oportet.

P O R R O calefit primum qui in arterijs est sanguis, quòd scilicet is tum natura calidior, tum uerò magis spirituosus sit: post hunc uerò etiam qui in uenis est.

In hac ratiocinatione miserè conflictati sunt neoterici. quidam enim ob hæc putauerunt diariam febrē præcedere omnē putridā: quidā uerò id quidē negauerunt, sed dū alterationē inquirunt, qua spiritū ab alteratione in febribus putridis asserunt, multa pueriliter cōmentati sunt. nā quòd spiritus in his omnibus primū incalascit, negare non possunt. non tamen diaria febris habetur: quia ultra spiritum humores quoque accensi sunt: diariæ uerò appellatur, in quibus præter humores solus spiritus alteratur.

Q U O D si propinqua uisceri, cui plurimus sit sanguis, obsessa phlegmone particula fuerit, iam celerius cum hoc uniuersus qui in animali est sanguis, calore afficitur: unoq; uerbo, quicquid ex facili alterabile est, aut calidum natura, id à quouis calfaciēte primum exalascit. Non secus & ab eo quod frigefacit, quicquid facile alteratu est, uel natura frigidum, id primum refrigeratur.

Hæc est ratio, cur ferè inflammationes inter-



*uorum uiscerum febres acutas faciunt, maximã enim communionem cum uenis & arterijs habent, tametsi ipsa aliquando sua natura frigida sint: exteriores uerò inflammationes, aut nullam febrem pariunt, aut tantum diariam.*

A C. promptus quidem ad alterandum spiritus est, utpote ex tenuissimis constas partibus. Calidissima natura merito est flaua bilis, ac frigidissima pituita est. Reliquorum humorum sanguis post flauam bilem maximè est calidus, sicut nigra bilis post pituitam est frigida. Quinetiam alteratur flaua bilis leui momẽto ex quouis in eam agente: nigra egrè alterascit.

*Contentio esse solet, an spiritus bile sit calidior. hanc nunc diremit Galenus, qui bilem simpliciter, spiritũ, tamẽ prõptius alterabilem dixit.*

IN summa, quicquid tenuium est partium, id promptè alteratur: cõtrà cui crassæ sunt partes, ægrè.

*Causa est, quia actio & passio per mutuum quendam fiunt complexum, citius autem insinuatür agentis uirtus raro quàm denso, nisi forsitan & ipsum agens per uia quadam subtilitate dotatum fuerit. hac ratione euenit, quòd fulgur potius solida ac dura tentat, quàm rara, ac mollia, ac quercus potius quàm salicem, aut sicca potius quàm humida. Possumus duobus uerbis dicere, quòd tenuia & mollia citius alterantur, sed diffici-*

*facilius rumpuntur, aut aliter leduntur: cedunt enim promptè corpora mollia, resistunt dura.*

ITA necesse est multifariæ phlegmonis alterationes incidant, propterea quòd multifariam affecta sunt corpora. Principio nanque succus qui phlegmonem excitat magis minúsue calidus est: deinde succi putrefactio pro ipsius natura respondet: non minimum certè, prout is magis minúsue est impactus. Quippe quæ peripiratu carent, celerrimè putrescunt, ueluti & in externis accidit omnibus. Cæterum cum calida temperie sunt, & humida, tum utique potissimum. Iam ipsa phlegmone laborans particula uel propè, uel longè fita est à multi sanguinis uisceribus, totusq; sanguis uel biliosus est, uel melancholicus, uel pituitosus, uel spirituosus, atque hæc omnia magis minusq;. Quare necesse est, multiformes fieri alterationes, siue alterū alteri sit collatum, siue idem sibi.

*Non uno modo phlegmone afficit corpora, sed pro uarietate sua, ipsorum corporum, etiam dum ipsarum particularum: hoc est, quod nunc dicit, aut alterū alteri collatū, aut idem sibi ipsi.*

FIVNT hæc omnes inæquales corporis intēperies, maximè quidē inflāmato eo qui in phlegmone est sanguine, deinde eo qui in uisceribus habetur, & corde.

*Et hic quoque locus inæqualem intemperiem diuersitate particularum definit: quod cur Galenus fecerit, coniectari nescio. An fortè contrarium rationem timuit, ne in eodẽ ipsa pateretur? at id, ut supra dictum est, nihilo magis nostram opinionem sequitur, quam suam.*

AT QUE huius maximè eo qui in sinistro eo sinu est. In quem (sicut in opere de usurpandis manu dissectionibus est dictum) si uiuo etiam animante, nec adhuc febre tentato, dimittere digitum uelis, uehementissimũ depræhendes calorem. Quo magis uerisimile est, ubi totum corpus præter naturam incalescit, hũc maximè sinum ad summum peruenire caloris.

*Contrà Aristoteles hunc frigidiorẽ æstimat, nescio ob quam causam: nam quòd spiritus in hunc potius quàm dextrum attrahitur, calidiorẽ arguit, tantum abest, ut frigidiorẽ demonstret: quippe ob eam causam huc attrahitur, quia eius refrigerio magis eget, non tamẽ ob hoc uniuersa corporis sinistra pars est calidior, non etiam intensiue, ut uocat, sed dextra, quoniam liberaliore sanguine affunditur, ac plura uiscera calida obtinet, nec secus quàm sinistra pars spiritu uitali oppletur.*

QUIPPE cum tenuissimũ maximeq; spirituosum sanguinem habeat, ac moueatur perpetuò.

Ex

*Ex motu eius arguitur, quod maximè spiritus tuosum sanguinem contineat. uerum an motus ipsum potius incalfaciat, quàm refrigeret, ipse uiderit. potius enim refrigerare uidetur.*

CAETERVM in febribus id genus omnibus calefit quidem sanguis aliquando uniuersus, quicunque non naturalem illum calorem, qui ex humoris putrescentia est obortus, concepit: non tamen aut arteriarum uenarumue tunicæ, aut aliud ullum circumiacentium corporum prorsus iam temperamētum suum mutauit, sed adhuc mutatur, atq; alteratur incallescens, siue, ut sic loquar, calefiēs. Quod longiore tēpore hoc patitur, etiā uinceretur aliquādo prorsusq; mutabitur, ita ut nō amplius calefiat, sed iam sit præter naturā calefactū.

*Ad inequalitatem partium redit: sed frustra ex hac inaequalem intemperiem sperat. Est grauior hic, meo quidē iudicio, error. nā quod in primo de febribus ex proposito disserit, hic innuit, in putridis febribus spiritus & humores nō amplius incalfieri, sed incalfactos esse: quod perpetuū esse nō potest. nam in intermittētibus calor nunc intermittitur, nunc succenditur, atq; in cōtinuis sepe usq; ad statū promouetur. Et hic facile est colligere, quod in hoc loco interpres pro calefit, calfactum esse, reddere debuit.*

PORRO terminus mutationis est cu-

A 4 iusq;

iufq; particulæ functionis læfio.

Per læfionem nunc omnem internecionem accipit. Videtur autem hoc paulò durius dictum: quamuis enim operationes earum partium, quæ hecticam aliquam intemperiem patiuntur, omnes flacceant, nondū tamen omnino perierūt, leue aliquod momentū retinent, donec iam emortuæ sint. Quòd si læfionem uulgatè accipiat, imperfectus erit sermo. Nam læduntur diu antequam hecticam temperaturā partes incurrant: cur tamen non doleant hectica intemperie affectæ particule, in quibus nondum tota natura penitus perijt, antè diximus: quia proportio sensum effugit. intelligere ergo oportet per læfionem propemodum omnem operationis internecionē.

A D quem usque terminum omnis alterationis latitudo uia est in id quod præter naturam est, ueluti mixtum communeq; ac medium quiddam ex contrarijs utrisque compositum ipso naturali prorsus affectu, & eo qui iam planè est præter naturam. Ergo toto hoc tempore corpus iualefcens, pro modo alterationis etiam ad portionē sentit dolorem.

Hoc modo inaequale temperamentum definire oportuit. neque hinc sequitur contraria in eodem consistere. non enim si quis calida perfundatur, statim calidus est, dumtaxat nonnihil ex calido patitur. adeo in hac re miror, grauissimos hæsisse

*hæſiſſe philoſophos. Nam ex primatibus aliquis melius de his diſſeret.*

QVVM uerò omnes corporis ſolidæ particulæ excalſactæ ad abſolutionē iam ſunt, eiſmodi febrem hecticam Græci uocant, ceu non amplius iam in humoribus & ſpiritu, ſed in corporibus ijs, quæ habitus rationem habent, compræhenſa.

*Cauere ne propter hanc & ſimiles definitiones in febre hectica ſpiritum & ſanguinem caloris febrilis putes expertia. Nam id fieri nequit, ſolidis iam omnibus incalſactis. Id præterea contra generalem febris definitionem eſſet, quæ omnia extraneo calore notat, etiam ſi duntaxat diaria eſſet, tātū abeſt ut hectica multorum dierum ſolis ſolidis contineatur. Verum hectica appellatur, quæ in ſolidas corporis particulas ſedet. in quo ſermone ſub ſolidis carnem & uiſcera oportet comprehendere. nam hæc cū humoribus collata, reuera ſolida ſunt. Sic putrida appellatur, non quidem ea, quæ à ſpiritu abſtinet, ſed quam humores excitant. Et quomodo precor ira uniuerſas ſolidas particulas poſſit incalſacere, niſi ſpiritus & ſanguinis diſtributione? Non tamen putredo, aut multus admodū calor illis inſidet, & ob hanc cauſam urina de illis minorem phaſiam exhibet.*

H A E C doloris eſt expertus, putantq; qui ea febricitant, omnino ſe febre carere:

A 5 neq;

neq; enim sentiunt eius calorem, omnibus scilicet eorum partibus æquè percaltactis. Sed & cōuenit de ijs inter naturalis sciētiæ professōres in ijs quæ de sensibus prodūt.

*Non uidetur mihi eius ratio esse, quia calor omnes ex æquo partes obtinuit, sed potius quia opposita temperatura ferè omnis explosa est, ac propemodum euicta. Iam neq; illud certum est, quod hectica omni dolore careat. nam hecticam dicimus, cuius calor in corporis habitu sedet. talis est qui ab ira subinde occipit. & quomodo ergo primis diebus omni dolore uacabit, priusquā natura eiecta fuerit? Aliud est ubi hectica ardentem sequitur.*

**NEQUE** enim citra alterationem est sensus, neque in ijs quæ iam ad perfectionem sunt alterata dolor. Itaque etiam hectica febres omnes tū sine dolore sunt, tū nec sensu ab his qui ipsis laborāt perceptæ.

*Simile non patitur à simili: proinde neque is quæ perfectè alterata sunt, ullus amplius immisnet sensus aut passio: ueruntamē an in hecticis omnibus eousq; peruenerit alteratio, nondum definitum est. Certe neq; in diarijs spiritus, neq; in putridis humor statim extreme incaluit, sed paulatim augmentum ac statum obtinet. Ita neque in hecticis statim ad extremum calorem solida perueniunt, sed paulatim promouent, ac si mihi aliorum pace liceat quod sentio dicere, per arde-*  
tem

tē febrē solida magis incalfacta erunt, quā per  
 hecticam, quæ nunc illum excipit. Quapropter  
 nescio quibus ambagibus Galenus utitur, dum  
 in diaria spiritum, in putridis humores incalfa-  
 ctos dicit: sed hic solida, illic humores incalferi.  
 melius diariam tantum in spiritibus, putridam  
 in humoribus definiuisset. atq; his ambabus dif-  
 ficilior est hectica: non quidē quia iam primū in  
 solida incalfacta sint, nā antea fortē magis inca-  
 luerunt, sed quia illarum calor in difficili subie-  
 cto positus est, nec amplius ab humoribus ac spi-  
 ritu pēdet. Ac iam triplici de causa hecticæ mi-  
 noribus doloribus quā putridæ laceſcunt. pri-  
 mū etenim hecticæ quadā citra inæquale tempe-  
 riē consistunt, altero cōtrariorū explosō: deinde  
 etiā calor illarum minor est: ac postremo plerum  
 quæ partes si non ex æquo, tamen iuxta propora-  
 tionem quadā incalfactæ sunt. Prima mihi ui-  
 detur potissima, quoniam, ut dixi, & in arden-  
 te ea quæ forsā præcessit, ac tres quatuorue dies  
 perdurant omnes ex proportionē (si experientiæ  
 credis) incaluerunt, necdum tamen dolore ua-  
 cāt, tum quia qualitās externa maior, tum quia  
 multæ partes naturalis affectus reliquæ sunt,  
 quæ magna ex parte in hectica sunt explosæ.

NON enim ex eorum particulis hæc  
 agit, hæc patitur; cum omnes inter se iam  
 similes sint redditæ, ac unicam habeāt con-  
 sentientem temperiem.

Hic



Hic iterū alludit ad suam opinionem, iuxta quam inaequale intemperamētum definit, diuersarum partium diuersum intemperamētum. Verū si nobis quod uidetur dicere licebit, ex omni parte uerum nō est, quōd in hectica febre omnes partes ex aequo iuxta proportionem calidae sint aut incalfactae. non enim hectica statim omnes partes similiter occupat, sed ut in alijs putridis, in principio diuersas partes diuerso modo tētat.

QVO'D si alia earum calidior est, alia frigidior, at certe eatenus frigidior, ut uicinam nihil offendat, alioqui sic scilicet partes, quæ pro naturæ modo se habent, mutuo se offenderent, utpote quæ sic saltem temperamentis dissideant. caro nanq; calida particula est, os frigidum. Ceterum tam harū partiū, quàm reliquarū omniū indoles inæqualitas est, modi excessus merito.

Est & altera istius rei in sanis causa, quia licet aliarum partium natura sit calida, alia frigida, omnes tamen ferè actu calidae. Fateor est inter hæc quedam inæqualitas, sed minor, quàm quæ se inuicem offendat. Itaque nihil mirum, si in hecticis febribus altera nulla ex parte offendit proximā, uel ob eam causam quod hic calor febrilis omnia sibi inuicem magis assimilauit quàm ibi natura.

SIC namque nec aër qui nos ambit, prius offendit, quàm ad immodicum calorem

rem frigusne est immutatus. Cuius alioqui quæ in medio sunt, differentias, tametsi numerosas ac manifestum excessum inter se habentes, citra noxam sentimus.

Maiores est in uictu differentia. non enim tantum uinum ferimus, sed & cereuisiam, quidam etiam aquam, ut omittam harum inter se specierum differentias. Nam & carnem, & pisces, ferè similiter toleramus, saltè à nullo offendimur: nec dubito qui magis diligentis quàm multa lectationis fuerint, id subinde sint admirati: quoniã pugnare uidetur cum antiquo axioma, quod perhibet, simile nõ recreari nisi simili. Atqui ijs & similibus prius, & in Plutarcho nostro respondimus. Accedit autem & id quod nunc addimus, nõ quemuis, sed tantũ insignem aliquem excessum asferre offendiculum.

EX ijs ergo fortasse nec illud dici durius uideatur, quod Hippocrates alicubi ait, Omnem morbum ulcus esse. Quippe ulcus unitatis est diuisio. Immodicus uero calor ac frigus proximè accedunt, ut unitatem soluant: plurimus quidem calor, dum segregat ac diuidit substantiæ continuitatem: summum uerò frigus, tum stipando, tum introrsus pariter trudendo, quædam exprimit, quædam quassat, atque hunc qui spiã immodici caloris ac frigoris terminũ statuens fortasse non incommode sentiat.

Non

Non quævis intemperatura morbosa est, sed quæ uehementer aucta est. hoc autem uno in omnibus modo definiri nõ potest, sed dolore quodammodo distinguitur. ferè enim hæc dolorè affert, nõ tã per se, quàm per accidēs, dñ quoddã solutione corpus distrahit. ac id in calido & frigido facile est ostēdere: nã calidũ id facit rarefaciēdo, frigidũ condensando: necessariũ est autē in utroq; ut partes quoddã longè à se inuicē distrahantur. Idē quoq; de sicco posses dicere: sed de humido minus. Quinimo Galenus alibi ferè eã dolore uacare dicit: at in hac dictione Hippocrates humidũ quoq; uidetur cõprehēdere: & ut antè diximus, humiditas multa relaxando cõtinuum quoq; quodãmodo soluit. In hac sententiã putat Galenus Hippocratē omnē morbũ ulcus definiuissē, similarē scilicet. nã pauci ex instrumētalibus talē phātasiam exhibēt: quippe neq; figura, neq; magnitudo, neque numerus cõtinuũ admodũ soluere reperitur. ergo solutio cõtinui naturalē à morbosa intēperatura distinguere potest.

SEU uerò is, siue alius immodici excessus terminus est, certè consistere omnem immoderatum excessum in habitudine ad aliquid iam liquet.

Suspectum utrunq; terminum Galenus habet: nec immerito, quando hectica intemperatura, & multæ aliæ dolore carent, nec soluti cõtinui phantasiam præbent. ex quo illud constat, quod

quod paulò antè diximus, quòd in *ijs* imtemperies calida minor sit, quàm in ardentibus. Certior ergo morbose intemperaturæ terminus est functionis oblesio.

NON enim pari ratione à calidis frigidisq; afficitur omne corpus: indeq; fit, ut aliqua animalium conuenientes inter se succos habeant, aliqua nō solum non conuenientes, sed etiam qui se mutuo corrumpant, ueluti homo, atq; uipera, quorum utriusq; salua alteri est pernicies.

Vipera serpens est, cuius femina ore concipit, atq; inter concipiendum masculi caput conterit.

ITA utique & scorpionem necaueris, si ieiunus illi inspueris.

Scorpius scorpiū nō necat, uerūtamen uenenū ex eo relictū alter scorpius appositus tollit: ac quòd id fiat, cōstat: quomodo uerò fiat, pauci sciūt, ne inquisiuerūt quidē: ac fortè ut medicamētum si nulē humore, ita scorpius quoq; sibi similē qualitatem elicit. ac quomodo ergo tostus, & in cibo sumptus prodest? nā si ad se attrahit, potius intoxicare debet: & rursum si expellat, & retrudat, quomodo foris appositū adiunat? Potius dicam, quòd scorpius ut calidus est, ita uirtutem extenuandi, præsertim à se relictū ueneni obtinet. huius illud magnū est indicium, quòd nō quæuis uenena à se illatum malum auferunt, sed calida tantum.

AT non homo hominem morfu necat,  
nec

nec uipera uiperam, nec aspis aspidem, siquidem quod simile est, id congruum amicumq; est: quod contrarium est, inimicum ac noxium. Augetur enim quidque ac nutritur à similibus, premitur ac corrumpitur à dissimilibus.

*Cur mel hominē incalfaciat, apem uerò non item, aut cur quod hominē rapit, scorpius non intoxicet, ex proprietate quadam, quæ ex astris impingitur, esse diximus. Quòd uerò homo homine, pars parte citius incalescat aut frigescat, temperaturæ acceptum fertur. Itaque non est unus in omnibus temperaturæ modus, qui sanitatem terminet: sed methodo quadã ex dolore, solutione continui, atq; operationis uitio id ipsum capere oportet.*

**IT A Q V E** etiam sanitatis tutela per similia perficitur, morborum sublatio per contraria. Verum de ijs alius est sermo.

*Vtraq; pars finitionibus opus habet. nam simile potius qualitate quàm genere aut specie audire oportet. nec de actu tantum qualitatæ, sed potentia tertio in eodem ordine subaudire oportet. Eadem ferè in altera dignitate audienda sunt. Primum contrarium audire oportet, nõ quidem propriè, sed pro opposito. Secundo nominæ, contrariorum, non tantum conferimus inter se potentias, aut rursus actus, sed utrunq; inter se communiter. Tertio diligèter discernere oportet.*

*tet, quid mediate, quid continenter accidit. nam quod cōtinenter curat affectū, oppositū est semper. at id quod apponitur, sæpe simile: ac id est medici artificii, qui ex simili subinde effectū spectat, ac elicit contrariū: sic aqua frigida morbum curat, non quia frigus suum insinuat, sed quia calorem prouocat: nec calidum ut calidum infrigidat, sed quia calidum dissipat.*

HECTICAM uerò febrem, quæ iam habitum corporis occupauit, minimè sentit, qui ea laborat. Reliquarū febrīū nulla est, quæ non à laborante sentiat, sed aliæ magis, aliæ minus ægrotanti sunt graues.

*Intemperatura bifariam molestum sensum exhibet, tum ratione sue inæqualitatis, tum occasione solutionis cuiusdam continui, quæ quodammodo ipsam sequitur. utq; hectica febris priori ratione doloris est expers: sed si illius calor sit maximus, prout barbari quidam astruunt, posteriori ratione nunquā sensum subterfugient. nam quo intemperies maior est, eo continuum magis distrahit, donec sensus torpescat.*

SUNT exijs & quæ rigorem ingerant, fit enim id quoque symptoma, ueluti alia multa ab inæquali intemperie. Rationem tamen generandi eius, in proposito libro tradere non est, priusquam de naturalibus facultatibus demonstratum fuerit, quot hæ qualesq; sint, tum quid agere quæque fit

B nata

nata. Verum in libris de symptomatū causis de omnibus agetur. Sed reuertor ad inæqualis intemperamenti differentias.

*Primariæ rigoris causæ in libro de symptomatum differentia dictæ sunt: affectus tamen ipse rigoris est frigidus, dum spiritus & sanguis exteriora relinquunt, interiora repetunt: atque hic difficile est in ipsis extremis inæqualem intemperiem describere. nulla enim noua intemperies aduenit, sed tantum extrema calore, quo prius imbebantur, destituuntur: alioqui genuina temperatura nihil immutaretur. Videtur autem Galenus hæc uoluisse dissimulare: ac certū est quòd cum eo, quàm nobiscū, magis pugnat. Nam ipse dolorem qui in inæquali intemperie percipitur, diuersæ partis opposita qualitate fieri autumat. hoc ipse in rigore difficile obtinebit. quippe & hic externa quæ friget, dolēt, tametsi à nulla alia parte ipsa affici diceret, duntaxat in seipsos conflictantur, dum indignantur nunc exuperare partes frigidas, in quibus prius partes calidæ. Itaque nihil refert, siue alia aliunde qualitas accedit, siue priori aliquid decedit, utrobique enim manifesta pugna oritur, dum prior proportio ac quodammodo lex tollitur.*

NAM quemadmodum ex phlegmone febris nascatur, tum quòd febris omnis, ac phlegmone omnis præter hecticas, ex morbis sint, quibus inæqualis sit intemperies,  
dictum

dictum iam est. Porro accendi febrem & citraphlegmonem ex solis humoribus putrescentibus licet. Neque enim ea solum quæ inculcata sunt, & perspiratu prohibita putrescunt, uerum celeriter ea maximeq; Cæterum putrescunt & alia multa, quæ putredini sunt opportuna. Dicitur uerò de horum opportunitate alio loco.

*Quatuor summam genera febrium sunt. Primum illud est, quod phlegmonē quasi umbra sequitur. Secundum, quod ex simplici humorum putredine oritur. utrunq; hic numerat.*

I A M alio quoque genere inæqualis ori in temperies in toto corpore potest, modò fuliginoso uapore detento, modò excitationibus, & plussculis laboribus calore adaucto, modò ab ira, quum sanguis immoderatus feruet, modò ex deustione externa quauis incalcescit. Porro quod etiam in his omnibus febribus non secus quàm in phlegmonis suprà dictum est, tum pro uiribus effectricis causæ, tum pro corporis ipsius affectu, alij magis febricitent, alij minus, alij haudquaquam, apertum esse arbitror.

*Diariam putat, fortè etiā describit tertium genus febris, iuxta opinionem propriam, quam synochon uocat, de qua in nono Therapeutices.*

A E Q V E uerò & quòd intemperies i-



ipsa nonnunquam spirituosam tantum ingreditur substantiam, nonnunquam ipsos etiam succos, clarum id quoque reor.

*Hæc est diaria febris, quæ difficultate caret: mirabile tamen est quod adicit, Nonnunquam etiam ipsos succos. Nam certum est, quod & in diaria febre semper sanguis incalescit. quin & ipsa solida nonnihil effervet, quoniam generatim febris describitur calor uniuersi corporis. Cur ergo diariâ in solis spiritibus esse dicit? Nam quod simpliciter incalfactos uoluit, suspitione non caret: quippe & ipsi adhucdum incalferi uidentur, sed idè uerissimû, quod alia à phlegmone, alia à putredine, alia ab ipsis spiritibus initium suum auspicatur, ac talis est diaria, quæ aliquando, per se consistit, aliquando spatio temporis in synochum, nonnunquam in putridam quoque transit. & hoc est, quod nunc forsitan uoluit, cum inquit, quod nonnunquam etiam ipsos succos prehendit. Forte etiam febres putridas hoc nomine simpliciter intellexit.*

**S E D** nec minus illud, quod omnibus huiusmodi febribus, si contraxerint, Hæctica superueniet.

*Hoc est quartum febrium genus, quod in ipsis solidis moratur: neque refert an nunc per solida tantum uenas, ossa, & similia intelligamus, an & ipsa interiora uiscera, atque externâ carnem. Rarò autem hæc à principio præhædunt: sed alias sequuntur*

*sequuntur: quicquid tamen contendunt neoterici, in ipsis calor minor est, ac ordo remissior, sed pertinacior: quod experientia quoq; arguit: nec mirum, quia tenuior atq; calidior materia, ex qua efferebatur, consumpta est, ac tantum solida ferè relicta sunt.*

**I A M' Q V E** sermo noster propemodum ostendit, inæqualem hanc intemperiem, aliquādo ex calida frigidaue substantia, quæ in particulam aliquam influat, accidere, ueluti in his fiebat quos phlegmone infestat. Sæpe non ita, sed ipsa corporis temperie in qualitate mutata, tum quòd alterantium eam quædam ortum habeant ab ipso corpore, quædã extrinsecus, utiq; quum ex putredine tantum aliqua uel phlegmone excitatur febris ab ipso corpore, quum ab uestione, uel exercitatione extrinsecus. Dicetur autẽ & de his fusius in morborum causis. Tanquam autem ex deustione accenditur febris, alterato uidelicet corporis temperamento: itidem nonnulli sæpe ex frigore refrigerati toto corpore uehementer sunt, aliqui uerò etiam perierunt. Iam quòd hi omnes etiam doceant, ne id quidem latet.

*Quemadmodum tam ab externis, quàm internis iniurijs corpus nostrum incalescit, ita & frigescit. intercedit unica aut altera differentia,*

*quòd corpus nostrū ut calidum est, ita pròptius à calido offenditur, quàm frigido. Accedit, quòd caliditas ut maiorem energiam obtinet, ita maiorem dolorem affert. frigus enim nonnihil aliquando sensum obtundit. In cæteris par utriusq; ratio est.*

PORRO dolēt & qui ex rigore ingenti uehementer perfrigerati celeriter sese ex calfacere properarūt: multiq; eorum, cum subito ac simul manus igni admouerunt, ingētem circa unguum radicem sentiunt dolorem.

*Non tamen causa huius est, quia altera pars alteram afficit: sed quia inter frigus & calorem unaquæque cōflictatur: atq; hīc subinde duplex inæqualis intemperies oritur. Nam & dum tantum frigerent, dolebant. geminatus autem est dolor, dum nondum frigefacti incalsiunt. Vides igitur & hic rursum potius eiusdem particula quàm diuersarum, uarium tēperamentum, inæqualem intemperiem ac dolorem efficere.*

ET quisquam, cum tam luculenter uideat intemperiem inæqualem doloris esse causam, etiam de internis doloribus dubitet, aut miretur quo pacto citra phlegmonem subinde, uel laxiore intestino, quod colon Græci uocant, uel dentibus, uel alia quauis particula homines doleant?

*Eadem est internorum atq; externorum dolo-*

*rum*

*rum ratio: uerūtamen dolor ille magnus in color atq; dentibus, potius distentionem quàm intemperiem sequitur.*

N A M neque talium ullum mirabile est, nec quēadmodum simul rigeant & febricitent ægrotantium aliqui. Quippe si pituitosus succus, qui frigidus est, quenq; Praxagoras uitreum appellat, & amara bilis, quæ calida est, simul abundet, ac per sensibilia membra moueantur, nihil miri est utrunq; à cubante pari modo sentiri. Neq; enim si hominem sub sole feruido statuas, & aquam illi frigidā infundas, fieri potest ut non simul & à sole calorem, & ab aqua frigus sentiat. Verum hoc casu ambo extrinsecus sunt, nec paruis portionibus incidunt.

Hic manifestè contraria in eodem committi apparent. nō enim rigor simplex, sed intēsum frigus: neq; febris modicus, sed excellens aliquis calor est. siquidem igitur simul quis febricitet, & rigeat iuxta minimas etiā particulas, simul in eodem contraria deprehensa uidentur. Nullam enim hic, inquit Galenus, sensibile ipsius portunculū ita paruam desumas, in qua alterum non sit comprahensum: hoc est, ubi non utrūq; admittatur. Idem uidetur & de eo, qui sub sole effebuit, & frigida aspergitur. Sed nunc bis aut t. r hanc difficultatem absoluiamus, ubi prius dixi-

*mus, quòd calidum insinuatò utcunq; frigidò, nò statim euadat frigidum: sàpe diu posthac manet calidum: ueruntamen iam illius temperamentù, ut antè, simplex non est, sed nonnihil immutatum, adeo ut iam illius temperamentum commistum sit ex duobus affectibus, morbofo atq; eo quòd prius naturale erat: quòd autem contraria omnino in eodem non insunt, non solum ex nomenclatura, quàm prius habuit & adhucdum retinet, constat: sed & ipsa experientia: nam si manum admoueas, nūquàm idem corpus calidū & frigidum inuenies: ueruntamen ipsum corpus utrunq; in hepiala percipit, dum putuita mediocriter putruit. nam primaria ratione corpus in frigidat, ratione uero putredinis incalfacit.*

IN febribus, quas hepialas uocant, tum ab interno, tum exiguis portionibus, eoq; uniuersum corpus ambo sentire uidetur. Quum enim tenuissimis portiunculis aspersum per corpus, tum calidum sit, tum frigidum, nullam sensibilem alterius portiunculam ita paruam desumas, in qua non alterum sit compræhensum. In ipsa tamen accessionis inuasionè aliqui febricitantium tum rigent, tum uerò febricitant, tum ambo sentiunt frigus immodicum & calorem unà. Verum nò eodem loco, quippe quum possint quæ ex calfactæ sunt partes, manifeste à refrigeratis discernere. Nam intus;  
& in

& in ipsis uisceribus calorem sentiunt, in externis partibus uniuersis frigus.

Nescio quàm bene Mesues & neoterici has duas febrium species definiuerunt, qui utranq; ex uitrea pituita & intermittente posuerunt. Nam Galenus septimo Aphorismorum, commentario 47. inter continuas utranq; collocauit. ac de typhiria magis certum est, quoniam in quarto aphorismorum, cōmentario 48. extra febres continuas impossibile arbitratur exterioribus algētib; interiora uri. Fiunt autem huiusmodi symptomata, dum aestus in interioribus siue per inflammationē, siue aliter tantus est, ut reliquum totius corporis sanguinē ad se reuocet, cuius exemplum in exterioribus uidere est, ignem maiorem semper ad se trahere minorem: atque altera ferē pars foci semper magis aestuat. quod si hac ratione typhiria febris sua symptomata obtineat, periculū est, ne de ea admodū male sint ratiocinati. Magis periclitantur dū hepialā contrario modo cum typhiria definiāt, nepe illos dicētes audias, in hepiala contrario quàm in typhiria interna frigere, externa calere, quibus cū non solū in hoc loco, sed & in omnibus alijs Galenus pugnat, qui in minimis etiā quibusuis corporis portiunculis utranq; intemperiem ponit, atq; in hoc intemperie typhiria, ab ea quæ est hepiala, distinguit. Haec tamen consentiunt, quod hepialam ex uitrea pituita constituunt, & rursus dissentiunt,

*cum eam in uenis putrescere posse negant. Cōtrā enim tam frigidus humor est, ut non nisi calido ferè loco putredine affici possit. Iam illud etiam in eius definitione omiserunt, quòd non tantum ex uitrea fiat pituita, sed præterea acida, autore Galeno de febribus libro secundo, capite sexto. Cur autem potius ex ijs speciebus quàm alyis huiusmodi symptomata contraria eueniant, materiæ ipsius qualitas in causa est. frigidior enim uitrea, atq; acida pituita est, quàm ut affatim putrescere possit. ergo sua naturali frigiditate uel ex uenis uniuersum corpus quodammodo in frigidat, sua rursum putredine accendit.*

T A L E S perpetuò febres sunt, & quæ Græcè lypiriæ uocantur: præterea quoddam ardentium febrium perniciosum genus. Quod igitur in his maioribus portionibus accidit, hoc in hepialis cōtingit minutis. Inæqualis nanq; est & harū febrium intemperies, sed nec minus reliquarum omnium, exceptis tamen hecticis.

Habet Græca lectio, Amplius & lypiria semper tales. Videtur Galenus hoc symptoma querere in tribus febrium generibus. Primum est in intermittentiū: nam in ijs tempore inuasionis aliquando in intimis egri dicunt se uri, quos tamē foris frigidos senties. hoc præsertim euenit in cholericis, ubi cholera in uentrem fertur, atq; ijs id quidē duntaxat contingit in principio. solis acutis

tis potest euenire in statu aut augmēto. Fortè per hoc uerbū *Δυσχωρῖ* & Galenus significat quòd lypirys contingit uniuerso tempore, utpote mortalibus, in quibus interna aliqua letalis inflam-  
matio fatigat. Idem aliquādo euenire potest & ipsis simplicibus ardetibus. nā in utroq; acutarū genere aliquādo tantus est calor in interioribus, ut reuocet ad se omnē calorem ab exterioribus.

**QVINETIAM** ijs qui rigent, nec tamen febricitant, inæquale temperamen-  
tum est: rarum tamen est id symptoma. Cæ-  
terum incidit tum mulieribus, tum quibus-  
dam aliquando uiris. Debet autem omni-  
no deses præcessisse uita, aut certè ciborū  
copiam longiore spatio homo sumpsisse,  
ex quibus tardus, frigidus, crudus, & pi-  
tuitosus nascatur succus, qualem scilicet  
Praxagoras uitreum existimat.

Vitrea pituita, dicēte Galeno, crassa & glu-  
tinosu est, quā ex nomēclatura nitro fuso cōpara-  
bis. subinde autē Galenus eā cū sedimine in mor-  
bis ac quibusdā sanis ultra morē otiosis cōfert. nā  
in solis mulieribus aut uiris præter modū ocio ac  
erapula deditis succrescit. quapropter & hæc so-  
la præ alijs, sua frigiditate rigorem facere potest:  
alios uero humores, nūq̃ rigor sequitur, nisi quan-  
do ex uenis affatim expelluntur: hoc est in prin-  
cipio accessions, ubi statim febres subsequuntur.

**PORRO** antiquitus nemo (ut uide-  
tur)



tur) ita est affectus, ut qui nec adeò ociosi, nec in uictus saturitate uiuerent.

Hoc Galenus ex eo credo suspicatur, quòd ali-  
bi Hippocrates, si quidē recte memini, dixerit: om-  
niē rigore febre sequi. ueruntamē propter alia  
quædā hoc ego mallē de rigore ex bile intellige-  
re, eoq; magno, nec momentaneo. nā antiquis opti-  
mē uitreæ pituita nota fuit, quæ Galeni sentētia  
ex ocio crescit. certē hepialam omnes nouerunt.  
ergo continentia uictus in causa esse non potuit.  
nam quæ hepialā facit, copiosior est, quam quæ  
solum rigorem comittit; sed uictus frugalitas in  
causa fortē fuit, ut apud ueteres & hepiala &  
rigor ex hac pituita rariores q̄ apud nos essent.

INDE QU E factum est, ut scripserint  
antiqui medici, rigori febrem necessario  
superuenire. Verūtamen tum nos ipsi, tum  
alij iuniores medicorum non pauci sæpe-  
numero uidimus rigorem, quem nulla se-  
quuta sit febris. Porro componitur ex hac  
intemperie, & illa quæ febricitantium est,  
Hepialus. Appello ita febrem illam, cui am-  
bo semper accidunt.

Rigore magnū aliquem non autē momenta-  
neū intelligere oportet. nā modica bilis, dum per  
habitū fortē fortuna moueretur, rigore leuiore  
aliquādo inducet, neq; semper febris sequetur.

AT in qua rigor quidem præcedit, fe-  
bris sequitur, ueluti in tertianis & quarta-  
nis

nis: hanc Hepialum uoco.

*Rigorem nunc cōmuniter appellat: alioqui in quartanis horror est. Oportet autē hæc omnia in legitimis accipere. nam in illegitimis sæpe hi variantur: atq; tertiana subinde frigus, quotidiana etiam horrorem aliquando parit, quartana uero frigus. Cause horum dicentur alibi.*

ITA ex duplici inæquali intemperie Hepialus componitur, etiam aliæ febres: præter hæcicas fere omnes.

*In alijs febribus raro calor & frigus committuntur. Itaq; nescio cur etiam his duplicem inæqualem intemperiem describit: fortē quia frigus præcedit, ac calor sequitur. ita dixit, forsità inæqualitatem alteram ex siccitate æstimauit. non enim febris tantum calida est, sed & sicca, credo ego quòd de ea inæqualitate loquitur, quæ inter augmentum & principiū oritur: non enim subito frigus soluitur, aut calor accenditur, sed inter utrūq; cōflictatio quædā hoc tēpore oritur.*

SIMILI genere qui particulæ alicuius cum tumore morbi sunt; hi quoque omnes perinde ac phlegmone cum intemperamento inæquali consistunt, cancer, erysipelas, carbunculus, herpes, tumor, phagedæna, gāgræna: quippe commune ijs omnibus est, ut ex fluxione humorum sint orta. Dissident in eo, quòd alij ex pituitoso, alij ex bilioso, uel melācholico succo, alij

ex sanguine uel calido, uel tenui, uel bul-  
 liente, uel frigido, uel crasso, uel alio quo-  
 piam genere affecto fiant. Declarabitur e-  
 nim alio loco de horum membratim dif-  
 ferentia diligenter. Quod ad propositam  
 disputationem pertinet, hoc tantum dixi  
 se abunde est, quod qualiscunq; est fluxio,  
 eadem ratione quenque prædictorum af-  
 fectuum creat, qua prius ex calida & san-  
 guinea phlegmonen gigni monstraui-  
 mus. Sed non minus etiam simularium ac simpli-  
 cium primorumq; in ijs corporum singula  
 sic à fluctatione affecta ad inæqualem intem-  
 periem deuenient.

*Humor qui decubuit, suo more particulam  
 uitiat: est autem humor uitiatuſ ferè ſuapte na-  
 tura, ut qui qualitate peccat: & ſi fortè quanti-  
 tate ſola delinquat, plerunque effuſuſ, integrita-  
 tem non ſeruat. omitto quòd cum loci temperas-  
 tura raro aut nunquam conuenit, etiamſi quàm  
 maxime prioris temperaturæ compoſ mancret.  
 non poteſt enim naturalis pituita, aut bilis, inter-  
 norum uiſcerum aut externæ carniſ, in quam for-  
 te incubuit, priorem temperaturam non uitiare,  
 ſed paulatim ſuum nocumentũ ad reliqua tranſ-  
 fert: quæ quidem diuerſa corporis temperamen-  
 ta efficiunt, ſed ut mihi apparet, ad diuiſionem  
 inæqualis temperaturæ parum conferunt.*

CAETERVM extrinſecus pro reu-  
 matis

matis ratione calefacta, refrigerata, siccata uel humectata, penitus & in profundo nō dum similiter affecta.

*Videtur esse noua sententia: reuera tamen una est, & cum alia coniuncta: proinde pro, Cæterum, ego, Quidem, legam. ita enim Græca habet, sed & finis orationis huius in Græca lectione aliter iacet: ut sit sensus, Fere qualibet materia dum incumbit, inaequalem intemperiem parit. Nam exterior pars pro reumatis ratione simpliciter est incalfecta aut refrigerata. Interior uero ac distantior, nondum. Inde iterum patet, quod inaequalem intemperiem uocat diuersam diuersarum partium intemperiem.*

*QVOD si tota per tota mutata alterataq; sint, fiunt quidē ilico à dolore libera, in difficili tamē sic cōstituta sunt statu. Hec prænouisse his qui opus de medicamentis sunt percepturi, & post id medendi metho dum abunde mihi satis uidetur.*

*Nō est huius causa, quia caliditas maior: aut ut neoterici fere asserunt, quia intensior. nam id experientia redarguit: sed quia subiectum ipsius est solidum: nam ferè eo qualitas pertinacior, quo eius substantia sit densior. omitto quod siccitas, quæ calori coniuncta est, maiorem difficultatem pariat. Iam prior febris magna ex parte calorem naturalem digessit, pro quo nunc ipsa suas reliquias impressit. uerum & hæc nunc cōti*  
nue

*nue diminuuntur, quemadmodum paulò antè  
 calor naturalis: quo fit, ut in moribundis iam  
 utriusq; qualitas remissa sit. Calor ergo natura-  
 lis & febrilis non tantùm differunt ordi-  
 ne, sed & substantiæ (ut sic dicam)  
 conditione. atq; omnino calor  
 febrilis siccus, naturalis  
 humidus, ac sua-  
 vis. ac tan-  
 tum de  
 temperamentis egrorum  
 ac sanorum.*

\*